

宋元學案補遺卷九十七

目錄

慶元黨案補遺

紹熙爭過宮者

尤先生袤

詳見象山學案

葉先生適

詳水心學案

黃先生度

詳見止齋學案

羅先生點

詳見龜山學案

黃先生裳

詳見二江諸儒學案

宋元學案補遺

目錄

四明叢書
約園刊本

汪先生安仁

慶元黨案

曾任宰執者

補留先生正

曾任待制以上者

補鄭先生湜

補黃先生由

補何先生異

補孫先生逢吉

餘官

補李先生祥

武臣

補皇甫先生斌

士人

補楊先生宏中

補蔣先生傳

補徐先生範

又未入案者

宋元學案補遺

二四明叢書
納園刊本

楊先生萬里 詳見趙張諸儒學案

李先生修己 詳見二江諸儒學案

家先生大酉

郭先生泰亨

趙先生師邦 別見滄洲諸儒學案補遺

附攻慶元道學者

補李沐

補張巖

補汪義端

補
余嘉

補
張貴謨

王信

張叔椿

楊寅

嘉定端平淳祐更化案

宋元之際儒學表

附晚宋詆訾諸儒者

補
周密

沈仲固

宋元學案補遺 目錄

二 四明叢書
約園刊本

宋元學案補遺卷九十七

後學 鄧王梓材同輯
慈谿馮雲濠

慶元黨案補遺

梓材謹案紹熙爭過宮者大半卽慶元諸儒故于慶元黨案之前特載爭過宮諸公并附嘉定端平淳祐更化案

紹熙爭過宮者

文簡尤遂初先生表 詳見龜山學案

忠定葉水心先生適 詳水心學案

宣獻黃文叔先生度 詳見止齋學案

宋元學案補遺 卷九十七 四明叢書 約圖刊本

文恭羅此庵先生點 詳見象山學案

忠文黃兼山先生裳 詳見二江諸儒學案

教官汪先生安仁

汪安仁字□□績溪人慶元進士授學錄紹熙中率太

學生三百二十八人入奏請朝重華宮不報仕終興國

軍教官 江南通志

慶元黨案

曾任宰執者

補 忠宣留仲至先生正

附錄

授南恩州陽江尉清海軍節度判官用龔茂良薦赴都堂審察宰相虞允文奇之薦于上得對公言國家右文而略武備祖宗以天下全力用于西夏承平日久邊不爲備至敵人長驅而不能支今當改轍使文武並用孝宗嘉歎

姜特立除浙東副總管尋召赴行在公引唐憲宗召吐突承瓘事乞罷相上批成命已行朕無反汗卿宜自處公待罪六利塔奏言陛下近年不知何人獻把定之說

宋元學案補遺

卷九十七

一四明叢書

約園刊本

遂至每事堅執斷不可回天下至大機務至煩事出于人無異詞可以固執事出于非則眾論紛起必須惟是之從臣恐自此以往事無是非陛下壹持把定之說言路遂塞因繳進前後錫賚及告敕待罪范村乞歸田里不許

復觀文殿大學士初劉德秀自重慶入朝未爲公所知謁公客范仲黼請爲言公曰此人若留之班行朝廷必不靜乃除大理簿德秀憾之至是爲諫議大夫論公四大罪褫職自是彈劾無虛歲

或問范仲讜留趙二公處變不同如何仲讜曰趙同姓之卿也留則異姓之卿反覆之而不聽則去問者以爲名言

朱子語類曰留丞相以書問詩集傳數處先生以書示學者曰它官做到這地又年齒之高如此雖在貶所亦不閒度日公等豈可不惜寸陰

梓材謹案一統志張留書院在歸善縣西南石埭山宋丞相留正祕書郎張宋卿少時共學于此廣東黃志謂張留書院在羅浮山水簾洞後張宋卿留正爲布衣時講學于此則又在博羅黃志載張宋卿墓在羅浮山白蓮池云宋卿以春秋爲天下第一至肇慶守卒于官年四十二張之仕履可知

宋學集補遺 卷九十七

三四明殿書 約園刊本

矣

曾任待制以上者

補文肅鄭補之先生滉

梓材謹案先生于光宗初爲祕書郎時又有鄭滉字里未詳光宗紹熙元年官從政郎進治術十卷爲卜先生與論之一辟疆園宋文選載其君體論一篇秀水莊氏南宋文範錄其國體論三篇

附錄

鄭補之草趙忠定罷右相制略曰頃我家之多難賴碩輔之精忠持危定傾安社稷以爲悅任公竭節利國家無不爲旣隆翊戴之勲尙期啓沃之助力陳忱悃祈避

煩言以無貶辭免兼學士院未幾罷去

補少師黃盤野先生由

雲濠諱案姑蘇志載先生累除權禮部尚書兼吏部將大用之會知綿州王沈朝辭乞詔廟堂銓選若嘗受偽學薦舉陞改及眾論指爲偽黨者籍記姓名且與勿用由入奏謂人主不可待天下以黨與不必置籍以示不廣繼擢沅利路轉運判官先生亦出知成都又云官至正奉大夫自號盤野居士

補尚書何月湖先生異

梓材謹案無州崇仁分析樂安吳草廬誌何子宏墓所云樂安尚書學問四方卽謂先生

附錄

宋學案補遺 卷九十七

四明叢書 約園刊本

擢監察御史時光宗愆于定省先生入疏諫不報約臺官聯名言姦人離間父子當明正典刑又不報句外

權工部尚書告老抗章言近臣求去類成虛文中外相觀指爲禮數無以爲風俗廉恥之勸

補獻簡孫靜閣先生逢吉

梓材謹案樓攻媿爲先生神道碑言其祖叔遇通經博古侷儻有奇節雅不喜王氏學棄科舉不就尤爲里人所推晚以經旨授諸孫卒昌其家云又言先生晚歲自號靜閣居士

附錄

始授萍鄉縣公以學道愛人爲心不爲赫赫名而慘惻

惠利之政出于至誠

會部中會食吏密報優人王喜除閣職公卽言于上前效朱侍講進趨以儒爲戲者豈可令污閣職卽抗疏力爭之同列密以告侂冑時王喜之命實未出遂以誣詆出知太平州

餘官

補
肅簡李先生祥

附錄

先生直諒老成過惡揚善以植公論因罹黨籍

宋元學案補遺

卷九十七

五四明叢書

約園刊本

葉水心誌其墓云冲然無去來而爲心者公心也漠然無重輕而爲言者公論也公本于公心以發公論趙公之誣賴以明道學之禁賴以解殆天意非人力也

武臣

補
統制皇甫先生斌

雲濠謹案四庫書目提要云慶元黨禁所錄僞黨共五十九人如楊萬里嘗以黨禁罷官而顧未入籍薛叔似晚歲改節依附權奸皇甫斌猥瑣梯榮儂軍辱國侂冑旣敗之後復列名韓黨與張巖許及之諸人並遭貶謫其姓名亦並見此書豈非趨附者繁臬鸞並入之一證哉
梓材謹案朱子書伊川先生易傳板本後曰華山皇甫斌嘗讀其書而深好之蓋嘗大書深刻摹以

予人惟恐傳者之不廣而讀者之不多也顧又來請其所以讀之之說竝不敢讓輒書此以遺之此非武人恐別一人也不然則皇甫氏之得列于慶元黨案者蓋亦有由矣

梓材又案朱子別集與皇甫文仲書七第一書言遣人至九江市省馬第二書言辟書已下否行之遲速若有嚴君之命不必遷延賁之初九其義甚明云云第三書言治教場第四書言易傳跋語未敢容易卽謂伊川易傳書後也上文稱以太尉第五書言南軒必朝夕相見講論深有深趣又云所喻易說實未成書未敢有所吝于賢者然其義理不能出程傳但節得差簡略耳大抵讀書且當盡心于一家之說不可如貪慕疑惑況在今日老兄讀書便要道理受用又與章句儒生事體不同但子細反覆看教程傳浹洽或更就上自節出緊要處看尤當得力也據此則先生以武人而好易嘗問學于朱張者矣第六書言其爲荆渚之行弓弩甚荷留意第七書云朋友數人往遊北山因欲請

宋學案補遺

卷九十七

六四明藏書

約園刊本

見太尉公以觀軍容之盛所謂太尉公者未知卽先生否也

士人

補知軍楊先生宏中

附錄

嘉定八年夏旱上封事指切無隱遷武學博士改宣教郎時諫官應武論一學官先生季試策士及其故武聞而銜之秋戊祀武成王祭酒行事故事博士攝亞獻至是不命先生先生白于祭酒于是武劾先生與同列競且謂激矯不自愛遂通判潭州

補
大學蔣先生傳

附錄

家則堂書蔣象夫諫草後曰嘗聞前史官秀巖李公言
慶元六君子伏闕論救趙相三山楊公倡其議廣信蔣
公爲之屬稿願從者四人書旣上權姦盛怒將中以危
法願從者或咨嗟涕洟自悔恨始謀不審楊公正色叱
之蔣公語之曰書成吾手禍若不測吾當告有司身任
其咎諸君得少寬耳其人收淚謝之旣而俱貶嗚呼如
楊蔣二公所謂偉然豪傑之士眇萬夫而獨立者也論
者乃謂六君子上書楊公爲倡仕不克大顯蔣公屬稿
竟無所成以歿造化之理爲未可曉鉉翁謂不然君子
之爲善非徼後福而爲之也使二公得爲端嘉法從富
國家多事時碌碌無所建明保富貴以歿見鄙清議不
若全慶元上書之合名垂之汗青以詔方來之爲愈也
然則世以爲二公恨蓋二公含笑于九京矣

補
朝奉徐先生範

附錄

知邵武軍尋召赴行在言功利不若道德刑罰不若恩

厚雜伯不若純王異端不若儒術諛佞不若直諫便嬖
不若正人奢侈不若詩書盤遊不若節儉玩好不若宵
衣旰食窮黷不若偃兵息民是非兩立明白易見幾微
之際大體所關積習不除治道舛矣

又未入案者

文節楊誠齋先生萬里

詳見趙張諸儒學案

知州李先生修己

詳見二江諸儒學案

文節家先生大酉

家大酉眉州人則堂之祖以成都府教授列于朱文公

宋學案補遺

卷九十七

八四明叢書

約園刊本

學黨之籍

家氏春秋詳說跋

雲濠謹案先生元祐黨人愿之曾孫萬姓統譜載
先生舉進士初授昭化縣主簿吳曦叛蜀先生不
受逆儔之招遂被召用累官工部侍郎與史嵩之論不合罷去卒諡文節

都廂郭先生泰亨

郭泰亨字亨甫麗水人淳熙進士會呂大愚祖儉詆韓
侂胄貶韶州先生固交大愚因贖其行坐黨禁解注
清流縣令擢臨安府城南都廂時史彌遠當國有上書
忤其意者繫獄委官鞫問先生辨其無罪不肯枉置于
法彌遠怒遂致仕歸

括蒼彙紀

判官趙先生師邾 別見滄洲諸儒學案補遺

附攻慶元道學者

補 正言李□□沐

李沐德清人忠文彥穎之子慶元中興一時嘉諫排趙

忠定汝愚善類一空公論醜之 宋史

補 參政張閱靜巖

張巖字□□號閱靜老人官至參知政事

附錄

魏鶴山序閱靜老人文集曰盡閱公之出處蓋自早歲

宋學案補遺 卷九十七

九四明巖書

約園刊本

于趙忠定公朱文公咸知師慕其策進士也孜孜于中庸之書其贈陳處仲亦眷眷于伊洛之學始自植立蓋若此而卒不能盡如其志也

補 知州汪充之義端

汪義端字充之黟人簽樞勃之孫甫弱冠遂登第廷對

第三人歷知婺州帥隆興後知鄂州卒 姓譜

補 通直余若蒙嘉

余嘉字若蒙龍溪人淳熙進士任惠潯二州教授進聖域記特授浙西倉幹復進皇朝職官志高宗政範差監

樞密院激賞庫進資時十論伏闕上書論韓侂胄又力
沮和議復爲古鑑錄以進又論邊事進天文類例括象
志改通直郎主管獄祠所著周禮解禹貢考春秋地例
增釋紀年錄雜論五音姓譜 道南源委

梓材謹案道南源委原本作余嘉茲從閩書改作
余嘉二書皆言其論韓侂胄似亦節義之士無如
其爲選人時乞斬
大儒得罪名教也

補
朝議張子智貴謨

張貴謨字子智遂昌人由進士主吳縣簿教授撫州宰

江山縣官至朝議大夫 括蒼彙記

宋史卷補遺 卷九十七

十四朝叢書

約園刊本

梓材謹案子智著有詩說三十
卷見宋史藝文志經義考云佚

王信

王信

張叔椿

張叔椿

楊寅

楊寅

慶元黨案附錄

袁甫重修白鹿書院記曰權臣力持和議擯棄忠良宴

安江化不念警斯道又幾鬱矣而所以修明植立者則乾淳諸儒正誼明道之力也

真西山跋蜀人游監簿慶元黨人家乘曰慶元初眾賢盈廷人稱爲小元祐而侂冑以區區鷓弁乃欲祖章蔡故智一網而空之于是姦黨之名以立

牟子才聚散劄子曰慶元初趙汝愚相凡一時知名之士朝除暮拜略已無遺姦儉小人相與爪目而感怨恨之餘亟引非類布居臺諫于是汝愚引用之人以次而去大者貶竄小者斥退而舉幡六士屏竄朋黨之禁愈嚴士大夫之禍愈酷是慶元之人才散于嫉專門而禁道學其爲禍又不止于散也

王深寧困學紀聞曰元祐之黨劉元城謂止七十八人後來附益者非也慶元之黨黃勉齋謂本非黨者甚多羣小欲擠之借此以爲名耳

楊升庵外集曰劉安世嘗云願士大夫有此名節不願士大夫立此門戶此元祐之士病黃履翁云願士大夫務道學之實不願士大夫立道學之名則淳熙以後士病也黨籍僞學之禁雖小人無忌憚亦君子有以招之

也

嘉定端平淳祐更化案

袁甫重修白鹿書院記曰開禧權奸竊弄威福誣正人爲僞學借恢復以開邊斯道又幾墜矣而所以修明植立者則嘉定更化諸儒正誼明道之力也

劉後村跋山谷書范滂傳曰本朝黨論屢興事與漢唐同而治亂與漢唐異蓋列聖至仁至明靜觀徐察竦夷簡指富范爲黨魁而昭陵隨悟章蔡請斲君實晦叔棺族莘老而泰陵不聽檜欲按誅趙元鎮等家族上賴思

朱子集傳遺

卷九十七

十二四明叢書

約園刊本

陵保全侂胄誣陷忠定主禁道學因而廢錮名流茂陵一旦奮發雪忠定弛學禁而羣賢復用矣三百餘年之間邪說終不能以勝正論小人終不得以勝君子雖更陽九百六之會適以開一馬渡江之業歷丙午丁未之厄晏然享太乙臨吳之福有以也夫

淳祐丁未八月二十六日蔡杭延和殿奏劄曰攷之我朝慶曆初仁宗登用范仲淹韓琦于政府一時士大夫莫不酌酒相慶其後擢文彥博富弼爲相廷臣亦往往相賀元祐初宣仁相司馬光雖兒童走卒亦歡呼于道

紹興初高宗相趙鼎朝士動色相慶其後張浚再召衛
士以手加額如陛下端平更定登用臣德秀臣了翁淳
祐更化登用臣範臣侃制下之日朝野懽然蓋人心信
之知其必忠我國家也惟王安石參知政事則呂誨諸
人疑之惟蔡京爲右僕射則命出而中外駭之惟童貫
王黼相繼執政則天下疑其必階禍亂惟秦檜自虜歸
再相則天下疑其必爲姦細惟曩者權臣自外入相則
舉朝之臣以爲不可及經營起復則若士若民莫不痛
哭以諫蓋人心疑之知其必誤我國家也近者陛下起
新參于家食命下之始舉朝失色以爲一陰生矣未幾
而中書舍人言之給事中言之起居郎移書責之及其
至也都堂之聚宰執不敢與之言批答之詔詞掖不敢
與之草羣情惶惑眾論沸騰陛下試觀祖宗用人其有
拂公議拂人心犯天下之疑若是者乎設有拂公議人
心犯天下之疑而用如安石京黼檜等輩未有不誤
國者也

梓材謹案蔡久軒所指新參蓋謂參知政事別之
傑黨于史嵩之不叶物論見葉采所作文肅墓誌

寶祐癸丑七月十六日蔡杭上殿奏劄曰陛下更歷之

久靜觀熟矣設使朝廷常如紹定之前而無端平之君子其能國乎常如甲辰之前而無乙巳之君子其能國乎常如辛亥之前而無壬子之君子其能國乎蓋後日之安靖正以前日君子不苟安苟靖之力也

牟子才聚散劄子曰陛下卽位幾三十年君子之類凡三聚而三散矣端平親政一聚散也甲辰改祀二聚散也丁未更化三聚散也今日二相並建公道復明加璧招旌翕少聚矣然方剛忠鯁者淹之外服魁壘卓傑者屈之家食抱負耿介者多鬱沈謹守端靖者罕拔擢或者猶以爲未聚也來者不日而族去居者靡固而易搖落如星辰索如霜葉則又幾于散矣

宋元之際儒學表

宋理宗紹定六年癸巳

蒙古窩闊台五年一作烏格台

十一月以洪咨夔王遂爲監察御史

六月取洛陽以孔元措襲封衍聖公從耶律楚材之請也

端平元年甲午

六年

正月金亡
四月獻金俘于太廟論功行賞有差
五月賜黃幹李燔李道傳陳

宓樓昉徐暄胡夢昱等謚錄
其子

十月詔真西山德秀進講大
學衍義

端平二年乙未

七年

六月以鄭清之喬行簡為左
右丞相兼樞密使

端平三年丙申

八年

二月召魏了翁還簽書樞密
院事固辭不拜
四月下詔罪己

嘉熙元年丁酉

九年

正月以李悅齋稟同知樞密
院事宣撫四川

八月校儒士于諸路

宋元學案續遺 卷九七

十五 四明叢書
約園刊本

二月詔經筵進講朱熹通鑑
綱目

三月魏鶴山卒

嘉熙二年戊戌

十年

二月以史嵩之參知政事
六月李悅齋卒

十月建太極書院于燕京

嘉熙三年己亥

十一年

十二月以陳埴為園子司業

嘉熙四年庚子

十二年

閏十二月嚴實卒子忠濟

淳祐元年辛丑

十三年

正月黜王安石從祀
八月求遺書

十一月高闢台殂第六后
乃馬真氏稱制

淳祐二年壬寅

乃馬真氏一年

正月以徐榮叟參知政事
六月徐榮叟罷

燕京行省郎中姚樞棄官
隱于蘇門

淳祐三年癸卯

二年

中書令耶律楚材以憂卒

淳祐四年甲辰

三年

九月詔起復史嵩之將作監
徐元杰太學生黃愷伯等上
書論之不報
十月以劉漢弼爲左司諫
十一月詔史嵩之終喪

宋學案補遺 卷九十七

十六四明叢書

約園刊本

淳祐五年乙巳

四年

正月以李性傳簽書樞密院
事

淳祐六年丙午

定宗貴由元年 一作庫裕克

六月以陳韓參知政事
十二月詔史嵩之致仕

淳祐七年丁未

二年

四月以王伯大簽書樞密院
事吳潛同簽書院事
七月吳潛罷

淳祐八年戊申

幹兀立海迷失一年

七月應縣同知樞密院事

貴由殂后幹兀立海迷失
稱制

淳祐九年己酉

閏二月應縣謝方叔參知政事

五月陳韓罷
十一月應縣罷

二年

淳祐十年庚戌

三月以賈似道為淮南制置大使李曾伯為京湖制置使

三年

淳祐十一年辛亥

三月吳潛參知政事

憲宗蒙哥元年

六月兀良合台等推蒙哥即位

淳祐十二年壬子

十一月詔求直言時臨安大火三日乃熄

二年

淳祐十二年壬子

卷九十七

十七四明校書
約園刊本

寶祐元年癸丑

七月資政殿學士余玠暴卒

三年

寶祐二年甲寅

六月加賈似道同知樞密院事

四年

正月忽必烈以姚樞為京兆勸農使
十一月忽必烈以廉希憲為京兆宣撫使

寶祐三年乙卯

三月以王埜簽書樞密院事
六月以丁大全為右司諫罷

五年

二月忽必烈徵許衡為京兆提學

監察御史洪天錫
八月王埜罷以董槐為右丞相兼樞密使程元鳳簽書樞密院事蔡杭同簽書院事

寶祐四年丙辰

六月丁大全遂右丞相董槐九月城開平用

六年

寶祐五年丁巳

正月召吳淵參知政事淵未至卒

七年

寶祐六年戊午

二月以馬光祖爲京湖制置使

八年

開慶元年己未

十月丁大全有罪免

九年

七月蒙古殂于合州城下

景定元年庚申

世祖忽必烈中統元年

宋元學案補遺

卷九十七

十四 四明叢書

約園刊本

七月蒙古使郝經來修好賈似道幽之于真州

四月忽必烈卽位召寶默許衡至開平

五月以王鶚爲翰林學士承旨

七月使翰林侍讀學士郝經入宋修好

景定二年辛酉

中統二年

正月詔皇太子釋奠孔子七月竄吳毅夫潛于循州

四月聽儒士被俘者贖爲民五月以姚樞爲太子太師

寶默爲太子太傅許衡爲太子太保皆辭不拜

景定三年壬戌

中統三年

十月以楊棟簽書樞密院事葉夢鼎同簽書院事

正月修孔子廟

十一月竄丁大全于新州道死

景定四年癸亥

二月詔賣民田置官領之
罷翰林學士徐經孫

中統四年

正月以姚樞為中書左丞
七月以廉希憲為中書平
章政事商挺參知政事

景定五年甲子

三月增公田官于平江諸路
七月彗星出中外上書乞罷
公田賈似道力求去位詔勉
留之黜配臨安府學士葉李
等于遠州
九月行經界推排法
十月理宗崩度宗卽位

至元元年

八月以劉秉忠為太保參
預中書省事
入都于燕仍號中都

宋王孫家補遺

卷九十七

十九

四明叢書
約園刊本

度宗咸淳元年乙丑

二月以姚希得參知政事江
萬里同知樞密院事王爚簽
書院事
閏五月以江萬里參知政事
王爚同知樞密院事馬廷鸞
簽書院事

至元二年

十月命許衡議省事衡辭
不許

咸淳二年丙寅

正月江萬里罷
四月姚希得王爚罷
五月以王爚參知政事留夢
炎同知樞密院事包恢簽書
院事

至元三年

七月以張德輝參議中書
省事

咸淳三年丁卯

至元四年

正月帝釋桀于孔子以顏子曾子子思子孟子配列邵雍司馬光于從祀又升顏孫子于十哲
二月以賈以道平章軍國重事三日一朝治事都堂

正月許衡謝病還懷孟

咸淳四年戊辰

至元五年

四月奪觀文殿大學士惠國公謝方叔官
是年何北山卒

咸淳五年己巳

至元六年

正月葉夢鼎上疏乞致仕不待報而去
三月馬光祖知樞密院事
五月馬光祖罷

宋元學案補遺

卷九十七

二十一

朔園刊本

咸淳六年庚午

至元七年

正月江萬里罷
四月罷直學士院文天祥
八月詔賈似道十日一朝入朝不拜

以許衡爲左丞

咸淳七年辛未

至元八年

十二月初置士籍

六月以許衡爲集賢大學士兼國子祭酒
十一月改國號曰元

咸淳八年壬申

至元九年

六月竄資政殿大學士皮龍榮于衡州道卒
十一月馬廷鸞罷

咸淳九年癸酉

三月置機速房于中書
四月以汪立信為京湖制置使
使趙潛為沿江制置使

至元十年

七月許衡乞罷許之

咸淳十年甲戌

七月度宗崩帝昀即位
罷京湖制置使汪立信
十一月以陸秀夫參議淮東
制置司事
十二月詔天下勤王
是年王魯齋卒

至元十一年

八月太保劉秉忠卒

恭帝德祐元年乙亥

二月元陷池州趙卯發死之
元陷饒州知州事唐震故相

至元十二年

宋史卷九十七

二十四

江古心萬里死之
張世傑將兵入衛遂復饒州
江西提刑文天祥起兵勤王
湖南提刑李芾遣兵入援
遣元行人郝經還經至燕卒
賈似道有罪免
端明殿學士江淮招討使汪
立信卒于軍
三月復吳潛向士璧官貶竄
賈似道黨人有差
六月以王煥平章軍國重事
七月放賈似道于循州籍其
家
八月以李芾知潭州文天祥
知平江府
十一月召文天祥入衛

德祐二年丙子

至元十三年

正月元破潭州湖南鎮撫大
使知州事李芾死之

元呂師夔寇江東謝枋得迎
戰敗績

吳堅文天祥如元軍伯顏執
天祥遣堅還

以家鉉翁簽書樞密院事
二月元人以文天祥北去

三月元伯顏入臨安以帝及
皇太后全氏福王與芮等北

去
文天祥自鎮江亡入真州遂
浮海如溫州

五月端宗即位于福州炎景
年

張世傑為樞密副使陸秀夫
直學士院

文天祥至自溫州以為樞密

宋孝宗皇帝 卷九十七

至元十四年 綱目列本

使同都督諸路軍馬
元廢德祐帝為瀛國公

罷直學士院陸秀夫
七月文天祥開府南劍州經

略江西
十月文天祥帥師次于汀州

十一月秀王與禪與元兵戰
于瑞安敗績死之

端宗景炎二年丁丑

至元十四年

正月文天祥移民漳州汀守
黃去疾及吳浚降元

二月文天祥誅吳浚
三月文天祥復梅州

四月張世傑復潮州文天祥
引兵自梅州出江西

六月文天祥敗元軍于粵都
八月元李恆襲文天祥于隆

興縣天祥兵潰走衢州諸將
登信趙時賞等皆死之
十月以陸秀夫同簽書樞密
院事

景炎三年戊寅

至元十五年

二月以許衡領太史院事

三月文天祥收兵復出麗江

四月端宗崩衛王昺即位

六月帝遷新會之厓山

七月湖南制置使張烈良等

起兵應厓山與元阿里海涯

戰敗死之

八月加文天祥少保信國公

張世傑越國公

十一月元張宏範襲執文

天祥于五坡嶺

卷九十七

王國明

十二月元西僧楊璉真加發

衛王祥興二年己卯

至元十六年

二月張世傑與元張宏範戰

于厓山世傑兵潰陸秀夫負

帝赴海死之世傑復收兵至

海陵山舟覆而死宋亡

十月文天祥至燕不屈元人

囚之後四年見殺

附晚宋詆訾諸儒者

補縣令周公謹密

周密字公謹號草窗錢塘人工詩典雅兼善畫晚乃歸

老弁山號弁陽老人半軒集有題周草窗畫像曰宋運

約圖刊本

既徂杭有弁陽周草窗志節不屈觀其自贊之詞可概見焉蓋未亡婺州七邑令不仕元者惟長山令陳天瑞

義烏令周密云所著書曰志雅堂雜志齊東野語浩然

齋視聽鈔絕妙好詞藝流供奉志賀洲漁笛譜

金華徵獻略

雲濠謹案袁清容述先大夫師友淵源錄云周密與陳厚韓翼甫李義山咸淳初爲運司同僚俱有吏才又云周中丞祕曾孫晚歲以鑿賞遊諸公微失雅道然周之失不在此也中丞祕在紹興間勃胡文定密爲曾孫而亦詆訾諸儒何其克肖乃祖耶又案清容爲作復庵銘

沈仲固

沈仲固吳興人嘗言道學之名起于元祐盛于淳熙其

李老學案補遺 卷九十七

三四 四明叢書

約園刊本

徒有假其名以欺世者真可以噓枯吹生凡治財賦者則目爲聚斂開闢扞邊者則目爲麤材讀書作文者則目爲玩物喪志留心政事者則目爲俗吏其所讀者止四書近思錄通書太極圖東西銘語錄之類自詭其學爲正心修身齊家治國平天下故爲之說曰爲生民立極爲天地立心爲萬世開太平爲前聖繼絕學其爲太守爲監司必須建立書院立諸賢之祠或刊注四書衍輯語錄然後號爲賢者則可以釣聲名致廩仕而士子場屋之文必須引用以爲文則可以擢巍科爲名士否

則立身如溫國文章氣節如坡仙亦非本色也于是天下競趨之稍有議及其黨必擠之爲小人雖時君亦不得而辨之矣其氣節可畏如此然夷考其所行則言行了不相顧率皆不近人情之事異時必將爲國家莫大之禍恐不在典午清談之下也

癸辛雜談續集

宋元學案補遺卷九十八

目錄

荆公新學略補遺

新學所出

王先生軫

王氏門人

賈先生昌朝

荆公先緒

王先生益

宋元學案補遺 目錄

四明叢書
約園刊本

王先生安仁

荆公師承

張先生鑄

杜先生子野

譚先生昉

歐賈門人

補王先生安石

補都官家學

補王先生安禮

補 王先生安國

譚氏家學

譚先生揆

荆公講友

孫先生倅

王先生令

別見士劉諸儒學案補遺

王先生回

詳見廬陵學案

胡先生舜元

王先生介

宋元學案補遺 目錄

姚先生闕

別見廬陵學案補遺

求先生仲弓

杜先生嬰

徐先生仲堅

征先生集

荆公學侶

補 宋先生保國

荆公同調

江先生樸

附子炳

曹先生確 附從子瑛璉

劉先生涇 別見邱劉諸儒學案補遺

房先生審權

附傳

黃先生介 父畫

張先生砥

補之先緒

王先生君玉

陸氏先緒

陸氏先緒 目錄

陸先生軫

陸先生琮

陸氏師承

呂先生宏

荆公家學

補 王雱

王先生景

荆公門人

補 龔先生原

補 王先生无咎

補 陸先生佃

補 汪先生澥

補 鄭先生俠

補 陳先生祥道

錢先生景臻

鮑先生慎由 別見蘇氏蜀學略補遺

王先生伯起

韓先生宗厚 別見范呂諸儒學案補遺

宋學案補遺

目錄

四

四明叢書

約園刊本

楊先生驥

吳先生孝宗

張先生僅

顧先生棠 合傳

吳先生點

楊先生訓

孫先生適 父抗附弟遞

沈先生銖

周先生種 附弟秩

楊先生作 別見安定學案補遺

黃先生朝英

方先生惟深

馬先生仲舒

張先生文剛

沈先生季長

王先生沈之

成先生倬

口先生行季

宋元學案補遺 目錄

五四明鏡書

約圖刊本

別附

補 呂惠卿

補 蔡京

補 蔡卞

補 楊畏

呂升卿

董必

葉濤

李定

薛昂

從新學者

補馬先生希孟

補方先生慤

補王先生昭禹

補鄭先生宗顏

補耿南仲

補王安中

章先生綜

宋高宗朝
目錄

六四
初版書

約國刊本

張先生綱

陸氏講友

傅先生常

汪氏同調

汪先生襄

附兄奕

聖時講友

林先生子充

附林仲嘉

附傳

莊先生徽

平甫門人

霍先生漢英

李先生公弼

合傳

詹先生朴

見下補之門人

葉濤

見上荆公門人

校理家學

王先生渙之

王先生沈之

見上荆公門人

野民家學

宋元學案補遺 目錄

七十四 明叢書 續編 刑本

王先生端禮

別見濂溪學案補遺

野民門人

蕭先生世京

胡先生變

楊先生純師

龔氏門人

李先生之儀

林先生晞顏

林先生晞孟

合傳

龔氏私淑

趙先生峻

補之家學

王先生綢

王先生縉 合傳

補之門人

詹先生抃 父誼附兄揚

放翁師承

唐先生意

宋學案補遺 目錄

八

四明叢書
約圖刊本

陸氏門人

李先生知剛 附兄知柔

黃先生彥

朱先生翫 合傳

韓先生羽 合傳

許先生安世 父拯

黃先生特

黃先生揚 合傳

石先生景舒

石先生景愈 合傳

石先生景完 合傳

石先生景洙 合傳

卜先生彊本 附弟端本復本

俞先生方

鄭先生襲

鄭先生云 合傳

沈先生懋

汪氏門人

案學案補遺 目錄

九 四明叢書

續圖刊本

汪先生藻 別見士劉諸儒學案補遺

鄭氏家學

鄭先生嘉正

鄭氏門人

楊先生驥 見上荆公門人

林先生光朝 詳艾軒學案

鄭氏私淑

黃先生祖舜 詳見武夷學案

陳氏家學

補
陳先生賜

陳氏門人

章先生粹

聖時家學

王先生蘊 詳震澤學案

吳氏門人

汪先生藻 別見士劉諸儒學案補遺

楊氏家學

楊先生公度

宋元學案補遺 目錄

元長門人

葉先生夢得

荆公私淑

華先生鎮 附子初平

林先生之奇 詳見紫微學案

熊先生蕃

初寮家學

王先生秬 別見安定學案補遺

莊氏家學

十四
明鏡齋
鈔圖刊本

莊先生安常

龔氏續傳

龔先生楫

龔先生頤正

父相

林氏家學

林先生崧孫

別見趙張諸儒學案補遺

元錫家學

補陸先生游

放翁講友

宋元學案補遺 目錄

十一

明倫彙編 家範典 幼園刊本

呂先生友德

放翁同調

王先生時敘

王先生時會

陳氏私淑

林先生子沖

詳見紫微學案

陳先生岐

葉氏門人

章先生沖

熊氏家學

熊先生克

別見劉胡諸儒學案補遺

放翁門人

戴先生式之

別見和靖學案補遺

蘇先生洵

方先生信孺

呂先生口

王氏家學

王先生密

宋學案補遺目錄

十二 四明叢書

約圖刊本

新學續傳

陳先生友仁

宋元學案補遺卷九十八

後學 鄧 王梓材 同輯
慈谿 馮雲濠

荆公新學略補遺

新學所出

尙書王先生軫

王軫字應宿大名莘縣人文正公旦之再從子也以進士官至吏部尙書宋世談經術始於先生著五朝春秋行於世賈文元昌朝其家壻也爲作經術傳而王荆公

經術實文元發之

曲洧舊聞

宋學案補遺 卷九十八

一四明叢書

約園刊本

王氏門人

文元賈先生昌朝

賈昌朝字子明其先南皮人中徙獲鹿自父葬開封而爲其縣人先生少則莊重謹密治經章解句達老師宿學譽歎以爲賢己天禧元年賜同進士出身除晉陵縣主簿國子監說書又以德化縣令兼潁川郡王院伴讀時孫寅公領國子一見聽語待以公相數舉其學問當在人主左右大臣有以親嫌者故久弗用以知宜興東明兩縣又召置國子監說書景祐元年積官至尙書都

官員外郎乃始置崇政殿說書而以先生爲之先生於傳注訓詁不爲曲釋至先王治心守身經理天下之意指物譬事析毫解釐言則感心自仁宗卽位大臣或操法令斷天下事稽古不至秦漢以上以儒術爲疏闊然上常獨意鄉堯舜三代得先生以經開說慨然皆以爲善上所質問多道德之要先生請悉記錄歲終歸之太史以直集賢院天章閣侍講史館修撰判尙書禮部判太府事天章置侍講自先生始歷官參知政事樞密使同中書門下平章事拜昭文館大學士監修國史除武

勝軍節度使判大名府皇祐元年徙鄭州旣而以觀文殿大學士判尙書都省又求任外除山南東道節度使判鄭州四年除故官侍講居頃出治許五年又涖大名安撫河北封許國公嘉祐元年以樞密使召三年又出許七年移大名凡三至魏及許鄭皆以亮惠爲治神宗卽位改節度鳳翔進封魏國治平二年卒諡曰文元年六十八所著書有春秋要論十卷羣經音辨十卷通紀八十卷本朝時令十二卷又奏議文集各三十卷

臨川集

戒子孫文

古人重厚樸直乃能立功立事享悠久之福士人所貴
節行爲大軒冕失之有時而復來節行失之終身不可
得矣

羣經音辨自序

臣聞古之人三年而通一藝三十而五經立蓋資性敏
悟材智特出者焉臣自蒙恩先朝承乏庠序逮今入侍
內閣凡二十年踰不惑裁能涉獵五經之文於五經
之道固未有所立嘗患後世字書磨滅惟唐陸德明經
典釋文備載諸家音訓先儒之學傳授異同大抵古字

案小學集補遺

卷九十八

三四明叢書

約園刊本

不繁率多假借故一字之文音詁殊別者眾當爲辨晰
每講一經隨而錄之因取天禧以來巾橐所志編成七
卷凡五門號羣經音辨一曰辨字同音異凡經典有一
字數用者咸類以篆文釋以經據先儒稱當作當爲者
皆謂字誤則所不取其讀曰讀爲讀如之類則是借音
固當具載二曰辨字音清濁夫經典音深作深音廣作
廣世或謂其儒者迂疏強爲差別臣今所論則固不然
夫輕清爲陽陽主生物形用未著字音常輕重濁爲陰
陰主成物形用既著字音乃重信稟自然非所強別以

昔賢未嘗著論故後學罔或思之如衣施諸身曰衣冠
加諸首曰冠此因形而著用也物所藏曰藏人所處曰
處此因用而著形者也並參攷經故爲之訓說三曰辨
彼此異音謂一字之中彼此相形殊聲見義如取於人
曰假與人曰假毀他曰敗自毀曰敗觸類而求其意趣
四曰辨字音疑渾如上下下之類隨聲分義所傳已
久今用集錄五曰辨字訓得失如冰凝同字汜汜異音
學者昧之遂相淆亂既本字法爰本經義從而敷暢著
於篇末此書斷自易書詩禮三經春秋三傳暨孝經論
語爾雅凡字有出諸經箋傳中者先儒之說必經著義既
釋文具載今悉取焉凡音之首音雖顯而經傳不載者
則依釋文爲解凡字之音義章灼者則不復引據音辨
之作欲使學者知訓故之言咸有所自聊資稽古之論
少助同文之化

雲濠謹案四庫全書著錄羣經音辨七卷提要云
卷一至卷五曰辨字同音異仿唐張守節史記正
義發字例依許慎說文解字部目次之卷六曰辨
字音清濁曰辨彼此異音曰辨字音疑混皆卽經
典釋文序錄所舉分立名目卷七附辨字訓得失
一門所辨論者僅九字又云釋文散見各經頗難
檢核賈氏會集其音義絲牽繩貫同異榮然俾學
者易於尋省不爲無益小學家至今不廢亦有以

七
雲濠又案先生所著字音清濁辨彼此異音辨字
音疑混辨王魯齋先生正始之音取之程畏齋載
入讀書分年日程

附錄

公少孤母日教誨之自經史圖緯訓詁之書無有不學
太平興國寺災以易春秋進戒因言可勿繕治以稱順
天愛人之意西域僧以佛骨銅象獻請加賜遣還勿示
外皆從之

景祐二年正月御延義閣命之講春秋慶曆四年三月
問輔臣三傳異同之說對曰左氏多記事公穀專解經
皆以尊王室明賞罰然考之有得失

宋學案補遺

卷九十八

五

四明叢書

約園刊本

皇祐五年十月上春秋節解八十卷

玉海

梓材謹案玉海前載先生於景祐元年十二月撰
春秋要論十卷詔令舍人院試此又上春秋節解
八十卷豈卽荆公文集
所謂通紀八十卷者耶

荆公先緒

都官王先生益

王益字舜良臨川人祥符八年舉進士及第初爲建安
主簿時尙少縣人頗易之及觀所爲乃皆大畏服官至
通判江寧府改都官員外郎卒子七人安仁安道安石

安國安世安禮安上先生爲人倜儻有大志在外當事
輒可否矯矯不可撓及退歸其家斂己下氣致孝於父
母致愛於族人之閒委曲順承一以恩自克云元豐類彙

梓材謹案南豐誌其墓云先人嘗從公游而吾又與安石友可見曾王交游所由來

梓材又案先生始字捐之張忠定爲改其字見荆公先大夫述

監院王先生安仁

王安仁字常甫都官益長子七歲好學毅然不苟戲笑
讀書二十年當慶曆中天子以書賜州縣大置學先生
學完行高江淮閒州爭欲以爲師所留輒以詩書禮易

案學案補遺 卷九十八

六四明叢書 約園刊本

春秋授弟子慕聞來者往往千餘里磨礱淬濯成就其
器不可勝數而先生始以進士下科補宣州司戶至三
月轉運使以監江寧府鹽院又三月卒年三十七有文

十五卷臨川文集

荆公師承

光祿張先生鑄

張鑄晉陵人祥符中進士甲科歷知四郡五任漕憲皆
有政績嘗帥南陽王荆公出其門後以光祿致仕姓譜

杜先生子野

杜子野宜黃人荆公幼師之

姓譜

虞部譚先生昉

譚昉曲江人刻苦積學四上計偕而親老家貧無以爲養不獲已請補吏外臺久之授海豐簿英州司理平樂令天聖中殿中丞王益守韶州延至門下教子弟後爲

虞部郎官卒

廣東黃志

歐賈門人

補文公王臨川先生安石

王荆公語

宋先學業補遺 卷九十八

七四明叢書 約圖刊本

俗之所榮罰之不能止俗之所恥賞之不能誘故君子無爲也反身以善俗而已

荆公易解

雲陰中之陽風陽中之陰

井九三求王明孔子所謂異乎人之求也君子之於君也以不求求之其於民也以不取取之其於天也以不禱禱之其於命也以不知知之井之道無他求也以不求求之而已

王深寧曰文意精妙諸儒所不及

謝山困學紀聞三箋曰何氏以爲此特輔嗣清言之
儔尙未盡其實荆公學術略具於此所謂不求求之
者卽其初年屢徵不赴之術也以不取取之者卽其
不加賦而國用足之說也以不禱禱之者一變而遂
爲天變不足畏之妄談矣豈特清言也已哉又曰荆
公作易解而不列於三經其後承其學者有耿南仲
龔原諸家然南軒頗有取於荆公之說

易泛論

柔巽隱伏制得其道則易制者魚也民之象也小人人女

宋學案補遺

卷九十八

八

四明叢書

約圖刊本

子之象也貪暴而止乎高者隼也貪竊而動乎陰者鼠
也狐疑也不果也牛順而強也羊狼也羊前其剛以觸
者也鮒物之在下汚而微者也鳥飛而止則困也雉文
明見乎外者也豹文之蔚然者也虎文之炳然者也虎
豹剛健君子大人之象也虎之搏物擬而後動動而有
獲者也鶴潔白以遠舉鳴之以時而遠聞者也鴻進退
以時而有序者也禽飲井之無擇者也豮豕之牙能畜
其剛而不可犯者也口口污穢也豚豕之微者也龜有
靈德潛見以時而不志於養者也龜人之所恃以知吉

凶者也龍天類也能見能躍能飛能雲雨而變化不測人不可係而服者也馬地類也能行而係乎人其爲有常者也鬼物之無形者也

几尊物也所馮以爲安者也牀安上以口者也車載其上以行者也輪有運動之材而非車之全也可以爲車之一器者也輿有承載之材而非車之全者也輻車輿所以行者也缶圓虛以容而應者也矢直而利乎行者也弧攻遠之器也鼎成物之器也鉉所舉鼎而行之者也鼎耳虛中以受鉉者也瓶井之上水者也甕井水之已出乎上而受之者也筐女所以承寶者也七鬯所以事宗廟社稷之器也樽酒簋貳祭之約也貳簋享之約也

幽而能正時者斗也暮夜者陰盛之時也日中豐之時也日昃者過中當退之時也晝日者明進已盛而未至乎中之時也日中則照天下矣日以明進至晝日其極盛也甲仁屬也庚義屬也月幾望陰盛而不亢也雲陰上也而陰陽應也霜陰剛之微也堅冰陰剛而疑陽也音陽之澤也血陰之傷也汗出而不反也膚柔物之爲

聞而易侵者也趾在下而行者也拇在下之微而無能爲者也腹容物者也頰上體之見乎外而無能爲者也臀下體之無能爲者也身躬己也頂首之上者也面見乎外者心體之主也限上下之所同也黃上體之接乎限者也須柔而附剛者也陽物之飾也背體之不接乎物而上者也尾後也首先也上也足下也角剛之上窮者也肱上體之隨而附者也股下體之隨而附者也腓趾之上股之下而體之隨而附者也垂其翼下也耳所聽也

東北止以近險也西南順以遠陰也西南眾也南明也西南坤之地也東北遠坤之所也西陰所也東陽所也左下也右上也

載者載上也負後也負者下道也乘者上道也載鬼以鬼爲在上也負塗以塗爲在後也往從之也往之外也往之上也來之已也來之內也渝變其德也億安也居不行也安以靜居也逐從求之也血去不來也出自穴出不去也復反而得其所也反自外來而復也見其彼也處不行也征進也盤桓動未進也枕止而安之也動

方征也起方往也遇逢而見之也躋升也孕女之得其配也以有爲而未功也字育女之功也田興事之大者也弋興事之小者也飛宜下不宜上者也且方然也或疑儻也方也後也乃徐也□□爻之時未可以然也要其終則然也

田平夷著見之地也非龍之所宜宅也□□險也沙近險而無難也泥則近險而有難也沛澤之困乎水者也穴陰之宅也在穴動物在陰之小者也淵龍之宅也在天則龍有爲之地陸高平也陵陸之大也塗污也井泥濁也谷下也井谷旁出而下流也龜脆乘剛也石堅而不動者也金剛而趣變者也玉溫潤粹美剛而不可變者也干鴻之在下而不失其宜者也鴻所宜居者也楸木在上者也楸木不能庇蔭其下者也磐進於干而不失其安者也

甘物之所美也苦物之所惡也黃地色也玄天色也黃中之見乎色者也白成色之主也白未受飾乎物者也朱紱天子飾下者也赤紱人臣飾下者也泣血陰之憂也涕憂之見乎容貌者也號嗟憂之見乎

音聲者也號甚乎嗟者也

藩內外之隔也廬人所庇也升虛邑小而易之也升階
平易以有序以漸升而得位也伐邑者小之也伐國大
事也伐邑小事也城地道上承而外扞也復於隍則不
上承不外扞矣墉扞外以保內也自下之高者也二簋
陰象也門陰象也戶陽象也易曰猶未離其類也故稱
血焉易象之大概見於乾坤之說推而長之則凡易之
象可不疑矣棟室壁之所恃也野空曠也同人于野無
適莫也龍戰于野無君臣也邑有事之地也趣時而爲
之者也郊遠乎有事之地次師旅之安舍也巷出門庭
而未易道也自牖自幽以卽明也

宋學案禮通

卷九十八

十二四明叢書

射圖刊本

婚媾內外之合也鄰比己者也妻配也王母幽以遠也
以父爲陽以母爲幽也以母爲近則王母爲遠也妣以
順配祖者也臣以順承君者也考父之有成德之稱也
長子一也弟子不一也僕卑以順也童未有與也婦一
乎順者也妾配之不正者也士未成夫之辭也女未成
婦之辭也娣少婦而不得正配者也

衣上飾也褌所以空隙也裳下之飾也鞶帶在下體之

上而以柔爲飾也袂體乎衣者也囊所以畜物也芻所以蔽車也履踐下而承上也履上道也載下道也

不可甚乎不利也可其爲利僅也有凶不必凶而凶在其中也有厲不必厲而厲在其中也有悔不必悔而悔在其中也

卦名解

剛柔始交而難生動乎險中故曰雲雷屯屯已大亨則雷雨之動滿盈而爲解故曰雷雨作解動而免乎險解山下有險非險在前也可往而止焉必蒙者也故爲蒙

蹇則險在前者也險在前則不可以往故爲蹇彖曰見險而能止知矣哉知者反乎蒙者也需亦險在前也其下爲乾健而進也非若艮之止也非坎之所能陷也待時而進耳故爲需柔得位而上下應之小者之畜也小者畜則其畜亦小矣故爲小畜以小而畜大非柔之中也柔得位而不中不中而上下應之小畜之道也能止健大者之畜也大者畜則其畜亦大矣故爲大畜四陽過二陰而陰得中故爲大過大過者大者過也大者過則亦事之大過越者也四陰過二陽而陰得中故爲小

過小過者小者過也小者過則亦事之小過越者耳大有能有大者也大者應之也柔得尊位大有者也同人同乎人者也柔得位得中而應乎乾者也巽而麗乎內故爲家人止而麗乎外故爲旅少男長女必感山下有風必撓蠱者撓惑之名也爲天下之蠱者事也故爲蠱少女少男男下女上故爲咸咸者交感之名也長男長女男上女下故爲恆姤陰遇陽故爲姤陽終決陰故爲夬柔履剛故爲履履禮也禮者以柔履剛者也剛應順而以動故爲豫上下交故爲泰不交故爲否以剛中爲

主而下順從故爲比順而止故爲謙動而說故爲隨大者在上故爲觀大者壯故爲大壯剛浸長以臨柔故爲臨臨者大臨小之名故曰臨者大也柔來文剛分剛上而文柔故爲賁柔變剛爲剝剝者消爛之名也剝窮上而剛反故曰復復者反而得其所之名也天下雷行物應之故爲无妄雷之感物物之所以應无妄者也剛退故爲遯明入地中故爲明夷明者傷於暗之名也文王與紂當其象矣以爻考之自三以下周象也自四以上殷象也明出地上晉臣進之象卦也明出地上則方晝

而未至乎中中則照天下晝則進之盛而不亢乎王者也損上益下主乎自損者也故爲益損下益上主乎自益者也故爲損乾道成男坤道成女凡女卦皆損者也凡男卦皆受益者也損上益下損下益上此之謂也巽乎水而上水故爲井以木巽火故爲鼎明以動故爲豐豐者光明盛大之卦也剛上下而實在其間順中有物之象也頤中有物必噬嗑則合矣故爲噬嗑者有閒而通之之卦也上險下說說以行險故爲節柔在內而剛得中說而巽故爲中孚柔亦在內可謂對矣中孚者至誠之卦也无妄則不妄而已一陽陷於二陰故爲坎坎者陷也內明水象一陰麗於二陽故爲離離麗也外明火象也水之爲物陷者也火之爲物麗者也推此則震巽艮兌可以類知之也上火下澤睽睽者不合之名也二女之卦也火在水上未濟未濟者有濟之道也男女之卦也水上火下男女相逮之卦也故爲既濟澤上火下二女不相得之卦也故爲革不相得而相違革之所以生也以眾行險故爲師上剛而下險險而健故爲訟上動而下止止而動故爲頤止而動頤之道也上說而

下順故爲萃上巽而下險險而巽故爲渙渙者離散之名也巽而見乎險故不蹇不困下雖險上巽而不健則不訟故爲渙而已困則剛見揜者也在難中者也不可以不動矣蹇則難在前者也不可以往而已故彖曰利西南也順而巽其進也孰禦焉故爲升止而巽有止之道故爲漸歸妹者歸女之卦也妹少女也少女爲主於內故曰歸妹歸妹女歸之以其時也故曰動而說所以爲歸妹也陽在下則動而進故爲震進在陰上已得其所則止故爲艮內柔伏故爲巽外柔見故爲兌此其文皆在繫辭或彖繫所不言以其所言反求其所不言則知其所以然也

黃東發曰易泛論釋易中字義甚詳卦名解始於剛柔始之屯輒轉次第用序卦之法而論其次頗有牽強處內云中孚者至誠之卦无妄則不妄而已此恐未安无字與不字自是兩義也

九卦論

處困之道君子之所難也非夫智足以窮理仁足以盡性內有以固其德而外有以應其變者其孰能無患哉

古之人有極天下之困而其心能不累其行能不移患至而不傷其身事起而不疑其變者蓋有以處之也處之道聖人嘗言之矣易曰履以和行謙以制禮復以自知恆以一德損以遠害益以興利困以寡怨井以辨義巽以行權此其處之之道也夫君子之學至於是則備矣宜其通於天下也然而猶困焉者非吾行之過也時有利不利也蓋古之所謂困者非謂夫其行自困者謂夫行足以通而困於命者耳蓋於此九卦者智有所不能明仁有所不能守則其困也非所謂困而其處困也疏矣夫惟深於此九者而能果以行之者則其通也宜而其困也有以處之惟其學之之素也且君子之行大矣而待禮以和仁義爲之內而和之以禮則行之成也而禮之實存乎謙謙者禮之所自起禮者行之所自成也故君子不可以不知履欲知履不可以不知謙夫禮雖發乎人心而其文著乎外者也君子知禮而已則溺乎其文而失乎其實忘性命之本而不能自復矣故禮之弊必復乎本而後可以無患故君子不可以不知復雖復乎其本而不能常其德以自固則有時而失之

矣故君子不可以不知恆雖能久其德而天下事物之變相代乎吾之前如吾知恆而已則吾之行有時而不通矣是必度其變而時有損益而後可故君子不可以不知損益夫學如是其至德如此其備則宜乎其通也然而猶困焉者則向所謂困於命者也困於命而動而先病之時也則其事物之變尤眾而吾之所以處之者尤難矣然則其行尤貴於達事之宜而適時之變也故辨義行權然後能以窮通而并者所以辨義異者所以行權也故君子之學至於并異而大備而後足以自通

乎困之時孔子曰作易者其有憂患乎謂其言之足以自通於困之時也

河圖洛書義

孔子曰河出圖洛出書聖人則之圖必出於河而洛不謂之圖書必出於洛而河不謂之書者我知之矣圖以示天道書以示人道故也蓋通於天者河而圖者以象言也成象之謂天故使龍負之而其出在於河龍善變而尙變者天道也中於地者洛而書者以法言也效法之謂人故使龜負之而其出在於洛龜善占而尙占者

人道也此天地自然之意而聖人於易所以則之者也
黃東發曰謂圖以示天道河通天而龍尙變天道也
書以示人道洛中地而龜尙占人道也義亦通但未
嘗不相關而河通天之說恐難考

洪範傳

五行天所以命萬物者也故初一曰五行五事人所以
繼天道而成性者也故次二曰敬用五事五事人君所
以修其心治其身者也修其心治其身而後可以爲政
於天下故次三曰農用八政必協之歲月日星辰曆數

之紀故次四曰協用五紀既協之歲月日星辰曆數之
紀當立之天下之中故次五曰建用皇極中者所以立
本而未足以趣時趣時則中不中無常也惟所施之宜
而已矣故次六曰又用三德有皇極以立本有三德以
趣時而人君之能事具矣雖然天下之故猶不能無疑
也疑之則如之何謀之人以盡其智謀之鬼神以盡其
神而不專用己也故次七曰明用稽疑雖不專用己而
參之於人物鬼神然而反身不誠不善則明不足以盡
人幽不足以盡鬼神則其在我者不可以不思在我者

其得失微而難知莫若質諸天物之顯而易見且可以爲戒也故次八曰念用庶徵自五事至於庶徵各得其序則五福之所集自五事至於庶徵各失其序則六極之所集故次九曰嚮用五福威用六極敬者何君子所以直內也言五事之本在人心而已農者何厚也言君子之道施於有政取諸此以厚彼而巳有本以保常而後可立也故皇極曰建有變以趣時而後可治也故三德曰又嚮者慕而欲其至也威者畏而欲其亡也

五行也者成變化而行鬼神往來乎天地之間而不窮

者也是故謂之行天一生水其於物爲精精者一之所生也地二生火其於物爲神神者有精而後從之者也天三生木其於物爲魂魄者從神者也地四生金其於物爲魄魄者有魂而後從之者也天五生土其於物爲意精神魂魄具而後有意自天一至於天五五行之生數也以奇生者成而耦以耦生者成而奇其成之者皆五五者天數之中也蓋中者所以成物也道立於兩成於三變於五而天地之數具其爲十也耦之而已蓋五行之爲物其時其位其材其氣其性其形其事其情其

色其聲其臭其味皆各有耦推而散之無所不通一柔一剛一晦一明故有正有邪有美有惡有醜有好有凶有吉性命之理道德之意皆在是矣耦之中又有耦焉而萬物之變遂至於無窮其相生也所以相繼也其相克也所以相治也語器也以相治故序六府以相克語時也以相繼故序盛德所在以相生洪範語道與命故其序與語器與時者異也道者萬物莫不由之者也命者萬物莫不聽之者也器者道之散時者命之運由於道聽於命而不知者百姓也由於道聽於命而知之者君子也道萬物而無所由命萬物而無所聽惟天下之至神爲能與於此夫火之於水妻道也其於土母道也故神從志無志則從意志致一之謂精惟天下之至精爲能合天下之至神精與神一而不離則變化之所爲在我而已是故能道萬物而無所由命萬物而無所聽也

北方陰極而生寒寒生水南方陽極而生熱熱生火故水潤而火炎水下而火上東方陽動以散而生風風生木木者陽中也故能變變故曲直西方陰止以收而生

燥燥生金金者陰中也故能化能化故從革中央陰陽
交而生濕濕生土土者陰陽沖氣之所生也故發之而
爲稼斂之而爲穡曰者所以命其物爰者言於之稼穡
而已潤者性也炎者氣也上下者位也曲直者形也從
革者材也稼穡者人事也冬物之性復復者性之所故
於水言其性夏物之氣交交者氣之時故於火言其氣
陽極上陰極下而後各得其位故於水火言其位春物
之形著故於木言其形秋物之材成故於金言其材中
央人之位也故於土言人事水言潤則火熯土溽木敷
金斂皆可知也火言炎則水冽土烝木溫金清皆可知
也水言下火言上則木左金右土中央皆可知也推類
而反之則曰後曰前曰西曰東曰北曰南皆可知也木
言曲直則土圜金方火銳水平皆可知也金言從革則
木變土化水因火革皆可知也土言稼穡則水之井洫
火之爨冶木金之爲械器皆可知也所謂木變者何燭
之而爲火爛之而爲土此之謂變所謂土化者何能燻
能潤能斂能斂此之謂化所謂水因者何因甘而甘因
苦而苦因蒼而蒼因白而白此之謂因所謂火革者何

革生以爲熟革柔以爲剛革剛以爲柔此之謂革金亦能化而命之曰從革者何可以圓可以平可以銳可以曲直然非火革之則不能自化也是故命之曰從革也夫金陰精之純也是其所以不能自化也蓋天地之用五行也水施之火化之木生之金成之土和之施生以柔化成以剛故木撓而水弱金堅而火悍悍堅而濟以和萬物之所以成也柰何終於撓弱而欲以收成物之功哉

寒生水水生鹹故潤下作鹹熟生火火生苦故炎上作

宋元學案補遺 卷九十八

王三四月藏書

約圖刊本

苦風生木木生酸故曲直作酸燥生金金生辛故從革作辛溫生土土生甘故稼穡作甘生物者氣也成之者味也以奇生則成而耦以耦生則成而奇寒之氣堅故其味可用以稟熱之氣稟故其味可用以堅風之氣散故其味可用以收燥之氣收故其味可用以散土者冲氣之所生也冲氣則無所不和故其味可用以緩而已氣堅則壯故苦可以養氣脈稟則和故鹹可以養脈骨收則強故酸可以養骨筋散則不攣故辛可以養筋肉緩則不壅故甘可以養肉堅之而後可以稟收之而後

可以散欲緩則用甘不欲則弗用也古之養生治疾者必先通乎此不通乎此而能己人之疾者蓋寡矣

五事恭則貌斂故作肅從則言順故作乂明則善視故作哲聰則善聽故作謀審則思無所不通故作聖五事以思爲主而貌最其所後也而其次之如此何也此言修身之序也恭其貌順其言然後可以學而至於哲既哲矣然後能聽而成其謀能謀矣然後可以思而至於聖思者事之所成終而成始也思所以作聖也既聖矣則雖無思也無爲也寂然不動感而遂通天下之故可也

空學案補遺 卷九十八

三四四明叢書

約園刊本

八政食貨人之所以相生養也故一曰食二曰貨有相生養之道則不可不致孝於鬼神而著不忘其所自故三曰祀有所以相生養之道而知不忘其所自然後能保其居故四曰司空司空所以居民民保其居然後可教故五曰司徒司徒所以教民教之不率然後侯之以刑戮故六曰司寇自食貨至於司寇而治內者具矣故七曰賓八曰師賓所以接外治師所以接外亂也自貨至於賓師莫不有官以治之而獨曰司空司徒司寇者言官則以知物之有官言物則以知官之有物也

五紀王省惟歲卿士惟月師尹惟日上考之星辰下考之曆數然後歲月日時不失其政故一曰歲二日月三曰日四曰星辰五曰曆數曆者數也數者一二三四是也五紀之所成終而所成始也非特曆而已先生之舉事也莫不有時其制物也莫不有數有時故莫敢廢有數故莫敢踰蓋堯舜所以同律度量衡協時月正日而天下治者取諸此而已

皇極重建其有極斂時五福用敷錫厥庶民何也皇君也極中也言君建其有中則萬物得其所故能集五福

以敷錫其庶民也惟時厥庶民於汝極錫汝保極何也言庶民以君爲中君保中則民與之也凡厥庶民無有淫朋人無有比德惟皇作極何也言君中則民人中也庶民無淫朋人無比德者惟君爲中而已蓋君有過行偏政則庶民有淫朋人有比德矣

言民之有猷有爲有守汝則念其所猷所爲所守之當否所猷所爲所守不協於極亦不罹於咎雖未可以錫之福然亦可教者也故當受之而不當譴怒也詩曰載色載笑匪怒伊教康而色之謂也其曰我所好者德則

是協於極則非但康汝顏色以受之又當錫之福以勸
焉如此則人惟君之中矣不言攸好德則錫之福而言
曰子攸好德則錫之福何也謂之皇極則不爲已甚也
攸好德然後錫之福則獲福者寡矣是爲已甚而非所
以勸也曰子攸好德則錫之福則是苟革面以從吾之
攸好者吾不深探其心而皆錫之福也此之謂皇極之
道也

無虐熒獨而畏高明何也言苟好德則雖熒獨必進寵
之而不虐苟曰不好德則雖高明必罪廢之而不畏也

蓋熒獨也者眾之所違而虐之者也高明也者眾之所
比而畏之者也人君蔽於眾而不知自用其福威則不
期虐熒獨而熒獨實見虐矣不期畏高明而高明實見
畏矣熒獨見虐而莫勸其作德則爲善者不長高明見
畏而莫懲其作僞則爲惡者不消善不長惡不消人人
離德作僞則大亂之道也然則虐熒獨而寬朋黨之名
畏高明而忽卑晦之賤最人君之大戒也

人之有能有爲使羞其行而邦其昌何也言有能者使
在職而羞其材有爲者使在位而羞其德則邦昌也人

君孰不欲有能者羞其材有位者羞其德然曠千數百年而未有一人致此蓋聰不明而無以通天下之志誠不至而無以同天下之德則智以難知而爲愚者所詘賢以寡助而爲不肖者所困雖欲羞其行不可得也通天下之志在窮理同天下之德在盡性窮理矣故知所謂智而弗受知所謂德而錫之福盡性矣故能不虐愛獨以爲仁不畏高明以爲義如是則愚者可誘而爲智也雖不可誘而爲智必不使之詘智者矣不肖者可革而爲賢也雖不可革而爲賢必不使之困賢者矣夫然後有能有爲者得羞其行而邦賴之以昌也

凡厥正人既富方穀汝弗能使有好於汝家時人斯其辜何也凡正人之道既富之然後善雖然徒富之亦不能善也必先治其家使人有好於汝家然後人從汝而善也汝弗能使有好於汝家則人無所視效而放僻邪侈亦無不爲也蓋人君能自治然後可以治人能治人然後人爲之用人爲之用然後可以爲政於天下爲政於天下者在乎富之善之而善之必自吾家人始所謂自治者惟皇作極是也所謂治人者弗協於極弗懼於

咎皇則受之而康而色曰予攸好德汝則錫之福無虐
熒獨而畏高明是也所謂人爲之用者有能有爲使羞
其行而邦其昌是也所謂爲政於天下者凡厥正人是
也旣曰能治人則人固已善矣又曰富之然後善何也
所謂治人者教化以善之也所謂富之然後善者政以
善之也徒教化不能使人善故繼之曰凡厥正人旣富
而家時人斯其辜也于其無好德汝雖錫之福其作汝
用咎何也旣言治家不善不足以正人也又言用人不
善不足以正身言崇長不好德之人而錫之福亦用咎
作汝而已矣

曰皇極之敷言是彝是訓於帝其訓何也言君所以虛
其心平其意惟義所在以會歸其有中者其說以爲人
君以中道布言是以爲彝是以爲訓者於天其訓而已
夫天之爲物也可謂無作好無作惡無偏黨無反無側
會其有極歸其有極矣蕩蕩者言乎其大平平者言乎
其治大而治終於正直而王道成矣無偏者言乎其
所居無黨者言乎其所以所居者無偏故能所與者無

黨故曰無偏無黨以所與者無黨故能所居者無偏故
曰無黨無偏偏不已乃至於側陂不已乃至於反始曰
無偏無陂者率義以治心不可以有偏陂也卒曰無反
無側者及其成德也以中庸應物則要之使無反側而
已路大道也正直中德也始曰義中曰道曰路卒曰正
直尊德性而道問學致廣大而盡精微極高明而道中
庸之謂也孔子以爲示之以好惡而民知禁今日無有
作好無有作惡何也好惡者性也天命之謂性作者人
爲也人爲則與性反矣書曰天命有德五服五章哉天
討有罪五刑五用哉命有德討有罪皆天也則好惡者
豈可以人爲哉所謂示之以好惡者性而已矣

言凡厥庶民以中道布言是訓是行以近天子之光者
其說以爲天子作民父母以爲天下王當順而比之以
效其所爲而不可逆蓋君能順天而效之則民亦順天
而效之也二帝三王之誥命未嘗不稱天者所謂于帝
其訓也此人之所以化其上也及至後世矯誣上天以
布命於下而欲人之弗叛也不亦難乎

三德直而不正者有矣以正正直乃所謂正也曲而不

直者有矣以直正曲乃所謂直也正直也者變通以趣時而未離剛柔之中者也剛克也者剛勝柔者也柔克也者柔勝剛者也平康正直彊弗友剛克變友柔克何也變者和熟上之所爲者也友者右助上之所爲者也彊者弗柔從上之所爲者也弗友者弗右助上之所爲者也君君臣臣適各當分所謂正直也若承之者所謂柔克也若威之者所謂剛克也蓋先王用此三德於一嘯一笑未嘗或失況以大施於慶賞刑威之際哉故能爲之其未有也治之其未亂也沈潛剛克高明柔克何也言人君之用剛克也沈潛之於內其用柔克也發見之於外其用柔克也抗之以高明其用剛克也養之以卑晦沈潛之於內所以制姦惡發見之於外所以昭忠善抗之以高明則雖柔過而不廢養之以卑晦則雖剛過而不折易曰道有變動故曰爻爻有等故曰物物相雜故曰文文不當故吉凶生焉吉凶之生豈在夫大哉蓋或一嘯一笑之間而已洪範之言三德與舜典皋陶謨所序不同何也舜典所序以教胥子而皋陶謨所序以知人臣故皆先柔而後剛洪範所序則人君也故獨

先剛而後柔至於正直則舜典洪範皆在剛柔之先而
臯陶謨乃獨在剛柔之中者教人治人宜皆以正直爲
先至於序德之品則正直者中德也固宜在柔剛之中
也

執常以事君者臣道也執權以御臣者君道也三德者
君道也作福柔克之事也作威剛克之事也以其謀於
神天也是故謂之福作福以懷之作禍以威之言作福
則知威之爲禍言作威則知福之爲懷也皇極者君與
臣民共由之者也三德者君之所獨任而臣民不得僭
焉者也有其權必有禮以章其別故惟辟玉食也禮所
以定其位權所以固其政下僭禮則上失位下侵權則
上失政上失位則亦失政矣上失位失政人所以亂也
故臣之有作福作威玉食其害于而家凶于而國人用
側頗僻民用僭忒也側頗僻者臣有作福作威之效也
僭忒者臣有玉食之效也民側頗僻也易其僭忒也難
民僭忒則人可知也人側頗僻則民可知也其曰庶民
有淫朋人有比德亦若此而已矣於淫朋曰庶民於僭
忒曰民而已何也僭忒者民或有焉而弗眾之所能也

天子皇王辟皆君也或曰天子或曰皇或曰王或曰辟何也皇極于帝其訓者所以繼天而順之故稱天子建
有極者道故稱皇好惡者德故稱王福威者政故稱辟
道所以成德德所以立政故言政於三德而稱辟也建
有極道故稱皇則其曰天子作民父母以爲天下王何
也吾所建者道而民所知者德而已矣

稽疑言有所擇有所建則立卜筮人卜筮凡七而其爲
卜者五則其爲筮者二可知也先卜而後筮則筮之爲
貞悔亦可知也衍者吉之謂也忒者凶之謂也吉言衍

則凶之爲耗可知也凶言忒則吉之爲當亦可知也此
言之法也蓋自始造書則固如此矣福之所以爲福者
於文從畹畹則衍之謂也禍之所以爲禍者於文從畹
畹則忒之謂也蓋忒也當也言乎其位衍也耗也言乎
其數夫物有吉凶以其位與數而已六五得位矣其爲
九四所難者數不足故也九四得數矣其爲六五所制
者位不當故也數衍而位當者吉數耗而位衍者凶此
天地之道陰陽之義君子小人之所以相爲消長中國
夷狄之所以相爲強弱易曰人謀鬼謀百姓與能蓋聖

人君子以察存亡以御治亂必先通乎此不通乎此而爲百姓之所與者蓋寡矣

立時人作卜筮三人占則從二人之言何也卜筮者質諸鬼神其從與違爲難知故其占也從眾而已也汝則有大疑謀及乃心謀及卿士謀及庶民謀及卜筮何也言人君有大疑則當謀之於己己不足以決然後謀於卿士又不足以決然後謀之於庶民又不足以決然後謀之於鬼神鬼神尤人君之所欽也然而謀之反在乎卿士庶民之後者吾之所疑而謀者人事也必先盡之人然後及鬼神焉固其理也聖人以鬼神爲難知而卜筮如此其可信者易曰成天下之亹亹者莫大乎蓍龜惟其誠之不至而已矣用其至誠則鬼神其有不應而龜筮其有不告乎汝則從龜從筮從卿士從庶民從是之謂大同身其康強子孫其逢吉何也將有作也心從之而人神之所弗異則有餘慶矣故謂之大同而子孫其逢吉也汝則從龜從筮從卿士逆庶民逆吉卿士從龜從筮從汝則逆庶民逆吉庶民從龜從筮從汝則逆卿士逆吉何也吾之所謀者疑也可以作可以無作然

後謂之疑疑而從者眾則作而吉也汝則從龜從筮逆
卿士逆庶民逆作內吉作外凶何也尊者從卑者逆故
逆者雖眾以作內猶吉也龜筮並違於人用靜吉用作
凶何也所以謀之心謀之人者盡矣然猶不免於疑則
謀及於龜筮故龜筮之所共違不可以有作也

庶徵曰雨曰暘曰燠曰寒曰風者自肅時雨若以下是
也曰時者自王省惟歲以下是也五者來備各以其敘
庶草蕃廡何也陰陽和則萬物盡其性極其材言庶草
者以爲物之尤微而莫養又不知自養也而猶蕃廡則
萬物得其性皆可知也一極備凶一極無凶何也兩極
備則爲恆雨暘極備則爲恆暘風極備則爲恆風燠極
無則爲恆寒寒極無則爲恆燠此饑饉疾癘之所由作
也故曰凶

言人君之有五事猶天之有五物也天之有五物一極
備凶一極無亦凶其施之小大緩急無常其所以成物
者要之適而已人之有五事一極備凶一極無亦凶施
之小大緩急亦無常其所以成民者亦要之適而已故
雨暘燠寒風者五事之徵也降而萬物悅者肅也故若

時雨然升而萬物理者又也故若時暘然哲者陽也故若時燠然謀者陰也故若時寒然睿其思心無所不通以濟四時之善者聖也故若時風然狂則蕩故恆雨若僭則亢故恆暘若豫則解緩故恆燠若急則縮栗故恆寒若冥其思心無所不入以濟四事之惡者蒙故恆風若也孔子曰見賢思齊見不賢而內自省也君子之於人固常思齊其賢而以其不肖爲戒況天者固人君之所當法象也則質諸彼以驗此固其宜也然則世之言災異者非乎曰人君固輔相天地以理萬物者也天地萬物不得其常則恐懼修省固亦其宜也今或以爲天有是變必由我有是罪以致之或以爲災異自天事耳何豫於我我知修人事而已蓋由前之說則蔽而莫由後之說則固而怠不蔽不憊不固不怠者亦以天變爲已懼不曰天之有某變必以我爲某事而至也亦以天之正理考吾之失而已矣此亦念用庶徵之意也

言自王至於師尹猶歲月日三者相繫屬也歲月日有常而不可變所總大者不可以侵小所治少者不可以僭多自王至於師尹三者亦相繫屬有常而不可變所

總大者亦不可以侵小所治少者亦不可以僭多故歲月日者王及卿士師尹之徵也既以歲月日三者之時爲王及卿士師尹之徵也而王者卿士師尹之職亦皆協之歲月日時之紀焉故歲有會月有要日有成大者省其大而略小者治其小而詳其小大詳略得其序則功用與而分職治矣故五穀用成又用明俊民用章家用平康小大詳略失其序則功用無所程分職無所考故五穀用不成又用昏不明俊民用微家用不寧也庶民惟星星有好風星有好雨何也言星之好不一猶庶民之欲不同星之好不一待月而後得其所好而月不能違也庶民之欲不同待卿士而後得其所欲而卿士亦不能違也故星辰庶民之徵也日月之行則有冬有夏何也言歲之所以爲歲以日月之有行而歲無爲也猶王之所以爲王亦以卿士師尹之有行而王無爲也春秋者陰陽之中冬夏者陰陽之正陰陽各致其正而後歲成有冬有夏者言歲之成也月之從星則以風雨何也言月之好惡不自用而從星則風雨作而歲功成猶卿士之好惡不自用而從民則治教政令行而王事立矣

書曰天聽自我民聽天視自我民視夫民者天之所不能違也而況於王乎況於卿士乎

五福人之始生也莫不有壽之道也得其常性則壽矣故一曰壽少長而有爲也莫不有富之道焉得其常產則富矣故二曰富得其常性又得其常產而繼之以毋擾則康寧矣故三曰康寧也夫人君使人得其常性又得其常產而繼之以毋擾則人好德矣故四曰攸好德好德則能以令終故五曰考終命

六極不考終命謂之凶蚤死謂之短中絕謂之折禍莫

大於凶短折疾次之憂次之貧又次之故一曰凶短折二曰疾三曰憂四曰貧凶者考終命之反也短折者壽之反也疾憂者康寧之反也貧者富之反也此四極者使人畏而欲其亡故先言人之所尤畏者而以猶愈者次之夫君人者使人失其常性又失其常產而繼之以擾則人不好德矣故五曰惡六曰弱惡者小人之剛也弱者小人之柔也

九疇曰初曰次而五行五事八政五紀三德五福六極特以一二數之何也九疇以五行爲初而水之於五行

貌之於五事食之於八政歲之於五紀正直之於三德
壽凶短折之於五福六極不可以爲初故也或曰箕子
之所次自五行至於庶徵而今獨曰自五事至於庶徵
各得其序則五福之所集自五事至於庶徵各爽其序
則六極之所集何也曰人君之於五行也以五事修其
性以八政用其材以五紀協其數以皇極建其常以三
德治其變以稽疑考其難知以庶徵徵其失得自五事
至於庶徵各得其序則五行固已得其序矣或曰世之
不好德而能以令終與好德而不得其死者眾矣今日
好德則能以令終何也曰孔子以爲人之生也直罔之
生也幸而免君子之於吉凶禍福道其常而已幸而免
與不幸而及焉蓋不道也或曰孔子以爲富與貴人之
所欲貧與賤人之所惡而福極不言貴賤何也曰五福
者自天子至於庶人皆可使慕而欲其至六極者自天
子至於庶人皆可使畏而欲其亡若夫貴賤則有常分
矣使自公侯至於庶人皆慕貴欲其至而不欲賤之在
已則陵犯篡奪之行日起而上下莫安其命矣詩曰肅
肅宵征抱衾與裯實命不猶蓋王者之世使賤者之安

其賤如此夫豈使知貴之爲可慕而欲其至賤之爲可畏而欲其亡乎

晁子止曰王介甫以劉向董仲舒伏生明災異爲蔽而別著此傳以庶徵所謂若者不當訓順當訓如人君之五事如天之兩暘燠寒風而已大意言天人不相干雖有變異不足畏也

黃東發曰洪範傳其字義多足取者

荆公詩說

仰觀日星霜露之變俯察蟲魚草木之化以知天時以

宋學案補遺

卷九十八

三民四明叢書

約圖別本

授民事女服事乎內男服事乎外治自內而外化自上而下上以誠愛下下以忠報上父父子子夫夫婦婦養老而慈幼食力而助弱不作無益也脩豫乎桑田之事而已非特脩豫乎桑田之事而已也苟可以除患者皆脩豫焉不貴異物也致美乎桑田之器而已非特致美乎桑田之器而已也苟可以成禮者皆致美焉人無遺力矣故事不足治也地無遺利矣故物不可勝用也女不淫而仁也又有禮焉士不惰而武也又有義焉其祭祀也以時其燕享也以節夫然故天不能災人不能難

上下內外和睦而以逸樂終焉此七月之義也

彼曰七月九月此曰一之日二之日何也陽生矣則言日陰生矣則言月與易臨至於八月有凶復七日來復同意然則四月正陽也秀夔言月何也以言陰生也陰始於四月生於五月而於四月言陰生者氣之先至者也周正建子而此所言皆夏時者夏時稱人所見所謂人正也授民時則用人正固其理也

梓材謹案此說厚
齊尚書極喜之

荆公禮說

宋元學案禮通 卷九六

四十四明叢書
綱目刊本

禮始於天而成於人知天而不知人則野知人而不知天則僞凡爲禮者必誦其放敖之心逆其嗜欲之性莫不欲逸而爲尊者勞矣莫不欲得而爲長者讓擊蹠拳曲以見其恭故荀卿以爲特劫以法度之威焉而爲之於外耳此不思之過也人生而有嚴父愛母之心聖人因其性之欲而爲之制焉故其制雖有以強人而乃以順其性之欲也聖人苟不爲之禮則天下蓋將有慢其父而疾其母者矣此亦可謂失其性也得性者以爲僞則失其性者乃可以爲真乎此荀卿之所以爲不思也

周禮新義

典祀弗舉淫祀無禁非所以馭其神也上不知所制下不知所守非所以馭其官也治不時考政不歲會非所以馭其吏也祿不論功位不議行非所以馭其士也征求無藝費出無節非所以馭其用也人自爲禮家自爲俗非所以馭其民也刑以幸免賞以苟得非所以馭其威也□□不均征調無法非所以馭其眾也

刑典刑職皆曰詰邦國糾萬民刑者例也例成也故刑典之爲書刑官之爲職無所加損焉

李充學案補遺

卷九十八

四

四明叢書

約國刑本

祭祀致齊不御內不聽樂不飲酒不膳葷喪者則弗見也刑者則弗見也不蠲則弗見也蓋不以哀樂欲惡貳其心又去其物之昏憤其志意者所以致精明之至以交神明也

素問冬傷於寒春必病溫夏傷於暑秋必病瘧方冬時陽爲主於內寒雖入之勢未能動及春陽出而陰爲內主然後寒動而搏陽故有瘡首之疾夏時陰爲主於內暑雖入之勢未能動及秋陰出而陽爲內主然後暑動而搏陰爲瘧寒之疾夏陽溢於皮膚故有痒疥之疾冬

陽溢於臟腑故有嗽上氣之疾

素問形不足溫之以氣精不足補之以味味養精者也
穀養形者也藥則療病者也養精爲本養形次之療病
爲末

疾醫以治內爲主故先味而後藥瘍醫以治外爲主故
先藥而後味

以上天官

經於鄉大夫曰政教禁令州長曰教治政令黨正曰政
令教治族師曰戒令政事閭胥曰閭之徵令比長曰比
之治命官之意其輕重皆一字間也政令爲重禁令次

宋元學案卷之九十六

禮記

卷之九十六

之戒令又次之徵令爲下鄉大夫州長詳於教而兼政
黨正族師詳於政而兼教閭胥則承上之政教而掌其
徵令耳比長則並無所爲令矣

師氏未有媿而詔之故曰掌以媿詔王保氏遇有惡而
後諫故曰掌諫五惡

以上地官

禋者意之精也意先於氣血者氣之盛也氣先於形實
柴礪燎用氣而已麋沈醵辜則用形焉氣親上形親下
則各從其類也

郊特牲云郊血則天祀非無血非不用形尙書王賓殺

禮郊特牲蕭合黍稷臭陽達於牆屋則鬼享非無禮非不用氣然則祀也享也祭也各有所主而已

祀有昊天而無五帝有司中司命而無司民司祿祭有社稷而無大元有五嶽而無四瀆有山林川澤而無丘陵墳□□有先王而無先公以分見於諸職互備可知也

親宗族兄弟然後親成男女由尊及卑也親故舊朋友然後親四方賓客由近及遠也四方賓客彼以禮來接兄弟異姓之國我以禮往加嘉禮之序也

度在樂則起於黃鍾□在禮則起於□□□先王以爲度之不存恐禮樂之文息故作此使天下後世有攷以昭穆爲左右各以其族尙親也凡死□□者不入兆域尙德也凡有幼者居前尙功也爵等爲三封之度與樹數尙貴也蓋先王所以治死者如此

王業起於幽而樂之作始於土鼓本於籥逆暑迎寒祈年皆本始民事息先物則使歸本反始也故擊土鼓吹葦籥其章用幽詩焉以上春官

九州之序禹貢始於冀次以兗而終於雍職方則始於

揚次以荆而終以并者蓋禹貢言治水之序職方言遠近之序治水自帝都始然後順水性所便自下而上故自充至雍而止以遠近言之則周之德化自西北而南以南爲遠以遠爲難至故也始於揚州則以揚在東南次以荆以荆在正南終於并則以并在正北先遠而後近也

夏官

刑新國用輕典以柔之也刑平國用中典以正直之也刑亂國用重典以剛之也故書曰惟敬五刑以威三德

秋官

宋先學案續編

卷九十二

國四刑疏書

約圖刑本

臨川文集

天下不可一日而無政教故學不可一日而亡於天下古者井天下之田而黨庠遂序國學之法立於其中鄉射飲酒春秋合樂養老勞農尊賢使能考藝選言之政至於受成獻馘訊囚之事無不出於學於此養天下智仁聖義中和之士以至一偏一技一曲之學無所不養而又取士大夫之材行完潔而其施設已嘗試於位而去者以爲之師釋奠釋菜以教不忘其學之所自遷徙逼逐以勉其怠而除其惡則士朝夕所見所聞無非所

以治天下國家之道其服習必於仁義而所學必皆盡其材一日取以備公卿大夫百執事之選則其材行皆已素定而士之備選者其施設亦皆素所見聞而已不待閱習而後能者也古之在上者事不慮而盡功不爲而足其要如此而已此二帝三王所以治天下國家而立學之本意也

慈谿縣學記

詩上通乎道德下止乎禮義放其言之文君子以興焉循其道之序聖人以成焉然以孔子之門人賜也商也有得於一言則孔子說而進之蓋其說之難明如此則

宋先學案補遺

卷九十八

四書四明叢書

納園刊本

周衰以迄於今泯泯勢勢豈不宜哉

詩義序

士弊於俗學久矣聖上問焉以經術追之乃集儒臣訓釋厥旨將播之校學而臣某實董周官惟道之在政事其貴賤有位其後先有序其多寡有數其遲速有時制而用之存乎法推而行之在乎人其人足以任官其官足以行法莫盛於成康之時其法可施於後世其文有見於載籍莫具於周官之書蓋其因習以崇之賡續以終之至於後世無以復加則豈特文武周公之力哉猶四時之運陰陽積而成寒暑非一日也

周禮義序

仲尼之才帝王可也何特公侯哉仲尼之道世天下可也何特世其家哉處之世家仲尼之道不從而大置之列傳仲尼之道不從而小而遷也自亂其例

孔子世家議

古者井天下之地而授之氓士之未命也則授一廛而爲氓其父母妻子裕如也自家達國有塾有序有庠有學觀游止處師師友友絃歌堯舜之道自樂也磨礱鑄切沈浸灌養行完而才備則曰上之人其舍我哉上之人其亦莫之能舍也今也地不井國不學黨不庠遂不序家不塾士之未命也則或無以裕父母妻子無以處行完而才備上之人亦莫之舉也士安得而不自進嗚呼使今之士不若古非人則然勢也勢之異聖人之所以不得同也孟子不見王公而孔子爲季氏吏其不以

勢乎哉

進說

學者不知古之所以教而蔽於傳注之學也久矣當其時欲其思之深問之切而後復正與則吾將孰待而言邪孔子曰予欲無言然未嘗無言也其言也蓋有不得已焉孟子則天下固以爲好辯蓋邪說暴行作而孔子之道幾於熄焉孟子者不如是不足與有明也故孟子

曰子豈好辯哉子不得已也夫子豈樂反古之所以教而重爲此譏議者其亦不得已焉者也

書洪範傳後

附錄

荆公少年不可一世士獨懷刺候濂溪三及門而三辭焉荆公恚曰吾獨不可自求之六經乎乃不復見

鶴林

玉露

公改科舉暮年乃覺其失曰本欲變學究爲秀才不謂變秀才爲學究蓋舉子專誦王氏章句而不解義正如學究誦注疏爾

談叢

宋王學案補遺

卷九十六

四明叢書

約閣刊本

公在金陵聞朝廷變其法泰然不以爲意乃聞罷役法愕然失聲曰亦罷至此乎良久曰此法終不可罷安石與先帝議之兩年乃行無不曲盡後果如其言

居史

元豐七年春公有疾兩日不言少蘇語吳國夫人曰夫婦之情偶合耳不須他念強爲善而已執葉濤手曰君聰明宜博讀佛書慎勿徒勞作世間言語安石生來多枉費力作閑文字深自悔責吳國勉之曰公未宜出此言曰生死無常吾恐時至不能發言故今敘此時至則子何用君勸公疾瘳乃自悔曰雖識盡天下理而定力

尙淺或者未死應當竭力修爲陳子聞之而疑曰豈現
行無常現身有疾者乎不可疑也

公語錄

公嘗云自議新法始終言可行者曾布也始終言不可
行者司馬光也餘者前叛後附或出或入

初韓魏公知揚州介甫以新進士僉書判官事魏公雖
重其學而不以吏事許之介甫秩滿去會有上韓公書
者多用古字韓公笑而謂僚屬曰惜王廷評不在此其
人頗識難字介甫聞以爲輕己由是怨之

記聞

韓魏公嘗論荆公曰爲翰林則有餘爲輔弼則不足或

宋史案補遺

卷九十八

聖大四明叢書

一翁園刊本

問其故曰嘗見其奏議只爲一己而不爲天下也

曾子固與荆公友善神宗以問子固云卿與王安石相
知最厚安石果何如子固曰安石文章行誼不減揚雄
以吝故不及神宗遽曰安石輕富貴似不吝也子固曰
臣所謂吝者以安石勇於有爲而吝於改過耳

司馬溫公嘗曰昔與王介甫同爲羣牧司判官包孝肅
爲使時號清嚴一日羣牧司牡丹盛開包公置酒賞之
公舉酒相勸光素不喜酒亦強飲之介甫終席不飲包
公不能強也光以此知其不屈

聞見錄

劉貢父與介甫書曰百姓取青苗錢於官爲公私債負
適迫故稱貸出息以濟其用介甫爲政不能使民家給
人足無稱貸之患而特開設稱貸之法以爲有益於民
不亦可羞哉

又曰姦臣爭以言利求用在唐之時皇甫鏘裴延齡用
此術致位公相雖然二人者猶不敢避其聚斂之名不
如介甫直以周公聖人爲證上則使人主無疑下則使
廷臣莫敢非

蘇老泉辨姦論曰今有人焉口誦孔老之言身履夷齊

之行收召好名之士不得志之人相與語言私立名宇
以爲顏淵孟軻復出而陰賊險狠與人異趣是王衍盧
杞合而爲一人也

張橫渠曰以義理言則婦死不當再娶夫死不當再嫁
當其初娶時便期以終身豈復有再娶之事禽獸猶有
不再匹者男子或爲無嗣祭祀之重猶可再娶婦人則
雖至窮餓而死不可也介甫直謂婦人得再嫁豈有是
理古者人君自元妃而下姪娣媵御不復再娶元妃死
則繼室攝內事自卿大夫以下有再娶之文亦必大不

得已也

程子曰王介甫謂周公能爲人臣所不能爲之功故可用人臣所不得用之禮樂是不知人臣之道也夫居周公之位則爲周公之事由其位而能爲者皆所當爲也周公乃盡其爲臣之職耳豈得獨用天子之禮樂哉伯淳近與吳師禮談介甫之學錯處謂師禮曰爲我盡達諸介甫我亦未敢自以爲是如有說願往復此天下公理無彼我果能明辨不有益於介甫則必有益於我程氏遺書

先生嘗語王介甫曰公之談道正如說十三級塔上相輪對望而談曰相輪者如此如此極是分明如某則躑直不能如此直入塔中上尋相輪辛勤登掛口迤邐而上直至十三級時雖猶未見相輪能如公之言然某卻實在塔中夫相輪漸近要之須可以至也至相輪中坐時依舊見公對塔談說此相輪如此如此介甫只是說道云我知有箇道如此如此只他說道時已與道離他不知道只說道時便不是道也有道者亦自分明只作尋常本分事說了孟子言堯舜性之舜由仁義行豈不

是尋常說話至於易只道箇立人之道曰仁與義則和性字由字也不消道自己分明陰陽剛柔仁義只是此一箇道理

程氏遺書

伊川語錄曰曾說介甫不知事君道理觀他意思只是要樂子之無知如上表言秋水旣至因知海若之無窮大明旣升豈有燭火之不熄皆是意思常要已在人主上自古主聖臣賢乃常理何至如此又觀其說魯用天子禮樂云周公有人臣所不能爲之功故得用人臣所不得用之禮樂此乃大段不知事君大凡人臣身上豈

宋學案遺

卷九十八

五十四明徵書

刑圖刑本

有過分之事凡有所爲皆是臣職所當爲之事也介甫平居事親最孝觀其言如此其事親之際想亦洋洋自得以爲孝有餘也臣子身上皆無過分事惟是孟子知之如說曾子只言事親若曾子可矣不齊有餘只言可矣唐子方作一事後無聞焉亦自以爲報君足矣當時所爲蓋不誠意

范忠宣曰介甫止因喜同惡異遂至黑白不分

陳師錫與陳瑩中書曰安石之學本出於刑名度數性命道德之說實生於不足解經與義皆原於鄭康成孔

穎達旁取釋氏表而出之後學不考其本因受其欺耳
蘇東坡曰介甫之文未必不善也患於好使人同己自
孔子不能使人同王氏安能以其學同天下

邵氏聞見錄曰安石在仁宗時論立英宗爲皇子與韓
魏公不合故不敢入朝安石雖高科有文學本遠人未
爲中朝士夫所服乃深交韓呂二家兄弟韓呂朝廷之
巨望也天下之士不出於韓卽出於呂韓氏兄弟子華
與安石同年高科持國學術尤高呂氏晦叔最賢亦與
安石爲同年進士子華持國晦叔爭揚於朝安石之名

宋元學案補遺

卷九十八

至四明叢書

附圖刊本

始盛安石又結一時名德之士如司馬君實輩皆相善
先是治平間神宗爲穎王持國翊善每講論經義神宗
稱善持國曰非某之說某之友王安石之說至神宗卽
位乃召安石以至大用

元城語錄曰先生與僕論變法之初僕曰神廟必欲變
法何也先生曰蓋有說矣天下之法未有無弊者祖宗
以來以忠厚仁慈治天下至嘉祐末年天下之事似乎
舒緩委靡不振當時士大夫亦自厭之多有文字論列
然其實於天下根本牢固至神廟卽位富於春秋天資

絕人讀書一見便解大旨是時見兩蕃不服及朝廷州縣多舒緩不及漢唐全盛時每與大臣論議有怫然不悅之色當時執政從官中有識者以謂方今天下正如大富家上下和睦田園開闢屋宇牢壯財命充足但屋宇少設飾器用少精巧僕妾樸魯遲鈍不敢作過但有鄰舍來相凌侮不免歲時以物贈之其來已久非自家做得如此遂不敢承當上意改革法度獨金陵揣知上意以一身當之爲激切奮勵之言以動上意遂以仁廟爲不治之朝神廟一旦得之以爲千載會遇改法之初

以天下公論謂之流俗內則太后外則顧命大臣尙不能回況臺諫乎祇增其勢耳雖天下之人羣起而攻之而金陵不可動者蓋此八箇字吾友宜記之僕曰何等八字曰虛名實行強辨堅志當時天下之論以金陵不作執政爲屈此虛名也平生行止無一點婉論者雖欲誣之人主信乎此實行也論議人主之前貫穿經史今古不可窮詰故曰強辨前世大臣欲任意行一事或可以生死禍福恐之得回此老實不可以動故曰堅志此法所以必行也

晁氏客語曰王荆公教元澤求門賓須博學善士或謂發蒙恐不必然公曰先入者爲主予由是悟未嘗講學改易者幼年先入者也

又曰王荆公著書立說言必以堯舜三代爲則而東坡所言但較量漢唐而已觀其所爲又全不相似

又曰王平甫謂荆公長於議古而短於議今工於知己而拙於知人范堯夫識君子而不識小人或問其故曰小人意智不可無但不使爾

又曰荆公凡處事必要經據託人賣金零賣了銖兩不

宋元學案補遺

卷九十八

五十四明齋書

總圖刊本

足甚怒元澤云銖銖而較之至兩必差遂解

龜山語錄曰荆公在朝論事多不循理惟是爭氣而已何以事君君子之所養要令暴慢邪僻之氣不設於身體

又曰荆公治天下專講求法度如彼脩身之潔宜足以化民矣然卒不逮王文正呂晦叔司馬君實諸人者以其所爲無誠意故也明道嘗曰有關雝麟趾之意然後可以行周官之法度蓋深達乎此

陸陶山答崔子方書曰荆公不爲春秋蓋嘗聞之矣公

曰三經所以造士春秋非造士之書也學者求經當自
近者始學得詩然後學書學得書然後學禮三者備春
秋其通矣故詩書執禮子所雅言春秋罕言以此

晁无咎續楚辭序曰柳宗元劉禹錫皆善屬文而朋邪
得廢韓愈薄之王文公曰吾觀八司馬皆天下之奇才
也一爲叔文所誘遂陷於不義至今欲爲君子者羞道
而喜攻之然八人者旣困矣往往能自強名卒不廢而
所謂欲爲君子者其終能毋與世俯仰以自別於小人
者少復何議於彼哉王公世大儒其學自韓愈以下不

論雖要不成人之惡至奇宗元輩而恕知其愛人憂國
志愈深矣而士之一切干祿陽自好而陰縱利徼一時
之願無禍而危者皆是於王公之言可遂不戒而視八
司馬不反忤乎禹錫不暇議宗元之才蓋韓愈比愈薄
而惜之稱其論議出入經史百子踔厲風發而謂其少
年勇於爲人不自貴重使直臺省時已能持身如其斥
時亦自不斥愈於宗元懇懇如此豈亦知夫才難與王
之意無異也

鄧志宏書字學曰熙寧以來專用字學士夫師之不能

誰何蓋寧以孔聖爲誤耳端不敢以鄭服爲非也蘇東坡猶切齒今觀其論八僭則考說文曰從人從付了齋先生極論新法不便及作書與曾子審乃論悔字從心從每觀二公之論又若未能忘字學者或者疑之子曰莊周孟軻之意也或者曰然

胡致堂曰自古營言之法必觀其事王氏宗派效於紹聖元符崇觀政宣已來夫何可掩試舉其大者則纘瞿聃靈空之說亂鄒魯禮義之實談二帝三皇之治濟申商韓非之政託人子繼述之孝毀祖宗艱難之業指豐

亨盛大之象肆窮奢極侈之欲慕開疆闢土之績速佳兵好還之禍乘國破君亡之釁扶背主僭命之賊玩燕巢危幕之勢致荆揚喋血之苦積刑賞不平之憤起周廬千紀之變假偃武息民之說成外交固位之計殄烝民三綱之道甘臣服讐虜之辱稱太平無事之美導般樂怠敖之失結忠賢諫說之舌生隆家卑國之漸皆背違先聖操心不仁而精於經義字說立乎本朝據權斷論之大驗也若君子私淑所被曾微一人箴其列焉特用此觀之明善喻利之判豈不昭灼乃復營營翩翩變

移黑白上欺君父下蔑清議不念率獸食人近有覆轍
亦何意哉

張橫浦曰介甫一傳而得呂太尉再傳而得蔡新州三
傳而得章丞相四傳而得蔡太師五傳而得王太傅
劉子卿曰王荆公新經字說詔以其書立之於學熙豐
已來其學盛行世謂之臨川學又曰新學

又曰荆公爲州僉判每讀書達旦略假寐日已高亟上
府多不及盥漱常云學者當知其難而自強不息故自
天子至於庶人進德修業若存若亡而能成者未之有
也雖然秦始皇衡石程書隋文帝衛士傳餐蘇秦引錐
刺股非不勤也而不免於喪邦殺身者又不可不求其
故也

晁子止曰經云當不義則子不可以不諍於父而孟子
猥曰父子之間不責善夫豈然哉今介甫以爲當不義
則諍之非責善也噫不爲不義卽善矣阿其所好以巧
慧侮聖人之言至此君子疾夫

汪玉山跋王荆公所書佛偈曰荆公贈太傅其制云少
學孔孟晚師瞿聃世或以爲有所譏然公自謂余幼習

孔孟長聞佛老之風而悅之則制詞蓋公志也公所書
彌勒偈此特其一爾可以見公於異學其篤好如此
林拙齋上陳口口論行三經事劄子曰王氏於經義雖
其言以孔孟爲宗然尋其文索其旨大抵爲新法之地
者十六七此王氏之私書也詎可以垂世立教乎

楊誠齋跋半山老人帖曰半山老人此帖蓋與劉丞相
之子元忠待制也紙尾云外物之來寬以處之此老人
法也佩玉廟堂而面帶騎驢荒陂之色觀其字知其人
朱子曰尙書王氏說傷於鑿然其善亦有不可掩處荆
公不解洛誥但云其閒煞有不可強通處今姑擇其可
曉者釋之今人多說荆公穿鑿他却有如此處後來人
解者却須盡要解

又曰介甫以文章節行高一世而尤以道德經濟爲己
任被遇神宗致位宰相世方見其有爲庶幾復見二帝
三王之盛而安石乃汲汲以財利兵革爲先務引用凶
邪排擯忠直躁迫強戾使天下之人驚然喪其樂生之
心卒之羣姦嗣虐流毒四海至於崇宣之際而禍亂極
矣

又曰龜山一出追奪荆公王爵罷配享孔子且欲劈毀三經板士子不樂遂相與聚問三經有何不可輒欲毀之當時龜山亦謹避而已

又曰前此猶有三禮通學究諸科禮雖不行而士猶得以誦習而知其說熙寧以來王安石變亂舊制廢罷儀禮而獨存禮記之科棄經任傳遺本宗末其失已甚

又曰祖宗時有開寶通禮科學究試默義須是念得禮熟是得禮官用此等人爲之介甫一切罷去盡令作大義故今之禮官不問是甚人皆可做某嘗謂朝廷須留此等科如吏科亦當

朱子答汪尙書曰學以知道爲本知道則學純而心正見於行事發於言語亦無往而不得其正焉如王氏者其始學也蓋欲凌跨揚韓掩迹顏孟初亦豈遽有邪心哉特以不能知道故其學不純而設心造事遂流入於邪又自以爲是而大爲穿鑿附會以文之此其所以重得罪於聖人之門也

朱子與東萊論白鹿書院記曰王氏得政知俗學不知道之弊而不知其學未足以知道於是以老釋之似亂

周孔之實雖新學制頒經義黜詩賦而學者之弊反有甚於前日建炎中興程氏之言復出學者又不考其始終本末之序而爭爲妄意躐等之說以相高是以學者雖多而風俗之美終亦不迨於嘉祐治平之前而況欲其有以發明於先王之道乎

朱子婺州金華縣社倉記曰予惟世俗所以病乎此者不過以王氏青苗爲詆耳予觀於前賢之論而以今日之事驗之青苗之法之本意固未爲不善也但其給之也以金而不以穀其處之也以縣而不以鄉其職之也以官吏而不以鄉人士君子其行之也以聚斂亟疾而不以慘怛忠和王氏能行於一邑而不能行於天下子程子嘗極論之卒悔其已甚而有激也

朱子讀兩陳諫議遺墨曰嘗歷考一時諸賢之論以求至當惟龜山楊氏指其離內外判心迹使道常無用於天下而經世之務皆私智之鑿者最爲近之其論紹述而以爲當師其意不當泥其迹者亦能曲盡其理之當而無回互之失雖元城劉公所謂只宗神考者有所不逮不但兩陳公而已也然及其請罷廟學配享之章則

又不能如其平日之言以正其罪願乃屑屑焉偏指鼻
鷺一義以爲實奢汰之原此爲獲殺人於貨之盜而議
其竊鉤之罪對放飯流歎之客而議其齒決之非視兩
陳公之言乃反有不能及者是以至今又幾百年而其
是非之原終未明白往者雖不足論而來者之監亦學
者之所不可不知也

朱子語類曰東坡云荆公之學未嘗不善只是不合要
人同己說得未是若荆公之學是使人人同己俱入於
是何不可之有今却說未嘗不善而不合要人同成何
說話若使彌望皆黍稷都無稂莠亦何不可只爲荆公
之學自有未是處耳

又曰介甫初與呂吉甫好時常簡帖往來其一云勿令
上知後來不足呂遂繳奏之神宗亦胡亂藏掩了介甫
只好人奉己故與呂合若東坡們不順己硬要治他如
何天生得恁地狠

問萬世之下王臨川當作如何評品朱子曰陸象山嘗
記之矣何待他人問莫只是學術錯了曰天資亦有拗
強處曰若學術是底此樣天資却更有力也曰然

陸象山記荆國王文公祠堂曰裕陵之得公問唐太宗何如主公對曰陛下每事當以堯舜爲法太宗所知不遠所爲未盡合法度裕陵曰卿可謂責難於君然朕自視眇然恐無以副此意卿宜悉意輔朕庶同濟此道自是君臣議論未嘗不以堯舜相期及委之以政則曰有以助朕勿惜盡言又曰須督責朕使大有爲又曰天生俊明之才可覆庇生民義當與之戮力若虛捐歲月是自棄也秦漢以下南面之君亦嘗有知斯義者乎後之好議論者之聞斯言也亦嘗隱之於心以揆斯志乎曾魯公曰聖知如此安石殺身以報亦其宜也公曰君臣相與各欲致其義耳爲君則自欲盡君道爲臣則自欲盡臣道非相爲賜也秦漢而下當塗之士亦嘗有知斯義者乎後之好議論者之聞斯言也亦嘗隱之於心以揆斯志乎惜哉公之學不足以遂斯志而卒以負斯志不足以究斯義而卒以蔽斯義也昭陵之日使還獻書指陳時事剖析弊端枝葉扶疏往往切當然覈其綱領則曰當今之法度不合乎先王之法度公之不能究斯義而卒以自蔽者固見於此矣其告裕陵蓋無異旨勉

其君以法堯舜是也而謂每事當以爲法此豈足以法堯舜者乎謂太宗不足法可也而謂其所爲未盡合法度此豈足以度越太宗者乎

又曰公之未用固有素警公如張公安道呂公獻可蘇公明允者夫三公者之不悅於公蓋生於其氣之所迕公之所蔽則有之矣何至如三公之言哉英特邁往不屑於流俗聲色利達之習介然無毫毛得以入於其心潔白之操寒於冰霜公之質也掃俗學之凡俗振弊法之因循道術必爲孔孟勳績必爲伊周公之志也不斷人之知而聲光煜奕一時鉅公名賢爲之左次公之得此豈偶然哉用逢其時君不世出學焉而後臣之無媿成湯高宗君或致疑謝病求去君爲責躬始復視事公之得君可謂專矣新法之議舉朝謹謹行之未幾天下恂恂公方秉執周禮精白言之自信所學確乎不疑君子力爭繼之以去小人投機密贊其決忠樸屏伏儉狷得志曾不爲悟公之蔽也典禮爵刑莫非天理洪範九疇帝實錫之古所謂憲章法度典則者皆此理也公之所謂法度者豈其然乎獻納未幾裕陵出諫院疏與公

評之至簡易之說曰今未可爲簡易修立法度乃所以簡易也熙寧之政粹於是矣釋此弗論尙何以贊辭於其建置之末哉

又曰大學不傳古道榛塞其來已久隨世而就功名者淵源又類比於老氏世之君子天常之厚師尊載籍以輔其質者行於天下隨其分量有所補益然而不究其義不能大有所爲其於當世之弊有不能正則依違其閒稍加潤飾以幸無禍公方恥斯世不爲唐虞其肯安於是乎蔽於其末而不究其義世之君子未嘗不與公同而犯害則異者彼依違其閒而公取必焉故也熙寧排公者大抵極詆訾之言而不折之以至理平者未一二而激者居八九上不足以取信於裕陵下不足以解公之蔽反以固其意成其事新法之罪諸君子固分之矣

林竹溪曰象山爲荆公祀堂記意以孔孟而下斯道之微陵夷數千載公能卓然有見於斯義而前脩譏議之者皆未公也

陳龍川淳熙上書曰王安石以正法度之說眷合聖意

而其實則欲籍天下之兵盡歸於朝廷別行教閱以爲
疆也括郡縣之利盡入於朝廷別行封樁以爲富也青
苗之政惟恐富民之不困也均輸之法惟恐商賈之不
折也罪無大小動輒興獄而士大夫緘口畏罪矣西北
兩邊至使內臣經畫而豪傑恥於爲役矣徒使神宗皇
帝見兵財之數旣多銳然南征北伐卒乖聖意而天下
之勢實未嘗振也彼蓋不知朝廷立國之勢正患文爲
之太密事權之太分郡縣太輕於下而委瑣不足恃兵
財太關於上而重遲不易舉祖宗惟用前四者以助其
勢而安石竭之不遺餘力不知立國之本末者眞不足
以謀國也

樓攻媿記鄞縣經綸閣曰熙寧遇主千載一時盡以所
行於鄞者推廣之使一時奉行者皆能如公之在鄞則
天下豈以爲病哉天下雖病之然吾邑人之於公不敢
忘也故尸而祝之至於今

陳及之周禮辨疑曰族師以質劑致民平頒其興積施
其惠散其利而均其政令介甫青苗之法援此以證又
以平役爲不問其所欲否而概與之殊不知族師之法

特以補救民之不足耳苟民自有餘何爲貸於官也青苗之法意在取息恐貸者多窮民及姦猾未能出息雖富民亦強之使貸不待其行之弊而其心先不可問矣魏鶴山曰河閒獻王二戴馬鄭相與保殘補缺晉宋隋唐諸儒迭爲發揮三禮得不盡亡自正義旣出先儒全書泯不復見至金陵王氏又罷儀禮而士習於禮者鮮又遊蔣山詩曰連年飲建鄴寤寐北山靈三過又不入風雨肯其程一朝決會期萬籟不敢聲斷嶺卷夕潦別巘浮遠青因思山中人昔者相熙寧不知學何事葬制

爲周經羣公咸其輔弗謏宗康成相承章蔡後九州半臙腥歷年百七十眾寐未全醒三經猶在校從祀猶在庭追維禍之首千古一涕零大鈞高難問山空水泠泠程洺水書陳忠肅尊堯書後曰金陵半山寺王荆公故宅也頃於其寺見其象漫面不髭氣狠而盈故上不知有君父中不知有賢者下不知有生民傲兀冥行略無旁忌睹象誅心令人鬱然讀了翁尊堯一書千百世之下聞者爲之興起

王氏困學紀聞曰矧惟若疇圻父薄違農父若保宏父

定辟荆公以違保辟絕句朱文公以爲覓出諸儒之表
洛誥復子明辟荆公謂周公得卜復命於成王也漢儒
居攝還政之說於是一洗矣山谷云荆公六藝學妙處
端不朽信夫

又曰亂離瘼矣爰其適歸新經義云亂出乎上而受惠
常在下及其極也乃適歸乎其所出矣噫宣靖之際其
言驗矣而兆亂者誰歟言與行違心與迹異荆舒之謂
也

謝山箋曰王荆公用意氣則有之言行心跡不至歧

宋元學案補遺

卷九十八

卷四明叢書

約園刊本

而爲二也章蔡之致亂不可竟以罪荆公

又曰周禮劉歆始用之蘇綽再用之王安石三用之經
之蠹也

又曰王介甫答韓求仁問春秋曰此經比他經尤難蓋
三傳不足信也尹和靖云介甫不解春秋以其難之也
廢春秋非其意朱文公亦曰春秋義例時亦窺其一二
大者而終不能自信於心故未嘗敢措一辭

謝山箋曰祁寬所輯和靖語錄海陵周茂振謂荆公
妒孫莘老之言不可復加而遂詆爲斷爛朝報乃屬

刻辭今觀和靖此語可以釋然

又曰荆公曰古之善事親者非事其親之謂也事其心而已矣事其心出人閒世

又曰自荆舒之學行爲之徒者請禁讀史書其後經筵不讀國風而湯誓泰誓亦不進講人君不知危亡之事其效可睹矣

文文山跋呂元吉先人介軒記後曰巽齋先生曰徂徠石先生名介質肅唐公名介鄭公俠字介夫半山老人字介甫凡有取乎介者其人必可觀也予嘗評之徂徠

之介爲孤峭質肅之介爲直方鄭公之介爲敢決荆公之介爲執拗三公之介純於天資荆公之介雜於客氣介則一而其所以介則不同也子獨悲夫強辨堅忍虛名僞行介甫以誤於其君以屬於其時至今天地易位人極不忘皆此介之流弊也徂徠不得爲諫官唐公爭新法不勝發憤死鄭以一跌碌碌州縣不復能自振迅介美德也三公得其純坎圻於當世彼其用血氣之私竊名譽之盛而遭毒迫今日而未已嗚呼僞行之誤人而直道之難行久矣

黃東發曰王安石以文行稱天下歷事三朝仁宗惡其詐不用英宗建立時有異議自嫌不求用愈不用名愈顯神宗立遂驟用之天下方翹首望太平乃盡壞祖宗法度聚斂毒民生事開邊卒亂天下何哉正坐博學自矜視天下無人而行其獨耳愚謂此其爲安石之不學歟夫學者將以明理而施之用六經治道之根源諸史行事之龜鑑固非索隱務奇之爲博也

又曰安石面罵諸公不讀書此正安石自道耳孟子何必曰利一語三尺童子所知安石尙不能行又烏得誇

讀書

又曰安石字介甫平生執拗稱其名字惜不曾思及下文見幾而作二句耳

又讀荆公文集曰禮樂論以道家修養法釋先王立禮樂之意則公溺於異端之見也大人論亦涉異端

又曰原性性說二篇闕韓文公

又曰文人不護細行世有是言矣亦孰知博學能文其濳修苦節有如荆公者乎然公之文有論理者必欲兼仁與智而又通乎命有論治者必欲養士教士取士然

後以更天下之法度其文率曖昧而不彰迂弱而不振
未見其犁然當人心使人心開目明誦詠不忘者或者
辨析義理之精微經綸治道之大要固有待於致知之
眞儒耶

又讀龜山神宗日錄論曰安石勸人主以誅殛賢人罔
取民財竭天下之力以爲奉蓋備極自古小人之凶德
矣世猶以其詩文而列之士人謂其清苦而目以賢者
不知正其濟奸之具也

虞道園送李伯宗序曰文公高峻明潔前無古人當宋

盛時何其多君子矣自公視之其爲學之精治世之要
略無足以當其心者公之心以爲使是君爲堯舜之君
使是民爲堯舜之民其自信亦不可誣也惟其自信之
極而不知其道之合於聖人否也是以一時諸公之言
不足少有所移易而明道先生從之爲三司條例司未
嘗與之爭亦未嘗委曲而從之也而公深服其言無不
從者使明道久與公處其所謂高明精潔者智足以知
之則潛融默化以入於聖人之域則公之所立必有大
過人者豈有後世之禍哉是故程子之不得久與處者

豈直介甫之不幸天下之不幸也是故可以使公心服而無疑者其惟程伯子乎烏乎殆哉

宋潛溪擬道記曰金陵之學何如曰穿鑿聖經而附會已說甚者竊佛老之似以誣吾聖人之教學顏孟者固如是乎又其甚一假功利以搖動天下利源一開魚爛河決而莫之禁如此尙可爲國耶予嘗謂亡宋天下者自金陵始也曰然則無一髮可取乎曰確執堅信淡然不爲位勢動是則何可及也所惜者學之疵耳

謝山句餘土音王文公祠詩文公爲作靈巖行曾向

宋志學案補遺

卷九十八

七十四明叢書

續圖刊本

山中一信宿若璉若坦若虛白話暫殷殷陳野菽至今去思留山中斗門惠澤並東谷文公本自皋夔志青苗誤祖周國服須知常平與青苗其法如車人如軸常平失人亦貽厲青苗得人亦造福文公行之吾鄉時鄧山之民遍戶祝於今吾鄉歲歲行常平但爲墨吏腰纏恣飽驥

陳石士師柬習之曰夫矯輕警惰張子固嘗有是言矣然矯以至於中非矯而至於過也荆公云矯枉者欲其直也矯之過則歸於枉矣矯過而至於枉則此

心不能無重輕心有所重輕則已非藹然肫然無適
無莫之字矣又況措之於躬見之於事於人情有所
不合而是非毀譽以起是非毀譽以起而心不能不
應之則忿懣好樂有所之而互相爲害其於易之所
謂良其背不獲其身行其庭不見其人者不亦大相
懸絕矣乎

梓材謹案宋史藝文志載荆公新經周禮義二十
二卷四庫全書本永樂大典口周禮義十六卷提
要云三經義中惟周禮爲荆公手著荆公以周禮
亂宋學者類能言之然周禮之不可行於後世微
特人人知之荆公亦未嘗不知也荆公之意本以
宋當積弱之後欲濟以高強而恐富強之說必爲

宋元學案補遺

卷九十八

七十四明叢書

續編刊本

儒者所排擊於是附會經義以籍其口實非真信
周禮爲可行迨其後用之不得其人行之不得其
道百弊叢生而宋以大壞其弊亦非真緣周禮以
致誤羅大經鶴林玉露詠荆公放魚詩曰錯認蒼
姬六典書中原從此變蕭條是猶爲荆公之所給
未究假借六藝之本懷也因是而攻周禮因是而
攻荆公所注之周禮是寬其影附之巧謀而科以
迂腐之薄譴矣又云此書惟訓詁多用字說病其
牽合其餘依經詮義如所載八則之治都鄙八
統之馭萬民九兩之繫邦國者皆具有發明無所
謂舞文害道之處故王昭史林之奇王與之陳友
仁等注周禮頗據其說

雲濠謹案王阮亭居易錄云宋仁宗咸於荆舒厭
棄正人熙寧元豐之際正國家否極之時然一隙
之明未嘗不在王定國聞見近錄載其末年論執
政曰延安郡王出閣尚議宮僚司馬光端重宜爲
宮官呂公著孫覺皆可作之文貽慶可任洗馬又
一日召執政詣天章閣議官制除目至太常少卿

曰可除范純仁至臚部郎中曰南宮舍人非他曹
可比除劉摯至著作郎曰此非蘇軾不可觀此則
神宗知人之哲何曾盡爲煬寵所蔽哉若持之甚
堅太平之治不俟元祐矣安石之罪可勝誅乎又
引朱近修論荆公云後世之變法者三人商鞅王
莽與安石耳商鞅變之而國富強莽安石變之而
天下大亂王莽變法於初定之新故亂發十八年
之速安石變法於久安之宋故亂成數十年之後
云云以安石與莽並論甚確然非元祐諸賢則安
石之釀亂亦不待宣靖之日使惇卞諸姦不以紹
述之說進則北宋至今存可也

都官家學

補左丞王先生安禮

附錄

宋元學案補遺 卷九十六

三四明叢書

約園刊本

樓攻媿序魏公文集曰田承君天下士也送別鄒道卿
之言可畏可仰是豈苟於從人者在公幕府至十有五
年微公不克以致此客微承君不足以入公之幕也爲
公家傳其稱公之文曰踔厲駿發卒歸宿於道制誥溫
潤豐美得中和之氣而屬辭贍洽成於口授上數稱之
誥命有可以通行者俾公爲定辭以新之後爲丞弼每
下大詔令與通好夷狄多屬於公又採長者之論摺紳
大夫之談謂公厚德懷人如晉羊祜直節敢諫如魏辛
毗吏治儒雅如漢張敞風概峻整如唐溫造昌黎有曰

知其客可以信其主知其主可以信其客公之賢足以表千古承君之言可以信後世

補祕閣王先生安國

祕閣文集

湯之於伊尹文武之於太公望高宗之於甘盤皆上盡
悃幅以求於下而下之自重不可以詘者豈以其道德
足以驚上哉蓋以爲所以望於吾者以道德而其求也
不勤則其聽也不一故君之於臣也忘其貴臣之於君
也忘其賤論道德於君臣之際而無貴賤者此天下國
家之所以治也記曰取人以身修身以道夫修身至於
足以取人者學之效也而果可以不學於師友乎師友
昔鄭以尹何爲邑而子產卒不之與曰學而後入政未
聞以政學也彼以一邑而猶不可以用不學之人又況
任有大於此者乎詩賦辭章律令非古之所謂學也徒
可以求舉於今爾施之行治而茫然如未嘗問書也雖
策論稍異於此然亦取辭而已且設法欲四方萬里之
材一切無所遺逸以今觀之其能無所遺逸乎臣固知
其不能也其甚則愚乎有道德者往往恥於求舉而僱

俛以爲貧者又多困於不售夫不售者古以爲有司之
罪而今之操陞黜者反咨嗟歎息以爲彼有所制而吾
亦無如之何爲天下而使有道德者恥不願仕有司不
得行其志而歸之於命然則法之弊也可謂極矣舉士

夫以德力行仁所以爲王霸之異而至於詘己任人則
未始不同然而君能畜臣者天下之至難傳曰取人以
身修身以道修道以仁蓋道極於不可知之神而人有
其質推之爲天下國家之用者以其粗爾然非致其精
於己則其粗亦不能以爲人惟能自愛其身則內不敢
欺其心外不蔽於物然後好惡無所作而尙何有己哉
能無己始可以得己而足以揆天下之理知人之言而
邪正無以度其實尙何患乎論之不一哉後周書序

附錄

平甫爲西京國子監教授從康節遊歸以出處語介甫
介甫歎曰邵堯夫之賢不可及矣闕見錄

嘗諫其兄以天下洵洵不樂新法恐爲家禍介甫不聽
安國哭於影堂曰吾家滅門矣

雲濠謹案王阮亭居易錄引王銍默記云時人語
曰王家兄弟小底不如大底謂安石安禮安國也

子謂論人以道德不以爵位當易之云王家兄弟大底不如小底論世者或有取於子言

譚氏家學

知州譚先生揆

譚揆字文初曲江人虞部郎昉子王荆公方髻齟與先生兄弟同學荆公後爲字說先生入局爲郎官不苟從累遷廣文館學士副廣東西漕移東路憲知南恩州

東黃

志

荆公講友

孫先生倅

孫先生倅

卷九十八

五

四明叢書
約園刊本

孫正之語

文氣也君子之氣正眾人之氣隨行之於身而正者然後爲文故必見諸行行不正則言無以信於世

附錄

荆公送之序曰正之行古之道又善爲古文子知其能以孟韓之心爲心而不已者也正之之兄官於溫奉其親以行將往之先爲言以處子欲默安得而默也

又同學一首別曾子固曰江之南有賢人焉字子固非今所謂賢人者予慕而友之淮之南有賢人焉字正之

非今所謂賢人者子慕而友之二賢人者足未嘗相過也口未嘗相語也辭幣未嘗相接也其師若友豈盡同哉予考其言行其不相似者何其少也曰學聖人而已矣學聖人則其師若友必學聖人者聖人之言行豈有二哉其相似也適然予在淮南爲正之道子固正之不予疑也還江南爲子固道正之子固亦以爲然予又知賢人者既相似而又相信不疑也子固作懷友一首遺予其大略欲相扳以至中庸而後已正之蓋亦常云爾夫安驅徐行轡中庸之庭而造於其堂舍二賢人者而誰哉子昔非敢自必其有至也亦願從事於左右焉爾輔而進之其可也

王廣陵先生令

別見士劉諸儒學案補遺

縣令王先生回

詳見廬陵學案

縣令胡先生舜元

胡舜元銅陵人王介甫讀書大明寺常同硯席後知鄭縣遇行新法以書抵介甫言其懷貳事君貪利害民竟

乞致仕

姓譜

雲濠謹案先生嘉祐己亥進士歷遷著作郎王荆公嘗作序送之稱爲純孝其卒也以詩轍之見臨

校理王先生介

王介常山人性強記負直氣舉制科累官至祕閣校理與王介甫遊甚款然未嘗降意相下初介甫屢召不起後受學士之命先生以詩寄之有云草廬三顧有春蟄蕙帳一空生晚寒蓋有所諷云

姓譜

雲濂謹案周益公跋先生帖云王公與荆公同學眉山蘇公同科二公皆弔以詩其人可知矣

州判姚先生鬪

別見廬陵學案補遺

縣令求先生仲弓

宋學案補遺 卷九十八

宋四明叢書 約園刊本

求仲弓字德夫黃巖人善屬文熙寧九年特科與王荆公爲文字交其詩有雅趣終樂清知縣有文集

台州府志

杜先生嬰

杜嬰字大和眞之揚子人寓於醫無貧富貴賤請之輒往與之財非義輒謝而不受時時窮空幾不能以自存未嘗有不足之色善言性命之理而其心曠然無累於物荆公嘗與之語久之而不厭云

參臨川文集

徐先生仲堅

徐仲堅揚子人忠信篤實遇人至謹雖疾病占筮不正

衣巾不見寓於筮日得數十錢則止不更筮也能爲詩亦好作文有集若干卷

臨川文集

征先生集

征集淮南人事其母至孝居鄉里恂恂恭謹樂振人之窮急而未嘗與人校曲直好蓄書能爲詩有子五人而教其三人爲進士卒年七十七

王臨川集

附錄

王深寧困學紀聞曰荆公爲征君墓表云淮之南有善人三人杜安徐仲堅而征君之名字缺焉三人皆居眞

空學案補遺

卷九十八

五

四明叢書

約園刊本

之揚子當求郡志而補之

梓材謹案萬姓統譜先生名集其事與荆公所作墓表合且言其子長復次賁皇祐嘉祐間相繼登第蓋卽據郡志而爲之者遂援以補之

荆公學侶

補庶官宋先生保國

梓材謹案徐敦立却掃編記彩邊格云起於唐李邕本相踵之者有趙明遠尹師魯元豐官制行有宋保國皆取一時官制爲之云

荆公同調

錄事江先生樸

附子炳

江樸字文叔開化人好學自立悼禮學之缺能言其義
爲書二十卷丞相王荆公方舉有司尤善之中皇祐五
年進士第授翁源尉徙餘干令鄱陽楊驥通易臨川吳
孝宗通春秋皆以書幣致之奉口子從受業屋少不能
館至分處浮圖舍江南以爲美談再調象山令代還荆
公當國論事不合監鹽官南路鹽場罷去復用舉者得
夔州錄事謝病去閒居鄞江十餘年又居無錫元祐六
年無疾卒年七十三子炳與晁補之治平中俱學江南
相好也後中進士第爲巴東縣主簿

雞肋集

空齋學案補遺

卷九十八

八十四明叢書

約園刊本

直講曹先生確

附從子瑛璉

曹確字口口江陰人以文行知名於時熙寧更新學校
遂奏天下名儒訓迪多士先生時在選中擢爲國子直
講學者翕然師尊之從子瑛字子華與弟璉從先生爲
學得其緒言紬繹不懈皆屹然有立後璉以進士通籍

楊龜山集

郎中劉前溪先生涇

別見郎劉諸儒學案補遺

房先生審權

房審權蜀人熙寧間著周易義海一百卷其書集鄭康

成至王介甫凡百家撮取其專明人事者爲一編郡志

讀書志

梓材謹案經義考劉費著云先生祕書昭庶之子著大樂演義

附錄

李彥平自序周易義海撮要曰房謂自漢至今專門學不啻千百家或泥陰陽或拘象數或推之於互體或失之於虛無今於千百家斥去雜學異說摘取專明人事羽翼吾道者僅百家編爲一集仍以正義冠之端首鑿爲百卷或諸家說有異同理相疑惑者復援父師之訓朋友之論輒加評議附之篇末其間尙有意義重疊文辭冗瑣者再加刪削而益之以伊川東坡漢上之說庶學者便於觀覽云

附傳

縣令黃先生介

父畫

黃介字幾復南昌人父畫以天文經緯言人事疇耦如神先生與其兄甲皆授學其父試以近日求五緯法曰先得者傳焉甲以二日先生以十日其父曰甲可世家介可爲儒而二子皆以卒業先生年少有意於六經析

理入徵士大夫未知讀老莊先生數爲其友黃涪翁言
莊周雖名老氏訓傳要爲非得莊周後世亦難趨入其
斬伐俗學以六事黃帝堯舜孔子自揚雄不足以知之
其後十年王氏父子以經術師表一世士非老莊不言
涪翁戲曰微言可以市矣先生曰吾安能希價於咸陽
而與稷下尹辨哉熙寧九年乃得同學究出身舉廣州
教授嶺南人士承其講解章句聞所未聞改楚州團練
推官知四會縣用薦者知永新縣卒

黃豫章集

張先生砥

宋元學案補遺

卷九十八

三三 四明叢書

約園刊本

張砥□□人著有春秋傳蓋治春秋三十年成書三十
萬言當日以貽司馬溫公託其自上廢三傳之學而行
其書以伸千載聖人未明之意溫公封還之

經義考

輔之先緒

王先生君玉

王君玉佚其名南城人無咎之父也事親盡力及其有
子則盡其方以教子鄉人之子弟皆歸之先生隨少長
所以教又盡其力云

王臨川文集

梓材謹案四庫書目提要國朝談苑二卷舊本題
夷門隱叟王君玉撰考陳振孫書錄解題宋史藝

文志作國老聞談卷數與此相合而注稱夷門君玉撰不著其姓然則此名後人所改王氏亦後人所增也今攷宋王君玉有二一爲先生一爲舒人王琪字君玉以禮部侍郎致仕爲王丞相珣之從父兄是書如爲王君玉所撰當屬之先生

陸氏先緒

吏部陸先生軫

陸軫字□□越人也農師之祖官吏部郎逮真宗仁宗在館閣最久華文質行粹美無疵爲子若孫若其從子安承善訓隨性之厚薄各有得焉 陶山集

朝奉陸先生琮

陸氏家譜遺 卷九十六

陸氏家譜遺 卷九十六

約園刊本

陸琮字寶之吏部再從子也幼孤吏部自教養之爲學甚力任爲郊社齋郎爲吉州龍泉縣主簿歷知處州入遷至朝奉大夫 陶山集

陸氏師承

呂先生宏

呂宏字□□吳縣人陸陶山佃嘗以童子從之學 陶山集

荆公家學

補 龍圖王元擇雱

附錄

晁子止曰新經尙書義王雱元澤撰熙寧六年命呂惠卿兼修國子監經義王雱監同修撰王安石提舉而雱成是經頒於學官用以取士或少違異輒不中程由是獨行於世六十年而天下學者喜攻其短自開黨禁世人罕稱焉

項平甫跋王氏爾雅曰予讀王元澤爾雅爲之永歎曰嗚呼王氏以父子之學之苦卽其比物引類之博分章析句之工其用力也久其屬辭也精以其名家自足垂世視揚子雲許叔重何至多遜而必欲用此說也咸五帝而登三王縛頡利而臣高昌則已疏矣度不能勝而乃濟之以慢輔之以佞招合一時之羣小盡逐累世之舊臣以蹙吾國而覆之以遺凶流毒至使後之擅國者世師焉以享上祇辟之說悅人主以邦朋國是之說空廷臣則王氏父子實爲之津梁可不痛哉

王深寧困學紀聞曰上蔡論語解引元澤云教之化民也深於命民之效上也捷於令本史記趙良之言原注

商君傳

梓材藿案阮亭居易錄引青箱雜記安石子雱云君子多喜食酸小人多喜食鹹蓋酸得木性而上

載得水性而下也觀
此語不覺失笑云

王野民先生景

王景字□□吉水人視荆公爲從祖教授於吉從者傾
一州蕭龍圖世京彭太傅燮揚著作純師皆從之授業
著書數百卷號野民集

楊誠齋集

荆公門人

補
侍郎龔先生原

附錄

先生少從王荆公游篤志明經以經學爲邑人倡是時

宋完學案補遺 卷九十六

全五十四明藏書
一續園刊本

周程尙隱於濂洛永嘉先輩之學以經鳴者淵源皆出
於先生

荆公再答先生論語孟子書曰所論及異端共曉然道
德性命其宗一也道有君子有小人德有吉有凶則命
有順有逆性有善有惡固其理又何足以疑伊尹曰茲
爲不善習與性成出善就惡謂之性亡不可謂之性成
伊尹之言何謂也召公曰惟不恭厥德乃早墜厥命者
所謂命凶也命凶者固自取然猶謂之命若小人之自
取或幸而免不可謂之命則召公之言何謂也是古之

人以無君子爲無道以無吉德爲無德則出善就惡謂之性亡非不可也雖然可以謂之無道而不可謂之道無小人可以謂之無德而不可以謂德無凶可以謂之性亡而不可謂之性無惡孔子曰性相近也習相遠也言相近之性以習而相遠則習不可以不慎非謂天下之性皆相近而已矣孔子見南子爲有禮則孔子不可告子路曰是禮也而曰天厭之乎孟子曰男女授受不親禮也嫂溺援之以手者權也若有禮而無權則何以爲孔子天下之禮固不可以一言盡君子有時而用禮故孟子不見諸侯有時而用權故孔子可見南子孔子與蒲人盟而適衛者將以行法也不如是則要盟者得志矣且有至於人而不得行則聖人之無所奈何孔子適衛非蒲之所能至則孔子何爲而不適衛蓋適衛然後足以明義此孔子之所微也凡此皆爲深甫道之以深甫之明何難於答是而千里以書見及此固深甫之好問嗜學之無已也

鄒忠公序先生括蒼易傳曰神宗皇帝以道涖天下於是造士以經表通經者講於太學以訓迪四方時陸公

佃詩孫公詳書葉公濤周禮周公常禮記而先生專以
易授諸公咸推先焉先生蓋王文公門人之高第也三
聖之所祕文公既已發之於前文公之所略先生又復
申之於後始而詳說之終以反說約故自熙寧以來凡
學易者靡不以先生爲宗師

周益公書先生史傳後曰惟公學術豈晚生所敢輕議
至於守道不阿尙可推考王荆公不喜春秋公則詳爲
之傳知非苟從王氏者迨元祐初司馬文正雖有習氣
之語不害其爲實也厥後哲宗疑元祐大臣出公於外
而公奏陳之意猶前日所以對文正也二三十年間士
大夫徇時向背者多公獨始卒如此是宜人主信之學
者尊之勁正如鄒忠公序公易傳至謂其說可與易偕
行不朽而以門人自名則公學術可知矣

補直講王先生无咎

梓材謹案曲阜集先生文集序云始起窮約之中
未有知者我伯氏一見異之歸以其妹其後歷抵
數公而從王文公游最久至秉官積年不去
以迨於卒又嘗解論語十卷以行於世云

審己箴

汝曰有德汝未大成汝之有過傷德蓋輕聖能恕汝猶

曰汝美眾人弗逮知慕而已怨汝不知慕汝輒愉汝不自反卒比於愚愚不可比汝孰宜懼聖人之怨眾人之慕

附錄

荆公誌其墓曰當熙寧初所謂瀆直好義不爲利疚於回而學不厭者予獨知君而已

曾文昭序先生文集曰補之於書無所不讀於聖人微言奧旨精思力索必極其至本茂華韡源深流駛故其爲文貫徹古今反覆辨博而卒歸於典要非特馳騁虛詞而已充補之之志蓋將著書立言以羽翼六經而不幸死矣

王深寧困學紀聞曰畿內爲學二爲序十有二爲庠三百諸侯之國半之王无咎之言也陸務觀取焉

又曰上蔡云聖人語常而不語怪語德而不語力語治而不語亂語人而不語神本王无咎之說

補右丞陸陶山先生佃

梓材謹案陸放翁跋蘇丞相手澤云先大父平生所尊事願學者惟丞相魏公是先生私淑蘇魏公矣者

陸陶山說

古之學者先明詩而書次之書已明而禮樂次之禮樂已明而春秋次之春秋已明而易次之故五變而春秋可舉九變而易可言也

陶山禮說

康成以家邑爲大夫采地小都爲卿采地大都爲公采地此其大凡也其地有餘不足蓋有通瀆焉雖卿或在疆地雖大夫或在縣地取足於封而已

內屈於二伯故稱牧外伸於諸侯故稱伯

以上地官

宋元學案補遺

卷九十八

五十四明叢書

禮圖刊本

王者舞先王之樂明有法也舞當代之樂明有制也舞四夷之樂明有懷也

黃道北至東井南至牽牛東至角西至婁夏至日在東井而北近極星則晷短表景尺五寸冬至日在牽牛而南遠極星則晷長表景丈三尺春分日在婁秋分日在角而中於極星則晷長短中表景七尺三寸日陽也陽用事則日進而北晝進而長陽勝故爲溫爲暑陰用事則日退而南晝退而短陰勝故爲涼爲寒月之九行在東西南北有青白赤黑道各二而出於黃道之旁立春

春分月東循青道而春分上弦在東井立秋分月西循白道而秋分上弦在牽牛立冬冬至北旋黑道立夏夏至南旋赤道古之致月不在二至而常在二分不在二分之望而常在弦者以月入八日與不盡八日得陰陽之正平故也 以上春官

九獻之外謂之加明堂位曰加以璧散璧角是也蓋卒食之後共豆謂之加豆以其加於卒食之後也卒獻之後其爵謂之加爵以其加於卒獻之後也 禮 牲饋食

案士相見禮下大夫以鴈飾之以布云飾則纘可知未必有天子之大夫諸侯之大夫之異

父母之喪無貴賤一也鄭氏謂士禮貶於大夫非是然喪大記云士之喪二日而殯左氏曰士踰月外姻至何也曰士卑故主生者之月日言之不嫌也若大夫以上言來日嫌於已處此立言之法故君之喪曰五日既殯大夫之言三日之朝既殯言既殯非殯之日也亦猶言五日而殯不言朝言朝嫌於已處

書曰三龜一習吉又曰卜不習吉據此龜襲龜可也若大事先筮後卜筮不吉雖卜可也非所謂襲襲謂若卜

筮不吉又卜筮之

考工記曰凡攻木之工七攻金之工六攻皮之工五設色之工五刮摩之工五搏埴之工二土工蓋搏埴之工金工蓋攻金之工石工蓋刮摩之工木工蓋攻木之工獸工蓋攻皮之工草工蓋設色之工若以藍爲青以菘爲紫以蒨爲紅以棊爲黃之類是也或曰草讀如字今俗作阜非正也殷人尙質故設色之工謂之草工以上曲禮喪雖輕惻隱不至則有之未有居之而樂者也子夏失問夫子是以不答

卷九

九

九

九

禮記無章弁周官無爵弁章弁卽爵弁也周官無棊弁尙書無皮弁棊弁卽皮弁也棊弁爵弁言色章弁皮弁言物

弁經葛在下則葛帶也經仍用麻弁經葛而葬卿大夫以上禮知然者以下周人弁而葬殷人冔而葬知之也喪致哀而已葬則有敬心焉弁而葬冔而葬則其敬心益隆

謂親喪三日之後君命以粥歆焉故曰爲其病也君命食之也據問喪云鄰里爲之糜粥以飲食之案士喪君

不命故鄰里食之此言君命食之謂大夫已

貍首之斑然執女手之拳然此其貍首之詩歟所謂大小莫處御於君所其詩中閒之詞歟執女手之拳然蓋上之所以接下御於君所蓋下之所以事上以上檀弓武王立武庚於邺以管叔蔡叔監之周官曰建其牧立其監然則武庚二王後其牧歟鄭謂二王之後不爲牧不知何據

國語曰工史書世宗祝書昭穆知廟次昭穆與世次異矣周官小宗伯既掌辨廟祧之昭穆小史又掌奠繫世

宋學彙編

卷九十八

卷四期嚴書

約園刊本

辨昭穆則明世次先後與廟祧之昭穆異矣至於大禘卽依世次與七廟常祀昭穆不同故小史又曰祭祀以書敘昭穆之俎簋若昭穆一定何必辨而敘之

春夏以飲爲主審諦之時也春可謂之禘亦可謂之禘夏可謂之禘亦可謂之禘郊特性曰春禘而秋嘗王制曰春禘夏禘是也祠品物少文詞多春之事而已故夏未有言祠者

時祭惟禘植各於其廟祀之夏禘秋嘗冬烝三昭三穆皆升合食於祖廟所謂三年大禘與此異彼禘之大者

也

天子嘗黍在夏故庶人秋始薦黍天子嘗稻在秋故庶人冬始薦稻由是言之天子孟夏嘗麥庶人薦麥在仲夏矣天子仲春薦韭庶人薦韭在季春矣

燕衣燕居之衣玄端是也據卒食玄端以居縞衣朝衣也據朝服之以縞自季康子始也玄衣冕也據食三老五更於大學冕而總干養老夏后氏衣以燕服殷人以朝服周人以祭服後王彌文也言燕則知有所謂朝言玄則知有所謂素言縞則知有所謂麻深衣亦燕服其服之卑者也記曰朝玄端夕深衣以上王制

宋學案補遺

卷九十八

禮記四朝嚴書

約圖刊本

古周禮說云黎爲祝融祀以爲竈馬融王肅宗之以爲戶竈中霤門行之祭以句芒五官配焉左傳句芒五官生爲貴神謂之五祀或曰句龍后土爲社矣更於中霤祭之何也曰句龍於國則配社於家則配中霤不以相廢猶后稷於郊則配天於社則配稷也或曰鄭謂竈祭於竈陘祝融火官之長祭於竈陘不已陋乎曰先祭於其所以降神也五官實不在焉於奧迎尸始以祝融等配之何陋之有

爾雅云室有東西廂曰廟所謂青陽明堂總章玄堂太廟以其居正有左右廂故也若中央太廟無左右廂故曰太廟太室且以著青陽等皆太廟也

王城面各三門南北九經東西九緯毋出九門謂毋出此門也

斷薄刑決小罪出輕繫是亦仁義所以繼長增高也且言靡草死麥秋至而後用此亦因時順氣矣

鴻雁何不言南鄉非其居也羣鳥丹鳥也養羞養白鳥焉凡欲羞之必先養之養在八月羞在九月養之仁也羞之義也

宋元學案補遺

卷九十八

空函四明叢書

約園刊本

蔡邕云祀天則大裘然則祭地不大裘明矣故曰掌爲大裘以供王祀天之服以上月令

君薨子恃以立者士大夫也古之人植遺腹朝委裘而而天下不亂用此道也事變世移漢始垂簾矣

參也魯有至誠焉故孔子有雖不問亦告之者以上曾子問

周官羽舞無籥象文德之小者以爲儀干舞無戚象武事之小者以爲扞而已文舞小曰羽舞大則謂之籥武舞小曰干舞大則謂之萬鄭氏孫毓皆謂萬舞惟干無

羽籥舞惟羽無干是不知文必有武備武必有文輔之意也干戚一舞故以一官教之干戈兩舞故各以其官教之干戚大舞故教以大樂正干舞小故教以小樂正戈舞尤小故以籥師教焉周官有干舞又有兵舞兵舞卽戈舞也五兵一曰戈故以名之觀司干授干而小樂正教之司戈授戈而籥師教之則干舞戈舞爲二可知而先儒謂小舞以干配戈謬也

文王世子

與賢與子其義一也不足爲時之厚薄然後世一不與子則爭亂隨之是亦天也雖以爲時之厚薄可也

禮速

樂學案補遺

卷九十六

九圭四明教書

約圖刊本

貴者獻以爵賤者獻以散所謂尸飲五君洗玉爵獻卿尸飲九以散爵獻大夫尊者舉觶卑者舉角者凡爰尸天子舉犖諸侯舉角則卿舉觶大夫舉角與若特性饋食酌尸以角旅酬更以觶與此不同者蓋卑者以大爲貴然此經所言蓋天子諸侯之儀也

禮器

周禮曰以冬至致天神又曰凡學圜鍾爲宮黃鍾爲角冬日至於地上之圜丘奏之蓋以其所在言之則謂之郊以其所祭言之則謂之丘或曰圜丘之祭玉用蒼璧牲用蒼犢樂用圜鍾而南郊之祭其玉四圭有邸其

牲駢犧其樂黃鍾各不同何也聖人制祭有降神之牲
又有祀神之牲有禮神之玉又有祀神之玉有降神之
樂又有祀神之樂夫豈一端而已亦各有所當也

饗禘有樂而食嘗無樂此周禮也殷人尙聲雖食嘗猶
有樂祭統曰大嘗禘升歌清廟下而管象魯殷禮也公
食大夫無樂食禮也然則少牢饋食特性饋食主嘗言
之與

凡樂三闋入門而縣興升堂而樂闋一也賓飲畢樂闋
二也主人受酢飲畢樂闋三也奠酬而工升歌發德也

宋學彙編

卷九十六

卷六十四 明 嚴 禮

約圖刊本

所謂德發揚詡萬物者此與

郊之祭也其序可推而知嘗試言之蓋祭之日夜向晨
王皮弁以聽祭報而小宗伯告時於王則王易皮弁服
袞冕乘玉路建大常以適郊既至下玉路息大次又袞
冕以聽祭報而小宗伯告備於王則王脫袞著大裘以
袞被之易玉路乘素車建大旂以卽壇既至下素車捧
帛升柴置於牲上以焚之致天神祭法所謂燔柴於泰
壇此先後之序也

家主中霽國主社示本也此諸侯大夫之事萬物本乎

天人本乎祖此所以配上帝也此天子之事

詔祝於室坐尸於堂主人親制其肝所謂制祭此殷禮也鄭氏以言周禮誤矣蓋殷人制肝周人制肺殷人先求諸陽周人先求諸陰先求諸陽故朝踐時取牲臠膾燎於鑪炭洗肝於鬱鬯而燔之若周人制肺雖在此時其取臠膾燎於鑪炭自當饋食之節

鄭氏謂天子舉筓諸侯舉角凡祭祀灌獻用筓齊用醑酒用爵知然者以春秋傳瓘筓玉瓚盞齊一名醑酒知之也筓以灌也灌非以飲也以歷而已所謂量人受筓

宋學案補遺 卷九十六

九十七 四明叢書

續編刊本

歷而皆飲之以此然則舉筓角詔妥尸當灌獻之節先儒謂妥尸在饋食時此讀儀禮之誤也蓋少年特牲無朝踐饋獻故妥尸在醑尸前若祭自裸始尸卽席久矣不應至饋食始詔妥坐也 以上郊特牲

殷鍛煉之使精脩脩節之使雅

此言擣珍則上所謂淳熬等物非珍也周官珍用八物卽此牛羊麋鹿麇豕狗狼是與餌讀如合以爲餌煎之之餌言去其餌則當以物爲餌孰之可知 以上內則

見於天子執贄大宗伯公執桓圭侯執信圭是也射亦

執費射人三公執璧孤執皮帛是也雖有所執猶有所
摺故曰見於天子與射無脫笏

豚行蓋言冕行知然者以端行弁行知之也端行謂服
玄端而行弁行謂服爵弁皮弁而行以上玉藻

孟春不言正月著魯卜郊卜日其從之疾也穀梁曰我
十二月下辛卜正月上辛如不從則以正月下辛卜二
月上辛如不從則以二月下辛卜三月上辛如不從則

不郊矣人臣用天子禮樂故其言婉而成章如此明堂位

士喪禮主人髻髮袒眾主人免於房婦人髻於室則袒

宋學案補遺 卷九十八

卷四 明禮書

約圖刊本

括髮一人而已諸子皆免

禮臣爲君斬衰雖兄弟不得以其屬通知是而後君臣
之分嚴故期之喪達乎大夫喪服傳曰始封之君不臣
諸父昆弟此與諸侯爲兄弟者也雖如此猶服斬所臣
兄弟可知兄弟如此諸父可知

既葬而不報虞此言過期而葬也蓋葬日虞如期而葬
則如期而虞也不及時而葬渴葬也過時而葬慢葬也
故禮使後其虞以責子道以上喪服小記

五曰存愛鄭氏謂察有仁愛者蓋啜菽放麀其持心不

同古者求忠臣必於孝子之門以此後世以善求事爲精神以能許人爲風采刻薄之徒進而仁愛者不見察民始莫得其死矣 大傳

受立授立不坐性之直者則有之矣言人之性有不能委曲如禮者雖坐君子不責也有恕存焉耳然聖人禁其大者故曰直情而徑行者戎狄之道也禮道則不然少儀

就賢進於求善體賢進於發慮

周官州長言射於州序則序者州亦有之黨正言飲酒

宋元學案補遺

卷九十八

九六四明叢書

約園刊本

於序則黨又有序矣王制曰耆老皆朝於庠鄉飲酒曰迎賓於庠門之外則庠者鄉亦有之春秋傳曰子產不毀鄉校則鄉亦有校矣 以上學記

樂至則無怨若神罔時怨神罔時恫是也禮至則不爭若虞芮質厥成文王蹶厥生是也以敬四海之內所謂視天下匹夫匹婦能勝予是也

干戚之舞備樂也而非備樂孰亨而祀達禮也而非達禮以著禮樂在彼不在此也雖有干戚之舞而功不備雖孰亨而祀而治不協愧於備樂達禮矣

至德之光以樂而奮若大章所以發堯德之光大韶所以發舜德之光以上樂記

衰衣先儒謂始命爲諸侯及朝覲加賜之衣若秦仲受顯服其詩曰黻衣繡裳此其一也黻裳也然則後諸侯以衰衣公襲衰衣一舉其有者也若以謂諸侯人得而有之非所謂衰

升之精麤有不同鄭氏謂八十縷爲升舉其精者也總於縷加灰錫於布加灰朝服口布期悲哀三年憂總思而已

下大夫一命弁而喪於公則冠而祭於己可知下士不命冠而祭於公則端而祭於己亦可知少牢朝服而祭下大夫也特牲冠玄端而祭下士也王之上士三命服玄冕則弁而祭於己矣

大馬不上於堂故執圭將命小行人圭以馬

諸侯有天子之喪雖有親喪不敢受弔諸侯如此則其臣有諸侯之喪蓋亦如此設若衛靈公弔季康子而康子有君之喪應辭

疏衷大功文也踊絕不飽情也伯叔母之喪文至而情

不至姑姊妹之喪文不至而情至知此者則凡禮知由於內矣故曰如知此者由文矣哉若夫徒文具而無至誠惻怛之實失是矣

其爲盜以其所遊故君子居必擇鄉遊必就士所以防邪辟而近中正也世衰道微君不能教始服其師君不能舉而爲所主者有服矣

以上雜記

徹帷男女奉尸夷於堂降拜體魄降矣而謂之夷婉詞也盤曰夷槃牀曰夷牀衾曰夷衾亦以此

喪大記

立而不訕以其恃親故謂之固進而不愉以其憚親故

祭義

卷九十八

百二十四明報書

禮圖刊本

謂之疏薦而不欲若不得已而後薦也不愛莫大於是退立而不如受命教也始立如此是固也非教也

凡祭以齊爲本方祭嫌於不愉祭已嫌於不齊已徹而忘之是之謂忘本

魂亦神也氣其盛者也體亦鬼也魄其盛者也氣有升而已魄有降而已惟聖人爲能求而合之以教天下故曰教之至也

凡祭朝踐尊而饋食親尊故曰教眾反始親故曰教民

相愛

以上祭義

詩之事近易之事深故詩之失愚易之失賊不言失之
而言之失者六經無失也學者之失而已書之失誣如
孟子所謂以至仁伐至不仁何其血之流杵也詩敦厚
近愚樂廣博近奢禮恭敬近煩春秋撥亂多權宜故其

失亂

經解

詩與禮不同禮嚴而詩寬若禮好色則禁怨讎則禁詩
不禁好色而禁人之淫不禁怨讎而禁人之亂司馬遷
曰國風好色而不淫小雅怨讎而不亂是也

仲尼燕居

恭不近禮則足儉不近仁則鄙信不近情則僞情可信

琴瑟笙磬

卷九十九

百十四

四明叢書

若柯之盟伐原徙木之信豈可也哉

衣服以移之者孔子曰衰麻苴杖者志不存乎樂非耳
弗聞服使然也黻黻袞冕者容不褻慢非性矜莊服使
然也是之謂移

以上表記

相好仁也相攝義也相好主內君子好仇是也相攝主
外攝以威儀是也

繼衣

凡喪親始死哭不以數則士明日朝莫哭又明日成服
之朝哭所謂三哭者此與大夫明日又明日朝莫哭又
明日朝哭凡五哭諸侯朝莫哭如大夫又三日朝哭凡

七哭於是殯天子朝莫哭如諸侯又四日朝哭凡九哭於是殯

奔喪

扱上衽則以有辟踊之端焉交手哭捧心而哭發胸擊心在斂之後惻怛痛疾而精先傷魂次之魄又次之故曰傷腎乾肝焦肺傷傷而已乾爲甚乾猶可也焦又甚矣

父在不敢杖此非故隆父殺母是人情之實禮義之經也野人曰父母何算焉隆母如父是之謂野

以上問喪

婦之黨爲昏兄弟壻之黨爲姻兄弟又各謂其外家之

宋七學案禮通

卷九十八

百三十四明叢書

納禮刊本

黨爲外兄弟喪服傳曰何如則可謂之兄弟小功以下爲兄弟小功以下親不足言也謂之兄弟可故曰四海以內皆兄弟也

服問

魯同姓之親也薛異姓之親也記魯令著所以待同姓之禮如此故曰有常爵記薛令著所以待異姓之禮如此故曰若是者浮蓋曰若是者浮則辭有不婉矣

魯投壺之鼓多薛投壺之鼓少亦所以待同姓異姓之別也詩曰在宗載考有是哉

以上投壺

席上之珍若伊尹樂堯舜之道於猷畝之中是已

備行

天子諸侯十五而冠早成其德先儒因晉侯謂魯襄公
可以冠魯襄公是時年十二謂諸侯十二而冠誤矣蓋
曰可以冠則非禮之正也金滕王與大夫盡弁成王時
年十五則冠在是歲可知

柯陵之會厲公視遠步高晉卻擘見其語迂卻錡見其
語犯卻至見其語伐單襄公曰吾見厲公之容而聽三
卻之語矣殆必禍者也蓋古之人於此以觀禍福如此
則容體顏色辭令亦豈可忽哉

以上冠義

鄉人士君子鄉人之中有士君子之行者也周官所謂

宋元案禮通

卷九十六

百四十四

明禮書

約圖 川本

賢能是與

讓之三也象月之三日而成魄也成魄謂望後三日且
月以生明爲進生魄爲退退讓之事也

介必東鄉介賓主也據此坐鄉東者明矣然則主人面
西北賓面東南僕面西南皆可知

以上鄉飲酒義

介紹而傳命言紹則若上公七介皆相繼傳命也蓋如
是而後盡敬父子之間以質爲敬君臣之間以文爲敬

聘義

陶山文集

周書曰太廟路寢明堂應門庫臺注謂門者皆有臺於庫門見之從可知也臣謹案爾雅曰開謂之門正門謂之應門榑爲舍人曰開廟門也應門南向大門明堂位曰九采之國應門之外北面東上然則太廟明堂同制大門謂之應門蓋築臺爲屋於其上禮記曰天子諸侯臺門有以高爲貴也又曰臺門而旅屏大夫之僭禮也正義曰兩邊起土臺臺上架屋謂之臺門

臺門議

明堂位曰太廟疏屏注謂疏今浮思也刻之雲氣蟲獸若今闕上爲之矣疏曰天子外屏人臣至屏俯伏思念

五經

卷九十六

五十四

明堂書

其事臣竊謂疏屏蓋謂疏其上也尙書大傳曰諸侯疏序注謂序牆也於上爲疏疏牕也謹案義訓曰交牕謂之牕牕牕謂之疏鄭氏謂刻爲雲氣蟲獸誤矣

疏屏議

家語曰孔子觀乎明堂觀四門墉有堯桀之象而如有善惡之狀興廢之誠焉臣竊謂宗廟與明堂同制則廟亦四墉有門其南曰闕三面謂之闕故蔡邕明堂月令論曰古大明堂之禮膳夫氏相禮日昃出西闕日闕出北闕知宗廟之門四也

四門議

攷工記曰世室九階注謂南面三三面各一疏曰明堂

位曰三公中階之前北面東上諸侯之位阼階之東西
面北上諸伯之位西階之西東面北上以此知南面三
階也大射禮云工人士與梓人升自北階禮記云夫人
至入自闕門升自側階又曰升自東階以此知三面各
二也九階議

明堂位曰太廟達鄉注謂鄉牖屬謂夾戶牖也博雅曰
牖牖闕也臣謹案攷工記曰四旁兩夾牖謂於重屋四
旁面各兩牖以納日月之明所謂達鄉而鄭氏以爲每
室四戶八牖非是也說文曰在屋曰牖在牆曰牖則牖
在屋明矣達鄉議

宋學家補遺 卷五十九

真四明叢書

約園刊本

凡物有掛者有象卦掛也故孔子釋卦體謂之象天行
健地勢坤之類是也有效者有繫爻效也故周公作爻
辭謂之繫潛龍勿用履霜堅冰至之類是也周禮於天
官言懸治象於地官言懸教象此有卦者有象之證也
曲禮言效馬效羊者右牽之效犬者左牽之此有效者
有繫之證也懸者掛之也牽者繫之也易解

起而上者作也推而下者至也火炎上水潤下故離言
明兩作坎言水洊至兩物相差爲二二物相敵爲兩於

離言兩作者以重明相繼而作於上也文於象形鳥飛而下爲至於會意水洊而至爲洊於坎言洊至者以重險相繼而存於下故也

八卦解上

圖天下之治者存乎意無良法以施之則雖有良意不能立施天下之意者存乎法無良材以守之則雖有良法不能行

廷對策

舊說此書始於周公以教成王子夏因而廣之雖不可攷然非若周公子夏不能爲也故予每盡心焉雖其微言奧旨有不能盡不得謂不知者也

爾雅新義序

空齋學案補遺

卷九十六

夏四明藏書

約園刊本

富貴之族氣驕貧賤之士志苦逸樂之習難移憂勤之性易感

送李泰叔序

易曰正言斷辭又曰其辭文其言曲而中言辭孰爲而辨者蓋成句謂之言成章謂之辭子曰詩三百一言以蔽之曰思無邪則成句謂之言明矣乾之象曰大哉乾元云云坤之象曰至哉坤元云云而孔子謂之象辭屯之六二曰屯如邈如云云晉之初六曰晉如摧如云云而孔子謂之繫辭則成章謂之辭又明矣言辭之所以有辨者如此也

答周之才書

承學之士驟而語禮不知其本也驟而語春秋不知其始也

答崔子方書

君子達於性命之際故分內之常可以義處而意外之變可以理遣也

答史仲至書

舜典言嶽獨東言岱言巡守獨北言朔朔言終則有始也岱言代則有謝也於時之始言代則有謝於方言終則有始亦言之法也如初以其四時之同是以不言南也且北方陰陽具故北一名朔朔陽也北陰也豈特此也哉物有元龜鱗蛇藏有左腎右命至於卦又謂之習坎習重也

答陳氏先都曹書

附錄

元豐中陸佃修說文因進書獲對神宗論物性恨未有著書者佃進說魚說木二篇自是益加論議爲埤雅二

十卷

王海

神宗問大裘先生對以記曰裘之褻也見美也服之襲也充美也禮不盛服不充故大裘不褻則襲裘可知又郊特性曰郊之日王被袞以象天戴冕纁十有二旒則天數也是則大裘褻裘可知大裘襲袞則戴冕藻十有

二旒可知神宗稱善詔有司制黑羔爲裘而被以袞
子宰序埤雅曰先公作此書自初迨終僅四十年不獨
博極羣書而農父牧夫百工技藝下至輿臺阜隸莫不
誼詢苟有所聞必加試驗然後紀錄則其深微淵懿宜
窮天下之理矣

雲濠謹案四庫全書著錄埤雅提要云其說諸物
大抵略於形狀而詳於名義尋究偏旁比附形聲
務求其得名之所以然又推而通貫諸經曲證旁
稽假物理以明其義中多引王荆公字說蓋陸氏
以依附荆公行新法故後入元祐黨籍其學問淵
源則實出荆公晁氏讀書志謂其說不專主王氏
亦似特立殆未詳檢是編誤以論其人者論其書
歟又案王阮亭居易錄云農師放翁之曾祖也受

筆學案補遺

卷九十六

見四明叢書

約園刊本

經安石爲禮部侍郎持議多爲安石隱諱山谷目
爲佞史子讀其所著埤雅說魚說木二篇元豐間
經進御覽首一條云今相士謂曾公亮得龍之脊
王安石得龍之睛夫姑布之言何關故實況進御
之書尤乖理體此
之爲佞不旣多乎

王深寧困學紀聞曰自漢儒至於慶曆閒談經者守訓
詁而不鑿七經小傳出而稍尙新奇至三經義行視漢
儒之學若土梗古之講經者執卷而口說未嘗有講義
也元豐閒陸農師在經筵始進講義自時厥後上而經
筵下而學校皆爲支離曼衍之詞說者徒以資口耳聽
者不復相問難道愈散而習愈溥矣

補
司成汪先生澥

附錄

黃東發讀汪浮溪集曰開府預王安石釋經之議又首傳其說愚按浮溪愛澥者而首譽及此殆不辨是非矣

雲濠謹案汪浮溪集有謝汪澥司成薦舉啓云三年去國從學官簿斂之書千里推賢辱宗衮陽秋之字是先生固浮溪受知師也

補
朝奉鄭一拂先生俠

梓材謹案辟疆園宋文選於先生文跋云卒謚曰介未知所本

雲濠謹案王阮亭居易錄載西塘先生集九卷鄭介父著有黃祖舜序謂先生之人所謂浩然之氣

案學案補遺 卷九十六

卓四明叢書

約園刊本

至大至剛其爲詩文亦如之大抵如石守道而無其怒張叫呶之習有德之言仁者之勇彷彿見之又云先生子增卽艾軒林光朝也先生之弟侃登元祐三年李常寧榜子汝石崇寧五年蔡薤榜子良臣紹興二年張九成榜汝石孫永年紹興三十年梁克家榜榜年隆興元年木待問榜良臣子恭乾道二年蕭國梁榜永年子牧之紹興元年余復榜榜年子嗣之開熙元年毛自知榜牧之子格淳熙四年留夢炎榜終宋之世科第不絕天之眷忠義其至哉阮亭於汝石注按傳誌先生子一人穎早卒此必有誤蓋穎早卒而汝石爲先生嗣子非誤也阮亭又云一拂先生少隨父遊宦金陵讀書清涼山寺深爲王介甫所器及調光州司法參軍謙疑獄四五事介甫在政府皆如所請任滿入京介甫勉令試法不應又令子雱壻黎東美諭意將辟爲修經局檢討皆力辭且曰丞相一旦當軸發言持論無非以官爵爲先所以待天下士亦淺矣果欲援俠而成就之取其所獻利民便物之

事行其二三使進而無愧不亦善乎介甫爲先生
第一知己而至於義利之辨不稍詭隨如此若先
生乃可以
報知已矣

論新法進流民圖

臣竊惟災患有可召之道無可試之理其致之有漸而
來如疾風暴雨不可復禦流血藉尸方知喪敗此愚夫
庸人之見而古今比比有之所貴於聖神者爲其能圖
患未然轉禍爲福者耳方今之勢猶有可救臣願陛下
開倉廩賑貧乏諸有司斂掠不道之政一切罷去庶幾
早召和氣上應天心調陰陽降雨露以延天下萬姓垂

宋學案補遺

卷九十八

皇四明叢書

約園刊本

死之命而固宗社萬萬年無疆之社夫君臣際遇貴乎
知心以臣之愚深知陛下愛養黎庶甚於赤子故自卽
位以來一有利民便物之政靡不毅然主張而行陛下
之心亦欲其人人壽富而躋之堯舜三代之盛耳夫豈
區區充滿府庫盈溢倉廩終以富衍疆大勝天下哉而
中外之臣略不推明陛下此心而乃肆其叨憤剝割生
民侵肌及骨使之困苦而不聊生坐視夫民之死而不
恤夫陛下所存如彼羣臣所爲如此不知君臣際遇欲
作何事徒只月超百資意指氣使而已乎

朝廷設官位有高下臣子事主忠無兩心與其得罪於
有司孰與不同於君父與其苟容於當世孰與得罪於
皇天臣所以不避萬死冒千萬重之天闕以告訴於陛
下者凡以上畏天命中憂君國而下憂生民耳若臣之
身使其粉碎如一螻蟻無足顧愛切聞南征西伐者皆
以其勝捷之勢山川之形爲圖而來獻料無一人以天
下之民質妻賣兒流離逃散斬粟伐棗折壞廬舍而賣
於城市輸官糴粟遑遑不給之狀爲圖而獻前者臣不
敢以所聞聞謹以安上門還日所見繪成一圖百不及
一但經聖明眼目已見嗟咨涕泣而況數千里之外有
甚於此者哉

附錄

有應舉不以實年者戒之曰方謀入仕已有欺君之心
不可

暇日問子姪誦詩考繫之義曰弗諉者弗忘君之惡弗
過者弗過君之朝弗告者弗告君以善碩人之於君有
惓惓之不忍也故永矢以絕之君歎曰是何言歟古之
人在獻畝不忘君況於賢者一不見用而忿戾若是哉

蓋弗諉者弗忘君也弗過者弗以君爲過也弗告者弗以告他人也其存心如此

其上王荆公書曰他人之學於先生者文章辭語進退舉蹈之間故其爲功易而取效速俟所欲學者學先生之所難學非文章辭語進退舉蹈所可到者既不自量其力又不得親炙於前是以久而未獲勞而無功夫先生之文章辭語進退舉蹈皆先生所自裁抑而用中於民者豈有異於人哉此人人所得見而易學以求合者乃若先生所以異於人者不過若黍米大而圓明瑩徹上可以通高天下可以達厚地而旁無四方此人人所不可見而難以合者子貢曰夫子之文章可得而聞也夫子之言性與天道不可得而聞也子貢所見於孔子者如此已爲不可得而聞況於行之合於性與道求之於黍米又不可得而著是豈趨利忘義乘勢爭便其心不得以少息之人所得而學哉

梓材謹案涑水紀聞卷十六載先生云素師事王雱而議論常與雱異以先生爲元澤弟子似屬傳

聞之誤

白爲大慶居士序曰居士本儒學以孔子爲宗得老氏

之說以明又得釋氏而後大明孔子之道以三人名號不同耳三氏之外百家傳記歷代史載至於醫方小說見必取讀其於民物有補毫髮無不留意此其學也以爲父子君臣夫婦長幼朋友之相與上下四方俯仰回環口之直一蟬之翼合上下四方通爲一物亦若是此其識也以爲智生於是非而成於毀譽與祇鬼禍福朝廷廢黜相爲表裏也故雖對妻孥莫敢溢人美惡謂幽暗闕寂此正祇鬼眼處是以莫或自欺於方寸而上不諛公卿下不原鄉黨水火可蹈而議論不可回此其守

也惟君爲堯舜民復太古一飯一衣而四方萬里同飽煖也一憂一樂四方萬里同欣戚也復古之人無窮之下大之天地細至鱗介猶若是也而功無尸物無府此其志也其視先後古今等人與我等我與人等眾生與佛等佛與眾生等無一物乃入於無取無舍非卽非離以大清圓淨攝爲我住是曰居士而大慶云者所居之山也

高東溪爲鄭介夫硯銘曰我思公不可見如見公以斯硯硯之堅公之剛我之頑雖萬磨而莫變

補正字陳先生祥道

雲濠謹案閩書云字祐之閩清人治平進士嘗著禮書近臣以聞哲宗詔尙書給筆札鈔錄除園子監直講遷館閣校勘

禮書序略

臣嘗考六藝百家之文以究先王禮樂之迹凡寓於形名度數者必辨其制凡藏於道德仁義者必發其蘊發憤二十年著成禮書總一百五十卷其於歷代諸儒之論近世聶崇義之圖或正所失或補所闕庶幾古人之髣髴可以類推

宋元學案禮遺

卷九十八

星四明叢書

一約圖刊本

梓材謹案四庫全書著錄先生禮書提要云李廌師友談記稱其仕宦二十七年止於宣義即晁公武讀書志載是書亦稱左宣義郎太常博士陳祥道撰又言其中多掇擊鄭學蓋陳氏與陸佃皆王荆公客荆公說經旣別造新義務異先儒故陳與陸亦皆排斥舊說一時風氣所趨無庸深詰然綜其大致則貫通經傳縷析條分前說後圖考訂詳悉陳振孫稱其論辨精博聞以繪畫唐代諸儒之論近世聶崇義之圖或正其失或補其闕晁公武元祐黨眾李廌蘇門賓客皆與王氏之學異趙公武則稱其書甚精博李廌亦稱其禮學通博一時少及則是書固爲當時所重不以荆公之故廢之矣又案禮書亦謂之禮圖

論語全解自序

孔子言義則存乎春秋言理則存乎論語而春秋之作

是是以勸善非非以懲惡善惡之判猶在權衡之上輕重或差予奪弗明其賞不足以爲榮其罰不足以爲辱矣不得不議若夫論語之言則答學者之問而已何事乎此嘗謂希微者道易簡者理君子以理明道以義明理言至於義去道遠矣孔子之世師道旣明異端咸服由辨義無閒而作故聖人之答問言理而足矣

雲濠謹案論語全解十卷四庫書目提要云晁公武讀書志云王介甫論語注子勇口義其徒陳用之解紹聖後皆行於場屋爲當時所重用之長於三禮之學所作禮書世多稱其精博故詮釋論語亦於禮制最爲明晰如解躬自厚而薄責於人章則引鄉飲酒之義以明之解師冕章則引禮待贊

朱學案補遺

卷九十六

異四明叢書

約園刊本

者如老者之義以明之雖未必盡合經意而旁引曲證頗爲有見又如臧文仲居蔡章則云冀多良馬稱驥瀘水之黑稱盧蔡出寶龜稱蔡於闕唯之亂章則云治汙謂之汙治僻謂之僻治荒謂之荒治亂謂之亂此類俱不免創立別解而連類引伸亦多有裨於考證惟其學術本宗信王氏故往往雜援莊子之說以作證佐殊非解經之體以其間徵引詳核可取者多故不以一眚掩焉梓材謹案晁氏讀書志本云王介甫撰論語解其子勇作口義其徒陳用之作解則先生實荆公門人也

附錄

范侍讀祖禹進書劄子曰臣伏見館閣校勘太常博士陳祥道注解儀禮爲三十二卷精詳博洽非諸儒所及

臣竊以儀禮爲書其文難讀其義難知自古以來學者罕能潛心故爲之傳注者至少祥道深於禮學凡二十年乃成此書先王法度如指諸掌昨進禮圖一百五十卷已蒙皇上藏之祕閣伏望聖慈特降指擇取祥道新注儀禮奉御并前所進禮圖並付太常以備禮官討論必有補於制作

朱子曰如陸農師禮象陳用之禮書亦甚該博陳氏勝陸氏

錢先生景臻

宋孝宗補遺

卷九十八

夏四明叢書

經國刊本

錢景臻

員外鮑先生慎由 別見蘇氏蜀學略補遺

宣教王先生伯起

王伯起字聖時海陵人

雲濠案吳郡志云伯起居吳江震澤信伯繼其後本信伯之世

父也後爲教授

舉進士不第歎曰士不自重而獻藝求售可恥

也於是閉門肆志於學人莫窺其面仁宗賜以粟帛王覲誌其墓謂先生不有其道而道著於朋友不居其名而名聞於朝廷云 姓譜

梓材謹案姑蘇志載先生受經玉荆公游曾宣靖公亮父子開學文於子固題所居曰西室有詩曰

唱道野集卒贈右宣教郎二程在洛先生遺信
伯往從之游遂爲河南高弟二程謂伊川也

承議韓先生宗厚

別見范忠諫諸儒學案補遺

楊先生驥

楊驥鄆陽人來學於介甫介甫命從鄭介夫學

居易錄

吳先生孝宗

吳孝宗臨川人荆公之徒也荆公嘗答其論先志書稱
之爲吾弟云吾弟所爲書博矣所欲爲吾弟道者非可
以一言盡然吾弟自以爲才不及子貢而所言皆子貢
所欲聞於孔子而不得者也則安石有欲爲吾弟道者

空學案補遺

卷九十六

夏四明叢書

約園刊本

可勿怪也

荆公文集

著作張先生僅

顧先生棠

合傳

張僅字幾道姑蘇人舉進士與里人顧棠皆爲王介甫
門下士介甫作三經二人與焉先生官至著作郎而卒
棠字叔思撰周易義類三卷

姑蘇志

附錄

陳振孫曰叔思未詳何人周易義類序言先儒論說甚
眾而其旨未嘗不同卦爻或有不同而辭意未嘗不合

各立標目總而聚之

知州吳先生點

吳點字聖與邵武人總角以文見鄉先生黃履進退如成人問皆可觀履歎賞彌曰日子必爲令器聞王文公修經金陵負笈從之由是學益進元豐五年擢進士第調舒州司理參軍累官通判洪州奉祠十餘年臥家不復出擢知漳州復請老卒於家少清苦一毫不取諸人晚讀佛書益愴然有遺世意汪藻少從之遊服膺最久云

汪浮溪集

宋老學案補遺

卷九十八

五十九

四明叢書
約圖刊本

縣令楊先生訓

楊訓字公發浦城人歷川陝茶幹調山陽東陽二縣令問學精博嘗著禮記解二十卷初先生受業王介甫之門時蔡京同學後京當國余深備道京欲見之意先生曰某三十勤力學問今老矣榮除非所望他日足蹟豈能僕僕與諸公爲嶺嶠之行耶故卒老常謂人咸高之

姓譜

推官孫先生適

父抗附弟邈

孫適字□□黟縣人父和叔抗

雲濠案
一作杭

少孤力學爲文

操筆數千百言始同學究出身後登進士甲科官至工部郎中先生從王荆公年十四議論著書已驚人登第後爲永州軍事推官弟邈爲縣令荆公亦稱其好學一

志統

雲濠謹案曾南豐誌先生墓曰工部孰有有書百篇永州之學自其父傳其果以力其敏以明內有其質外以華英梓材謹案荆公爲先生父廣西轉運使孫君墓碑稱其少學問勤苦寄食浮屠山中步行借書數百里升樓誦之而去其階蓋數年而具眾經後遂博極天下之書又言所爲文自少及終以類集之至百卷天德地業人事之治撥拾貫穿無所不言而多詩爲

宋學案補遺

卷九十八

百三十四 明徵書

約園刊本

知州沈先生銖

沈銖字子平其先武康人徙真州少從王介甫學舉熙寧癸丑進士歷官起居郎中書舍人以龍圖閣待制知宣州卒詩傳二十卷沈季長撰先生續成之揚州府志

舍人周先生種

附弟秩

周種字仁熟泰州人少有遠度王荆公一見奇之熙寧九年與弟秩俱擢第調江寧府右司理持身謹廉元祐初蘇文忠公舉爲鄆州教授先生上疏乞以荆公配享神宗朝士愕然文忠卽自劾舉官不當議雖不合然識

者猶取其拳拳師表之地久之擢著作佐郎兼崇政殿
說書擢起居舍人敭歷官聲紹聖中革元祐時政文潞
公子及甫有私語忤時相以秩爲京西轉運使俾推治
之秩至竟雪其冤

姓譜

判官楊先生作

別見安定學案補遺

黃先生朝英

黃朝英建州人紹聖後舉子著有靖康緗素雜記十卷

所記凡三百事

晁氏讀書志

梓材謹案四庫全書著錄緗素雜記云袁文王楸於此書頗有駁正晁氏公武譏其爲王安石之學

宋學案補遺

卷九十六

百三十四明叢書

鈞園刊本

又譏其解詩芍藥握椒爲鄙褻劉敞七經小傳亦
以此條爲帶笑雖不出姓名殆亦指朝英今觀其
書頗採新經義及字說而尊安石爲舒王解詩綠
竹一條於安石之說尤委曲回護誠爲王氏之學
者然所說多引據詳明皆有資考證固非漫無根
抵徒爲臆斷之談敞本與安石異趣公武又自以
元祐黨家世與新學相攻擊故
特摭其最謬一條以相排抑耳

助教方先生惟深

方惟深字子通其先泉州人父長田龜年葬長洲因家
焉先生鄉貢第一試禮部不中卽棄去有田廬與其弟
躬出入耕穫閒則讀書嘗游荆公之門無一毫迎合意
其文學行義與朱長文同爲一世所宗號鄉先生舉遺

逸爲興化軍助教卒年八十三 姑蘇志

馬先生仲舒

馬仲舒字漢臣合肥人其先茂陵人其父爲江東撥發
實家金陵因入學齒諸生爲人喜酒色其相語以褻私
侈爲主王介甫以禮法開之大寤從介甫學作進士長
介甫四年從入京師卒 臨川文集

張先生文剛

張文剛字常勝烏程人尙書都官郎中先子好學能文
孝友順祥年二十七卒其妻荆公從父姪也故從荆公

學 臨川文集

宋學案遺 卷九十八

皇四明叢書

約園刊本

監判沈先生季長

沈季長錢唐人王介甫妹壻也判國子監 長編紀事

梓材謹案先生著有周易新義二卷詩講義十卷
經義考並云佚沈子平所續成詩傳者卽詩講義
也元豐類彙沈主簿夫人墓志子三
人曰季長越州司法參軍卽先生

附錄

涑水紀聞曰及介甫出鎮金陵吉甫欲引介甫親暱置
之左右薦米明爲侍講上不許曰安石更有妹夫爲誰
以直講沈季長對上卽召季長爲侍講吉甫又引弟升

卿爲侍講升卿素無學術每進講多捨經而談錢穀利害營繕等事上特問以經義升卿不能對輒目季長從旁代對上問難甚苦季長詞屢屈上問從誰受此義對曰受之王安石上笑曰然則且爾季長雖黨附介甫而常非王雱王安禮及吉甫所爲以謂必累介甫雱等深惡之故亦不甚進用也

王先生沈之

王沈之字彥魯常山人校理介之子嘗從荆公學故手筆頗有橫風疾雨之勢

周益公集

宋學案補遺

卷九十八

四明叢書

約園刊本

庫使成先生倬

成倬翁源人年二十餘始知讀書妻父母待諸婿不以少長惟力學與薦者上坐先生恥之發憤辭家遠方就學不數年通經術尤深易數熙寧間王介甫用事以其通經術寘門下懇歸介甫惜其志未遂特薦得右選嘗爲閩門祇候終西京左藏庫使

廣東黃志

□先生行季

□行季荆公之徒也沈眷達勸學疏云行季久在成都親授經於王丞相其言性命之要仁義之本出入神明

之際至於點畫之意章句之體既一貫之矣

雲集編

別附

補

參政呂吉甫惠卿

呂吉甫語

聖人之所以馘天下神人未嘗過而問焉蓋孔氏與老氏同生於衰周莊子與孟子俱遊於梁惠其書之言未嘗相及以此而已

梓材謹案此語深寧困學紀聞錄之蓋其莊子義也又按經義考載四先生洪範解要六卷佚又云按四先生者劉氏彝曾氏鞏蘇氏轅呂氏吉甫也

宋史案補遺 卷九十八

頁四明叢書

約園刊本

附錄

劉忠肅劾之曰呂惠卿以前兩府居帥守之任所宜與國家同休戚將順至意以鎮方面乃敢貪功倖進違棄詔制擅出師徒開外域之隙至今警備未得安靖夫方命擅兵天下之大惡臣恐防微杜漸朝廷不當涵養而不慮也

徐敦立卻掃編曰呂太尉赴延安帥道出西都時程正叔居里中謂人曰吾聞呂吉甫之爲人久矣而未識其面明日西去必經吾門我且一覘之且了無所聞詢之

行道之人則曰過已久矣而道旁多不聞者正叔歎曰夫以從者數百人馬數千行道中而能使悄然無聲馭眾如此可謂整肅矣其立朝雖多可議其才亦何可掩也

補 僕射蔡元長京

附錄

黃東發曰蔡京小人誤國大罪尙能因張鶯深切之語起龜山於羈困之極蓋京之進身本以士人天理之在其心尙有毫髮不可泯沒者

宋學案補遺 卷九十六

皇朝四明叢書

一約園刊本

補 樞密蔡元度十

雲濠謹案元度有尙書解經義考云佚又有毛詩名物解二十卷見宋志四庫全書著錄之提要云自王介甫新義及字說行而宋之士風一變其爲名物訓詁之學者僅元度與陸農師二家農師介甫客元度介甫婿也故農師作埤雅元度作此書大旨皆以字說爲宗陳振孫稱其書議論穿鑿徵引瑣碎無裨於經義詆之甚力然其書雖王氏之學而徵引發明亦有出於孔氏正義陸氏草木蟲魚疏外者寸有所長不以人廢言也

補 侍郎楊子安畏

附錄

伊川先生自涪州歸過襄州楊畏爲守待之甚厚先生

曰某罪戾之餘安敢當此畏曰今時事已變先生曰時事雖變某安敢變

汪端明記

楊子安侍郎學禪不信伊川每力攻其徒又使其親戚王元致問難於和靖先生曰六經蓋藥也無病安所用乎先生曰固是只爲開眼卽是病王屈服以歸伊川自涪陵歸過襄陽子安在焉子安問易從甚處起時方揮扇伊川以扇柄畫地一下曰從這裏起子安無語後至洛中子安舉以告和靖先生且曰某當時悔不更問此畫從甚處起和靖以告伊川伊川曰待他問時只與嘿

宋先學案補遺

卷九十六

真四明叢書

約園刊本

然得似箇子安更喜懼也先生舉示子安子安由是遂服祁寬紀尹和靖語

侍講呂□□升卿

呂升卿吉甫弟無學術吉甫引爲侍講

宋史

梓材謹案經義考引長編紀事本末云熙寧八年六月同修經義呂升卿言尙書王雱所進義乞更不刪改從之時升卿輒刪改詩義安石雱皆不悅故有是言

附錄

涑水紀聞曰向來執政弄權者雖因喜怒作威福猶不敢亂資序廢赦令王介甫引用新進資淺者多借以官

司爲己盡力則因而進擢或小有忤意則奪借官而斥之或無功或無過則暗計資攷及常格然後遷官如呂吉甫弟升卿新及第爲真定府觀察推官初無資攷使之察訪京東遷除淮南轉運判官轉運判官皆須朝官爲之借以太子中允尋召爲崇政殿說書及介甫與吉甫有隙升卿復於上前詆訐介甫之短由此被斥然尙以宣力久特遷太祝監無爲軍稅

待制董子彊必

董必字子彊宣州人嘗謁王荆公於金陵咨質諸經疑

宋學案補遺 卷九十八

夏四明叢書

約園刊本

義爲荆公稱許登進士第紹聖中提舉湖南常平時相章惇方寘眾君子於罪孔平仲在衡州以倉粟腐惡乘饑歲稍損價發之子彊卽劾其戾常平法置鞫長沙以承惇意無辜繫訊多死者平仲坐徙韶州惇與蔡卞將大誅流人遺呂升卿往廣東子彊往廣西察訪哲宗旣止不治然子彊所至猶以慘刻按脅立威爲五書歸奏除工部員外郎中書舍人郭知章封還其命詔以付趙挺之權給事中陳次升復封駁不下子彊於是訟知章次升爲元祐黨人坐不當訟言者出知江州改湖南轉

運判官提點河北刑獄爲左司員外郎加直龍圖閣代
舒亶守荆南公私煩費荆人病之進集賢殿修撰顯謨
閣待制卒年八十六贈龍圖閣待制 宋史

待制葉致遠濤

葉濤字致遠處州龍泉人進士乙科爲國子直講虞蕃
訟起致遠坐守諸生茶紙免官致遠王氏壻也卽往從
介甫於金陵學爲文詞哲宗立上章自理得太學正遷
博士紹聖初爲祕書省正字編修神宗史進校書郎曾
布薦爲起居舍人擢中書舍人司馬光呂公著王巖叟

空學彙補遺

卷九十八

夏四明叢書

約圖刊本

追貶呂大防劉摯蘇轍梁燾范純仁責官皆其爲制詞
文極醜詆安燾降學士致遠封還命書云燾在元祐時
嘗詆文彥博棄熙河全先帝萬世之功不宜加罪蔡京
劾爲黨罷知光州又以訴理有過爲范鏗所論連三黜
曾布引爲給事中居數月而病以龍圖閣待制提舉崇
禧觀卒 宋史

御史李資深定

李定字資深揚州人少受學於荆公舉進士爲秀州判
官孫莘老覺薦之朝召至京師李公擇常見之問曰君

從南方來民謂青苗法如何資深曰民便之無不喜者
公擇曰舉朝方共爭是事君勿爲此言資深卽往白荆
公且曰定但知據實以言不知京師乃不許荆公大喜
立薦對於是諸言新法不便者帝皆不聽遂以資深爲
監察御史裏行旋改崇政殿說書監察御史林旦薛昌
朝范育論之乃授檢正中書吏房直舍人院後爲御史
中丞與舒信道竄摭論蘇文忠公而雜治之下文忠於

獄通鑑
觀覽

雲濠謹案王阮亭居易錄引揮麈錄載宋有三李
定其一濟南人嘉祐治平已來以風裁聞嘗遍歷

宋正學案補遺

卷九十六

真元四明叢書

約園刊本

天下諸路計度轉運使官制未行老於正卿乃敦
老如岡之祖其一洪州人字仲求晏元獻公之甥
卽與蘇子美嘗神會之獄者其一揚州人元豐御
史中丞卽與舒竄媒藪坡公者同姓名者三也或
指而爲一故明辨之然其二陷二蘇皆小人吾郡
先哲則獨以功名著鄉後學所當知也此辨甚核

薛□□昂

薛昂字□□杭州人登元豐八年進士第歷升給事中
兼大司成昂寡學術士子有用史記西漢語輒黜之在
哲宗時常諫罷史學哲宗斥爲俗佞累遷門下侍郎尋
請罷授新化軍節度使佑神觀使改特進充資政殿大
學士知應天府昂與余深林摠始終附會蔡京靖康初

言者斥其罪詔以金紫光祿大夫致仕杭州軍亂昂不請命領州事責徽州居住昂主王氏學嘗在荆公坐圖

禁賭詩局敗昂不能作荆公代之時人以爲笑云

朱史

雲懷謹案汪浮溪集有爲人謝薛大資啟又祭薛大資文惟公道學得之鍾山如郢巫真揮斤者般云云蓋薛氏本王氏門人若浮溪亦可謂阿其所好矣

從新學者

補進士馬先生希孟

梓材謹案秦少游序揚州集云大夫鮮于公領州事之二年始命教授馬君希孟採諸家之集而次之則先生嘗官教授

宋學案補遺

卷九十八

學四明叢書

約園刊本

馬氏禮記解

孟子曰人之所以異於禽獸者幾希庶民去之君子存之曰幾希者在去存之間爾故曰飽食暖衣逸居而無教則近於禽獸此聖人所以作爲禮以教人使知獨貴於萬物而不失其良心也

禮不諱嫌名若曾子不以諱皙而不稱昔者裊裘之類是也

公事而私議則是弼違者可以後言也然季孫使冉有訪田賦於仲尼仲尼不對而私於冉有何也聖人之於

人可與言未嘗不言不可與言未嘗失言季孫之用田賦固非孔子之所能正其私於冉有豈得已哉以上曲禮內諸侯祿而有德者亦可以使之出而爲諸侯外諸侯嗣而有功者可以使之入而爲公卿若鄭武公之類是也

志欲者言語之蘊言語者志欲之寓達其志通其欲必在於言語之際故古者有道言語之官以上王制

味生於形臭生於氣故形成而後有味氣化而後有臭中央以陰陽之中氣生土土之成形而可以稼穡稼穡作甘者所以養萬物也土主四時而分王故五味以甘爲主五氣以香爲主以上月令

經禮者曲禮之總曲禮者經禮之別禮器

充其服者內心也以德將者也然則致其飾者非禮之甚者也禮不足然後致其飾玉藻

周官言定繫世所謂繫之以姓也以飲食之禮親宗族兄弟所謂徼之以食也曲禮曰娶妻不取同姓則周之不通也明矣大傳

諫期於必行言期於必聽無讒諂以爲閒無沽訐以取

禍臣之將入豈可不量哉古人能盡臣道量而後入者莫如伊周不入而後量者莫如孔孟

少儀

樂所以和人心和則聲和則天地之和無不應言樂則禮可知矣

樂記

管仲能九合諸侯而不能治一身晏子能一言省刑而不能善一祭故言其功與才而孔子稱之言其德禮則曾西所不爲孟子所不與也以是知非有德不可以知禮非有禮不足以成德德禮既備豈有失哉

雜記

天生蒸民莫不有其善性循而達之者教也所以爲教

宋元學案禮道卷九十六

夏四明叢書

約園刊本

者六經而已

經解

禮所以制中故禮以坊德刑所以禁過故刑以坊淫命所以知分而安之故命以坊欲

坊記

自立者對人言之特立者對眾言之

儒行

因事以見聖卽聖以行禮因禮以成德此始終之序學術道者所以窮理修身者所以盡性禮足以窮理盡性故聖人務焉

鄉飲酒義

補侍郎方先生懇

雲濠謹案先生政和八年進士仕至禮部侍郎所著禮記解二十卷直齋書錄解題云政和三年表

進自爲之序以王氏父子禮記獨無解義乃取所撰三經義及學說中而明之著爲此解

方氏禮記解

經有曰侍先生侍所尊敬侍君子侍長者何也曰先生以教稱之也曰所尊敬以道稱之也曰君子以德稱之也曰長者以年稱之也

居喪之禮雖哭泣無時然不可以過哀而喪其明雖聞樂不樂然不可以過哀而贖其聰視聽衰則不足以當大事雜記言視不明聽不聰君子病之者以此

禹稷顏回時不同矣孔子俱以爲賢者爲其道之倫而

卷九十九

卷九十九

四明叢書

綱目刊本

執之也夷惠伊尹迹不同矣孟子俱以爲聖者爲其心之倫而儼之也子夏以有若似孔子徒儼之以貌而已不知聖賢之德不倫也公孫丑以管仲比孟子徒儼之以位而已不知王霸之業不倫也

以上曲禮

經於喪有曰居有曰執有曰爲何也蓋以身言之則曰居以禮言之則曰執以事言之則曰爲其實一也

夫子曰不在顛與此言在不稱微也又曰杞不足徵此言微不稱在也

以上檀弓

爵欲正其名故官必特置祿欲省其費故職或兼掌

制王

十有二月之令行乎天地之間人君奉之以成位乎中也苟人當此月之中行彼三時之令則變天道絕地理亂人紀矣故三者之災類應焉

孟夏以菑嘗麥以水勝火也仲夏以雝嘗麥以木生火也仲秋以犬嘗麻以金勝木也季秋以犬嘗稻以金合金也夫勝所以治之生所以養之合所以和之故食齊得其宜焉 以上月令

於伯禽言法於成王言道法下之所守道上之所揆可爲師者不必聖聖則師可知 以上文王世子

案學案補遺

卷九十六

頁四明樓書

藏園刊本

連山首乎艮其卦具內外而一體其位居東北之兩間則向乎人之時焉夏用人正故其書以之歸藏首乎坤各歸其根密藏其用皆殷之所爲則合乎地之時焉殷用地正故其書名之周易首乎乾周而復始剛柔相摩合乎天之時周用天正故其書以之然孔子以夏殷之易觀禮者易之所見者象禮之所形者器器由象出也天地有上下之位四時有先後之序禮之道如斯而已周監二代故六官備天地四時之名也天地之理爲妙故以義言達於內也四時之迹爲顯故以等言辨於外

也禮運

國之本在家故禮始於謹夫婦易基乾坤詩首關雎皆始於謹夫婦之意也

內則

孔子將病猶當戶而坐君視之猶東首加朝服迅雷風烈必變蓋禮然也

君子動而有爲則詳而文靜而無事則略而質居冠屬武略而質也

以上玉藻

嫂雖少當敬忌如叟故以文從之是乃所以別嫌數名雖非尊而實則敬之蓋先王之微意也

大傳

琴學彙編遺

卷九十八

臺西明叢書

絃圖刊本

失雖見乎外而所存本乎心故知其心於內然後可救其失於外

學記

情者文之始也文者情之末也作述者聖明之用聖明者作述之體

肅陰事也而禮由陰作以敬爲主離陽道也而樂由陽來以和爲主孔子曰知和而和不以禮節之亦不可行也樂中之禮於是見之

以上樂記

祭所以追養而盡於一身之終喪所以哭泣而止於三年孝則爲人子孫終身之行也故子孫之於祭必稱孝

哀則發於聲音見於衣服蓋三年之禮而已故子孫之於喪稱哀

雜記

經者緯之對經有一定之體故爲常緯則錯綜往來故爲變聖人之言道之常也諸子百家之言道之變也故聖人之言特謂之經焉詩言其志書言其事樂言其情易言其道禮言其體春秋言其法六經之教先王之所以載道也

經解

補王先生昭禹

周禮詳解

宋王學案禮道 卷九十六

夏國明藏書

約園刊本

職者所主之事六典治教禮政刑事之書也太宰則合而建之自宮正而下但舉官名惟太宰少宰宰夫言職者正貳改特尊於其屬也五官亦然

先王以道制濼通變宜民故於歲終調制所當改易卽堯典所謂平在朔易也挾日而後斂俾遠者得徧觀

民生而有欲則不能無求求而無分界度量則不能無爭先王懼其有爭端也先爲之法以防之有犯者以此治焉則情僞明是非審奸者無所肆其巧愚者不至受其欺易訟卦象辭曰君子以作事謀始其先王慮本之

之意哉

文王之治岐也澤梁無禁而周公之法則獻人有征蓋方商之季山林川澤宜弛以與民救時之善政也至成王之世道洽政行苟無征則民之棄本者厭矣故征之所以抑末

春令發散多酸以收之夏令解緩多苦以堅之秋令斂斂多辛以散之冬令堅栗多鹹以奠之又黃帝素問肺欲收急食酸以收之肝欲散急食辛以散之心欲奠急食鹹以奠之腎欲堅急食苦以堅之肺欲緩急食甘以緩之

宋元學案補遺

卷九十八

醫書四明叢書

約圖刊本

難經望而知之謂之神聞而知之謂之聖問而知之謂之工切脈而知之謂之切五色望而知者也五聲聞而知者也五氣問而知者也九藏切而知之者也九竅兼望與問而知之者也

素問酸收辛散鹹奠苦堅甘緩夫肉以骨爲體骨收則強故以酸收之肉以筋爲節筋散則不攀故以辛散之脈所以行血脈奠則和故以鹹奠之氣所以充體氣堅則實故以苦堅之肉緩則不蹇故以甘緩之竅利則不

帶故以滑利之且腎水屬也主骨故欲收肝木屬也主筋故欲散心火屬也主脈故欲奠肺金屬也主氣故欲堅脾土屬也主肉故欲緩至於竅則以骨爲體而以肉爲道所以通氣也素問骨肉滑利可以長久惟滑則無所凝止則竅亦水屬也故以滑利爲主

以上天官

卿遂之制始於五家之寡而終於萬有二千五百家之眾居雖異而輯睦若一家人雖眾而和合若一心司徒擾之則相爲仁讓焉司馬用之則相爲憂患焉

讀灋與書德行道藝孝弟睦姻每於屬民者所以公是

宋元學案禮通

卷九六

景國明叢書

約圖刊本

非而明好惡

禮無不貫治非禮不定教非禮不立政非禮不行刑非禮則淫事非禮則亂

德不敏則或暫爲而中輟或勤始而怠終行無由而成也書康誥丕則敏德

以上地官

人有兄弟男女朋友故舊賓客之好先王以禮文之使之歡然有恩以相愛粲然有文以相接此禮之所以爲嘉也

非以道勝淫不能伐而俘之非以德嗣服不能傳而守

之祭祀饗射出而陳之示爲之先者能遺爲之後者能守以上春官

以火亨飪則納其氣於內逆用之則強弱相勝而氣不均順變之則休慶相沿而疾可救故四時各取其所宜之木以變國火使民常得陰陽之正氣而不溺於一偏也夏官

聖人以百姓爲心而憂樂與同自行人之官巡行天下每國辨異之以反命於王先王所以同四海於一堂之上於此得其要矣秋官

宋學案補遺卷九十六

夏四明叢書

約圖刊本

易言備物致用立成器以爲天下利莫大乎聖人蓋百工之事雖形於度數之粗而天下之至理寓焉一方一圓而具天地之象一奇一偶而具陰陽之數或曲或直而有剛柔之理或厚或薄而有盈虧之義豈淺識者所能及哉

射之道其中在巧存乎志慮其志在力存乎血氣躬者血氣志慮之所寓焉也人之躬有長短志慮有緩急血氣有強弱故爲弓者必因之也以上考工記

周禮詳解自序

道判爲萬物物之成理理之成具不說之大法禮者法
之大分道實寓焉聖人循道之序以制禮制而用之則
存乎法推而行之則存乎人其人足以任官其官足以
行法然後禮之事舉矣故唐虞稽古建官惟百夏商官
倍至周增而爲三百六十非固好詳也王者之世物繁
事眾其制不得不然也孔子曰周監於二代郁郁乎文
哉吾從周蓋言盛矣然道之常無下散於常有之域法
象而爲天地變通而爲四時聖人體道之常無以觀其
妙體道之常有以觀其微其精至於與天地合其德與
四時合其序雖先天而天且弗違尙何事於仰觀俯察
然後奉其時哉惟夫出神天之本宗應帝王之興起天
地固有大美矣四時固有明法矣雖聖人烏得而違焉
是固因天地之大美達而爲治教因四時之明法達而
爲禮政刑事然則常無之道爲萬物而有天地四時聖
人爲天下而有治教禮政刑事天地四時道之所任以
致其用者也六官聖人任以致其事者也噫六官之建
豈聖人之私智哉實天理之所爲也由此以觀則禮之
事雖顯於刑器度數之麤而禮之理實隱於道德性命

之微卽事而幽者闢卽理而顯者微然則理其神之所爲乎夫神無在而無乎不在無爲而無乎不爲聖人立禮以爲體行禮以爲翼事爲之制曲爲之防亦神之無不在無不爲之意也彼荀卿徒知禮爲道之華而不知爲物之致乃曰生於聖人之僞又烏知禮意乎哉

附錄

陳振孫書錄解題曰昭禹未詳何人近世爲舉子業者多用之其學皆宗王氏新說也

王次點周禮訂義曰小司徒凡征役之施舍疏謂征稅

宋史案補遺 卷九十六

屋四朝叢書

約園刊本

之王氏昭禹因以施惠爲施不知征役止言力役之征舍謂弛其力而舍之鄉師辨其可任者與其施舍者則

鄭氏施爲弛不可易

梓材謹案宋史載先生周禮詳解四十卷四庫書目提要云其書解惟王建國云業格於上下謂之王或而圍之謂之國解匪頌之式云散其所藏曰匪以等級之日頌故匪從口從非言其分而非藏也頌從分從頁言其自上而頌之下解圍曰圍有取甫謂之圍解鮑魚曰魚之鮮者包以致之解鱗曰魚之乾者肅以致之解司徒云於文反后爲司蓋后从一从厂從口則所以出命司反之則守令而已从一則所以一眾司反之則分眾以治之而已从厂則承上世之庇覆以君天下司反之則以君之爵爲執事之法而已其附會穿鑿皆遵王氏字說蓋當時三經新義列在學官功令所懸故因

之不改然其發明義旨則有不盡同於王氏之學者如解泉府以國服爲之息云如以其所服國事買物爲息若農以粟米工以器械皆以其所有也周之衰不能爲民正田制地稅斂無度又從而貸之則凶年饑歲無以爲償矣下無以償上之人又必責之則稱貸之法豈特無補於民哉求以國服爲之息恐收還其母而不得蓋己目覩青苗之弊而陰破其說矣至其闡發經義有足訂注疏之誤者如解載師里布屋粟謂國宅無征民居有征無布以其不毛使之有里布民出耕在田廬人居在里其屋有田以出粟今不耕田則計屋而斂之謂之屋粟不從先儒以里布爲二十五家之泉屋粟爲三夫之粟又解近郊十一遠郊二十而三甸稍縣都皆無過十二固當時正役後因遠近劇易而制云云皆爲先儒所未發故宋人釋周禮者如王與之訂義林之奇講義多引其說固不得以遵甲新說而盡廢之也此論最爲平允故具載之

李學案補遺 卷九十六

皇朝四明叢書 約園刊本

補 鄭先生宗顏

雲濠謹案朱氏經義考云葉氏棗竹堂作周禮講義合王荆公講義共二卷又云宗顏未詳何時人

補 門下耿希道南仲

參天兩地說

參天則天一天三天五總而爲九兩地則地二地四合而爲六方其揲著七九八六皆以爲用及其成卦舍七而取九舍八而取六倚於一偏是爲倚數

附錄

晁氏郡齋讀書志曰介甫三經義皆頒學官獨易解自

謂少作未善不專以取士故紹聖後復與龔原耿南仲
注易二書偕行於場屋

雲濠謹案晁志謂耿注易二十卷今浙江採進本
作周易新講義十卷四庫提要云是書舊本或題
進周易解義疑爲侍欽宗於東宮時經進之本前
有南仲自序曰易之道有要在无咎而已要在无
咎者蓋補過之謂也又曰拂於人情是爲小過拂
乎天道是爲大過之說蓋推衍尼山無大過之旨
然曰無大過論是非非論禍福也如僅以无咎爲
主則聖賢何異於黃老僅曰無拂天道則唐六臣
輩亦將謂之知運數哉南仲畏戰主和依違遷就
卽其苟求无咎與無拂天道之說有以中之是則
經術之偏禍延國事者也然大致因象
詮理隨事示戒亦往往切實有裨云

朱子答葉正則書曰向見人家鈔錄靖康事有耿黃門

朱子家補遺

卷九十八

夏四明叢書

約圖刊本

劉子論祖宗致治不如熙豐之盛者數條不當專以祖
宗爲法後有欽廟批語若曰昨降某事指揮失於思慮
尙賴師傅大臣正救其失前命更不施行耿之誤國固
非一事然此一章乃定公孔子所謂一言者恐不可不
著之史籍以爲永監也

補 太保王初寮安中

附錄

周益公跋初寮帖曰初寮先生未冠時及拜東坡於中
山筆精墨妙宜有傳授當政宣開禁切蘇學涉近似旋

坐廢錮而先生以奪胎換骨之手揮毫禁林初無疑者
靖康而後黨禁已解玉佩瓊琚之辭怒猊渴驥之書盛
行於東南然人人知其爲蘇門顏閔也

朝請章先生線

章線字子上建安人徙平江振齋秦公案第三子也讀
書不治章句屬文辭典麗有古風元祐二年試國子監
中第一遂收其科調河南府洛陽縣主簿就除京兆府
府學教授秦公帥位直皆以主管機宜文字用舉者改
宣德郎秦公薨除祕書省校書郎居無何以爲陝府西

路轉運判官召還出知湖州差主管西京崇福宮免官
羈台州復官通判秀州已而又坐事奪三官復召爲校
書郎遷倉部員外郎遷起居舍人遭母喪喪除吏部直
註岷州長道縣以本官致仕逾年病閒卽舍旁營一室
號美蔭聚書萬卷凡國子中祕所有皆具集古今古刻
千卷手編秦公遺文四十卷奏議三十卷有所感通則
爲歌詩六十致仕以朝散郎知解州避部使者去爲均
州提舉兩浙常平未至致提點刑獄遷朝散大夫進直
龍圖閣知越州兼管浙東安撫使公事除河東河北燕

山府路宣撫使司參謀官磨勘轉朝請大夫加右文殿
修撰上書告老復直龍圖閣致仕卒於家年六十有四
先生家無聲妓之奉未嘗一日去書不讀尤尊王氏學
著書二十卷醇深雅奧發明治術居多

鴻慶居士集

章簡張先生綱

張綱字彥正金壇人政和時及第仕三朝歷蔡京王黼
秦檜三權臣乃不爲屈紹聖末與政尙書講義二十卷
爲學官時所作

直齋書錄解題

附錄

宋完學業補遺 卷九

四明叢書

約園刊本

嘗書座右曰以直行己以正立朝以靜退高天下其篤
守如此

汪玉山曰綱行狀云公講論經旨尤精於書著爲論說
探微索隱無一不與聖人契世號張氏書解竊以王安
石訓識經義穿鑿博會專以濟其刑名法術之說如書
義中所謂敢於殄戮乃以父民忍威不可訖凶惡不可
忌之類皆害理教不可以訓綱作書解掇拾安石緒餘
敷衍而潤飾今乃謂其言無一不與聖人契此豈不厚
誣聖人疑誤學者

梓材謹案張氏行狀洪成所作宋史本傳官至權
吏部尚書告老以資政殿學士知婺州尋致仕卒
年八十四初諡文定吏部尚書汪應辰論駁之口奏再請特賜曰章簡云

董叔重曰世所傳張綱書解只是祖述荆公所說或云
是閩中林子和作

陸氏講友

傅先生常

傅常一名豫字明孺高郵人攝揚州助教瓊之第二子
嘉祐治平間與陸陶山佃同硯席陶山得荆公淮南雜
說與其洪範傳願游臨川之門後見荆公歸先生驚曰

宋先學案補遺

卷九夫

吳四明叢書

約園刊本

自今事兄矣豈曰友之云乎陶山遂覲其館累月

陶山文集

汪氏同調

主簿汪先生襄

附兄奕

汪襄字公弼績溪人太平州推官汲之子也與兄公偉
奕相繼登第友愛甚篤奕爲東流令先生仕南陵主簿
少游太學有詔擇內生教小內侍大司成汪澥以先生
名聞時梁師成爲提領頗敬禮先生及登第師成欲薦
爲館職先生不肯就師成知其有嫌遠意怒之

江南舊志

聖時講友

林拙齋先生子充 附林仲嘉

林子充號拙齋福清人著論語詩五十首林之奇解論語多引用之又有指南集三卷詩文二集與鄭介夫王聖時林圖南李天與善鄉人重之與同里林仲嘉並稱古屯二賢 道南源委

雲濠謹案福清儒林傳言先生長於性學嘗論五帝而繪爲圖

附傳

億簡莊先生徵

莊徽字君猷江都人父詢始南渡徙居於宜興父卒母

宋孝學案補遺 卷九十八

夏四明叢書 約園刊本

某氏賢躬門戶而縱諸子於學由是先生兄弟同時薦於有司先生中元豐二年進士乙科調主上元簿王文公居金陵四方英雋闔門先生一與之交而非其人未嘗往授安陸縣令蔡確以故相守安薦之知礪山縣以靜治之至閩旬無一人訟於庭者與諸生終日談經義而已章丞相惇薦於上召對擢提舉秦鳳路常平歷除礪猷閣待制知興仁府徙知平江府郡豪朱勔挾竈張甚先生不少貶留平江六年丐閒優詔不許久之除提舉杭州洞霄宮以通奉大夫致仕年七十八而卒贈光

祿大夫諡曰億簡平生無嗜好所至左右圖史簾閣蕭然故歷官四十餘年無秋毫之累以令名始終少喜釋

氏書晚而彌篤云

汪浮溪集

平甫門人

霍先生漢英

李先生公弼

合傳

梓材謹案晁景迂序主客文集言其爲常州司理參軍時知州事陳襄肇興學校躬橫經爲諸生以講而王平甫以布衣專主說書有霍漢英李公弼者豪英不特爲東南之秀且以頭角諸生數百人云云是二先生爲平甫門人也亦得爲古靈及晁氏門人也

卷九十八

四明叢書

約園刊本

奉議詹先生抃

見下補之門人

待制葉致遠濤

見上荆公門人

校理家學

閣學王先生渙之

王渙之字彥舟常山人校理介之子未冠擢上第有司疑年未及銓格特補武勝軍節度推官元祐中爲太學博士校對黃本祕書通判衛州入編修兩國魯衛信錄徽宗立以日食求言先生用大臣交薦召對因言求言非難聽之難聽之非難察而用之難今國家每下求言

之詔而下之報上乃或不然以指陳闕失爲訕上以阿諛佞諂爲尊君以論議趨時爲國是以可否相濟爲邪說志士仁人知言之無益也不復有言而小人肆爲詭譎可駭之論苟容偷合願陛下虛心公聽言無逆遜唯是之從事無古今惟當爲貴人無同異惟正是用則人心悅治道成天意得矣崇寧初進給事中吏部侍郎以寶文閣待制知廣州言者論其當元祐之末與陳瓘龔夬張庭堅游旣棄於紹聖而今復之有害初政解職知舒州入黨籍歷知福廣洪滁潭杭揚州復爲給事中吏部侍郎知中山府加寶文閣直學士以疾提舉明道宮卒年四十五先生性淡泊恬於仕進每云乘車常以顛墜處之乘舟常以覆溺處之仕宦常以不遇處之則無事矣其雅趣如此 宋史

王先生沈之

見上荆公門人

野民家學

縣令王先生端禮

別見濂溪學案補遺

野民門人

龍圖蕭先生世京

蕭世京字昌孺龍泉人嘉祐進士爲廣東路提舉常平
公事蔡京爲戶部尙書平章事矜己自任先生多與之
忤因舉奏蔡京十事京由是銜之罷歸會徽宗於禁中
得其所上書卽擢爲吏部員外郎賜金紫

人物志

太傅胡先生燮

胡燮

著作楊先生純師

楊純師

龔氏門人

案學案補遺

卷九十八

厚學四明叢書

約圖刊本

李之儀

李之儀

林先生晞顏

林先生晞孟

合傳

林晞顏字幾老晞孟字醇老瑞安人塘奧先生石之子
也兄弟皆游京師從龔氏學醇老子松孫最知名

陳止齋集

龔氏私淑

趙先生峻

趙峻字德進宋城人少治易時龔深甫易解新出世未

多見先生聞考城一士人家有之則徒步往見獨攜餅
十數枚以行既至其門求見主人問以借書之事意頗
以爲難而命之飯先生辭曰所爲來者欲見易解耳非
乞食也主人嘉其意乃許就傳因館之一室中先生闔
戶晝夜寫錄飢則啖所攜之餅數日而畢歸書主人長
揖而退登科以剛故寡所合徐處仁初秉政薦爲□令
所刪定官方改京秩晚節益不喜仕築室南都城北杜
門不交人事有園數畝植花木日居其閒鄉人目之爲
獨樂園建炎初鄉人競爲遷徙計先生獨留鄉里自如
及劉豫僭號起爲郎官聞命不食數日而卒時年七十
餘矣

却掃編

補之家學

王先生綰

王先生綰 合傳

王綰王縉補之二子能世其學補之歿二子集其遺文
以授其舅曾肇序之

曲阜集

補之門人

奏議詹先生抃 父誼附兄揚

宋元學案補遺

卷九十八

夏竦四明叢書

約園刊本

詹抃字成老毘陵人父朝奉誼饒於貲築館廼客縱其子從賢士大夫游以至於貧不悔先生幼警悟與兄揚俱稱鄉里號二詹王補之王平甫相繼主鄉校皆賞異之甫冠舉於開封繼丁從母內外艱不獲試於有司者十年益刻意問學以功名自期卒於五試禮部策於廷授某府助教歷知定陶以勞轉通直郎遂以奉議郎致仕時方年六十有六後五年而卒先生敏而強記讀書纔一過目尤邃於易方未仕也賢守令多以禮致之主學而士大夫率遣子弟從之最賢有聲如鄒浩交遊亦多名公卿陳瓘俞偉尤厚善自定陶歸稍葺故居開軒名曰友陶自爲記大要謂與淵明之出處無媿云文集五十卷易書二卷語口十卷藏於家

毘陵集

放翁師承

唐先生意

唐意字居正陸放翁之舅氏也文章氣節爲一時師表建炎初避兵武當山中病歿

辟疆園宋文選

陸氏門人

參軍李先生知剛

附兄知柔

宋史案補遺

卷九十八

臺四明叢書

約園刊本

李知剛字作父山陰人五歲而孤長嗜問學至忘飲食
與兄知柔在太學久二李名動京師先生元祐五年舉
進士爲別試第一遂中丙科爲池州司理參軍以卒年
僅二十五自爲陸陶山壻從遊數年切磋琢磨相將以
道一日謂陶山曰春秋屬商其學之不傳久矣公其爲
發明之陶山曰聞之先生長者仲尼以魯春秋爲春秋
魯春秋今亡則春秋有不可讀者先生應曰經一而足
聖人以此貫類使從可知耳雖無魯春秋猶著及得繁
露書讀至春秋無傳而著引之魯則謂之外列之夷狄
則謂之內會同之事大者主小戰伐之事後者主先易
無達占詩無達詁春秋無達辭曰此等真奇語也又謂
陶山曰三傳傳經公羊最精穀梁殆其後人其佳處拾
公羊之遺耳先儒云公羊不如穀梁之精似誤也

陶山集

參軍黃先生彥

朱先生翥

合傳

韓先生羽

合傳

黃彥字□□諸暨人諸暨爲邑萬戶能力教子者三家
朱翥父瑩韓羽父彥昌與先生父郭卿是也陸陶山佃

爲鄆州州學教授先生及戩羽等裹糧走汶上有良質
美行不媿齊魯遂從陶山遊後並登科先生爲興化軍
錄事參軍三父卒陶山皆銘之

陶山文集

許先生安世

父拯

許安世字少張襄邑人奉議郎拯之子兄弟七人皆力
爲學先生官至尙書都官員外郎嘗從陶山遊陶山誌
奉議之墓曰少張吾友之賢者也舉進士第一文足以
華國才足以應世不幸短命以卒奉議有文集十卷嘗
曰學者爲言不必是堯非桀亦不必誣盜跖毀孔子而
後爲知道蓋其趣如此

陶山集

黃先生特

黃先生揚

合傳

黃特黃揚剡人長者吉老頤之子也陸陶山誌吉老墓
有云特揚受學予所言多特知靜海縣丞

陶山集

石先生景舒

石先生景愈

合傳

石先生景完

合傳

石先生景洙

合傳

宋元學案補遺

卷九十八

四

明叢書

約圖刊本

石景舒字□□新昌人與弟景愈景完景洙從陶山於太學粢食不美夜分寒燈熒然映書兄弟共之而寢臥纔半榻刻意堅槁甚於寒士云

陶山集

卜先生彊本

附弟端本復本

卜彊本字□□湖州人無知子之先之子也從陶山遊有志尙與其弟端本復本爲學皆力

陶山集

俞先生方

俞方字□□諸暨人從陶山遊陶山言其爲學知所先

後

陶山集

宋學案補遺

卷九十八

臺西

約園刊本

鄭先生襄

鄭先生云

合傳

鄭襄鄭云衢州人並遊陶山之門而云尤久

陶山集

沈先生憑

沈憑字□□桐川人有文行陶山稱爲吾遊之賢者

陶山集

汪氏門人

學士汪浮溪先生藻

別見士劉諸儒學案補遺

鄭氏家學

鄭先生嘉正

鄭嘉正字叔張西塘孫其冠也西塘付以冠義序云記曰仲月吉日加爾元服棄爾幼志就而成德此萬世爲父兄者所同志也以爾幼而岐嶷自舞勺以前能通誦五經學爲詩學浸浸勤學與兒童不相類不幸早失汝父號慕良甚三五年來觀汝志意深有可賞歎者今茲甫及二十禮合加冠此古之人謂爲成人時也汝幼時無戲玩固無幼志之可棄矣自今以往惟汝成德之可就者舉家以望汝若夫父子之親君臣之義夫婦之別

宋學案補遺

卷九十八

夏四明叢書

新刊本

長幼之序朋友之信精勤晝夜不廢藝業謹慎出入明白內外厚人薄己凡此等事在汝之自勉中道而立雖闔室而不以欺則天神地祇日月星辰嶽瀆廟社至於翼飛蹄躍之有靈者皆來助汝非乃翁之甚禱矣乎易曰君子以自強不息強者自勝之謂也曰性曰情或善或惡皆自其心而可欲之謂善以可欲之爲善則所不可欲是爲惡而靈鑒在我凡出於心而不可欲者皆人之所不欲也以所可欲勝所不可欲一求於己不在他人此古今聖賢所以下學上達如此而已故名汝以嘉

正而字汝以叔張深思而力行其何所不可哉戒之慎
之行坐服之

西塘文集

鄭氏門人

楊先生驥

見上荆公門人

文節林艾軒先生光朝

詳艾軒學案

鄭氏私淑

黃先生祖舜

詳見武夷學案

陳氏家學

補侍郎陳先生暘

宋元學案補遺

卷九十八

臺西明版書

約園刊本

附錄

進駕部員外郎爲講議司參評禮樂官魏漢律議樂用
京房二變四清晉之曰五聲十二律乘之正也二變四
清樂之蠹也二變以變言爲君四清以黃鍾清爲君事
以時作固可變也而君不可變太簇大呂夾鍾或可分
也而黃鍾不可分時論方右漢律細其議

楊誠齋序先生樂書曰遠自唐虞三代近逮漢唐本朝
上自六經下逮子史百氏內自王制外逮戎索網羅放
失貫綜煩悉放鄭而一之雅引今而復之古後有作者

不必求之於野證之於杞宋而損益可知焉護之至女樂之篇曰女樂之爲禍大矣齊人遺魯孔子行秦人遺戒山余去晉出宋禕帝疾愈虞受二八邦政亂則執編而歎曰鑠哉言乎其有國者之膏肓而醫國者之王札丹砂乎

樓攻媿樂書正誤序曰樂書謂周禮止以圓鍾函鍾黃鍾爲宮如三統三正不過子丑寅而止又謂古無四清聲痛夷樂之入中國必欲盡去之與他論樂者異閒居讀之盡二百卷古今之樂曰雅曰俗曰胡器用舞曲無所不該其用心之勤樂家之書未有此比又苦其舛誤無所攷證建昌陳使君刊此書賴以改定者甚眾亦互有得失併爲質之經傳而是正之

宋元學案補遺 卷九十八

夏漢四明叢書 約園刊本

雲濠謹案四庫全書著錄樂書二百卷提要言其自第一卷至九十五卷引三禮詩書春秋周易孝經論語孟子之言各爲之訓義其第九十六卷至二百卷則專論律呂本義樂器樂章及五禮之用樂者爲樂圖論引據浩博辨論亦極精審視其兄禮書殆相伯仲第禮書所載祇詳於三代器數是書則又推其律呂本原及後世雅俗諸部故陳振孫書錄解題謂樂書博則博矣未能免於蕪穢也然是書包括歷代總述前聞既欲備悉源流自不得不兼陳正變使振孫操筆而修史將舉古來秕政亂法一切刪之不載乎此南宋人迂謬之見不足據也又言其中惟辨二變四清二條實爲紕繆

至以七音爲八音虛
土而言尤爲牽強云

陳善捫蝨新語曰讀書只在牢記則日見進益陳晉之
一日只讀一百二十字後遂無書不讀所謂日計不足
歲計有餘者今人誰不讀書日將數千言初若可喜然
旋讀旋忘一歲未嘗得一百二十字況一日乎予少時
實有貪多之癖至今每念腹中空虛要知陳賢良爲得
法云

陳氏門人

章先生粹

奎臺案補遺

卷九十八

夏四明叢書

續編刊本

章粹陳用之門人嘗校勘用之真本入經論語全解

四庫

書目
提要

聖時家學

著作王福清先生蘋

詳震澤學案

吳氏門人

學士汪浮溪先生藻

別見士劉諸儒學案補遺

楊氏家學

提學楊玉峯先生公度

楊公度字元宏東陽令訓之子政和中登第歷福建提

舉常平司主管趙丞相鼎常薦其才秦檜弟梓與先生同年稱先生學問於檜或勸使往見先生誦其父言謝之有玉峯集二十卷

姓譜

元長門人

少保葉石林先生夢得

葉夢得字少蘊吳縣人嗜學早成多識前言往行談論亶亶不窮紹聖四年登進士第調丹陽尉徽宗朝自婺州教授召爲議禮武選編修官用蔡京薦召對言自古帝王爲治廣狹大小規模各不同然必先治其心者

宋史學案補遺

卷九十八

皇朝四明叢書

續國朝本

始今國勢有安危法度有利害人材有邪正民情有休戚四者治之大也若不先治其心或誘之以貨利或啗之以聲色則所謂安危利害邪正休戚者未嘗不顛倒易位而況求其功乎上異其言特遷祠部印官大觀初除起居郎時用事者喜小有才先生言自古用人必先辨賢能賢者有德之稱能者有才之稱故先王常使德勝才不使才勝德崇寧以來在內惟取議論與朝廷同者爲純正在外惟取推行法令速成者爲幹敏未聞器業任重識度經遠者特有表異恐用才太勝願繼今用

人以有德爲先二年累遷翰林學士極論士大夫□□
□之弊專於重內輕外且乞身先眾人補郡三年以龍
圖閣直學士知汝州尋落職提舉洞霄宮政和五年起
知蔡州移帥潁昌府尋提舉南京鴻慶宮自是或廢或
起逮高宗駐蹕揚州遷翰林學士兼侍讀除戶部尙書
旣而帝駐蹕杭州遷尙書右丞除資政殿學士提舉太
一宮專一提領戶部財用充車駕巡幸頓遞使辭不拜
歸湖州紹興初起爲江東安撫大使兼知建康府兼壽
春等六州宣撫使八年除江東安撫制置大使兼知建

宋高宗案補遺

卷九十八

四明叢書

約刊本

康府行宮留守詔加觀文殿學士移知福州兼福建安
撫使請老特遷一官提舉臨安府洞霄宮尋拜崇信軍
節度使致仕其年卒湖州贈檢校少保 宋史

梓材謹案先生號石林爲博達之儒有聞於世惜
其未達時客蔡京之門與定黨籍也萬姓統諸云

翰林學士清臣之曾孫

雲濠謹案□□□□賦序云石林先生以文章

道德伯天下推其緒餘見於政
事其爲時流所推服蓋如是

葉石林語

六經諸史與諸子之善者通□□餘卷以二十年計之
日讀一卷亦可以再周其餘一讀足矣惟六經□□□

口去手

詩論

世人疑詩序非衛宏所爲此殊不然使宏鑿空爲之乎
雖孔子亦不能使宏誦師說爲之則雖宏有餘矣且宏
之序有專取諸書之文而爲之者有雜取諸書所說而
重複互見者有委曲宛轉附經而成其書者不可不論
也詩有六義一曰風二曰賦三曰比四曰興五曰雅六
曰頌其文全出於周官情動於中而形於言之不足
而嗟歎之其文全出於禮記成王未知周公之志公乃

李元學案補遺 卷九十六

四明叢書

約關州本

爲詩以遺王其文全出於金縢高克好利而不顧其君
文公惡而欲遠之不能使高克將兵而禦狄於境陳其
師旅翱翔河上久而不召眾潰而歸高克奔陳其文全
出於左傳微子至於戴公其閒禮樂廢缺其文全出於
國語古者長民衣服不貳從容有常以齊其民其文全
出於公孫尼子則詩序之作實在數書旣傳之後明矣
此吾所謂專取諸書所言也載馳之詩許穆夫人作也
閔其宗國顛覆矣又曰衛懿公爲狄所滅絲衣之詩旣
曰釋賓尸矣又曰靈星之詩此蓋眾說並傳衛氏得善

辭美意併錄而不忍棄之此吾所謂雜取諸書之說而
重複互見也騶虞之詩先言人倫既正朝廷既治天下
純被文王之化而復繼之以蒐田以時仁如騶虞則王
道成行葦之詩先言周家忠厚仁及草木然後繼之以
內睦九族外尊事黃耆養老乞言此又吾所謂委曲周
旋附經而成義也卽三者而觀之序果非宏之所作也
漢世文章未有引詩序者惟黃初四年有共公遠君子
近小人之說蓋魏後於漢宏之詩序至此始行也世以
詩序爲孔子作初無據口耳之傳也惟隋經籍志以爲
子夏作先儒相承云毛公及衛宏潤益之今定爲孔子
固不可若孔子授子夏而傳之是亦嘗經孔子所取亦何傷
乎大抵古書未有無序者皆繫之於篇末蓋以發其凡也今
書有序孔安國以爲孔子作自安國始遷之逐篇口口亦如
序卦象象爻辭王輔嗣遷之逐卦之中至太史自序揚
子之法言皆其遺法況詩皆記其先王之政與列國之
事口口其序蓋有全篇莫知所主意者孔子雖聖人
人事之實亦安能臆斷於數百載之下猶之春秋必得
魯史而後可爲鄭忽與晉文公出入晉鄭不以告魯史

所不得書則孔子不能彊筆而削之也而謂衛宏能之可乎所謂衛宏從謝曼卿受學而作者范曄之言爾授詩毛公趙人與河間王同時三傳而爲徐敖初無謝曼卿者猶東漢賈逵傳言父微學毛詩於謝曼卿至顯宗令撰齊魯韓詩均與毛氏同異蓋漢自中興後毛詩始見鄭康成與衛宏略先後豈有不知而以宏之言爲孔子者此理尤甚明吾謂古者凡有是詩則有是序如今之題目者故太師陳之則可以觀孫明復春秋專廢傳從經然不盡達經例又不深於禮學故其言多抵牾有甚害於經者雖概以禮論當時之過而不能盡禮之志尤爲膚淺

書論

書五十八篇出於伏生者初二十三篇出於魯共王所壞孔子宅壁中者增多二十六篇伏生書後傳歐陽歙魯共王壁中書孔安國爲之傳漢興諸儒傳經次第各有從來伏生當文帝時年已老口授晁錯頗雜齊魯言或不能盡辨他經專門每輒數家惟書傳一氏安國口口所授獨以隸古易科斗自以其意爲訓解不及列於

學官故自漢訖西晉言書惟祖歐陽氏安國訓解晚出
皇甫謐家所謂二十□□者雖□□時大儒揚雄杜預
之徒皆不及見劉向以魯共王書校□□洛誥亡簡一
召誥亡簡二字之不同者尤多書非一代之言也其文
字各隨其世不一體其受授異同復若此然大抵簡質
懿懋不可遽通自立政以上非伊尹周公傳說之辭則
仲虺祖乙箕子召公後世以爲聖聖不可及者也其君
相與往來告戒論說則堯舜禹湯文武是也是以其文
峻而旨遠自立政而下其君則成王康王穆王平王其

臣則伯禽君陳君牙至於秦穆公其辭則一時太史之
所爲也視晉爲有間矣是以其文亦平易明白意不過
其所言孔子取之特以其有合於吾道焉爾自安國學
行歐陽氏遂廢今世所見惟伏生傳首尾不倫言不雅
馴至以天地人四時爲七政謂金縢作於周公沒後何
可盡據其流爲劉向五行傳夏侯氏災異之說失孔子
本意益遠安國自以爲博考經傳採摭羣言其所發明
信爲有功然余讀春秋禮記孟子荀子閒與今文異同
孟子載湯誥造攻自牧宮不言鳴條春秋傳載五子之

歌衍率彼天常一句證康誥父子兄弟罪不相及今文
乃無有疑亦未能盡善者荀卿引仲虺曰諸侯能自得
師者王得友者霸引康誥惟□□□人以懼其謬妄
有如此者禮記以申勸寧王之德爲□□□□以庶言
同亡斯繹字其乖悟有如此者微孔氏則□□□□□
於是知求六經殘缺之餘於千載淆亂之後豈不甚難
□□可忽哉先公曰歐陽公日本刀歌云傳聞其國居
大海土壤淳饒風俗好前朝貢獻屢往來土人往往工
詞藻徐福行時書未焚逸篇百篇今尙存命嚴不許傳

宋學案補遺

卷九十八

百奕四明叢書
約關刊本

中國舉世無人識古文先王大典藏夷貊蒼波浩蕩無
通津令人感激坐流涕鏽澀短刀何足云詳此詩似謂
徐福以諸生帶經典入海外其書乃始流傳於彼也然
則秦人一燼之烈使中國家傳人誦之書皆放逸而徐
福區區抱編簡以往能使先王大典獨存夷貊可歎也
亦可疑也然今世經書往往有外國本云

石林經解說

教者上所以勉下經者所以助成其教也詩之規刺嘉
美要使人歸於善而已仁之事也故其教則溫柔敦厚

書之紀述治亂要使人考古驗今而已智之事也故其
教則疏通知遠樂能和同天人之際其教也動盪血脈
流通精神故廣博易良易能順性命之理其教也吉凶
與民同患而退藏於密故絜靜精微禮節民心其教也
使人飾貌以正其行故恭儉莊敬春秋言約而意隱其
教也使人美不過實貶不損美故屬辭比事蓋詩書以
政教之本而爲序樂與易以道德之妙而爲序禮與春
秋以治人修身之事而爲序也六者之失蓋不深求其
理故也易曰惟深故能通天下之志

石林遺文

自世尙經術博士業書者十常三四第守一說莫能自
致其思余竊悲之因參總數家推原帝王之治論其世
察其人以質其所言更相研究折衷其是非頗自紀輯
爲書二十卷十二萬有餘言

書傳自序

以春秋爲用法之君而已聽之有不盡則欺民有不盡
其法則欺君凡啖趙論三家之失爲辨疑劉氏廣啖趙
張之遺爲權衡合二書正其差誤而補其疏略目之曰

講春秋讎自序

君子不難於攻人之失而難於正己之是必有得也乃可知其失必有是也乃可斥其失自其讞推之知吾之所正爲不妄也而後可以觀吾考自其考推之知吾之所擇爲不誣也而後可以觀吾傳

春秋考自序

左氏傳事不傳義是以詳於史而事未必實以其不知經也公羊穀梁傳義不傳事是以詳於經而義未必當以其不知史也乃酌三家求史與經不得於事則考於義不得於義則考於事更相發明以作傳

春秋傳自序

附錄

空學案補遺

卷九十八

夏英西明叢書

約園刊本

政和閒穎昌歲值災傷浮殍自鄧口入境不可勝計公盡發常平倉奏賑十餘萬人惟遺棄小兒無處一日詢左右曰人之無子者何不收以自續乎曰人固願得之但患既長來識認耳公閱法凡傷災棄遺小兒父母不得復取古有此法者遂作空券數千具載本法給內外廂界凡得兒者書券付之凡三千八百人皆奪之溝壑而置之襁褓者

徐敦立御掃編曰崇寧初蔡太師持紹述之說爲指既悉取元祐廷臣及元符末上書論新法之人指爲謗訕

而投竄之又籍其名氏刻之於石謂之黨籍碑且將世世錮其子孫其後再相也亦自知其太甚而未有以爲說葉左丞爲祠部郎從容謂之曰夢得聞天下有道則庶人不議今舉籍上書之人名氏刻之於石以昭示來世恐非所以章先帝之盛德也蔡大感悟其後黨禁稍弛而碑竟仆焉胡尙書直孺聞之歎曰此人宜在君側眞西山書春秋讖考傳三書後曰自熙寧用事之臣倡爲新經之說旣天下學士大夫以談春秋爲諱有年矣是書作於絕學之餘所以闢邪說黜異端章明天理遏

宋元學案補遺 卷九十六

夏竦明讖考

約園刊本

止人欲其有補於世教爲不淺也

梓材謹案宋史藝文志載石林春秋讖三十卷又春秋考三十卷春秋傳二十卷石林春秋八卷春秋指要總例二卷四庫全書著錄春秋傳提要云石林以孫氏春秋尊王發微主於廢傳以從經蘇氏春秋集解主於從左氏而廢公羊穀梁皆不免有弊故是書參考三傳以求經頗爲精核又本承樂大典勒成春秋考十六卷春秋讖二十二卷提要於春秋考云是書大旨申明所以攻排三傳者實本周之法度制作以爲斷初未有所臆測於其間於春秋讖云是書抉摘三傳是非主於信經不信傳猶沿啖助孫復之餘波且言古引春秋以決獄不云以決獄之法治春秋名書以讖於義未

允云

陳直齋曰少蘊博極羣書強記絕人書與春秋之學視

諸儒爲最精

王氏困學紀聞曰葉少蘊謂凡易見於有爲者皆言用用之者何體也而易不以體對用故別而論之曰易無體晁景迂曰體用本乎釋氏

謝山箋曰李二曲嘗暢此論

又曰石林解執禮云猶執射執御之執記曰秋學禮執禮者治之蓋古者謂持禮書以治人者皆曰執周官太史大祭祀宿之日讀禮書祭之日執書以次位常凡射事執其禮事此禮之見於書者也解雅頌各得其所云

宋學案補遺 卷九六

皇朝明叢書

約園刊本

季札觀魯樂以小雅爲周德之衰大雅爲文王之德小雅皆變雅大雅皆正雅楚莊言武王克商作頌以時邁爲首而武次之賚爲第三桓爲第六以所作爲先後以此攷之雅以正變爲大小頌以所作爲先後者詩未刪之序也論政事之廢興而以所陳者爲大小推功德之形容而以所告者爲先後者刪詩之序也其說可以補

注義之遺

雲濠謹案王阮亭居易錄葉石林建康集八卷有嘉泰癸亥孫翰跋按石林全集一百卷桑民澤家書目有之今不可得此則紹興八年再帥建康作也又云石林晁氏之甥及與无咎張文潛遊爲詩

又筆力雄厚猶有蘇門遺風非南渡以下諸人可望平生窺於春秋集中答王從一教授書可見其概

荆公私淑

朝奉華雲溪先生鎮

附子初平

華鎮字安仁會稽人登進士官至朝奉大夫好學博古工詩一時名人宗師多稱道之子初平以進士爲太常博士討論典故校經考古無所附依二帝北狩以憂憤

卒

姓譜

雲濠謹案先生有雲溪居士集一百卷今從永樂大典掇輯者三十卷四庫書目提要云樓炤序其

雲濠案補遺 卷九十六

皇朝四明叢書

約園列本

集曰精深典贍迥麗逸發又曰介然自重不輕以求人之知其名之不昭也固宜然觀其學術大抵以王安石爲宗且異蔡京章惇輩贈答往來于所甚至炤之所云未必遽爲公論云

提舉林三山先生之奇

詳見紫微學案

熊獨善先生蕃

熊蕃字叔茂口口人善屬文長於吟詠宗王介甫之學分章析句極有條貫築堂名獨善號獨善先生

姓譜

初寮家學

侍郎王復齋先生秬

別見安定學案補遺

莊氏家學

知州莊先生安常

莊安常字子尙僖簡仲子世其家學入太學爲英俊所推政和二年賜上舍第廬傳庭中徽宗識之曰是莊徽子也調益都縣主簿改監惠民局擢廣親宅宗子學正太學錄太學博士提舉京西南路學事遭僖簡憂免喪知南劔州南劔人德之知處州處州大治請外祠得主管台州崇道觀紹興十六年卒於金壇縣其子之官舍年七十五積官至朝請大夫先生深厚疏通於經術得其指歸與人交一於至誠自南劔歸愉然自放於溪山

宋史案補遺

卷九十八

皇朝四明叢書

約圖刊本

之閒日從諸子質問經義口未嘗掛除書雖暫出不旋踵而歸享靜退清康之樂者二十餘年其葬也汪浮溪銘其墓曰德本於誠學本於經隱然振其家聲爲後學之師承

汪浮溪集

龔氏續傳

龔先生楫

龔楫字濟道其先處州人祖原崇寧中謫居和州遂家焉先生懦如不勝衣建炎初聞金人陷郡縣憤恚不食念有以自見而不可得兀兀據和州築堡新塘先生率

家僮與鄉里從者往襲之獲千戶二旣而金兵大至先生麾其眾曰今日戰死亦足爲義士爲金人所獲猶挺劍刺其一人金人斃割之年二十一

宋史

秘丞龔先生頤正

父相

龔頤正字養正本名敦頤元祐黨人原之曾孫也父相字聖任知華亭縣甚著聲績遂家吳中嘗著符祐本末三十卷又著元祐黨籍三百九人列傳所佚者六人而已淳熙末洪丞相邁領史院奏授下州文學光宗立用薦歷宗正簿遷樞密院編修官嘉泰元年詔頤正學問

宋學案補遺

卷九十八

夏正四期叢書

約園刊本

該博賜進士出身兼實錄院檢討官預修光孝二宗實錄未幾遷祕書丞卒周益公稱其博通史學嫻於辭章所著又有中興忠義錄三卷續稽古錄續釋常談

姑蘇志

梓材謹案養正以元祐黨人之後著黨籍列傳譜述一百卷顯其主宗正簿也著續稽古錄言韓侂胄定策功擢官樞密編修至侂胄死詔毀其書不無有忝乃祖矣

林氏家學

林□□先生崧孫

別見趙張諸儒學案補遺

元錫家學

補
中大陸放翁先生游

梓材謹案先生嘗游於丹陽先生洪氏之門見其所跋洪慶善帖語

雲濠謹案戴剡源序方桐江詩集有云放翁雖生長東南接中原文獻獨其爲詩亦親經陳萊茶山諸先生指授云云是先

生固呂曾二氏門人也

渭南文集

舜伐三苗年九十有三聞伯益一言退而敷文德舞干羽武王受貢紜年九十有一召公作訓累數百言武王納之羣臣無伯益召公之賢陛下當以舜武王之心爲心擬上殿劄子

燭火不能爲日月之明瓦釜不能爲金石之聲潢汙不

宋元學案補遺 卷九十八

皇朝四明叢書

約園刊本

能爲江海之濤瀾犬羊不能爲虎豹之炳蔚而或謂庸人能以浮文眩世烏有此理也哉上辛給事書

文以氣爲主出處無媿氣乃不撓韓柳之不敵世所知

也傅給事外制集序

善學者通一經而足藏書者雖盈萬卷猶有憾焉而近世淺士乃謂藏書如鬪草徒以多寡相爲勝負何益於

學萬卷樓記

公孫丞相布被人曰詐司馬丞相亦布被人曰儉布被可能也使人曰儉不曰詐不可能也司馬溫公布被銘

讀易不能知虛義之心讀典謨不能知堯舜禹皋陶之心雖典墳盡在亦何益於稽古故士能玩易之畫與身親見虛義等反覆盡心於典謨與身親見堯舜禹皋陶等

婺州稽吉閣記

人莫不愛其子孫愛而不知教之猶弟愛也人莫不思其父祖思而不知奉其教猶弗思也能如是其不與者乎吾所謂興者天地鬼神與之鄉人慕之學者尊之是爲興不然雖門列戟牀堆笏德弗稱焉何興之有

跋

巨山
家訓

宋元學案補遺

卷九六

墨

四明叢書

約園刊本

放翁家訓

天下事常成於困約而敗於奢靡游童子時先君諄諄爲言太傅出入朝廷四十餘年終身未嘗爲越產家人有少變其舊者輒不懌其夫人棺纔四會婚姻不求大家顯人晚歸魯墟舊廬一椽不可加也楚公少時尤苦貧革帶做以繩續絕處秦太夫人嘗作新襦積錢累月乃能就一日覆糞汚之至涕泣不食太尉與邊夫人方寓官舟見婦至喜甚輒置酒銀器色黑如鐵果醢數種酒三行而已姑嫁石氏歸寧食有籠餅亟起辭謝曰昏

毫不省是誰生日也左右或匿笑楚公歎曰吾家故時
數日乃啜羹歲時或生日乃食籠餅若曹豈知耶是時
楚公貴顯顧以啜羹食餅爲歎愀然歎息如此游生晚
所聞已略然少於游者又將不聞而舊俗方以大壞厭
藜藿慕膏粱往往更以上世之事爲諱使不聞此風放
而不還且有陷於危辱之地淪於市井降爲阜隸者矣
人與萬物同受一氣生天地間但有中正偏駁之異理
不應相害聖人所謂數罟不入汚池弋不射宿豈若今
人畏因果畏報應哉上古教民食禽獸不惟去民害亦
是五穀未如今之多故以補粒食所未及耳若窮口腹
之欲每食必刀刀凡殘餘之物猶足飽數人方盛暑時
未及下箸已多臭腐吾甚傷之今欲除羊彘鷄鵝之類
人畜以食者原注牛耕犬警雞
均爲畜亦不可食姑以供庖其餘川泳雲
飛之物一切禁斷庶幾安吾心凡飲食但當取飽若稍
令精潔以奉賓燕猶之可也彼多口珍異夸炫世俗者
此童心兒態切不可爲其所移戒之戒之

子弟才分有限無如之何然不可使之不讀書貧則教
訓童稚以給衣食但書種不絕足矣若能布衣草履從

事農圃足跡不至城市彌是佳事關中村落有魏鄭公莊諸孤皆爲農張浮休過之留詩云兒童不識字耕稼魏公莊仕宦不可常不仕則農無可憾也切不可迫於衣食爲市井小事耳戒之戒之

後生才銳者最易壞若有之父兄當以爲憂不可以爲喜也切須常加檢束令熟讀經子訓以寬厚恭謹勿令與浮薄者游處如此十餘年志趣自成不然其可慮之事蓋非一端吾此言後人之藥石也

禍有不可避者避之得禍彌甚既不能隱而仕小則譴

宋元學案補遺

卷九十八

五

四明叢書

約園刊本

斥大則死自是其分若苟逃譴斥而奉承上官則奉承之禍不止失官苟逃死而喪失臣節則失節之禍不止喪身人自有懦而不能蹈禍亂者固不可強惟當終身絕仕進則去禍自遠

爲善自是常事今乃規後身福報若市道然吾實恥之使無禍福報應可爲不善耶

近世出葬或作香亭魂亭寓人寓馬之類一切當屏去僧徒引道尤非敬佛之意廣召鄉鄰又無益死者徒爲重費不須爲也

訴訟之事但當謹始使官司公明尚不當爲況官行關節吏取貨賄或官司無心而其人天資闇弱爲吏所使亦何所不至有是而後悔之固無及矣況鄰里間所訟不過侵占地界逋欠錢物及凶悖陵犯耳姑徐徐諭之勿遽興訟也若能置而弗校尤善李參政漢志作其叔文成墓志云居鄉則以困畏不若人爲哲真達識也

附錄

放翁廢居山陰往往野服行山蹊背囊施藥活人無數生兒多以陸爲名者

宋元學案補遺

卷九十八

夏真四明叢書

約園刊本

嘗作書巢記曰陸子旣老且病猶不置讀書名其字曰書巢客有問曰鵲巢於木巢之遠人者燕巢於梁巢之襲人者鳳之巢人瑞之梟之巢人覆之雀不能巢或奪燕巢巢之暴者也鳩不能巢伺鵲育雛而去則居其巢巢之拙者也上古有有巢氏是爲未有宮室之巢堯民之病水者上而爲巢是爲避害之巢前世大山窮谷中有學道之士棲木若巢是爲隱居之巢近時飲家者流或登木杪酣醉叫呼則又爲狂士之巢今子幸有屋以居牖戶牆垣猶之比屋也而謂之巢何耶陸子曰子之

辭辨矣顧未入吾室吾室之內或棲於櫝或陳於前或
枕藉於牀俯仰四顧無非書者吾飲食起居疾痛呻吟
悲憂憤歎未嘗不與書俱賓客不至妻子不覲而風雨
雷電之變有不知也閒有意欲起而亂書圍之如積槁
枝或至不得行則輒自笑曰此非吾所謂巢者耶乃引
客就視之客始不能入既入又不能出乃亦大笑曰信
乎其似巢也客去陸子歎曰天下之事聞者不如見者
知之爲詳見者不如居者知之爲盡吾儕未造大道之
堂輿自藩籬之外而妄議之可乎因書以自警

放翁自贊曰遺物以貴吾身棄智以全吾真矧外江南
飄然幅巾野鶴駕九天之風澗松傲萬木之春或以爲
跌宕湖海之士或以爲枯槁隴畝之民二之論雖不同
而不我知則均也

王深寧困學紀聞曰陸務觀曰唐及國初學者不敢議
孔安國鄭康成況聖人乎自慶曆後諸儒發明經旨非
前人所及然排繫辭毀周孔疑孟子譏書之胤征顧命
黜詩之序不難於議經況傳注乎斯言可以箴談經者
之膏肓

戴剡源題渭南遺文鈔後曰渡江以來如放翁可謂問學行義人矣諗其放阨而不傷困窶而能肆不可謂無君子之守就令但如常人之見欲爲身謀爲子孫謀當盛年時知己如麻何待七八十歲之後始媚一戚里權幸而爲之邪雖血氣旣衰聖人不免於戒不可謂世之君子必當然也謂世之君子必當然者其自待亦不厚矣然放翁固有不得辭者窮不能忘仕爲文不能不徇人之求龐眉皓髮屑屑道途之間而曰我意非有他人誰能諒之哉

袁清容題先生訓子帖曰先生送其子之官書莊子二章以訓或曰五經切近而書莊子何耶余曰自農師右丞師尊臨川臨川宗老莊故其家學世守之此二章足以涉世變清而容物遠禍之基也喜怒哀樂不入於胸次進德之本也紹熙黨禍萌蘖故逢迎者廢於嘉定標榜者錮於慶元雖善惡歧而當時仕進者寧不自重先生教子之意深矣晚歲一出終能全身以歸觀此蓋可知矣

放翁講友

進士呂先生友德

呂友德東陽進士自太學至鏡湖與放翁遊放翁稱其

問學論議文辭皆有源流

渭南文集

放翁同調

縣令王先生時敘

王時敘字伯倫奉化人乾道五年進士歷知遂安縣時郡守責逋於十年之外甚急先生謂從事曰邦侯素不困疲瘵之民何遽變更果爾罪去誠甘守知不可奪遂已編修陸放翁爲郡日縣上所斷大族爭訟僚屬咸會

空齋案補遺

卷九八

夏四明鼓書

約圖刊本

放翁以遂安狀銜袖曰得一好文字爲諸公出之且讀且喜曰使諸邑皆如遂安吾輩可以臥治及卒放翁誄之曰學道愛人正心誠意惻愍無華儒稚飭吏子之自著古人何媿

寧波府志

朝散王泰庵先生時會

王時會字季嘉奉化人自少時事親孝事兄悌處鄉里學校從師擇友甚嚴與兄伯倫同登乾道進士歷知會稽縣最後終於長沙自迪功郎七遷至朝散郎會稽歲霖潦郡方督已蠲之賦甚急先生持不可守不聽乃袖

告身易服立庭中力爭守爲之奪氣民賴以紓遂修社
倉之政因立保伍以察不孝不悌惰游不逞者風俗一
變所至設施多可稱述論事亦多識大體先生銳意經
學有易詩書論語訓傳鄉飲酒辨疑凡數十百卷文詞
簡古尤善爲詩有泰庵存稿三十卷病已亟猶強起拱
手端坐無惰容顧家人曰吾學易晝夜之理甚明遂卒
年六十四陸放翁自尙書郎罷歸屏居鏡湖上郡牧部
使者多不識面縣大夫猶避形迹弗與通惟山陰令張
棗與先生相從驩然如故交云

渭南文集

宋王忠文公遺集卷九十八

夏正四明叢書
經國刊本

陳氏私淑

主簿林先生子冲

詳見紫微學案

朝奉陳先生岐

陳岐字□□三山人自朝奉大夫權發遣建昌軍事嘗
刻陳氏樂書求序於楊誠齋曰岐學殖荒落□□□□
則岐豈敢然幼師先君樞密嘗因請業而問曰士奚若
而成於樂先君曰□□□□駭而語未可也抑從先
儒而問津焉則有鄉先生陳晉之樂書在岐自是求其
書□□後得然不敢私也是用刻棗與學者公之

楊誠齋集

梓材護案林畔叟序其口草齋尙書集解後云畔自兒時侍先君盱江官舍郡齋刊禮樂書先君實董其事與益國周公誠齋楊先生書問往來訂正訛舛甚悉時蓋先生修二陳之書耕叟之父雲岫實董其事也

章氏門人

章先生冲

章冲字茂深吳興子厚之曾孫葉少蘊之壻朝請大夫

著春秋左傳類事始末五卷

直齋書錄解題

附錄

謝良齋序春秋左氏傳類事始末曰初使君由山陽移

案學案補遺卷九十八

頁三四明叢書

約園刊本

天台謬久知其政之宜乎民今又知其書之明乎古書之明古所以爲政之宜民又豈有二道耶

梓材謹案先生淳熙十四年以奉直大夫守台州其自序言少時侍石林葉先生爲學先作春秋識考傳使冲執左氏之書從旁備檢閱因得原始要終各從其類云

熊氏家學

熊先生克

別見劉胡諸儒學案補遺

放翁門人

戴石屏先生式之

別見和靖學案補遺

蘇先生洞

蘇洞字召叟山陰人右僕射頌之四世孫陳振孫書錄
解題有冷然齋集二十卷先生少時卽從其祖游宦入
蜀長而落拓走四方曾再入建康幕府嘗以薦得官而
終偃蹇不遇以老生平所與往來唱和者皆一時知名
士有送陸放翁赴修史之命云弟子重先生牛角以至
斯文章起嬰慕德行隨蕭規是先生本從學於放翁詩
法流傳淵源有自云 四庫書目提要

寺丞方好庵先生信孺

方信孺字孚若莆田人九歲能文以父蔭補番禺縣尉

宋史

卷九十八

夏

四明叢書

約園刊本

以近臣薦使金歲再往返以口舌折強敵金人計屈請
見後知夏州築石隄二十里人莫知其故後金犯眞州
城賴以全寧宗朝爲寺丞終寶慶知府 姓譜

雲濠謹案劉後村狀其行云公自號紫帽山人又
曰好庵嘗從山陰陸公游問詩陸公爲大書詩境
二字又云公有山水癖故其書有南海百詠南冠
萃稿南轅拾稿曲江嘯詠九疑復編桂林兩三集
擊缶編好庵游戲皆板行出嶺詩文
三卷壽湖稿一卷通問語錄三卷云

附錄

新居成劉後村賀以詩曰按行花木皆寮友主掌湖山
卽事權

知道州郡有不檢士十輩號十虎力能使監司逐太守
公下車立竄首惡修濂溪祠作太史閣與萊公樓對尋
元次山遺跡出之

呂先生口

呂□□□□復初之大父於忠穆爲孫承學於放翁

戴剡源集

王氏家學

縣佐王先生寇

王宥字抑之奉化人伯倫季嘉兩先生從子也嘗以詞

李學案補遺

卷九十八

夏

四明叢書

約園刊本

賦再貢於有司七上禮部不售晚授南廓一秩丞佐小
邑屢與上官爭役錢辨水利列邊防形勢不酬卽和淵
明歸去來辭棄官歸養不負王氏家法

戴剡源集

新學續傳

陳先生友仁

陳友仁字君復湖州人宋亡丙子後九歲序周禮集說
稱其友雲山沈則正近得此書於雲編節條理與東萊
讀詩記東齋書傳相類名氏則未口也癸未攜以歸訓
詁未詳者益以賈氏王氏之疏說辨析未明者附以前

輩諸老之議論云蓋先生因宋人舊本重緝也

四庫書目提要

陳氏周禮說

周公六典周官經制之□畫井田立封建大而軍國調度禮樂刑賞微而服御飲食醫卜工藝毫介纖悉靡不備載六官之屬各從其長其要則統於天官大綱小目截然有紀萬世□□者之龜鑑也

官制云天地春秋四官自□□□□□□□□三人□府史胥徒止百五十人蓋吏役如是足也吏省則祿易給有祿□□□□□□□□□□做此意佐史有斗食之秩

宋元學案補遺

卷九十八

夏四明叢書

約園刊本

長安游徼更有百石之秩左馮翊□□□□□□□□□□
□爲膠東相吏追捕有功者後一切比三輔尤異自是以後百石吏□□自重□□□□□□□□子往往出其間自鄉差之法變爲顧役天下之事付之游手之民又從而奪其□□是教之爲姦而又授以具也上自朝廷下至州縣每一司官長不過數人□□□□□□不勝其眾則官之不勝吏姦宜矣天下何從而治哉

宋元學案補遺卷九十八

宋元學案補遺卷九十九

目錄

蘇氏蜀學略補遺

蘇氏先緒

蘇先生序

蜀學之先

蔣先生堂 父九皋

蘇氏家學

蘇先生渙 附楊異朱翰

宋元學案補遺 目錄

四明叢書 約圖刊本

補蘇先生洵

老泉同調

范先生鎮 詳范呂諸儒學案

雷先生簡夫

李先生師中 別見古靈四先生學案補遺

姚先生闢 別見廬陵學案補遺

葛先生勝仲 同上

東坡師承

史先生清卿 附子炤

劉先生巨

蔣氏家學

蔣之奇 詳見廬陵學案

蔣氏門人

胡先生宿 詳見濂溪學案

邵先生必 別見百源學案補遺

呂先生陶 詳下東坡同調

老泉家學

補蘇先生軾

宋元學案補遺 目錄

二四明叢書 約園刊本

補蘇先生轍

二蘇講友

補家先生定國

侯先生晉升

吳先生復古

東坡講友

徐先生常 別見古靈四先生學案補遺

巢先生谷 父中

黃先生寔

蘇先生堅

袁先生毅

詳見士劉諸儒學案

楊先生蟠

東坡學侶

陳先生舜俞

詳見安定學案

崔先生子方

曹先生輔

徐先生大正

李先生亮工

宋元學案補遺 目錄

杜先生沂

見下東坡門人

董先生南美

石先生汝礪

褚先生承亮

別附

陳太初

李氏同調

李先生公麟

李先生冲元

石氏講友

王先生仲達

東坡同調

補呂先生陶

文先生同

王先生庠

李先生中

張先生先

姚先生麟

宋元學案補遺 目錄

四明叢書

約園刊本

王先生德明

王先生當

歐陽先生經

翟先生逢亨

歐陽先生闢

別見廬陵學案補遺

詹先生範

唐先生叟

孫先生馨

淨德講友

杜先生敏求 大父允昇父萬

文氏學侶

郭先生周田

濟北師承

李清臣

宛邱師承

李先生處道 附兄載之

潁濱同調

邱先生鑄

宋元學案補遺 目錄

五四明叢書

約園刊本

王先生得臣 別見安定學案補遺

老泉私淑

劉先生誥

任氏家學

補任先生伯雨

東坡家學

補蘇先生過

補蘇先生元老

東坡門人

補 龔先生補之

補 蔡先生觀

補 張先生素

補 李先生廌

補 王先生鞏

補 李先生格非

陳先生師道

詳見廬陵學案

李先生昭玘

別見安定學案補遺

秦先生觀

宋元學案補遺 目錄

六

四明叢書
物園刊本

張先生大亨

龔先生慎由

郭先生用孚

何先生頡

錢先生世雄

趙先生令時

廖先生正一

王先生適

王先生適 合傳

鄭先生僅

姜先生君弼

許先生安仁

杜先生俛

父沂

慕容先生暉

邱先生崇

江先生端禮

詳見安定學案

王先生直方

周先生與可

宋元學案遺

目錄

七四明叢書

續約園刊本

杜先生興

翟先生汝文

別見廬陵學案補遺

朱先生載上

王安中

詳見荆公新學略

李新

崔道士閑

葛先生延之

晁氏請友

單先生拯

附門人聶循矩

李氏講友

馬先生友直

潁濱家學

蘇先生籀

蘇先生簡

蘇先生筠

仲滋學侶

史先生堯輔 附師劉臧

潁濱門人

宋元學案補遺 目錄

八 四明叢書

約園刊本

晁先生補之 見上東坡門人

秦先生觀 同上

李先生昭玘 別見安定學案補遺

王先生適 見上東坡門人

李先生之儀 詳見安定學案

韓先生駒

吳先生範

退翁家學

家先生彬

伯固家學

蘇先生庠

褚氏門人

周先生伯祿

伯時家學

李先生琥

呂氏家學

呂先生緣嗣

呂氏門人

宋元學案補遺

目錄

九

四明叢書
約園刊本

張先生厚

附師汪輔之

文氏門人

張先生擇交

父濫

陳先生口

合傳

張氏家學

張先生文剛

別見荆公新學略補遺

蘇氏續傳

蘇先生符

蘇先生籍

仲虎學侶

俞先生汝礪

范先生瓚

邵先生博 別見百源學案補遺

方舟先緒

李先生嗣宗

方舟師承

張先生子覺 附門人支時起吳德駿

晁氏門人

宋元學案補遺 目錄

十

四明叢書
約圖刊本

黃先生汝翼

李先生師蘭

張先生大方

秦氏家學

秦先生湛

秦先生庚 別見北山四先生學案補遺

張氏門人

常先生同 詳見范呂諸儒學案

吳先生怡

周先生紫芝 別見高平學案補遺

楊先生克

定國門人

劉先生跋 詳見泰山學案

趙氏門人

施先生宜生

王氏門人

蘇先生邁 詳見東坡家學

蘇先生道 同上

宋元學案補遺 目錄

蘇先生邁 同上

蘇先生遲 詳見穎濱家學

蘇先生迺 同上

蘇先生遜 同上

朱氏家學

朱先生翌 別見景迂學案補遺

東坡私淑

李先生端方 附兄相之

劉先生才邵

劉先生安世

蕭先生之敏

別見廬陵學案補遺

蔣先生燦

同上

汪先生應辰

詳玉山學案

史先生堯弼

別見南軒學案補遺

施先生元之

韓氏門人

曾先生季狸

詳見紫微學案

穎濱私淑

宋元學案補遺

目錄

十一

四明叢書
約圖刊本

劉先生獬

附師劉朔

李先生樞

詳見紫微學案

程先生大昌

別見泰山學案補遺

養直門人

陳先生慕

別見陳娜諸儒學案補遺

陳先生從古

別見紫微學案補遺

老泉續傳

程先生俊

周氏家學

周先生昂

司戶家學

補任先生盡言

仲虎門人

李先生石

方舟講友

程先生揆 大父沂

趙先生榜年 附子恕

劉先生望之

宋元學案補遺 目錄

十三 四明叢書

約略刊本

趙先生莊叔

王先生九成 附師黃源

錢先生造父

黟溪門人

楊先生萬里 詳見趙張諸儒學案

清純門人

楊先生萬里 詳見趙張諸儒學案

劉先生承弼

李先生燧

劉先生景明

施氏家學

施先生宿

東坡續傳

程先生洵

顏濱續傳

錢先生文子

詳見徐陳諸僑學案

德卿家學

周先生嗣明

詳見屏山鳴道集說略

宋元學案補遺

目錄

十四

四明叢書

續編刊本

德卿門人

王先生若虛

附師劉正甫

王氏講友

程先生良

附子鎮鑄

高先生斯誠

別見屏山鳴道集說略補遺

劉先生遇

元受家學

任先生精叟

元受門人

徐先生端卿

附師章階

方舟家學

李先生占

附師何之捷子浩忻葬翼毅稟營稟門人牟灼

李先生開

方舟門人

李先生僑

劉先生伯熊

范先生仲黼

附見二江諸儒學案

樂先生材

宋元學案續遺

目錄

十五四明叢書

約園刊本

王先生龔

附師宋遠遜賈敦夫門人王珉劉棠王巖

馮先生誠之

祖汝舟附師史楠李叔獻

句龍先生復成

句龍无生立夫

句龍先生德方

合傳

句龍先生惠夫

塗先生森

父勉仲

塗先生炳

合傳

程先生驥

程先生師夔

穆先生瑀 父深之

蘇先生茂

蘇先生葵 合傳

皇甫先生瓌

皇甫先生王仲 合傳

皇甫先生王叔 合傳

皇甫先生仲卿 合傳

馮先生恕 父知微

宋元學案補遺 目錄

十六
大明叢書
約園刊本

程氏家學

程先生師夔 見上方舟門人

劉趙門人

李先生文炳

滹南門人

董先生瀛 父思誠

趙先生椿齡

劉先生德淵 詳見魯齋學案

王先生鶚

淳南私淑

陳先生天祥

淮海續傳

姚先生雲 附子成德

東溪家學

劉先生光祖 詳邱劉諸儒學案

馮氏家學

馮先生甲

馮氏門人

宋元學案續遺 目錄

十七 四明叢書
約圖刊本

彭先生輅

蘇學之餘

陳先生大震

姚先生獬孫 父敷

舒先生公平 附師塗口門人洪汝懋

文康門人

廉先生希憲 附子恪恂

默勒吉先生庫庫

柴先生禎

默勒吉先生堅童 別見魯齋學案補遺

江村門人

朱先生隱老 別見晦翁學案補遺

江村私淑

盧先生摯

遽覺門人

王先生道夫

廉氏家學

廉先生惇 別見晦翁學案補遺

宋元學案補遺 目錄

十六

四明叢書
約園刊本

廉先生輝善哈雅

盧氏門人

孔先生濤 別見魯齋學案補遺

郝先生采麟 同上

宋元學案補遺卷九十九

後學 鄧王梓材 同輯
慈谿馮雲濠

蘇氏蜀學略補遺

蘇氏先緒

職方蘇先生序

蘇序字仲先眉州眉山人其先趙郡樂城人也先生讀書務知大義爲詩務達其志而已慶曆初詔州縣立學取士蜀自五代之亂學者衰少又安其鄉里皆不願出仕先生獨教其子渙受學所以成就之者甚備至渙以進士起家蜀人皆喜受學及其後眉之學者至千餘人自蘇氏始季子洵與其二子皆以文學名天下爲學者

所宗 元豐類稿

蜀學之先

侍郎蔣先生堂 父九皋

蔣堂字希魯宜興人父九皋賢聚書延客以教諸子先生伯仲間穎特秀整不勉而學益進祥符五年登進士甲科授楚州團練推官歷遷左司郎中知杭州會高選名臣以殿右蜀遷樞密直學士知益州蜀人偷浮不

識敦本前守如張乖崖承寇亂甫平一切權宜務安遠俗後之來者以爲治蜀適然耳而又增益侈費十倍于前先生曩官于眉習知敝俗常曰國家承平百年聲教萬國蜀士學尙不減鄒魯惟此習俗尙安餘風二千石恬而不悟豈承流宣化意耶乃興學校省府傳凡過秦無名之費姑息不正之事多所裁革移知河中府再知杭州蘇州卒年七十五特贈尙書吏部侍郎先生學問道本原議論依名節其行己也直其從物也裕治蜀日常召高才碩生會試府寺親校才等勸成學者于府學之側別建西學以廣諸生齋室訖成而移蒲中其後轉使毀之以增廨舍旣而常山宋尙書至府聞其事歎惜久之且欲成先生意乃卽其舊址建文翁祠祠之有文

集二十卷

胡文恭集

雲濠謹案先生文集曰
吳門集見宋史本傳

附錄

慶曆初詔天下建學漢文翁石室在孔子廟中公因廣其舍選屬官以教諸生士人翕然稱之

李端叔偶述曰胡文恭知蘇州蔣公希魯致政歸文恭

宋元學案補遺

卷九十九

二一四明叢書

約園刊本

昔爲諸生嘗受學于蔣公因卽其居第表之爲難老坊
蔣公見之愀然曰俚俗歆豔內不足而假之人以爲夸
者非所望于故人也願卽徹之文恭愧謝欲如其請則
營繕已嚴乃資其嘗獲芝草之瑞改爲靈芝文恭退而
語人曰識必德而後達蔣公之德蓋所畏而其識如是
固無足疑其如非吾所及也

蘇氏家學

提刑蘇先生渙 附楊異宋輔

蘇溪始字公羣晚字文父眉山人贈職方員外郎序之

宋元學案補遺 卷九十九

三四明藏書
約園刊本

子少穎悟職方自總以家事使篤志于學其勤至手書
司馬氏史記班氏漢書天聖元年始就鄉試通判州事
蔣堂就闈所爲文嘆其工曰子第一人矣先生曰有父
兄在楊異宋輔與吾遊不願先之堂益以此賢之曰以
子爲第三人以成子美名明年登科爲寶雞主簿永康
錄事參軍以憂去官起爲開封士曹通判閩州閩人鮮
于侁少而好學篤行先生禮之甚厚職方沒葬逾月芝
生于墓木鄉人異焉服除選知祥符罷知表陽提點利
州路刑獄卒年六十有二好讀書老而不衰

欒城集

附錄

子由表其墓曰轍幼與兄軾皆侍伯父聞其言曰予少而讀書師不煩少長爲文日有程不中程不止出遊于塗行中規矩入居室無惰容非獨吾爾也凡與吾遊者舉然不然輒爲鄉所擯曰是何名爲儒故當是時學者雖寡而不聞有過行自吾之東今將三十年歸視吾里弦歌之聲相聞儒服者于他州爲多善矣爾曹才不逮人姑亦師吾之寡過焉可也皆再拜曰謹受教及長觀公行事循循若無所爲動以律令爲師而見義輒發未嘗處人後政事審可爲者力爲之不疑鄭子產有言政如農功日夜思之行無越思如農之有畔公爲政近之故其所至必有功其去必見思自諸父沒後生不聞老成之言無所師法而流于俗轍懼弟子之日怠也故記其所聞以警焉

補文公蘇老泉先生洵

梓材謹案雷太簡上張文定書薦先生言其出張公門下又薦欲使代黃東爲郡學官是先生固文定門人也又案東坡祭韓魏公文有云父子昆弟並出公門是老泉父子並及韓門矣

老泉文集

匹夫而化鄉人者吾聞其語矣國有君邑有大夫而爭訟者訴于其門鄉有庠里有學而學道者赴于其家鄉人有爲不善于室者父兄輒相與恐曰吾夫子無乃聞之嗚呼彼獨何脩而得此哉意者其積之有本末而施之有次第邪

蘇氏族譜亭記

嗚呼觀吾之譜者孝悌之心可以油然而生矣情見于親親見于服服始于衰而至于緦麻而至于無服無服則親盡親盡則情盡情盡則喜不慶憂不弔喜不慶憂不弔則塗人也吾之所與相視如塗人者其初兄弟也兄弟其初一人之身也悲夫一人之身分而至于塗人吾譜之所以作也其意曰分至于塗人者勢也勢吾無如之何也已幸其未至于塗人也使之無至于忽忘焉可也嗚呼觀吾之譜者孝悌之心可以油然而生矣

蘇氏

族譜引

董生得聖人之經其失也流而爲迂黷錯得聖人之權

其失也流而爲詐

上田樞密書

經以道法勝史以事詞勝經不得史無以證其褒貶史

不得經無以酌其輕重

史論上

宋元稹案續遺 卷九十九

五四明叢書

約園刊本

臣能諫不能使君必納諫非真能諫之臣君能納諫不能使臣必諫非真能納諫之君

諫論下

史記載帝嚳元妃曰姜嫄踐巨人跡生稷爲周始祖次妃曰簡狄吞燕卵生契爲商始祖吁此史遷求詩之過也毛公之傳詩也以鳧鳥降爲祀郊禘之候履帝武爲從高辛之行及鄭之箋而後有吞踐之事遷之說出於疑詩而鄭之說又出于信遷甚矣遷之以不祥誣聖人也

嚳妃論

夫子之道有高而又有下猶太山之有趾也高則難知

宋王應麟遺書卷九十九

六四明叢書

約園刊本

下則易從難知故夫子之道尊易從故夫子之道行

知聖人汗論

凡事之不近人情者鮮不爲大奸慝以蓋世之名而濟未形之惡雖有願治之主好賢之相猶當舉而用之則其爲天下之患必然而無疑者

辨姦論

疑而問問而辨問辨之道也揚雄之法言辨乎其不足問也問乎其不足疑也求闡于後世而不待其有得君子無取焉

太玄論

蘇氏權書

爲將之道當先治心太山覆于前而色不變麋鹿興于左而目不瞬然後可以待敵凡兵上義不義雖利不動夫惟義可以怒士士以義怒可與百戰凡戰之道未戰養其財將戰養其力旣戰養其氣旣勝養其心謹烽燧嚴斥堠使耕者無所顧忌所以養其財豐犒而優遊之所以養其力小勝益厲所以養其氣用人不盡其所爲所以養其心故士常蓄其怒懷其欲而不盡怒不盡則有餘勇欲不盡則有餘食故雖并天下而士不厭兵此黃帝所以七十戰而兵不殆也凡將欲智而嚴凡士欲

愚智則不可測嚴則不可犯故士皆委己而聽命夫安得不愚夫惟士愚而後可與之皆死凡兵之動知敵之主知敵之將而後可以動于嶮鄧艾縋兵于穴中非劉禪之庸則百萬之師可以坐縛彼固有所侮而動也故古之賢將能以兵嘗敵而又以敵自嘗故去就可以決凡主將之道知理而後可以舉兵知勢而後可以加兵知節而後可以用兵知理則不屈知勢則不沮知節則不窮見小利不動見小患不遷小利小患不足以辱吾技也夫然後有以支大利大患夫惟養技而自愛者無

敵于天下故一忍可以支百勇一靜可以制百動兵有
長短敵我一也敢問吾之所長吾出而用之彼將不與
吾校吾之所短吾斂而直之彼將強與吾角奈何曰吾
之所短吾抗而暴之使之疑而卻吾之所長吾陰而養
之使之狎而墮其中此用長短之說也兵者使之無所
顧有所恃無所顧則知死之不足惜有所恃則知不至
于必敗尺箠當猛虎奮呼而操擊徒手遇蜥蜴變色而
卻步人之情也知此者可以將矣袒裼而按劍則烏獲
不敢逼冠冑衣甲據兵而寢則童子彎弓殺之矣故善
用兵者以形固夫能以形固則力有餘矣心術

秦之憂在六國蜀最僻最小最先取楚最強最後取非
其憂在蜀也強弱

王伯厚曰取蜀則楚在掌中矣白起所以再戰而燒
夷陵也

蘇氏衡論

聖人之道有經有權有機是以有民有羣臣而又有腹
心之臣曰經者天下之民舉知之可也曰權者民不可
得而知矣羣臣知之可也曰機者雖羣臣亦不得而知

之矣腹心之臣知之可也夫使聖人無權則無以成天下之務無機則無以濟萬世之功然皆非天下之民所宜知而機者又羣臣所不得聞羣臣不得聞則誰與議不議不濟然則所謂腹心之臣者不可一日無也後世見三代取天下以仁義而守之以禮樂也則曰聖人無機夫取天下與守天下無機不能顧三代聖人之機不若後世之詐故後世不得見其有機也是以有腹心之臣禹有益湯有伊尹武王有太公望是三臣者聞天下之所不聞知羣臣之所不知禹與湯武倡其機于上而三臣者和之于下以成萬世之功下而至于桓文有管仲狐偃爲之謀主闔廬有伍員勾踐有范蠡大夫種高祖之起大將任韓信黥布彭越裨將任曹參樊噲滕公灌嬰游說諸侯任酈生陸賈縱公至于奇計密謀羣臣所不與者惟留侯鄼侯二人唐太宗之臣多奇才而委之深任之密者亦不過曰房杜夫君子爲善之心與小人爲惡之心一也君子有機以成其善小人有機以成其惡有機也雖惡亦或濟無機也雖善亦不克是故腹心之臣不可以一日無也司馬氏魏之賊也有賈充之

徒爲之腹心之臣以濟陳勝吳廣秦氏之湯武也無腹
心之臣以不克何則無腹心之臣無機也有機而泄也
夫無機與有機而泄者譬如虎豹食人而不知設陷穽
設陷穽而不知以物覆其上者也或曰機者創業之君
所以濟耳守成之世其奚事機而安用夫腹心之臣嗚
呼守成之世能遂熙然如太古之世矣乎未也吾未見
機之可去也且夫天下之變常伏于安田文所謂子少
國危大臣未附當是之時而無腹心之臣可爲寒心哉
昔者高祖之末天下既定矣而又以周勃遺孝惠孝文
武帝之末天下旣治矣而又以霍光遺孝昭孝宣蓋天
下雖有泰山之勢而聖人常以累卵爲心故雖守成之
世而腹心之臣不可去也傳曰百官總己以聽于冢宰
彼冢宰者非腹心之臣天子安能舉天下之事委之三
年不置疑于其間耶又曰五載一巡狩彼無腹心之臣
五載一出捐千里之畿而誰與守耶今夫一家之中必
有宗老一介之士必有密友以開心胸以濟緩急奈何
天下而無腹心之臣乎近世之君抗然于上而使宰相
眇然于下上下不接而其志不通矣臣視君如天之遠

然而不可親而君亦如天之視人泊然無憂之心也是以社稷之憂彼不以爲憂君憂不辱君辱不死一人譽之則用之一人毀之則舍之宰相避嫌譏且不暇何暇盡心以憂社稷數遷數易視相府如傳舍百官泛泛于下而天子惇惇于上一旦有卒然之憂吾未見其不顛沛而隕越也聖人之任腹心之臣也尊之如父師愛之如兄弟執手入卧內同起居寢食知無不言言無不盡百人譽之不加密百人毀之不加疏尊其爵厚其祿重其權而後可以議天下之機慮天下之變

遠慮

任相之道接之以禮然後可以重其責而無怨言責之重然後接之以禮而不爲過禮薄而責重彼將曰主上遇我以何禮而重我以責也甚矣責輕而禮重彼將遂弛然不肯自飭故厚禮以維其心而重責以勉其忠而後爲相者莫不盡忠于朝廷而不恤其私

任相

附錄

先生自序洪範圖論曰洪範其不可行歟何說者之多而行者之寡也曰諸儒使然也譬諸律令其始作者非不欲人難犯而易避矣及吏胥舞之則千機百竅吁可

畏也夫洪範亦猶是耳吾痛其然因作三論大抵斥末而歸本衷經而擊傳剗磨瑕垢以見聖祕復二圖一指其謬一以形吾意噫人吾知乎不吾知其謂吾求異夫先儒而以為新奇也

歐陽公誌先生墓曰蓋其稟也厚故發之遲志也懇故得之精自來京師一時學者尊其學其文以為師法張安道表文安墓曰歐陽永叔一見權書衡論目為荀卿子獻其書于朝由是名動天下爭誦其文時文為之一變

陳古靈挽之曰禮閣儀新奏延英席久虛自從掩關卧無復草玄書東府先生誄西山孝子廬誰言身後事文止似相如

蘇魏公挽之曰觀國五千里成書一百篇人方期遠到天不與遐年事業逢知己文章有系賢未終三聖傳遺恨掩重泉

曾南豐序先生哀詞曰明允始舉進士又舉茂才異等皆不中歸焚其所為文閉戶讀書居五六年所有既富矣乃始復為文蓋少或百字多或千言其指事析理引

物託喻侈能盡之約遠能見之近大能使之微小能使
之著煩能不亂肆能不流其雄壯俊偉若決江河而下
也其輝光明白若引星辰而上也其略如是以余之所
言于余之所不言可推而知也明允每于其寧遠得喪
憂歎哀樂念有所屬必發之于此于古今治亂興壞是
非可否之際意有所擇亦必發之于此于應接酬酢萬
事之變者雖錯出于外而用心于內者未嘗不在此也
東坡祭范蜀公文曰吾先君子秉德不懼與公弟兄一
日之少窮達不齊歡則無閒豈以閩里忠義則然

邵氏聞見錄曰東坡中制科王荆公問呂申公見蘇軾
制策否全類戰國文章若安石爲考官必黜之故荆公
後修英宗實錄謂蘇明允爲戰國縱橫之學云

龜山語錄曰因論蘇明允權書衡論曰觀其著書之名
已非豈有山林逸民立言垂世乃汲汲于用兵如此所
見安得不爲荆公所薄曰大蘇以當時不去二敵之患
則天下不可爲又其審敵篤引晁錯說景帝削地之策
曰今日夷狄之勢是亦七國之勢其意蓋欲掃蕩二敵
然後致太平爾曰纔以用兵爲事只見騷擾何時見天

下息肩時節以仁宗之世視二敵豈不勝如戰國時節而孟子在戰國所論全不以兵爲先豈以崇虛名而受實敝乎亦必有道矣

劉子卿曰今西蜀文學之盛自先生父子倡之世謂之蜀學

朱子滄洲精舍諭學者曰老蘇自言其初學爲文時取論語孟子韓子及其他聖賢之文而兀然端坐終日以讀之者七八年方其始也入其中而惶然以博觀于其外而駭然以驚又其久也讀之益精而其胸中豁然以

明若人之言固當然者然猶未敢自出其言也歷時既久胸中之言日益多不能自制試出而書之已而再三讀之渾渾乎覺其來之易矣予謂老蘇但爲欲學古人說話聲響極爲細事乃肯用功如此故其所就亦非常人所及如韓退之柳子厚輩亦是如此其答李翊輩中立之書可見其用力處矣然皆只是要作好文章令人稱賞而已究竟何預己事卻用了許多歲月費了許多精神其可惜也

朱子答汪尚書曰王氏蘇氏皆以佛老爲聖人於此可

驗其于吾儒之學無所得而王氏支離穿鑿尤無義味
至于甚者幾類俳優本不足以惑眾徒以一時取合人
主假利勢以行之至于已甚故特爲諸老先生之所誹
詆在今日則勢窮禍極故其失人人得見之至于蘇氏
之言高者出入有無而曲成義理下者指陳利害而切
近人情其智識才辨謀爲氣概又足以震耀而張皇之
使聽者欣然而不知倦非王氏之比也然語道學則迷
大本論事實則尙權謀術浮華忘本實貴通達賤名檢
此其害天理亂人心妨道術敗風教亦豈盡出王氏之
下也哉但其身與其徒皆不甚得志于時無利勢以輔
之故其說雖行而不能甚久凡此患害人未盡見故諸
老先生得以置而不論使其行于當世亦如王氏之盛
則其爲禍不但王氏而已主名教者亦不得恣然而無
言也

又曰蘇氏之學雖與王氏若有不同者然其不知道而
自以爲是則均焉學不知道其心固無所取則以爲正
又自以爲是而肆言之其不爲王氏者特天下未被其
禍而已

又曰今日之事王氏僅是爲申韓儀衍而蘇氏學不正
而言成理又非楊墨之比愚恐孟子復生則其取舍先
後必將有在

梓材謹案以上兩
條總論兩蘇之學

朱子語類曰老蘇之出當時甚敬崇之惟荆公不以爲
然故其父子皆切齒之然老蘇詩云老態盡從愁裏過
壯心偏傍醉中來如此無所守豈不爲他荆公所笑如
上韓公書求官職如此所爲又豈不爲他荆公所薄

王滹南議論辨惑曰老蘇諫論曰蘇秦張儀吾取其術

宋元學案補遺 卷九十九

十六四明叢書

約園刊本

不取其心龍逢比干吾取其心不取其術而謂挾儀秦
之術者必無逢干之心存逢干之心者固無事乎儀秦
之術也蘇氏喜縱橫而不知道故所見如此

黃東發曰雷霆久蟄一旦迅烈天地爲之震動起視草
木皆甲坼矣老蘇先生特起之學有焉然先生之學不
及用于世張安道表而出之明其灼然可用于世者以
其能辨王安石之禍誠大矣然溫公目擊其弊身與之
伍終不以爲姦但言不曉事又執拗耳豈固各自有見
耶先生權書衡論等作若施之用亦必有雷霆迅烈之

勢特未知能速陽和否耶故士必用而後知

宋潛溪凝道記曰眉山之學何如曰其文辭氣傑有動
搖山嶽之勢蓋其才甚高識甚明舉一世皆奔走之恨
其一徇縱橫捭闔之術而弗知先王之道士之輕俳浮
誕者恆倚之以爲重禮義廉恥則棄去而弗之恤使其
得君其禍天下有不在金陵下也

又序蘇平仲文集曰自秦以下文莫盛于宋宋之文莫
盛于蘇氏若文公之變化傀偉文忠公之雄邁奔放文
定公之汪洋秀傑載籍以來不可多遇其初亦奚暇追
琢絺繪以爲言乎卒至于斯極而不可掩者其所養可
知也

孫緒曰相傳批點孟子爲蘇老泉筆然其批語內卻引
洪景廬語景廬後老泉六七年傳者未之察也

老泉同調

忠文范景仁先生鎮

詳范呂諸儒學案

州守雷先生簡夫

雷簡夫字太簡長安人以遺才命官其文亦奇老蘇里
居未爲世所知先生爲雅州獨知之以書薦之韓忠獻

張文定歐陽文忠三公皆有味其言三公自先生始知

老蘇云邵氏問見後錄

運使李先生師中別見古靈四先生學案補遺

州州姚先生闢

文康葛先生勝仲並見廬陵學案補遺

東坡師承

史先生清卿附子焯

史清卿眉山東坡兄弟皆師事之子焯字見可官左

宣義郎博古能文嘗作通鑑釋文三十卷姓

宋元學案補遺 卷九十九 四明叢書 約開列本

劉先生巨

梓材謹案先生爲東坡兄弟與家勤國兄弟師

蔣氏家學

文穆蔣穎叔之奇詳見廬陵學案

蔣氏門人

文恭胡先生宿詳見濂溪學案

龍圖邵先生必別見百源學案補遺

修撰呂先生陶詳下東坡同調

老泉家學

補文忠蘇東坡先生軼

梓材謹案先生爲范文正公文集序云自以八歲知敬愛公今四十七年矣彼三傑者皆得從之遊而公獨不識以爲平生之恨若獲挂名其文字中以自託于門下士之末豈非疇昔之願也哉上文述鄉先生之言曰韓范富歐陽此四人者人傑也又言登第始見知于歐陽公因公以識韓富皆以國士待軾曰恨子不識范文正公據其語前後則先生于歐陽韓富皆從遊其間而文正則其所私淑者也

雲濠謹案東坡幼時嘗學于眉山道士張易簡謂其教小學常百人見東坡眾妙堂記

東坡語要

孔子聖人其學必始于觀書當是時惟周之柱下史聃

宋元學案禮遺 卷九十九

十九 四明叢書

約圖列本

爲多書韓宣子適魯然後見易象與魯春秋季札聘于上國然後得聞詩之風雅頌而楚獨有左史倚相能讀三墳五典八索九邱士之生于是時得見六經者蓋無幾其學可謂難矣而皆習于禮樂源于道德非後世君子所及自秦漢以來作者益眾紙與字畫日趨于簡便而書益多世莫不有學者益以苟簡何哉

聖人之言當以類成文而求其意時學率以一字斷遇其不同則異說生焉

老莊之教以虛無淡泊爲宗其于君臣父子夫婦之間

汎汎乎若萍游于江湖而適相值者商鞅韓非得其所
以輕天下齊萬物之術是以敢爲殘忍而無疑大抵于
所厚者薄則無所不薄理勢然也

如周如唐則外重而內輕如秦如魏則外輕而內重內
重之弊必有姦臣指鹿之患外重之弊必有大國問鼎
之憂聖人方盛而慮衰常先立法以救弊

梁統言高惠文景以重法興哀平以輕法衰因乞增重
法律賴當時不從其議統以東京名臣一出此言遂獲
罪于天其子松疎皆死非命冀卒族滅悲夫

宋元學案補遺

卷九十九

三

四明叢書
約圖刊本

未信而諫聖人不與交淺言深君子所戒

人不知命者常求其所不可得避其所不可免

公山弗擾佛肸之召南子之見皆非常道惟孔子則可
故曰聖達節

東坡書傳

漢武帝以來至于今皆有酒禁刑者有至流賞或不賞
未嘗少縱至于私釀終不能絕也周公獨何以禁之曰
周公無所利于酒也以正民德而已甲乙皆筭其子甲
之子服而乙之子不服何也甲筭其子而責之學乙筭

其子而奪之食此周公所以能禁酒也

酒誥

東坡文集

天下之民可與爲善而不可與爲惡也昔者三代之民見危而授命見利而不忘義此非必有爵賞勸乎其前而刑罰驅乎其後也其心安于爲善而忤悞于不義是故有所不爲夫民知其所不爲則天下不可以敵甲兵不可以威利祿不可以誘可殺可辱可饑可寒而不可以叛此三代之所以享國長久而不拔也

世之儒者嘗有言曰三代之時其所以教民之具甚詳

宋元學案補遺

卷九十九

三十四明教書

約園刊本

且密也學校之制射饗之節冠昏喪祭之禮粲然莫不有法及至後世教化之道衰而盡廢其具是以若此無恥也然世之儒者蓋亦嘗以此等教天下之民矣而卒以無效此亦儒者之過也

教化之實已立則天下聳然有忠信廉恥之心然後文之以禮樂教之以學校觀之以射饗而謹之以冠昏喪祭民是以目擊而心諭安行而自得也

民不知信則不可與久處于安民不知義則不可與同處于危欲民之知信則莫若務實其言欲民之知義則

莫若務去其貪

以上敦教化篇

夫子之道可由而不可知可言而不可議不爭爲區區之論以開是非之端夫子既歿諸子欲爲書以傳世者皆喜立論論定而爭起孟子曰人之性善是故荀子不得不出于惡人之性有善惡而已二子旣已據之是以揚子不得不出于善惡混也爲論不求其精而務以爲異于人則紛紛之說未可以知其所止且夫子未嘗言性也蓋亦嘗言之矣而未有必然之論也

子思論

學聖人者豈必其言之云爾哉亦觀其意之所嚮而已

宋元學案補遺

卷九十九

王四明叢書
約園刊本

荀卿論

聖人之所爲惡夫異端盡力而排之者非異端之能亂天下而天下之亂所由出也

韓非論

禍莫逆于好用兵怨莫大于好起獄災莫深于興土功毒莫甚于奪民利

論治道

使楊墨得志于天下其禍豈滅于申韓哉由此言之雖以孟子配禹可也

六一居士集敘

且夫戰勝之後陛下可得而知者凱旋捷奏拜表稱賀赫然耳目之觀耳至于遠方之民肝腦塗于白刃筋骨

絕于餽餉流離破產鬻賣男女熏眼折臂自經之狀陛下必不得而見也譬猶屠殺牛羊刳鱗魚鼈以爲膳羞食者甚美死者甚苦使陛下見其號呼于梃刃之下宛轉于刀几之間雖八珍之美必將投箸而不忍食而況用人之命以爲耳目之觀乎

代張方平
諫用兵書

議者必謂民可與樂成難與慮始故勸堅執不願期于必行此乃戰國貪功之人行險僥倖之說若信而用之則是徇高論而逆至情持空名而邀實禍未及樂成而

宋元學案禮遺 卷九十九

三三四明叢書

約園刊本

怨已起矣

夫國家之所以存亡者在道德之淺深而不在乎強與弱曆數之所以長短者在風俗之厚薄而不在乎富與貧

夫爲國者平居有忘軀犯顏之士則臨難有徇義守死

之臣

以上上
皇帝書

德宗以苛刻爲能而贊諫之以忠厚德宗以猜忌爲術而贊勸之以推誠德宗好用兵而贊以消兵爲先德宗好聚財而贊以散財爲急至于用人聽言之法治邊禦

將之方罪己以收人心改過以應天道去小人以除民
患惜名器以待有功如此之流未易悉數可謂進苦口
之藥石鍼害身之膏肓使德宗盡用其言則貞觀可得
而復

乞校正陸贄奏
議進御劄子

一受其成而不可更或全于德或全于形均此二者顧
吾安取仰唇俯足世固多有

天硯
銘

與墨爲入玉蠶之食與水爲出陰鏗之液懿矣茲石君
子之側匪以玩物維以觀德

端石
硯銘

以此進道常若渴以此求進常若驚以此治財常思子

梁元暉集神道

卷九十九

西四期叢書

約圖刊本

以此書獄常思生

邁硯
銘

淵明欲仕則仕不以求之爲嫌欲隱則隱不以去之爲
高飢則叩門而求食飽則具雞黍以迎客古今賢之貴

其真也

書李簡夫
詩集後

東坡志林

范蜀公呼我卜鄰許下許下多公卿而我蓑衣簪笠放
浪于東坡之上豈復能事公卿哉若人久放浪不免有
病或然持養百病皆作如州縣久不治因循苟簡亦曰
無事忽遇能吏百弊紛然非數日不能清淨也要且墜

忍不退所謂一勞永逸也

伊尹之德惟一動罔不吉德二三動罔不凶貧賤人但有常德非復富貴卽當得道雖當大富貴苟無常德其後必敗予以此占之多矣

附錄

初內翰范公與蘇公約皆上章論列蘇公已具草見范公之章遂附名同奏因謂范公曰公之文經世之文也軾于朝廷文字失于過當不若公之言皆可言也

張采曰蘇公虛心國事似乎見道不得以攻擊伊川

宋元學案禮遺 卷九十九

孟四明叢書

約園刊本

槩置輕薄

與王郎書曰少年爲學者每一書皆作數次讀之當如入海百貨皆有人之精力不能兼收盡取但得其所欲求者爾故願學者每次作一意求之如欲求古今興亡治亂聖賢作用且只作此意求之勿生餘念又別作一次求事迹文物之類亦如之他皆放此若學成八面受敵與浮慕涉獵者不可同日而語

梓材謹案朱子語類載李方子云曾裘父詩話中載東坡教人讀書小簡先生取以示學者曰讀書要當如是原注引此又案王郎名庠傳見後

子由誌其墓曰公之于文得之于天少與轍皆師先君
初好賈誼陸贄書論古今治亂不爲空言旣而讀莊子
喟然歎息曰吾昔有見于中口未能言今見莊子得吾
心矣乃出中庸論其言微妙皆古人所未喻嘗謂轍曰
吾視今世學者獨子可與我上下耳旣而謫居于黃杜
門深居馳騁翰墨其文一變如川之方至而轍嗟然不
能及矣後讀釋氏書深悟實相參之孔老博辨無礙浩
然不見其涯也

李端叔挽之曰從來憂患許追隨末路文詞特見知肯

宋元學案補遺

卷九十九

兵四明叢書

約圖刊本

向虞兮悲蓋世空慙賜也可言詩炎荒不死疑陰相漢
水相招本素期月墮星沈豈人力輝光他日看豐碑

又爲先生像贊曰天作斯文萬物所仰時慘時舒與天
同運其誰特立卓哉吾人黃且落矣蔚然常春見險弗
止自信無悶求仁得仁于我何怨光時顯被外薄四夷
載瞻載仰百世之師

晁景迂贊東坡先生畫像曰世五百年生命世才嗟嗟
東坡何時復來邦人爲我顛頽以哀我告邦人大寶艱
哉和氣充塞大象昭囿海濱澄瀾嶽鎮絕埃斯人是生

實易可能世或千億地亦九垓未必禹服公復徘徊生
奉話言死奠罇疊矧公不死丹青日闕用究邦頌以寫
我懷

梓材謹案王阮亭居易錄引晁以道與三泉李奉
議書云本朝王元之之後晏公晏公之後歐陽公
歐陽之後東坡皆號一代龍門其門下瀝掃
應對之士後爲名公卿將相者不可勝數也

晁氏客語曰邵成章云元祐中太母下詔東坡視草云
苟有利于社稷予何愛于髮膚純夫云此太后聖語也
子瞻直書之

龜山語錄曰爲文要有溫柔敦厚之氣對人主語言及

宋元學案禮遺

卷九十九

毛四明叢書

約圖刊本

章疏文字溫柔敦厚尤不可無如子瞻詩多所譏玩殊
無惻怛愛君之意

又曰凡詩必使言之者無罪聞之者足以戒此所謂尙
譎諫也如東坡詩則言之安得無罪而聞之豈足以戒
乎

孝宗皇帝爲贊曰維古文章言必己出綴詞緝句文之
蝨賊手抉雲漢幹造化機氣高天下乃克爲之猗嗟若
人冠冕百代忠言讜論不顧身害凜凜大節見于立朝
放浪嶺海侶于漁樵歲晚歸來其文益偉波瀾老成無

所附麗昭晰無遺優游有餘跨唐越漢自我師模買馬
豪奇韓柳雅健前哲典刑未足多羨敬想高風恨不同
時掩卷三歎播以聲詩

王梅溪贊東坡曰東坡文章百世之師羣邪所仇斂不
及施萬里南遷而氣不衰我讀公文慕其所爲願爲執
鞭恨不同時

劉子卿曰東坡濂溪詩云先生本全德廉退乃一隅因
拋彭澤米偶作西山夫遂卽世所知以爲溪之呼先生
豈我輩造物乃其徒東坡敬仰濂溪至矣而與伊川則
終身不相知也

晁子止曰東坡自言其易學出于父洵且謂卦不可爻
別而觀之其論卦必先求其所齊之端則六爻之義未
有不貫者未嘗鑿而通之也

雲濠謹案四庫書目著錄東坡易傳九卷提要云
蘇籀欒城遺言記老泉作易傳未成而卒屬二子
述其志東坡書先成欒城乃送所解于東坡今蒙
卦猶是欒城解則此書實蘇氏父子兄弟合力爲
之題曰賦撰要其成耳籀又稱老泉晚歲讀易玩
其爻象因得其剛柔遠近喜怒逆順之情故朱子
謂其惟發明愛惡相攻情僞相感之義而議其粗
疏胡一桂記晁說之之言謂東坡作易傳自恨不
知數學而其學又雜以禪故朱子作雜學辨以東
坡是書爲首然朱子所駁不過一十九條其中辨

文義者四條又一條謂濂說無病然有未盡其說
者則朱子所不取者僅十四條未足以爲是書病
况朱子語類又嘗謂其于物理上亦
有看得著處則亦未嘗竟廢之矣

又曰歐公平日不信符命嘗著書以周易河圖洛書爲
妖妄今又以生民玄鳥之詩爲怪說蘇子瞻曰帝王之
與其受命之符卓然見于詩書者多矣河圖洛書玄鳥
生民之詩豈可謂誣也哉恨學者推之太詳流入讖緯
而後之君子亦矯枉過正舉從而廢之以爲王莽公孫
述之流緣此作亂使漢不失德莽述何自起而歸罪三
代受命之符亦過矣

晁子止東坡先生祠堂記曰公武聞諸世父景迂生崇
寧間賊臣搯國顛倒天下之是非人皆畏禍莫敢莊論
公之葬也少公黃門銘其壙亦非實錄其甚者以賞罰
不明罪元祐以口法免役壞元豐指溫公才智不足而
謂公之斥逐出其遺意蔡確謗讟可赦而謂公之進用
自其選擢章惇之賊害忠良而云公與之友善林希之
誣誣善類而云公嘗汲引之嗚呼斯銘若然則公之上
清儲祥清忠粹德二碑及諸奏議著述皆誕慢欺
陸放翁跋東坡諫疏草曰天下自有公論非愛憎異同

能奪也如東坡之論時事豈獨天下服其忠高其辨使荆公見之其有不撫几太息者乎東坡自黃州歸見荆公于半山口談累日不厭至約卜鄰以老焉公論之不可揜如此而紹聖諸人乃遂其忮心投之嶺海必死之地何哉

朱子答呂伯恭書曰向見正獻公家傳語及蘇氏直以浮薄輩目之而舍人丈所著童蒙訓則極論詩文必以蘇黃爲法嘗竊歎息以爲若正獻滎陽可謂能惡人者而獨恨于舍人丈之微旨有所未喻也

朱子語類曰東坡天資高明其議論文詞自有人不到處如論語說亦煞有好處但中間須有些漏綻出來如作歐公文集序先說得許大天來底大恁地好了到結末處卻只如此蓋不止龍頭蛇尾矣當時若使他解虛心屈己煅煉得成甚次第來

又曰東坡易說六箇物事若相咬然此恐是老蘇意其他若佛說者恐是東坡

蜚卿問荆公與坡公之學朱子曰二公之學皆不正但東坡之德行那裏得似荆公東坡初年若得用未必其

患不甚于荆公但東坡後來見得荆公狼狽所以都自
改了初年論甚生財後來見青苗之法行得狼狽便不
言生財初年論甚用兵如曰用臣之言雖北取契丹可
也後來見荆公用兵用得狼狽更不復言兵他分明有
兩截底議論

或問諸家書解誰最好莫是東坡朱子曰然又問但若
失之太簡曰亦有只須如此解者

雲濠謹案四庫書目著錄東坡書傳十三卷提要
云晁氏讀書志稱熙寧以後專用王氏之說進退
多士此書駁異其說爲多今新經尙書義不傳不
能盡考其同異但就其書而論則東坡究心經世
之學明于事勢又長于議論於治亂興亡披抉明
暢較他經獨爲擅長又云洛閩諸儒以程子之故
與蘇氏如水火惟于此書
有取焉則其書可知矣

宋元學案續遺 卷九十九

三四明叢書

約圖刊本

張南軒跋東坡帖曰坡公與銀臺舍人帖殆是行新法
時勸其因入對盡所欲言且曰人臣事君惟有竭盡庶
幾萬一恐未當以前例爲戒讀斯言凜凜有生氣士大
夫希世求合者固不足問苟雖有言而懷不自盡皆徇
情惜己非爲臣之義也讀斯言亦可以興起矣

王雙溪見程司業書曰昔者歐陽子以古學先天下而
南豐之曾眉山之蘇在其門天下皆曰歐陽子卽韓子

也蘇子以文章先天下而宛丘之張淮海之秦濟北之晁在其門天下又皆曰蘇子卽歐陽子也夫天下之士惟其來之廣也故所得者多二君子之門來者固無絕法也是故天下之英材皆在焉

王滄南著述辨惑曰東坡之解經眼目甚高往往過人遠甚而所不足者消息玩味之功優柔渾厚之意氣豪而言易過于出奇所以不及二程派中人

王深寧困學紀聞曰後山云蘇公之門有客四人黃魯直秦少游晁无咎則長公之客也張文潛則少公之客

宋元學案補遺

卷九十九

三三四明叢書

約圖列本

也魯直詩云晁子智囊可以括四海張子筆端可以回萬牛文潛詩云長公波濤萬頃陂少公巉秀千尋麓黃郎蕭蕭日下鶴陳子峭峭霜中竹秦文倩麗舒桃李晁論崢嶸走珠玉可以見一時文獻之盛

又曰梁觀國有議蘇文五卷駁其羽翼異端者

黃東發讀東坡文集曰東坡平日議論多雜佛老獨議學校貢舉書斥士大夫主佛老之非可不謂忠于告君者哉

又曰東坡之文如長江大河一瀉千里至混浩流轉曲

折變化之妙無復可以名狀而尤長于指陳世事述敘
民生疾苦方其年少氣銳尙欲汎掃宿弊更張百廢有
賈太傅流涕漢庭之風及旣懲王氏一意忠厚思與天
下休息其言切中民隱發越懇到使巖廊崇高之地如
親見閭閻哀痛之情有不能不惻然感動者真可垂訓
萬世然至義理之精微則當求之伊洛之書

又謂制參黃通判曰垂論考亭于介甫愛而不知其惡
於東坡憎而不知其善迹則誠有之然特激于汪玉山
一時往復之書然爾考亭平日未嘗不罵介甫未嘗不

敬東坡雖論語集註亦取東坡之說又不特歎服其文
章而已玉山極口稱譽東坡考亭力辨之玉山再護東
坡則考亭遂一一發東坡短處遂有寧可是介甫之說
介甫因此得考亭數語救起此考亭有性氣一時有激
之言非平日議論之正也介甫亦可謂僥倖甚矣然其
苗脈亦從爲伊川護法中來考亭平生克治甚力此等
偏處亦不自覺則後學可不深自警也哉

高道淳最樂編曰蘇子瞻與人相處不問賢愚貴賤和
氣藹然常曰平心平氣上可以陪玉皇下可以陪田夫

乞兒曾見同僚高瑞卿書此于齋中跋其尾曰予性褊急不能容物服此可以□□瞑眩之藥也

陳石士師送姚石甫序曰且古人爲政亦不尙苟同故疆有周索林索而著之禮經者亦曰齊其政不易其宜然則所謂同異者固非時之謂也昔王介甫以農田水利擬北宋蘇子瞻言其病屢見于所爲詩然子瞻開西湖未嘗非水利也何以不病民而頌之者至名其隄乎

補文定蘇頌濱先生轍

宋元學案補遺

卷九十九

四明叢書

約園刊本

蘇樂城說

六經之道惟其近于人情是以久傳而不廢而世之迂學乃皆曲爲之說雖其義之不至于此者必強牽合以爲如此故其論委曲而莫通也

讀書如服藥藥多力自行

衣冠佩玉可以化強暴深居簡出可以卻猛獸定心寡欲可以服鬼神

樂城文集

盈之必溢而成之必毀物理之至有不可逃者盈成之

問非有德者不安非有法者不久

元祐會計錄序

天下惟其有權者可以使人有利者可以得眾權者天下之所爲去就也利者天下之所爲奔走也能是非可否者之謂權能貧富貴賤者之謂利天子者收天下之權而自執之斂天下之利而親用之者也

臣事策八

王者之所以求之于民者其纘始于力田而其精極于

孝弟廉恥之際

民政策一

處弱者利用威而處強者利用惠乘強之威以行惠則惠尊乘弱之惠以養威則威發而天下震慄故威與惠

宋元學案補遺

卷九十九

善四明叢書

約園刊本

者所以裁節天下強弱之勢也

善養身者先審其陰陽而善制天下者先審其強弱以

爲之謀

以上審勢篇

蘇子古史論

善乎子夏之教人也始洒掃應對進退而不急于道使來者自盡于學日引月長而道自至孔子曰君子上達小人下達達之有上下由乎其人而非教之力也今世之教者非性命道德不出于口雖禮樂刑政猶以爲粗而況于洒掃應對進退乎

蘇子古史自序

古之帝王皆聖人也其于爲善如水之必寒火之必熱其于不爲不善如騶虞之不殺竊脂之不穀

朱子古史餘論曰近世之言史者唯此書爲近理而學者忽之予獨愛其序言古之帝王皆聖人也云云非近世儒者所能及而所論史遷之失以爲淺近而不學疏略而輕信亦中其病顧其本末乃有大不相應者竊以爲于此有以識之則其達于聖賢不遠矣又答程允夫書曰蘇黃門謂之近世名卿則可前書

宋元學案補遺

卷九十九

三十四明叢書

約園刊本

以顏子方之僕不得不論也今又以爲行事可法本朝人物最盛行事可法者甚眾不但蘇公而已大抵學者貴于知道蘇公早拾蘇張之緒餘晚醉佛老之糟粕謂之知道可乎古史中論黃帝堯舜禹益子路管仲曾子子思孟子老聃之屬皆不中理未易概舉但其辨足以文之世之學者窮理不深因爲所眩耳古之帝王其道以無爲爲宗故其推之以治天下者有不可得而知孔子知之至矣而未嘗言孟子知其一二時以告人而天下亦莫能信太史公口記五帝三王以

來然其爲人淺近而不學疏略而輕信故其記堯舜三代之事皆不得聖人之意余竊悲之因遷之舊追錄聖賢之遺意以明示後世

黃東發曰蘇子之志則大矣而蘇子之說則尙有可疑者且道以無爲爲宗此戰國處士好高無實之言聖人未嘗以是言道姑勿論也旣曰推之以治天下則其迹顯然安有不可得而知孔子正以此道詔天下萬世何嘗不言孟子明王道而黜伯功正提其綱要以示人所知何止一二且旣謂不可得而知又欲

以明示後世其說亦自背馳矣

又曰蘇子悲史遷不得聖人之意爲改作古史意其果有得于聖人者及今參考乃不過于帝紀增入道家者說謂黃帝以無爲爲宗其書與老子書相出入耳于老子傳附以佛家者說謂釋氏視老子體道愈遠而立于世之表耳太史公言申不害學本黃老蘇子則諱而改之曰緣飾以黃老太史公言韓非其歸本于黃老蘇子則諱而改之曰借老子爲說凡其論贊之間又往往顯斥孟子而陰詆正學嗚呼以是爲

得聖人之意古史不若不作之愈也此儒者之學必先于致知歟

王魯齋讀國語序曰異哉太史公之爲書也唐虞之上增加三帝曰黃帝曰顓頊曰帝嚳論其世次紀其風績驚駭學者以吾夫子之未及知也蘇黃門曰太史公淺近而不學疏略而輕信朱子屢稱此言最中其病及觀黃門之古史又上極于三皇以伏羲神農黃帝充之若與大傳同以少昊顓頊帝嚳唐虞謂之五帝終與大傳異其輕信何躬自蹈之乎

宋元學案禮遺

卷九十九

民四明叢書

約園別本

附錄

先生自序春秋集解曰予始自熙寧謫居高安覽諸家之說而裁之以義爲集解十二卷及今十數年矣每有暇輒取觀焉得前說之非隨亦改之紹聖之初遷于南方至元符元年凡三易地前後卜居龍川之白雲橋杜門無事凡所改定亦復非一覽之洒然而笑蓋自謂無憾矣

梓材謹案四庫全書著錄春秋集解提要云先是劉氏作春秋意林多出新意孫氏作春秋尊王發微更舍傳以求經古說于是漸廢後王荆公詆春秋爲斷爛朝報廢之不列于學官蘇氏以其經傳

並荒乃作此書以矯之其說以左氏爲主左氏之說不可遁乃取公穀啖趙諸說以足之蓋以左氏有國史之可據而公穀以下則皆以意測者也又宋志稱是書爲春秋集傳蓋傳寫之誤云

晁子止曰蘇氏詩解集傳其說以毛詩序爲衛宏作非孔氏之舊止存其首一言餘皆刪去按司馬遷曰周道缺而闕雎作揚雄曰周康之時頌聲作乎下闕雎作乎上與今毛詩序之意絕不同則知序非孔子之舊明矣雖然若去序不觀則詩之辭有溟滓而不可知者不得不存其首之一言也

梓材謹案四庫全書著錄先生詩集傳二十卷提要言其取小序首句爲毛公之辭不爲無見史傳

宋元學案補遺 卷九十九

三九四明叢書 約園刊本

言詩序者以後漢書爲近古而儒林傳稱謝曼卿善毛詩乃爲其訓衛宏從曼卿受學因作毛詩序蘇氏以爲衛宏所集錄亦不爲無徵唐成伯璵作毛詩指說雖以小序爲出子夏然其言曰眾篇之小序子夏惟裁初句耳葛覃后妃之本也鴻雁美宣王也如此之類是也其下皆大毛公自以詩中之意而繫其詞云然則惟取序首伯璵已先言之不自蘇氏創矣厥後王得臣程大昌李樞皆以其說爲祖良有由也自序又曰獨採其可者見于今傳其尤不可者皆明著其失則其于毛氏之學亦不激不隨務

持其平者矣

梓材又案先生所著又有論語拾遺一卷四庫書目提要云此書所補凡二十七章其以思無邪爲無思以從心不踰矩爲無心口涉禪理以苟志于仁矣無惡也爲有愛而無惡亦冤親平等之見以朝聞道夕死可矣爲難死而不亂尤去來自如之義蓋眉山之學本雜出于二氏故也其顯駁東坡

說者凡三條較東坡爲長他如以剛毅木訥與巧言令色相證以六蔽章之不好學與入孝出弟章之學文互勘亦頗有所發明又孟子解一卷提要云舊本首題穎濱遺老乃其晚年退居之號以陳振孫書錄解考之實少年作也凡二十四章蓋瓊瑜互見之書然較其晚年著述純入佛老者則謹嚴多矣

趙尙書雄謚議曰謚法道德博聞曰文安民大慮曰定請以是易公名惟公挺生西蜀毓秀山川天材最高資稟實厚而又有父文安先生爲之師有兄文忠公爲之師友蓋其所學所行皆本原乎家傳而文章事業卓乎可敬而仰也

王梅溪贊穎濱曰賢哉子由賢哉子由忠言嘉謀聳動冕旒橫身政府不避怨仇棣萼聯芳皆第一流才不逮兄器識俱優

朱子語類先生因論蘇子由曰學聖不如學道他認道與聖人做兩箇物事不知道便是無軀殼底聖人聖人便是有軀殼底道學道便是學聖人學聖人便是學道如何將做兩箇物事看

又因說欒城集曰舊時看他議論亦好近日看他文字煞有害處如劉原父高才傲物子由與他書勸之謙遜

下人此意甚好其間卻云天下以吾辨而以辨乘我以吾巧而以巧困我不如以拙養巧以訥養辨如此則是怕人來困我故卑以下之此大段害事如東坡作刑賞忠厚之至論卻說懼刑賞不足以勝天下之善惡故舉而歸之仁如此則仁只是箇鶻突無理會底物事又謂仁可過義不可過大抵今人讀書不子細此兩句卻緣疑字上面生許多道理最是無疑罪須是罰功須是賞何須更如此或曰此病原起于老蘇曰看老蘇六經論則是聖人全是以術欺天下也

魏鶴山跋文定帖曰蘇氏兄弟平生大節在于臨死生利害而不可奪其厚于報知己勇于疾非類則歷熙裕祐聖之變如一日而後知世之以文詞知二蘇者末也王淳南議論辨惑曰司馬君實正直有餘而寬假曹操蘇子由道學甚高而獎飾馮道皆繆戾之見不足爲長厚也

王深寧困學紀聞曰夏均父詩樂城去聲色老坡但稱快嗚呼二法門近古絕倫輩嘗觀樂城爲歐陽公碑云公之于文雍容俯仰不大聲色而義理自勝樂城評品

文章至佳者獨云不帶聲色蓋得于公也歐陽公與梅
聖俞書云快哉快哉老夫當避路放他一頭地東坡看
人文字于所酷愛者但稱快而已亦得于公也

又曰蘇子由記杉謂求之于人蓋所謂不待文王而興
者陳同甫之言梅也亦然

黃東發曰新法之行東坡力爭不勝擾擾垂二十年天
下幾危溫公革弊一新五年而呂大防劉摯調停之說
起潁濱爭之又四年李清臣用而紹述之說起新法復
行潁濱爭不勝天下事去矣二公議論關係之大若此

方桐江詩總角突弁說曰無田甫田維莠騫騫無思遠
人勞心忉忉刺齊襄公不修德而求諸侯也揚子雲嘗
引此語以見志大心勞之無益于事第三章婉兮變兮
總角也兮未幾見兮突而弁兮諸家說似無關於志大
心勞者蘇子由曰總角之童而至于突然弁也豈其求
之哉其道則有所必至也君子之得諸侯亦未嘗求之
矣苟修其身而治其政令諸侯不來而將安往此說甚
佳東萊取之東萊又廣之曰苟由其道而循其序則小
者俄而大微者俄而著厥德修罔覺非計功求獲者所

能與也。曰：天下之善爲言者，固有言至近而意已不勝其遠者矣。觀古人作詩之意，若但謂詠一童子未幾見兮，突而弁兮，有何深妙？蘇、呂二公發明，乃至于此。陳少南曰：以興躡等而無次序者，亦佳。

雲濠謹案：王阮亭居易錄云：宋程卓使金錄云：十八日早，顧樂城蘇黃門轍墓，尚存縣治之側。按：潁濱白嶺外，歸老許州葬。郟縣小菽嶺，與長公同兆。域樂城安得有墓？按：歐陽公銘老泉云：蘇顯唐世實樂城人，以宦留者，蕃子孫。潁濱文集號樂城，不忘本也。

二蘇講友

補朝請家退翁先生定國

宋元學案補遺 卷九十九

四三 四明叢書

約園刊本

家定國字退翁，眉山人。六歲知聲律，其父嘗與客飲，客以對句試之，曰：笙歌陪酒聖，卽應之曰：桃李從花王。客大驚，聞者以爲奇。男子方冠，舉進士，慶曆中詔天下興學，時歐陽文忠友張應之爲治中，課試羣士，善其詞業，純茂與俱來京師，旣擢第，除雅州名山尉，居父憂，執喪不違禮，將葬，舍墓次，晝夜哭不已，有甘露之祥，服除，調永年，歷知渠州，懷安軍，其政皆有惠愛，其母去世，先生年已六十，哀慕殆不能勝，終喪還朝，得知嘉州，未行，卒年六十四。先生尤工于詩，古律凡三十卷，雜文十卷，體

格清懿如其爲人蘇子由嘗送以詩曰鵠鷺性本靜芝
蘭深自馨知者以爲紀實

呂淨
德集

知州侯先生晉升

侯晉升字德昭曲江人登元豐八年進士爲程鄉令與

東坡兄弟往還款密家藏二公墨帖甚富後知南恩州

賑卹窮寡禮待英豪期年而卒

廣東
職志

吳遠遊先生復古

吳復古字子野揭陽人見知于待制李師中師中于世

少屈獨于先生曰白雲在天引領何及後東坡黃門與

宋元學案補遺 卷九十九

四
西明叢書

約園刊本

一時名士悉爲知己東坡名其居曰遠遊且爲銘

輿地
紀勝

附錄

東坡問蒼生先生對以曰安曰和

東坡講友

知州徐先生常

別見古靈四先生學案補遺

鄉舉巢先生谷

父中

巢谷初名穀字元修眉山父中先生傳其學雖朴而

博舉進士京師先生素多力見舉武藝者心好之遂棄

其舊學蓄弓箭習騎射久之業成而不中第去遊秦鳳

涇原間所至友其秀傑與韓存寶尤相善教之兵書存寶得罪死先生逃避江淮間東坡謫黃州與先生同鄉幼而識之因與之遊及東坡與弟穎濱在朝先生浮沈里中未嘗一來相見紹聖中東坡兄弟謫嶺海平生親舊無復相聞者先生慨然自眉山誦言欲徒步訪兩蘇元符二年竟往至梅州遺穎濱書曰我萬里步行見公不意自全今至梅矣不旬日必見死無恨矣穎濱驚喜曰此非今世人古之人也既見握手相泣時年七十三將復見東坡于海南穎濱愍而止之先生曰我自視未

宋元學案精遺

卷九十九

四五四明叢書

約園刊本

卽死也公無止我舟行至新病死穎濱聞哭之失聲恨不用己言而致死又奇其不用己言而行其志也

宋史

梓材謹案袁蒙齋集以先生爲都昌人仕蜀與東坡兄弟友東坡謫嶺海先生訪之握手道平生歡世服其高誼與史文事地互異

附錄

唐子西書蘇子由傳後曰唐末有鄭遨者與李振厚善振仕梁至崇政使遨未常一至其門後唐同光初振竄嶺外遨徒步萬里往見之其後一百八十年而宋有巢元修事士之難得蓋如此

知州黃先生寔

黃寔字公是陳州人登進士第累官寶文閣待制知定州卒贈龍圖閣直學士先生孝友敦睦世稱其內行與東坡兄弟友善雖以章惇甥獲免黨禍然亦不得久于

朝著

姓譜

縣丞蘇先生堅

蘇堅字伯固澧州人爲錢塘丞督開西湖與東坡倡和甚多及東坡從儋耳北歸猶作詩寄之有靈均一去楚江空澧陽蘭茝無顏色之句

澧州志

宋元學案補遺 卷九十九

四明叢書 約園刊本

梓材謹案先生養直父鶴林玉露謂其從東坡游

朝奉袁公濟先生毅

詳見士劉諸儒學案

知州楊先生蟠

楊蟠字公濟章安人也舉進士爲密和二州推官歐陽公稱其詩東坡知杭州先生適判州事與東坡倡酬居多平生爲詩數千篇後知壽州卒

宋史

東坡學侶

縣令陳先生舜俞

詳見安定學案

布衣崔西疇先生子方

崔子方字彥直濟陵人著春秋經解十六卷本例例要一卷紹聖中罷春秋取士先生三上書乞復之不報遂不應進士舉黃山谷稱之曰六合有佳士曰崔彥直其人不游諸公然則賢而有守可知矣

直齋書錄解題

梓材謹案先生號西疇居士李心傳建炎以來繫年要錄稱其隱居眞州六合縣杜門著書者三十餘年萬姓統譜作崔子房言其與東坡山谷諸名士游嘗知滁州永樂大典引儀真志言子方與蘇黃游嘗爲知滁州曾子開作茶仙亭記刻石醉翁亭側黃山谷稱爲六合佳士則知滁州者子開非先生又案晁景迂爲江子和墓誌云方舉世不爲春秋學時有六合崔子方伯直者世莫知其爲人子和一見而定交曰此吾之所學也願與子共之伯直遂因子和得名於諸公間是先生一字伯直也朱漢上進書劄子稱爲東川布衣

宋元學案補遺 卷九十九

四七 四明叢書 約圖刊本

春秋經解自序

聖人欲以繩當世之是非著來世之懲勸故辭之難明者著例以見之例不可盡故有日月之例有變例慎思精考若網在綱

附錄

陳直齋曰其學辨三傳之是非而專以日月爲例則正蹈其失而不悟也

雲濠謹案四庫全書著錄先生春秋經解十二卷係永樂大典本春秋本例二十卷係內府藏本存

秋例要一卷亦永樂大典本也經解提要稱其後序一篇具述其疏解之宗旨大抵推本經義于三傳多所糾正雖其中過泥日月之例持論不無偏駁而條其正義實足自成一家本例提要則稱是書大旨以爲聖人之書編年以爲體舉時以爲名著日月以爲例而日月之例又其本故曰本例凡一十六門皆以日月時推之而分著例變例二則州分部居自成條理云

提刑曹先生輔

曹輔字子方海陵人元豐間爲鄜延路經略司勾當公事後提點廣西刑獄東坡在惠數年數有往來書帖元祐黨禍諸賢多在巡內先生周恤備至士論與之東坡詩註

附錄

宋元學案補遺 卷九十九

四明叢書 約園別本

王深寧困學紀聞曰攻媿跋曹子方書以爲祐陵時上書論時事靖康至樞筦愚謂兩曹輔其一字子方與蘇黃遊若論事爲樞筦者字載德龜山爲銘合爲一人非也

謝山箋曰曹子方海陵人東坡有送之赴閩漕詩其爲樞筦者則與龜山同里

梓材謹案山谷集亦有送先生福建路運判詩

徐北山先生大正

徐大正字德之甌寧人嘗赴省試過釣臺題詩云光武

初從血戰回故人長短尙論材中宵若起唐虞興未必
先生戀釣臺元祐中東坡見之遂與定交營築室北山
下名閒軒秦少游爲之記坡爲賦詩人以北山學士呼
之姓譜

進士李先生亮工

李亮工字□□桐城人舉進士與東坡山谷遊

安慶府志

雲濠謹案一統志先生與李公麟李元中同時登第世謂之龍眠三李王阮亭居易錄云龍眠三李出處相若今但知伯時而已

梓材謹案周益公題跋云李公麟字伯時堂弟秦字德素南唐李先主昇四世孫並登科隱舒城龍

宋元稹案補遺

卷九十九

四明叢書

約園刊本

眠山與里人李元中號龍眠三友豈先生一名秦耶

杜先生沂 見下東坡門人

隱君董碧巖先生南美

董南美字子才湘鄉人隱居濂水蘇東坡黃山谷喜與之遊號碧巖居士

楚紀

石碧落先生汝礪

石汝礪英德人號碧落子少穎敏讀書過目成誦自以生長嶺嶠局于聞見乃踰嶺而之江西從聞人遊久而有得五經多有解說于易尤契微妙嘗曰易不須注但

熟讀自見互相發明總一乾元亨利貞之道晚年進所
著易解易圖于朝爲荆公所抑東坡謫惠州遇之聖壽
寺與之說易至日暮方散

廣東通志

梓材謹案廣東名勝記大慶山卽古英
州治有學基遺址爲先生教授生徒處

縣令褚玄眞先生承亮

褚承亮字茂先眞定人宣和六年擢第調易州戶曹會
皇子郎君破眞定拘境內進士七十二人赴安國寺試
策策曰上皇不道少主失信舉人希旨極口毀詆先生
離席揖主文劉侍中言君父之過豈臣子所當言長揖

宋元學案補遺 卷九十九

五十四明叢書
約園刊本

而出劉爲之動容比榜發先生被黜餘悉放第狀元許
必輩自號七十二賢榜帥府重其名檄先生以易州司
戶知藥城漫一應之尋解印去年七十卒弟子謚爲玄

眞先生

中州集

別附

陳太初

陳太初眉山山人與東坡同學于道士張易簡後東坡謫
黃州有眉山道士陸惟忠云有得道者曰太初問之則
同學者也又數年見東坡于惠州云太初已尸解矣

姓譜

李氏同調

李伯時先生公麟

李公麟字伯時舒州人元祐進士爲泗州錄事參軍先生好學博雅長于詩多識奇字自夏商以來鐘鼎尊彝皆能考定世次辨別款識爲考古圖善丹青妙絕冠世黃庭堅謂其風流不減古人

姓譜

附錄

周益公題龍眠山苑圖曰龍眠居士博學嗜古志尙清遠筆端餘力溢而爲畫王荆公雅重之數贈以詩文從

宋元學案補遺

卷九十九

五十四明叢書

約園刊本

蘇黃諸公游蓋文與可一等人也

李先生沖元

李沖元字元中舒州人少年邁往善論人物與李公麟伯時堂弟棗德素共爲山澤之游號龍眠三友元祐三年登第典獄宜春作鞠城等十一銘

周益公集

石氏講友

知州王先生仲達

王仲達不知何許人景德間知英州州有名儒石汝礪講易不仕建涵暉書院以居之慶曆中復建學于大慶

山教養生徒人知向學

廣東黃志

東坡同調

補撰呂先生陶

呂元鈞說

治性修身以及國家天下大略本之仁義其文莫詳于經

呂氏易論

夫陰陽者相求之物也由其相求然後有生生之用成萬物之象焉

宋元學案補遺

卷九十九

五

四明叢書

約園刊本

物有體必有用體所主者一用所召者眾始乎天施地生之至廣至大而盡乎人事物理之至纖至微專言體則用偏止言用則體晦是必觀陰陽之相須因上下之相重而互言之

求于八卦之先而牽于數故謂坎離先天地得于六爻之後而惑于氣故謂卦氣起中孚

淨德集

太皇太后垂簾九年小人不無怨憾萬一姦邪之人謂某人宜復用某政宜復行此安危之機不可不察

奏乞察小

人邪妄
之言哉

進善退惡者天下之公議信賞必罰者人主之大權貪

廉既稟于天資安有昔汙而今潔陞黜動闕于國體豈

可前是而後非

奏乞罷郭茂恂
工部郎中狀

君子之學積于中乃發于外蘊其實乃形于言譬夫輝

山之玉不賁功于琢刻撫之則溫潤擊之則清越躍冶

之金不資巧于鍛鍊舉之則堅重扣之則鏗錡皆本其

所有而見焉

陳傳正退
居類彙序

行植于初必裕于終誠發于言必著于事

送曾子
山序

宋元學案禮遠
卷九十九

五三
四明叢書
約開刊本

天下久安雖三王之政必有敝不救不革元元疇依則

利固有大于城害固有大于不城必曰警而後慮非慮

之原也

利州修
城記

利害廢興君子必審而後動大率因物之自然徇人之

所欲不矜妄智不計近功則事之有作簡以濟民之受

惠遠以深

蜀州新
堰記

名教者雖無知不肖之人可以納諸其中而賢智才能

之士不可出乎其外

荀卿
論

能識天下之大用者不苟天下之小利能成天下之遠

效者不急天下之近功

三代論

善計天下之安危必思其所以利防其所以害蓋有道可施于安可施于危使天下之變不能乘間而發是之

謂知本

魏論

人君失道則姦民叛羌有竊伺之意權臣擅命則壯夫烈士懷不平之心

晉論

求之貴其誠發之貴其始求不以誠則巧偽之端萌而不足以告也發之不以始則愚昧之漸長而雖告不諭

也

發蒙論

宋元學案補遺 卷九十九

西四明叢書

約園刊本

聖人樂民蹈于禮憂民蹈于刑

典獄監伯夷論

詩者出于情性目之所觸苟可藉以爲言莫不備有何暇攷合于名數制度而後言故是故康成以禮求不若

毛公以意得也

學論

知州文石室先生同

文同字與可梓潼人漢文翁之後蜀人猶以石室名其家先生方口秀眉以學名世操韻高潔自號笑笑先生善詩文篆隸行草飛白文潞公守成都奇之致書先生曰與可襟韻灑落如晴雲秋月塵埃不到司馬溫公蘇

東坡尤敬愛之東坡先生從表弟也先生又善畫竹初舉進士稍遷太常博士集賢校理知陵州又知潭州元豐初知湖州明年至陳州宛邱驛忽齶不行沐浴衣冠正坐而卒有丹淵集四十卷行于世

宋史

附錄

公幼志于學不羣鄉人異之都官公嘗誨之曰吾世爲德汝其起家乎將高吾門于吾廬之東偏以待汝宜勉之公時年十三俛而對曰謹奉教

更攝蒲江大邑繩治豪放或辨析欺僞然後敦學政勸

宋元學案補遺

卷九十九

至正四明叢書

約園刊本

邑之子弟召其長者與語名教使歸諭里人

知興元府漢中沃腴俗饒財寡文未有第進士者公先治庠序擇行藝之秀者使掌之風諭境內使民遣子弟就學暇日躬往閱視而誨導之于是風俗寢改向學爲多

公資廉方居家不問資產所至尤恤民事民有不便如已納之阱中必爲出之而後已退而齋居一室書史圖畫羅列左右彈琴著文寒暑不廢

事親孝未嘗違去晨莫恬于違官以便甘旨者十有餘

年

司馬溫公嘗遺書曰與可襟韻蕭灑如晴雲秋月塵埃不到心服者非特辭翰而已

蘇東坡爲與可字說曰取其與不取其拒爲子張者也與可之爲人也守道而忘勢行義而忘利修德而忘名與爲不義雖祿之千乘不顧也雖然未嘗有惡于人亦莫之惡也故曰與可爲子張者也

又祭與可文曰嗚呼哀哉孰能敦德秉義如與可之和而正乎孰能養民厚俗如與可之寬而明乎孰能爲詩與楚詞如與可之婉而清乎孰能齊寵辱忘得喪如與可之安而輕乎嗚呼哀哉

蘇頌濱祭文與可學士文曰昔我愛君忠信篤實廉而不劌柔而不屈發爲文章實似其德風雅之深追配古人翰墨之工世無擬倫人得其一足以自珍縱橫放肆久而疑神晚歲好道耽悅至理洗濯塵翳湛然不起病革不亂遺書滿紙嗟乎今日見此而已

家誠之續編諸公書翰詩文跋曰湖州之文一出東坡兄弟皆敬而愛之前輩大老如文潞公亦爲之延譽司

馬溫公則至于心服趙清獻公則至于歎服荆公蜀公又皆形之歌詠湖州之爲人可知矣

又曰石林先生云東坡倅杭與可送以詩有北客若來休問事西湖雖好莫吟詩之句及詩禍作世以爲知言而東坡亦嘗移書湖州趣其賦黃樓二者集中皆無之間有詩與坡往還者輒易其姓字如杭州鳳唳堂坡所作也則易以胡侯詩中凡及子瞻者率以子平易之蓋當時黨禍未解故其家從而竄易斯文厄至于如此可勝歎哉

宋元學案補遺 卷九十九

五十四明叢書

約園刊本

處士王先生序

王庠字周彥榮州人嘗以經說寄東坡謂二帝三王之臣皆志于道惟其自得之難故守之至堅自孔孟作六經斯道有一定之論士之所養反不逮古乃知後世見六經之易忽之不行也東坡復曰經說一篇誠哉是言大觀庚寅行舍法于天下州以先生應詔時嚴元祐黨禁先生自陳蘇軾蘇轍范純仁爲知己呂陶王吉嘗薦舉黃庭堅張舜民王鞏任伯雨爲交游不可入舉求仕復舉八行第一朝廷知不可屈賜號處士尋改漳州教

授賜出身及章服一日四命俱至竟力辭不受宋史

梓材謹案萬姓統譜載先生爲朝奉大夫夢易子累世同居號義門王氏先生七歲能屬文蚤喪父哀憤深切與弟序開戶窮經又言其卒諡賢節序官至徽猷閣學士宋景濂題跋謂先生程迥誨之門人所著有冰壺集二十卷

附錄

黃涪翁與王觀復書曰周彥行已有恥不妄取與其外家連戚里向氏屢當得官固辭以與其弟或及族人作詩文雖未成就要爲規摹宏遠此君又東坡之兄壻也故亦有淵源耳

宋元學案補遺 卷九十九 壬戌四明叢書

雲濠謹案先生應制舉時問讀書之法于眉山眉山以書答之見沈作喆寓簡

李先生中

李中

都官張先生先

張先字子野吳興人與東坡爲友東坡自杭移高密陳令舉與先生皆從至松江夜半月出置酒垂虹亭上先生以工詞聞天下所謂張三影者也年八十五官至都

官郎中卒葬吳興弁山有集一百卷居易錄

梓材謹案宋人兩張先皆字子野其一與歐陽公友阮亭居易錄又云湖州張子野早年有一叢花

詞歐陽公稱爲桃李嫁東園郎中見范公稱過庭錄知兩張子野皆從歐陽遊也

殿帥姚先生麟

姚麟關中人爲殿帥與東坡友王介甫當國一日折柬召之不往裕陵知而詢之對曰臣職掌禁旅宰相非時以片紙召臣臣不知其意故不敢往又有言其馭下嚴者裕陵亦因事勵之對曰誠如聖訓然臣自行列蒙陛下拔擢使掌衛兵于殿庭之間豈當以私恩結下爲身計耶裕陵皆善之

春渚紀聞

王先生德明

宋元學案補遺 卷九十九

至元四明叢書

約園刊本

王德明字俊卿東陽人東坡所薦士也有純齋集

南宋文範

縣尉王先生當

王當字子思眉山人幼好學博覽古今所取惟王佐大略嘗謂三公論道經邦變理陰陽鎮撫四方親附百姓皆出于一道其言之雖大其行之甚易嘗舉進士不中退居田野歎曰士之居世苟不見其用必見其言遂著春秋列國名臣傳五十卷人競傳之元祐中蘇文定轍以賢良方正薦廷對慷慨不避權貴策入四等調龍游尉

蔡京知成都舉爲學官不就其後京相遂不復仕卒年七十二先生于經學尤邃易與春秋皆爲之傳得聖人之旨爲多又有經旨三卷史論十二卷兵書十三篇

宋史

梓材謹案先生所著春秋釋十二卷見玉海直齋書錄解題言先生當元祐中復制科以東坡薦試六論廷對切直置下等而史傳屬之類濱當別有所據

知州歐陽先生經

歐陽經連州人家世業儒至先生尤卓穎熙寧丙辰登第後乞歸建一草堂日劬書其中初任杭州幕官以詩文見稱東坡帥杭州表薦之云材猷夙壯忠孝兼全學

宋元學案補遺

卷九十九

六十四明齋書

古入官敏于從政官至朝散大夫知封州

廣州人
物傳

翟先生逢亨

翟逢亨歸善人事母孝學問博洽邦人呼爲翟夫子居白鶴峯東讀書嘉祐寺蘇東坡謫惠時與往還焉

廣東
黃志

縣令歐陽先生闕

別見廬陵學案補遺

員外詹先生範

詹範字器之崇安人紹聖間知惠州東坡謫居先生載酒從游相與倡和時兵荒之後野多暴骨先生取而掩之爲叢家烏故東坡詩曰江干白骨已銜恩又嘗稱其

治行類龔渤海後擢太常丞祠部員外郎

通判唐先生叟

唐叟字元老桂州人少孤嗜學家貧授徒養母紹聖間以經明行修舉爲雷州海康令蘇東坡南遷過之握手道舊後調池通判遂歸舊隱鄒思公浩謫昭日訪其家贈詩甚多一統志

提舉孫先生馨

孫馨字叔靜錢塘人其父徙揚之江都先生年十五遊太學老泉與滕稱之用父任調武平尉略擢提舉廣東

宋元學案續遺

卷九十九

空四明叢書

約園刊本

常平篤于行義時東坡謫居惠州極意與周旋二子娶晁補之黃庭堅女黨事起家人危懼先生一無所顧時

人稱之史傳

淨德講友

朝請杜先生敏求 大父允昇父萬

杜敏求字趣翁青神人淨德之友也其先世爲唐杜子美拾遺大父允昇以文行推高于眾爲鄉先生父萬靜默守道篤好經史先生幼稟穎秀在襁褓時每見字書輒喜動于色七歲嘗憇閩雨詩有農夫苦相問燮理是

何人之句登嘉祐六年進士第授簡州司理參軍歷知
什邡縣以母憂去職旣除喪屏處里舍悵然不欲仕
之意部使薦之就監成都商稅元祐中以十科推擢天
下士命近臣薦而後用時薦之者十數人旣還闕未嘗
一言聞于人乃詣吏部擬潤州通判以歸或詰之則曰
富貴窮達固有命吾讀書聞道踰四十年未嘗求知于
人苟有知者皆自相知耳何暇修辭令俛顏色汲汲自
媒以取辱哉除成都府教授聞命喜甚官滿除太學博
士改差通判定州元符初除廣漢太守京居僅二年掩
關讀書未嘗妄與人交一言士論偉之遷朝請郎除梓
州路轉運判官就移提點刑獄卒年六十有三有文集
三十卷藏于家

呂澤
德集

文氏學侶

郭先生周田

郭周田字礪叟邛州人文與可少時與之同學西州交

遊甚熟

文丹
淵集

濟北師承

侍郎李邦直清臣

李清臣字邦直魏人也七歲知讀書日數千言誓經目
輒誦舉進士調邢州司戶參軍和川合歐陽亮公壯其
文以比東坡累以大學士知河南真定徽宗立入爲門
下侍郎僕射韓忠彥與之有連惟其言是聽出范純禮
張舜民不使呂希純劉安世入朝皆其謀也尋爲曾布
所陷出知大名府而卒後朝議以復孟后罪追貶武安
軍節度副使再貶雷州司戶參軍

宋史

李淇水說

五經之道易可以潛而書可以彰春秋可畏而詩可樂

宋元學案補遺

卷九十九

六三四明叢書

約園刊本

禮嚴而不可踰其辭不同而爲道一也

漢儒之治經終其身而無所倦能名其師說者上或召
用之高下其材爲博士郎大夫部刺史至九卿丞相御
史者按跡而有己不以經爲進至聽上之自擇故其人
識趨向重名節今之學者徒焉玩章句而已取人之格
定之一日之間有未能通經而適合于程度者有治經
知道而偶紕于倉卒之對者取之多失實故學者愈不
篤苟借經術以射利祿得則撥棄不復置力如賤丈夫
今日穫而明日舍其耒耜故其徒華而不根未至于道

而止不知致君行己之大操而天下之治因是而日衰
蓋古之學者樂之者也今之學者利之者也樂之與利
于道之淺深豈可同概而論哉

雲濠謹案邦直所著有淇水集宋史本傳云所著
策論記序古律詩制詔冊文路誌一百卷奏議三
十卷平南事
鹽二十卷

淇水文集

凡天下之人利害不相稽則秦楚之人而讓恍乎利逼
乎害則骨肉之戚而爭則是讓出于心爭出于事也讓
出于心爭出于事則讓自中起而爭自外來也凡天下

宋元學案禮遺

卷九十九

宋四明叢書

約園刊本

之人有餘則讓不足則爭有餘則讓則是讓出于自然
不足則爭則是爭出于不得已也是禮讓循乎性而有
也凡小人之情雖奮擊攘攪而得之然或有愧于其口
是奪擊攘攪者其偽而愧赧者其真也此禮讓依乎情
而生也故禮之本非天地不固禮之節文非聖人不備

禮論
中

夫人臣之姦身安于寵形無可罪而實不任責是爲大
姦張禹之所以默默而亡漢李林甫之所以守格令而
亡唐也今皆重夫寡過者以爲賢而嫉夫敢爲者以爲

生事一落陷穽沒齒不復言故僭號得吏得以輕罪把持其上游士談客得以口舌恐嚇內外之臣而抬其資胥吏得以挾簿書執格例而爭于廟堂之前當其任者知姦而或不敢除見賢而或不敢用天下之害不得亟罷天下之務不敢亟爲因仍苟且相顧腹議名曰至公而萬事益病其兆莫甚于今之世者欲救斯弊是亦非難寬小過而責大體而已矣

明責論

附錄

客有自都來道浮圖火者邦直立兄旁言曰是所謂災

宋元學案禮遺

卷九十九

卷五十四朔叢書

約園刊本

非火也或者其蠹民已甚天固警之乎作浮圖災解類成學兄大驚

年十四預鄉書高等其試禮部家人抱以送羣目盡傾韓忠獻公異焉妻以其兄之子

試文至中書歐陽公迎語曰不置李清臣于第一則謬矣啓視如言時大雨霖災異數見論者歸咎濮議及廷對或謂曰宜以五行傳簡宗廟水不潤下爲證必擢上第邦直曰此漢儒附會之說也吾不之信民間豈無疾疢可上者乎卽條對言天地之大譬如人一身腹心肺

腑有所攻塞則五官爲之不寧民人生聚天地之腹心
肺腑也日月星辰天地之五官也善止天地之異者不
止其異止民之疾痛而已

紹聖元年廷試進士邦直發策曰今復詞賦之選而士
不知勸罷常平之官而農不加富可差可募之說紛而
役法病或東或西之論異而河患滋賜土以柔遠也而
羌夷之患未彌弛利以便民也而商賈之路不通夫可
則因否則革惟專之爲貴聖人亦何有必焉主意皆絀
元祐之政策言悟其指于是紹述之論大興國是遂變
宛邱師承

宋元學案

卷九十九

李夫

四明叢書
約園刊本

錄參李先生處道 附兄載之

李處道字深之福唐人少孤貧自力學問記覽淹博工
于文辭中治平四年進士第歷爲興國軍錄事參軍以
卒年七十五性純孝信厚既老且病猶不廢書有文集
十卷始與其兄載之皆友張文潛之父文潛嘗從先生

于姑蘇之學官

柯山文集

梓材謹案張文潛又有祭先生文云表之兄弟應
舉姑蘇朝夕誦習託公學廬是從先生者不獨文
潛也

穎濱同調

邱先生鑄

邱鑄著有周詩集解二十卷

宋志

附錄

鄭漁仲曰邱氏注只取序中第一句以爲子夏作後句則削之

司口王鳳亭先生得臣

別見安定學案補遺

老泉私淑

少卿劉先生誥

宋元學案補遺

卷九十九

空

四明叢書

約園刊本

劉誥字應伯福清人歷莆田主簿知廬江縣崇寧中爲講議司檢討官進軍器大理丞大晟府典樂先生通音律嘗上歷代雅樂因革及宋制作之音故委以樂事禁中出古鐘二詔執政召先生按于都堂先生曰此與今太簇大呂聲協命取大晟鐘口扣之果應又曰鐘擊之無餘韻不如石聲詩所云依我磬聲者言其清而定也復取以合之聲益諧歷宗正鴻臚衛尉太常寺少卿纂續因革禮卒先生居母喪盡禮有雙芝生墓側人以爲

孝感

宋史

梓材講案元亦有劉
說見元史儒學傳

任氏家學

補忠敏任先生伯雨

雲濠謹案宋志載先生春秋經傳新傳
十二卷晁子止謂其解經不甚通例

東坡家學

補承務蘇斜川先生過

蘇過字叔黨東坡季子年十九以詩賦解兩浙路任右
承務郎東坡累遭貶謫先生獨往侍東坡嘗命作孔子
弟子別傳家于潁昌自號斜川居士

晁景
迂集

宋元學案補遺

卷九十九

六十四明叢書

約園刊本

附錄

晁景迂誌其墓曰悲夫諸葛孔明初不得申所志而躬
耕南陽卒亦崎嶇巴蜀卒而有子曰瞻可以肆所志而
無邦以容瞻則赴魏軍而死耳嵇叔夜之志氣尤異而
曾不得一席以全其軀而子紹身血亦何益于邦家古
之父子有如此忠孝兩全而可恨者天乎不壽吾叔黨
于盛世一振發之耶

魏鶴山跋斜川帖曰斜川侍坡翁至僮耳父子相對如
霜松雪竹堅勁不搖而作詩結字乃爾潤麗其襟腹裏

方者乎

李微之舊聞證誤曰蘇叔黨靖康中得倅真定赴官次河北道遇綠林脅使相從叔黨曰若曹知世有蘇內翰乎吾卽其子肯隨爾輩草間求活耶通夕痛飲翌日視之卒矣惜乎世不知其此節也

原注出王明清揮麈後錄改定

補少卿蘇先生元老

梓材謹案阮亭居易錄引或謂二蘇黨禁方巖李公麟遇蘇氏子弟至以扇障面而避之坡族孫元老上時相啓乃至云念與黨人偶同高祖則少卿亦有玷家學者矣

東坡門人

宋元學案補遺 卷九十九

宛四明叢書

約園刊本

補知州晁濟北先生補之

梓材謹案先生爲李邦直行狀云補之出公門下是先生嘗爲李氏門人又爲冰玉堂辭言門下補之所嘗事而起居所嘗游也起居謂張文潛門下侍郎則蘇公子由謂文定云又案宋志載先生左氏春秋傳雜論一卷王厚齋稱其指左傳之失凡四十六條

雞肋集

學不可以不知惟知之然後能好之記曰雖有嘉肴弗食不知其旨也雖有至道弗學不知其善也而孟子亦曰理義之悅我心猶芻豢之悅我口蓋飲食人人之所欲故譬學于飲食爲最易知然猶曰人莫不飲食鮮能

知味也天下豈有不習而能察者哉

故嘉肴世皆知其旨必食者而後益知其爲旨至道世皆知其爲善必學者而後益知其爲善曰聞而知其旨

且善者意之也

以上學說

物莫大于天地其次曰人而三者同以才稱才之爲言物量之所能也能必有所事故天有四時地載神氣皆謂之無非教無非教者有所事也日月如爭其所乎雲者爲雨乎雨者爲雲乎意者其有機絨而不能已耶其有所運轉而不能自止耶則天地之事亦勤矣人見其

宋元學案補遺

卷九十九

七十四明發書

約園刊本

四時行百物生也以爲天地未嘗勤焉不知夫有道焉範圍乎其外莫或使之日夜以造□□然若有與之計其期而不得暇者是能成于歲之積而開萬代之原

天地以無心莫之爲而爲故久人以有心知而爲之故怠嘗試語怠之所從起譬道爲萬里塗而以勤爲馬繕性之始如適舉趾其弛于負擔未知其以曷月止斯殆已故欲從事于此必自夫誠其意者始焉夫人何可以確然墮然如天地之無心而常運能誠其意則幾矣誠者非能襲而取之也閑其邪則存嘗又請實之以誠爲

我我欲至于萬里孰禦之哉以其孰禦之者爲策以臨馬不至于萬里馬終日踐蹠而不得止由不怠故能久久則凝于神矣聖人之事業所以蔽天地而凝于神則得其孰能禦之口積之耳雖然此亦非聖人獨能之也百工之能預能焉以上勤說

見賢思齊焉見不賢而內自省也壤陋里不仁鮑漬猶與藁也引領而望夫安得賢者而齊之而不賢者乃日夜相與輩而詠且游乎吾之邦冀塵雜起千變萬化在人目前苟見此而口者坦然肺熱澱然頽泚而內自省

宋元學案補遺

卷九十九

三十四明叢書

約園刊本

曰吾不幸無乃類之其庶乎居與之同里出與之同閭吾不能捨以逃也使跡近而心遠焉雖不得賢者而齊之日微此亦賢矣微陋說

詩亡而春秋作其事則齊桓晉文其書王也以其無王也存王制以懼夫亂臣賊子之無誅者也以迄周亡至戰國時無詩無春秋矣而孟子之教又未與足跡乎諸侯之境者諫不行言不聽則怒悻悻然去君又極之于其所往君臣之道微寇敵方興而原一人焉以不獲乎上而不怨猶睠顧楚國繫心懷王不忘而望其改也夫

豈曰是何足與言仁義也云耳則原之敬王何異孟子其終不我還也于是乎自沈與夫去君事君朝楚而暮秦行若犬彘者比口原雖與日月爭光可也豈過乎哉

續楚

辭序

燕人之晉問其井或告曰垣下垣下得之晉卒之飲者燕人也若乃在晉人之朝夕飲者則未始問燕人故學道猶飲問而告之燕晉之類也

坐忘
論序

夫冠雞佩玃之由貨殖遊說之賜生異鄉識異趨而使不得夫子而爲之託則才不才固未可議也是以司馬

宋元學案補遺

卷九十九

至三四明叢書

約園刊本

子長積怨發憤思附青雲之志者豈虛言也

再見蘇公書

三代之前無可治之事則隱而不失爲賢三代之降世多事矣思有以治之則不隱不失爲賢若夫居不可隱而固隱則又何矯情拂道之甚也晉唐之士其失以此

上杭州教官
呂穆仲書

梓材謹案是書下文云願伏于門下而受教焉則呂亦濟北之師也

自非聖人各有所長亦有所短然伯夷班聖人之列矣而孟子尙以謂伯夷隘君子不由夫孟子所謂君子者必口孔子無可無不可而得可也不然望望然去之若

將挽焉者苟病其未知則口能慮禍口詬摧剛爲柔然
視出跨下者皆可以免夫此議矣隘者見排而不恭者
并獲罪見排且獲罪矣而不害其並列于聖人則孟子
之心蓋可見矣

答外舅兵部
杜侍郎書

雲濠謹案四庫全書著錄雅雅助集七十卷提要稱
觀其集古文波瀾壯潤與蘇氏父子相馳驟諸體
詩俱風骨高騫一往俊邁並駕于
張秦之間亦未知孰爲先後云

附錄

葉石林曰公嘗自謂喜左邱明檀弓屈原莊周司馬遷
相如枚乘及唐韓柳氏天下亦以爲兼得數子之奧莫

宋元學案補遺 卷九十九

三

四明叢書
約園刊本

敢與之爭卒能自成一家晚惟文潛與之抗衡是以後
世謂之晁張云

補宣德秦太虛先生觀

梓材謹案先生爲任瀘州墓表云余嘗從翰林中
書公遊翰林謂文忠中書謂文定是先生並遊二
蘇之門

淮海文集

今天下之事有執政之臣以行之有議論之臣以言之
則人主可以弁冕端委而無所事不然雖弊精神竭筋
力以夜繼日猶無益也

士
衛

明君之御臣也不致疑忠臣之事君也不避嫌

任臣上

諫諍之臣其功在于正綱紀立風憲通上下之情使亂臣賊子顧憚而不敢發如此一舉之不當理一發之不

中節曾何足以深咎耶

任臣下

邪正不辨而朋黨是嫉則君子小人必至于兩廢或至于兩存君子小人兩廢兩存則小人卒得志而君子終受禍矣

朋黨上

古之人主于成材則付以大任而備責之于奇材則隨所長而器使之于散材則明賞罰而磨厲之于不材則

宋元學案補遺

卷九十九

五十四明叢書

約圖刊本

棄之而已四者各有所處然而奇材者尤人主所宜深惜者也蓋天下之成材不世出而散材者又不足以任事不材者適足以敗事而已是則任天下之大事者常在乎奇材有奇材而不深惜焉則將與不材同棄而曾散材之不如矣

人材

先王之理財也若持衡然天下之財不使之偏歸于公室亦不使之偏入于私家惟其適平而已

財用上

理財之要在乎原其所自有而爲之道要其所從無而制之法

財用下

士國之重器社稷安危之所繫四海治亂之所屬也是故師士者王友士者霸殺士者亡

袁紹論

天任命人任力君子之道原于天而相之以人安于命而輔之以力

于有爲之時乾乾以致其力于無爲之時則惕若以致

其心

以上君子終日乾乾論

夫氣之主在志志之主在心心者神之合也志者精之合也氣者魄之合也神虧則精不復精弊則魄不寧君子虛心以養志弱志以養氣故能外探事物之奧內安

宋元學案補遺

卷九十九

十五

四明叢書
約園別本

性命之精浩然無際與道自會豈特通體乎天地同精

于陰陽而已哉

浩氣論

西漢之士器識優于學術故多成功而名不足東漢之士學術優于器識故多令名而功不成夫君子以器爲車以識爲馬學術者所以御之耳

上呂晦叔書

士累于進退久矣弁冕端委于廟堂之上者倦而不知歸披莽蒼而佃橫清泠而漁者閉距而不肯試二者皆

有累焉

關軒記

目無外視耳無外聽遺物忘形在我而已此其心歟曰

非也心不在我然則目無內視耳無內聽馳神游精在物而已此其心歟曰非也心不在物然則物之有色我因視焉物之有聲我因聽焉來則神之去則將之彼是爾忘在物我之間而已矣此其心歟曰非也心不在物我之間然則心無所在乎曰惡得而無在也雖不在我未始離我雖不在物未始離物雖不在物我之間而未始離乎物我之間者此心之真在也

卽心無物謂之性卽心有物謂之精心有所感謂之意心有所之謂之志意有所歸謂之思志有所致謂之慮

宋元學案續遺

卷九十九

三六四明叢書

約園刊本

故合精以止謂之魄配神以行謂之魂與神爲一謂之精不離于精謂之神此十者入則一出則不一出入無常要皆以心爲主耳

以上心說

淮海後集

予閒居婦善蠶從婦論蠶作蠶書考之禹貢揚梁幽雍不貢繭物充筐織文徐筐玄織縞荆筐玄纁璣組豫筐織績青筐屨絲皆繭物也而桑土旣蠶獨言于充然則九州蠶事充爲最乎今予所書有與吳中蠶家不同者皆得之充人也

蠶書序

王深寧曰館閣書目蠶書一卷南唐秦處度撰以九州蠶事獨兗州爲最按蠶書見秦少游淮海後集少游子湛字處度以爲南唐人誤矣

附錄

樓攻媿記定海縣淮海樓曰問樓何以名曰秦少游初筮之地也退而攷之國史傳云元祐初調定海主簿信矣又求于文集則絕無一語及之訪諸父老相去百餘年問耳目所不接不可得而口矣

王深寧曰少游爲蔡州教授時選人七階未改主簿

宋元學案禮遺

卷九十九

七

四明叢書
約園刊本

乃初階非歷此官也

補
龍圖張先生耒

梓材謹案陸務觀言先生生而有文在手曰耒故以爲名而字文潛

梓材又案先生爲司馬溫公祠堂記自言屏遊公之門是先生曾及揀水之門宋史文苑先生本傳云游學于陳學官蘇轍愛之因得從軾游則先生先及小蘇之門而後爲大蘇六學士之一也

宛邱詩傳

言文王之事于周之初基則不知所以本言先公之事于文王則不思所以成言之不同各有所輕重而不可亂故也故曰詩可以言文

王

抑之威儀先儒曰抑抑密也夫疏則爲見有進之道密則爲蔽有退之道故易曰退藏于密故抑又爲抑退之抑蓋裁其盛而使退挹其滿而使虧者抑也臨下而使物畏之者威也居上而使物象之者儀也威能抑抑則不至于剛暴儀能抑抑則不至于不遜抑

厲王不知爲治之本而好稼穡以親之此所以好力民也好是稼穡未必寶也曰稼穡惟寶寶之矣力民代食未必好也代食惟好又好之矣非所當寶而寶之非所當好而好之不知先王任賢序賢之本而徒志其末則

宋元學案禮遺 卷九十九

大 四明叢書

約圖刊本

日勞而無功柔 桑

詩言靡神不宗而所稱止于上帝后稷父母先祖羣公先正祈年方社而已何也言其尊親與切近者言之也

漢 雲

韓奕所美止于錫命故詩稱其所以錫之之物詳崧高方言能建國親諸侯而因及其禮命之物故不嫌于略也柔者嫌于無立不能剛而有立則其爲柔惠也撓而已矣夫惟柔惠且直者外柔順而內不撓者也夫直者所以爲無撓也崧高

釐爾圭瓚文事之器也。秬鬯一而禮之酒也。召伯有武功而錫之以文事。禮酒者蓋將與之修文德故也。故曰告于文人而終曰天其文德也。漢

不畱不處則不傷財三事就緒則不害民而王猷允塞所謂修文德以來之也。雖然因以爲戒者武不可觀故

也。常武

先王深知禮義之原起于稼穡之際故其于省耕勸農之事常首天下之政。臣

詩雜說

宋元學案補遺 卷九十九

主九 四明叢書 約園刊本

衛武公仕于厲王之時而自警曰愼爾出話敬爾威儀無不柔嘉夫柔其言言遜也蓋邦無道矣惟危行言遜可以免于禍故也

桑柔曰告爾憂恤誨爾序爵夫爵未嘗無序也序之者使賢者尊不肖者卑而已召旻曰彼疏斯粝不能序爵故也

姜嫄生后稷而謂之生民者蓋后稷教民食食者民待之以生故也故思文祀后稷之詩曰立我烝民莫匪爾極蓋免于死之謂生免于仆之謂立食而後免于死亡

顛仆之患則后稷之于民實生之者也

治人之道尙明故施政之堂曰明堂事神之道尙潔故文王之廟曰清廟禦侮之道尙肅故宮室之牆曰蕭牆明不蔽也清不汙也肅不亂也

老子曰自後者人先之成王率時農夫播厥百穀而曰駿發爾私使之先私而後公故也治田者曰雨我公田遂及我私先公而後私故也夫惟成王自後是以民先之

示我顯德行者夫德行固道之顯者也而成王尙欲示

之以顯德行者蓋學之始其道當然也以其德行之幽者未足以知之故曰示我顯德行非獨成王爲然伊尹之告太甲言明言烈祖之成德夫以言爲未足而明言之未足以言祖之道而言祖之烈未足以言德之妙而言德之成則亦以太甲始進于學故也

夫成王在廷之臣聖莫如周公而賢莫如召公周公之爲師召公固不說之矣召公且不說則在廷之臣豈復有能辨而言之者也此成王所以懲前日之事出于左右無有助之者則其懲後患而首之以求助不亦宜乎

蓋治至于可以用師者治之成故善人爲邦至于可以
卽戎而後爲功也周公之戒成王以立政卒之以告爾
戎兵以陟禹之迹豈非語戎兵者政之終歟

梓材謹案四庫全書存目錄先生詩說一卷提要
云是書本載柯山集中納喇性德刻之通志堂經
解中如抑篇憤爾出話一條蓋爲東坡烏臺詩案
而發卷阿篇爾土宇飯章一條蓋爲熙河之役而
發餘亦多借抒熙寧時事
不必盡與經義比附也

柯山文集

今夫質之于文是無以異于冰炭之不可同也然質之
弊則文必至是何也勢之所激故也夫陰極不生陰而

宋元學案補遺 卷九十九

八十一 四明叢書
約園刊本

生陽寒極不生寒而生暑故物有以同相戾有以異相
使此之謂激之而變者也

本治
論上

夫人情之不可誣也言之有不應者矣諭之有不動者
矣夫言屏事而天下治者何也吾身之修故也吾身之
所以能修者何也吾誠之立故也吾誠之所以能立者
何也吾性之盡故也能盡性則能立誠能立誠則能修
身能修身而後能正物

治原
論

夫先王之道其始若鈍而後能利其始若迂而效最切

敦俗
論

天下之物其勢相激而後變生焉名口者實之所由亡
文備者僞之所自起

蓋天下之弊好強治者必召天下之大亂務窮利者必
貽天下之大害

天下之勢不可以激而民之智不可以窮激之以所欲
者必得其所不欲窮之以所能者必報之以其所不能
徐道其欲激之勢而扶其未用之智則天下久安而無
虞

以上法
論一

夫虞夏之道壯者也其不治可爲也其不足可補也壯

宋元學案補遺

卷九十九

全三
四明叢書

約園刊本

者之疾易治也商周之道老者也其不治難爲也以其
嘗之而不信故也其不足難補也以其嘗補之而不滿
故也以彼之疾方來而吾之術已窮彼之變未休而待
之道已盡如是則死繼之矣

法論
二

禮之道仁義而已矣夫仁主于親親長幼之際而義主
于貴貴君臣之間知親親而貴貴之義廣則蕩而不嚴
知貴貴而親親之仁亡則嚴而不和是故聖人爲禮以
兼統之使之兩立而兼善並行而互用而後仁義之道

行焉

禮論
一

蓋尊尊之道以簡而親親之禮以豐

禮論二

蓋嘗聞之古之求知人者于人不觀其形似而察其中于己也不逆于耳目而逆于心察其中則見其所窮逆于心則爲慮也深彼小人將欺我也不過多爲形似以動吾耳目之間而已彼安能爲實哉而吾應之也嘗出其所不意而後小人之情見而天下之實才亦雖欲伏匿而不得

知人論

莊周患夫彼是非之無窮而物論之不齊也而託之于天籟其言曰吹萬不同而使其自己也此言自以爲至

宋元學案禮遺卷九十九

卷三十四明鏡書

約圖刊本

矣而周固自未離夫萬之一也曷足以爲是非之定哉雖然如周者亦略稅駕矣

莊子論

凡在內者乃吾之所受于天而虛靜明達無所待于外者所謂喜怒哀樂之未發者也凡在外者取吾所受于天者而顯諸形名事物之際與物兩得而布之天下取諸心而施諸事本乎天而成乎人動于無爲而著于有形使天下萬物蒙其利所謂喜怒哀樂發而中節者也故內外之道雖殊而同出于吾性故兩言而盡天下之道曰內外一言而盡內外之道曰性而已

盡性論上

夫天下小之爲不治大之爲放亂禮義不行上下相窺
至于不可勝言者其初則誰爲之也

慎微論下

生而不動之謂誠知而不爲之謂明正而不邪之爲中
是故誠者立善之本也明者致道之用也中庸者常德
之守也三者立天下之能事畢矣

進誠明說

嗟乎政事之緩急如人之于飲食不可強也強使急者
緩如止饑者之食強使緩者急如持食以進飽二者無
怪其不可也

益州學記

治國有善政不如在位有善人之化民速也在位有善

宋元學案禮選

卷九十九

八

西四明叢書
約園刊本

人如其鄉有善人之化民易也

二宋二連君祠堂記

孔子曰仁者樂山智者樂水夫盡仁之成名必若堯舜
而語知之正必若禹然世之好山水者豈皆具聖人之
成德哉予以謂凡安靜可久淳厚而不變者皆仁之類
也臨事而不滯遇物而不惑者皆知之類也

陵川縣山水記

凡人性惟安之求夫安者天下之大患也遷之爲貴

能推食與人者嘗饑者也賜之車馬而辭焉者不畏徒
步者也苟畏饑而惡步則將有苟得之心焉爲害不既
多乎故隕霜不殺者物之災也逸樂終身者非人之福

也以上送秦少章
赴臨安簿序

夫古之所謂儒者所用之國無敵若臧文仲叔向子產
晏子令尹子文其望孔子亦遠矣而其功烈亦足以振
顯一時故猶能以儒者之效名一世夫不足以治國而
能知今古考妖祥紀事實多聞而博通則古者太史氏
之職而初不以是爲儒者也楚左史倚相能讀三墳五
典八索九丘而楚之治國不責倚相由是言之古之論
文與儒異事而司馬談爲太史號通古今善文詞猶曰
文史星曆近乎卜祝之間主上以倡優畜之其尊禮不

宋元學案補遺

卷九十九

五十四明叢書

約園刊本

如公孫丞相汲黯此則漢之初猶有古之遺俗在也嗚
呼儒之名實不正久矣自漢以來聖賢之學廢而孔子
之徒皆以其師之書自重于世聚徒而授之若是者當
時皆以儒之名歸之而司馬談序九流儒者才當其一
彼未嘗見其真而信當時之所指故從而論其失而班
固以謂出古司徒之官嗚呼何其陋也儒者之治天下
九流之列皆其用也顧與淺術末數各致其一曲者同

哉送李觀從蘇
杭州爲學序

某聞今北道要郡有城隍不修器械苦惡屯戍卒冥然

跬步強敵而人不懼者誠信之也梟鴟不鳴要非祥也
豺狼不噬要非仁也見其不鳴謂之孔鸞見其不噬待
以犬馬吁亦過矣

送李端叔
赴端州序

某嘗以爲君子之文章不浮于其德其剛柔緩急之氣
繁簡舒斂之節一出于其誠不隱其所已至不强其所
不知譬之楚人之必爲楚聲秦人之必衣秦服也惟其
言不浮乎其心故因其言而求之則潛德遁志不可隱
狀蓋古之人不知言則無以知人而世之惑者徒知夫
言與德二者不可以相通或信其言而疑其行嗚呼是

宋元學案補遺

卷九十九

卷六十四明叢書

約園刊本

徒知其行而不知夫君子之文章固出于其地與夫無
其德而有其言可異位也

上曾子固
龍圖書

六經之文莫奇于易莫簡于春秋夫豈以奇與簡爲務

哉勢自然耳

答李推
官書

雲濠謹案王阮亭居易錄引先生宛邱集論樓護
云所貴乎遊俠者爲其身任人之患難而脫入于
厄也朱家郭解雖不合于天義而其感慨雄俊先
人後己故可取也樓護平生觀礙無可稱呂寬得
罪王莽以其父故窮歸之豪俠立節無如此時謂
宜斬莽口脫寬于死身自亡匿或以身任之而不
悔如此而謂之俠可也護得詔書卽日斬寬以聞
莽大喜此苟偷畏懦閭里負販人耳當莽時天下
畏威謹非護者而班孟堅列護與朱家郭解同謂
之俠此何故也泣涕責妻子使終養呂公此朱家

郭解糞土之餘耳何足道哉謂此論見

郝梁所刻文潛集而六家文辨不載云

雲濠又案送李端升赴定州序云未爲兒童從先人于山陽學官始見端叔爲諸生是可見先生之先緒又云未蘇公門人

之下列也蓋謂文忠

附錄

子瞻嘗謂秦少游張文潛才識學問爲當世第一無所優劣少游下筆精悍心所默識能以筆傳然氣韻雄拔疏通秀朗當推文潛黃魯直跋李伯時畫馬云此馬絕駿似吾友張文潛筆力其見許如此

葉石林序柯山集曰文潛與少游同學于蘇子瞻以爲

宋元學案補遺

卷九十九

六十七

四明叢書

約園刊本

秦得吾工張得吾易而世謂工可致易不可致以君爲難云

王深寧困學紀聞曰張文潛梁父吟曰永安受詔堪垂涕手挈庸兒是天意渭上空張復漢旂蜀民已哭歸師至堂堂八陣竟何爲長安不見漢官儀鄧艾老翁誇至計譙周鼠子辨興衰其言悲壯感慨蜀漢始終盡于此矣

又曰張文潛文帝論謂絳侯之迹異于韓彭者無幾文帝所以裁之者乃所以深報之也其說太過賈誼體貌

大臣而厲其節乃正論也

梓材謹案陳后山答李端叔云兩公之門有客四人黃魯直秦少游晁無咎長公之客也張文潛少公之客也以先生始從子由故云爾

補鄉舉李先生廌

李濟南說

天地之情陰陽之理吉凶之變失得之故備在乎易一國之事繫諸侯之本天下之事形四方之風美盛德告成功皆在于詩尊王正法謹始善終詳天地之災祥著君臣之美惡無尚于春秋堯舜禹湯文武成康之世典謨訓誥誓命之文百王之心迹治亂之大略無尚于書欲以正六職以治六官必也學夫周禮欲正其威儀詳其辭令必也學夫儀禮

濟南文集

奇正者因古以御時依體以立用千變萬化以制勝策用之之法可觀也而所以用之者不可見也戰之之理可諭也而所以戰者不可陳也勝之之道可制也而所以勝之者不可傳也彼用兵之書布在方策既已人人皆可習矣用兵之法試于行陳既已人人皆能布矣人

人皆習我亦習焉人人皆能我亦能焉是亦眾人也以
眾人敵眾人尙何議先勝故奇正之理古人議而不辨
奇正之法古人論而不議奇正之變古人存而不論非
不論也不可論故不蔽而常新以俟後世君子俾因襲
致用可以神遇而不可以智知可以道運而不可以迹
究奇正

論

高宗旣已學于甘盤復師資于傅說觀其好學之誠意
則曰爾交修予罔予棄予惟克邁乃訓可謂勤矣此所
以爲高宗成王席文王之大謨繼武王之大烈觀其好

宋元學案補遺

卷九十九

元四明叢書

約圖刊本

學之誠意則曰日就月將學有緝熙于光明佛時仔肩
示我顯德行可謂勤矣此所以爲周之成王

聖學論

夫人之情喜賞而惡罰國之格難賞而易犯人之所喜
國之所難也人之所惡國之所易也可以賞而賞之緩
則人必相謂曰慎無舉賢徒勞人爾賢則欲我舉而恩
則吝也况無賞乎苟可罰而必罰之則人必相謂曰慎
無舉賢徒多累爾賞則未必予人而罰則信也况專用

罰乎

薦舉論

一人之心與夫千萬人之心先民之心與夫後世之心

聖人之心與夫愚夫愚婦之心其所以然不然不可
者無有或異有社稷人民之寄欲設教布政而願治者
能盡其心使人人之心皆以爲然皆以爲可則天下之
理無往而不當天下之情無往而不通誠能奉之以悃
悃之誠持之以黽勉之力思其理之所在必使之無遺
蘊慮其事之所安必使之無遺策吾之心盡于是矣以
之律身以之臨民以之事君以之事天地無愧無怍矣
夫然後推之以口人其以爲不然以爲不可者乎

登封
縣令
廳盡心
堂記

宋元學案補遺 卷九十九 四
明叢書 約圖刊本

不朽有三曰立德曰立功曰立言有一于斯可以無愧
于後世其德可尙不必有功其功可紀不必有言其言
可傳不必其人之賢也况兼善而有之者乎

陳省副文
集後序

補 宗丞王先生鞏

雲濠謹案先生嘗
謫監濱州鹽稅

附錄

秦淮海序先生注論語曰自熙寧初王氏父子以經術
得幸下其說于太學凡置博士試諸生皆以新書從事
不合者黜罷之而諸儒之論廢矣定國于是處放逐之

中蠻夷瘴癘之地乃能自信不惑論著成一家之言至天子聞之取其書非其氣過人何以及此傳曰天不爲人之惡寒而輟其冬地不爲人之惡險而輟其廣君子不爲小人之凶匈而易其行于斯言可信

黃涪翁序先生文集曰定國富于春秋崎嶇嶺海去國萬里脫身生還邂逅江濱斗酒相勞苦但以罪大責輕未有以報君爲言鬱然發于文藻未嘗私自憐此其志未易爲俗人道之

補員外李先生格非

宋元學案補遺

卷九十九

空

四明叢書
約圖刊本

禮記說

詩云駿發爾私箕子爲武王陳洪範云而邦其昌是文武之名詩書不諱也

君子之于物也愛之而弗仁故春田不圍澤不麇不卵是故物得其養故春蒐有一發五縱之多冬狩有辰牡孔碩之美而人得以盡其奉上之誠于悉率左右之際先王之田蓋如此也

爲人臣之禮無顯諫而洩治以諫死故書曰陳殺其大夫洩治稱陳國以殺有罪也洩治之罪何顯諫也三諫

不聽則逃之可也

以上曲禮

先王之制小斂殯葬所以爲死者之禮故自天子以至庶人有等哭泣齊斬饋粥所以盡生者之情故天子達于庶人一也由前所以立禮由後所以立仁齊斬所以稱情而爲之也故曰齊斬之情

春秋傳曰君子朝以聽政晝以訪問夕以脩令夜以安身夜宿于外非所以入燕息也晝居于內非所以自強也

廩人繼粟庖人繼肉不以官定食所謂仕而未有祿者

宋元學案禮遺

卷九十九

五十四明叢書

約園刊本

也養之故有獻而無賜不臣故有聘而無召蓋不如是不足以有爲也故王府之職曰掌王之獻玉是王有獻賢之禮也酒誥曰爾事服休服采諸侯之于賢猶不可以不事況得而官之乎

以上檀弓

田僕職曰以田以鄙則王之于都鄙未嘗無巡守而止言四嶽之諸侯者蓋先王之于畿內諸侯也有祭祀以馭其神則山川無不舉祭祀無不順有禮俗以馭其民則禮不得變樂不得易制度衣服不得革矣蓋聖人治之略則考之詳治之詳則考之略所以致四海于一堂

之上也

先王之治田蕩之以溝均之以遂足以禦凶旱舍之以
列瀉之以澮足以禦水溢而猶惕九年之蓄者待天災
之口也先王備水旱者具矣而猶有水旱之患蓋其時
不可知雖先王之備法猶有不免也

民之性無非天也故六禮曰脩脩者言有所因也人之
德無非自得也故七教曰明明者言有所本也淫者出
于民之欲故八政曰齊齊者所以制其過差也

審其輕重之罪所以正刑察其真偽之情所以口辟以上

宋元學案續編

卷九十九

左

三 四明叢書

約園刊本

制王

婦人從人者也從之斯尊之矣卑其夫未有能從夫也
夫弱于外婦強于內下上其心而莫之制何所弗及哉
舉天下而漸其風亂矣王化之存者幾何故婦人于夫
家不可不使之盡禮也郊特牲

反情以和其志以內脩內者也比類以成其行以外治
外者也姦聲亂色不留聰明淫樂慝禮不接心術以外
治內也惰慢邪辟之氣不設身體以內治外也樂記

穀梁傳曰婦人既嫁不踰境非三年之喪則雖衛之亡

而許穆夫人不得唁者大夫止之以義故也

雜記下

附錄

邵氏聞見後錄曰文叔出東坡之門其文亦可觀如論天下之治亂候于洛陽之盛衰洛陽之盛衰候于園囿之興廢其知言哉

梓材謹案阮亭居易錄洛陽名園記濟南李榕非誤易安之父也家今章邱縣北之臨濟記有紹興中張瑛德和序首日山東李文叔又曰女適趙相挺之子亦能詩上趙相救其父云何況人間父子情識者哀之云

衛湜禮記集說曰李文叔精義就曲禮檀弓王制喪服

宋元學案補遺 卷九十九

左志四明叢書 約園刊本

小記大傳少儀學記樂記雜記喪大儀祭法十一篇中隨所見爲之義

正字陳後山先生師道

詳見廬陵學案

舍人李先生昭玘

別見安定學案補遺

秦先生觀

秦觀字少章高郵人少游之弟也從東坡學于杭州

后山

註詩

梓材謹案張宛邱集有送秦少章赴臨安簿序云元祐六年及第調臨安主簿又有送秦觀從蘇杭州爲學序

附錄

陳后山送之曰士有從師樂諸兒卻未知欲行天下獨
信有俗間疑秋入川原秀風連鼓角悲目前狔犬類未
必慰親思又曰師法時難得親年富有餘端爲李君御
盡得鄴侯書結友真莫逆論才有不如折腰終不補可
但曳長裾

直閣張先生大亨

張大亨字嘉父吳興人官直祕閣著春秋通論訓十六
卷其自序言少聞春秋于趙郡和仲先生和仲卽東坡

宋元學案補遺

卷九十九

九

四明叢書

約園刊本

也直齋書
錄解題

春秋通訓自序

少聞春秋于趙郡和仲□□□□□言作例宗論□
例之大要矣先生曰此書自有妙用學者罕能領會□
□□繩約中乃近法家流苛細繳繞竟亦何用惟邱明
識其用然不肯盡談微見端倪使學者自得之予從事
斯語十有餘年始得其彷彿通訓之學所謂去例以求
經略微文而視大體者也

梓材謹案蘇雙溪集具載東坡答書與先生自序
合則直齋以趙郡和仲爲卽東坡是也四庫全書

本永樂大典著錄春秋通訓六卷提要稱其學出于蘇氏故議論宗旨近之又著錄先生春秋五禮例宗七卷提要云考左傳發凡杜氏謂皆周公禮典韓起見易象春秋亦謂周禮在魯孫泰山作春秋尊王發微葉石林議其不深于禮學故其言多自抵牾蓋禮與春秋本相表裏是編以杜氏釋例與經踳駁口兼不能賅盡陸淳所集啖趙春秋纂例亦支離失真因取春秋事蹟分吉凶軍賓嘉五禮依類別記各爲總論義例賅貫而無諸家拘例之失直齋稱其詳洽殆非溢美也

吏部鮑先生慎由

鮑慎由字欽止龍泉人舉進士累官工部員外郎以議論不合而去後知明海二州奉祠先生嘗從王介甫蘇

子瞻遊爲文汪洋闔肆詩尤高妙有文集五十卷

姓譜

宋元學案補遺

卷九十九

卷六十四明叢書

約園刊本

附錄

汪浮溪序吏部集曰本朝自熙寧元豐士以談經相高而黜雕蟲篆刻之習庶幾其復古矣然學者用意太過文章之氣日衰欽止少從王氏學又嘗見眉山蘇公故其文汪洋闔肆粹然一本于經而筆力豪放自見于馳騁之間深入墨客騷人之域于二者可謂兼之

通判郭先生用孚

郭用孚字仲先建安人事母至孝熙寧間調德清簿遷閩縣令嘗遊東坡之門居母喪廬墓三年郡守欲以八

行薦力辭服闋以朝散郎通判興國軍

姓譜

何樗叟先生頌

何頡字斯舉黃岡人自號樗叟篤學善屬文東坡謫居

齊安先生少年日侍教誨

姓譜

雲濠謹案陳后山集有次頡答學者詩自註云黃州何郎兄弟任淵引曾慥詩選云何頡斯舉嘗從蘇黃問學

郡貳錢先生世雄

錢世雄字濟明晉陵人號冰華先生年十六七時其詩已爲名流所稱比壯遊東坡之門東坡稱其探道著書

宋元學案補遺 卷九十九

空名 四明叢書

約園刊本

雲升川增以是取重于世亦以是得罪于權要廢亡終身其在平江嘗爲郡貳邦人思之久而不忘其子詡集其遺文屬龜山爲之序

楊龜山集

郡王趙先生令時

趙令時字德麟太祖次子燕王德昭玄孫元祐中簽書潁州公事坐與東坡交通罰金入黨籍紹興初襲封安定郡王同知行在大宗正事卒贈開府儀同三司

宋詩紀事

侯鯖錄

古語云勤能勝貧謹能勝禍蓋言勤力不已則不貧謹

身可以避禍

附錄

嘗爲東坡先生言當官有三樂凶歲檢災每自請行放散得實一樂也聽訟爲人得真情二樂也公家有粟可賑饑民三樂也居家亦有三樂闔門上下和平內外一情一樂也室有餘財可濟貧乏二樂也客至而飲略其豐儉終身欣然三樂也東坡笑以爲然

周益公跋先生書曰詞翰雖君子餘事必淵源有自乃所貴焉德麟旣著錄于老坡之門于禮復順風于德麟之實而誠父又子禮過庭之佳子弟也文獻相承夫豈偶然推而上之傳道安可以無宗哉

知州廖先生正一

廖正一字明略號竹林居士安陸人元豐二年進士元祐中召試館職除祕書省正字出知常州紹興間入黨籍貶監玉山稅

宋詩紀事

王先生適

王先生適

合傳

王適字子立趙郡臨城人也東坡爲徐州先生爲州學

宋元學案補遺

卷九十九

宋

四明叢書
新刻刊本

生知其賢而有文喜怒不見得喪若一曰是有類子由故以其子妻之與其弟適子敏皆從東坡于吳興學道日進東南之士稱之東坡得罪于吳興親戚故人皆驚散獨先生兄弟不去送之出郊曰死生禍福天也公其如天何返取其家致之南都而先生又從子由謫于高安績溪同其有無賦詩絃歌講道著書于席門茅屋之下者五年未嘗有慍色東坡與子由有六男子皆以童子從先生遊學文有師法元祐四年卒于奉高之傳舍年三十五文集十五卷其學長于禮服子由謂其文朱

宋元學案補遺

卷九十九

九

四明叢書

約園刊本

絃疏越一唱而三歎者也

東坡後集

縣令鄭先生僅

鄭僅字彥能彭門人嘗從彭門守眉山蘇公游蘇公稱其良士始知名文潞公留守北都先生爲其戶曹掾潞公奏以爲其法曹掾公還洛先生亦去爲冠氏令卽孔子廟爲學學成率諸生日談經其間而晁无咎爲之記

雜助集

姜先生君弼

姜君弼字唐佐瓊山人從東坡學文東坡贈以詩云滄

海何曾斷地脈白袍端合破天荒潁濱亦云瓊山姜唐
佐從吾兄遊氣和而通有中州士人之風譜姓

縣尉許先生安仁

許安仁字仲山□□人少從東坡學詩有聲稱晚以累
舉授官政和間爲順昌尉甚得士民之譽譜姓

杜野翁先生僕父沂

杜僕字碩甫成都人父沂與東坡友最厚先生幼從東
坡遊號野翁年七十餘而卒譜姓

慕容雙楠先生暉

宋元學案補遺 卷九十九

一百四明叢書
約園刊本

慕容暉陽羨人父惟良領州刺史因家焉先生好吟不
務進取所居有雙楠軒聳如蓋嘗從蘇文忠遊目爲雙

楠居士譜姓

朝請邱先生崇

邱崇晉江人工詩文尤精天文象數嘗侍父官惠州時
東坡謫惠先生從之遊李漢老邴亦與唱和有遺稿六

帙福建通志

梓材謹案萬姓統譜載先生云字次姚身長七尺
美鬚學優行立規具矩方登元符進士官至朝
郎請

江季慕先生端禮

詳見安定學案

承奉王歸叟先生直方

王直方字立之城南人少知自好樂從諸丈人行遊無他嗜好惟晝夜讀書手自傳錄凡未編數千嘗以假承奉郎監懷州酒稅尋易冀州糴官亦僅累月投劾歸待而不復出凡十餘年處城隅一小園中而笑傲自適如一日命其園中之堂曰賦歸亭曰頓有亦足以見其志云彭城陳無己卒于京師先生賻弔而割田十頃以周其孤大觀三年卒先生病卧久景迂歸自關中過其門則曰我有所作詩文他日无咎序之死則以道銘我

景

迂集

雲濠謹案后山詩註云王立之自號歸叟有園亭在汴京城南嘗從蘇黃諸公遊

周先生與可

周與可字從之海陵人問嵩山晁說之求易其字曰我于茲未安也曰子未安子夏之論交乎噫子夏之論交當時見隘于子張今日爲東坡先生玉石之亦不幸歟東坡先生于子夏取其與不取其拒惟子張之是不知不能者受我之矜焉則內愧而去者不少矣其拒斯人

也亦不淺矣敢字子曰景夏復古也

見景夏集

杜先生興

杜興字子師盱眙人從學于眉山先生眉山名而字之

又從晁補之求識其說

雞肋集

忠惠翟先生汝文

別見廬陵學案補遺

朱先生載上

朱載上□□人新仲翌之父也嘗從東坡山谷遊新仲

承其家學而才力又頗富健故所著作有元祐遺風

四庫

書目提要

宋元學案補遺 卷九十九

百三十四明藏書

約圖刊本

太保王初寮安中

詳見荆公新學略

庶官李跨鼇新

李新字元應仙井監人早登進士第劉涇嘗薦于蘇子

瞻令賦墨竹口占一絕立就生元祐末上書奪官謫置

遂州流落終身有跨鼇集五十卷跨鼇仙井山名也

郡齋

讀書志

梓材謹案跨鼇早頌東坡晚頌蔡京雖在黨籍究歸反覆蓋有玷于蘇門者四庫書目提要論之詳矣

崔道士閑

崔閑號玉潤道人東坡門下士也東坡謫南海自廬山
遇之命酒獻酬淋漓之餘墮案上自然成根柢輪囷之
狀取筆墨綢緼之偃然海上之榕也復作海榕二字于
其下蕭散不飾實與畫稱云

晁景
迂集

葛先生延之

葛延之江陰人元符間自鄉縣不遠萬里省蘇公于儋
耳公留之一月請作文之法誨之曰儋州雖數百家之
聚而州人之所須取之市而足然不可徒得也必有一
物以攝之然後爲己用所謂一物者錢也作文亦然天
下之事散在經子史中不可徒使必得一物以攝之然
後爲己用所謂一物者意是也不得錢不可以取物不
得意不可以用事此作文之要也先生拜其言而書諸

紳容齋
隨筆

晁氏講友

主簿單先生拯

附門人壽循矩

單拯字濟甫下邳人結髮游學嶄然兄弟間年五十始
中進士第調文登膠水二主簿復調單父未至卒晁无
咎未冠游下邳學問相好里人隴干令壽循矩嘗從之

學而狀其行雞肋集

李氏講友

監獄馬先生友直

馬友直字伯忠崑山人兄弟六人皆力田先生獨以儒業自奮入太學元符二年薦春官與李薦遊薦賢其人以兄子妻之宣和水災兄弟皆狼狽營妻子先生獨迎親僦屋以居躬治菽水母子晏如後以累舉主武康簿

監南嶽廟卒

姑蘇志

穎濱家學

宋元學案補遺 卷九十九

百四四期談書

約置刊本

監丞蘇先生籀

蘇籀字仲滋眉州人文定公轍之孫遲之子也南渡後居婺州官至監丞年十餘歲時侍文定于穎昌首尾九載未嘗去側因錄其所聞以示子孫爲欒城遺言其精言與義多足以啓發來學

四庫書目提要

雲濠謹案四庫提要有雙溪集十五卷亦仲滋所撰謂其有集傳世爲能不墮其家風獨是東坡兄弟之爲偉人不僅以文章爲重其立身本末俱不愧古賢此集乃有上秦檜二書及庚申年擬上宰相書皆極言和金之利不免迎合干進之心云

蘇仲滋說

昔仲尼于詩書易禮樂春秋惟舉要發端不詳其言非不能詳也以爲詳之則隘故略之使仁智者自求而得龍圖蘇先生簡

蘇簡字伯業其先眉山人父遲知婺州留家焉先生以

祖蔭承務郎累官直祕閣帥廣東措置海鹽有方直儼

猷閣遷龍圖閣直學士卒所著有山堂集金華府志

梓州謹案先生子諤累官江東提刑有拙齋集見金華徵獻略

蘇先生筠

蘇筠文定孫籀簡之弟也大觀丁亥文定閒居潁川爲

宋石學案補遺 卷九十九

百五十四明叢書 約圖刊本

之講論語其自序曰子瞻之說意有所未安時爲籀等

言之凡二十七章謂之論語拾遺蘇欒城集

仲滋學侶

推官史先生堯輔 附師劉貞

史堯輔字克甫丹稜人狀貌清癯若不勝衣而明悟夙

成年十二三卽受春秋于橫舟劉子有貞同門者百數

已翕然歸重焉年十有五與蘇文定諸孫講學于德溪

旁通六藝之文夜以繼旦粹諸儒先嘗所傳授傳以己

意趣詣不凡開禧三年以易冠同經生尋中乙科對策

抗言調青城簿至合州推官卒

魏鶴山集

梓材謹案先生著有諸經講義五十卷經義考云佚又案劉先生虞著有橫舟尙書講業亦見經義考

頴濱門人

知州晁濟北先生補之

宣德秦太虛先生觀

並見東坡門人

舍人李先生昭玘

別見安定學案補遺

王先生適

見上東坡門人

朝請李北溪先生之儀

詳見安定學案

宋元學案補遺

卷九十九

頁四明叢書

約園刊本

中奉韓先生駒

韓駒字子若仙井監人少有文稱政和初以獻頌補假將仕郎召試舍人院賜進士出身除祕書省正字尋坐爲蘇氏學謫監華州蒲城縣市易務知洪州分寧縣召爲著作郎校正御前文籍先生言國家祠事歲一百十有八用樂者六十有二舊撰樂章辭多牴牾于是召三館士分撰親祠明堂圓壇方澤等樂曲五十餘章多先生所作除祕書少監遷中書舍人兼修國史尋權直學生院制詞簡重複坐鄉黨曲學以集賢殿修撰提舉江

州太平觀高宗卽位知江州紹興五年卒于撫州贈中奉大夫先生嘗在許下從穎濱學詩其詩似簡光毅宋史

布衣吳先生範

吳範字端翁休寧人蘇文定宰績溪時先生登其門因文定而見文忠遂交後山又見知無爲子楊傑先生遂得與于元祐文獻之傳終身布衣陳定字集

退翁家學

博士家先生彬

家彬退翁子奉議郎太學博士有學行呂淨德集

宋元學案補遺 卷九十九 夏 西明叢書 約園刊本

伯固家學

隱君蘇後湖先生庠

蘇庠字養直丹陽人丞相頌之族也卜築廬山少工詩東坡見其清江曲大愛之嘗爲銘其硯先生氣節俊逸不慕榮利徐師川俯薦之朝特召不至命守臣以禮津

遣又回辭後徙太湖馬迹山廬山志

梓材謹案湖南通志載先生云初以病自號青翁後徙居丹陽之後湖更號後湖同民卒年八十餘

褚氏門人

同知周先生伯祿

周伯祿字天錫真定人師事玄真先生大定初第進士
仕至同知沁南軍節度使事

中州集

伯時家學

朝奉李先生琥

李琥字西美廬江人元祐名士伯時之孫也幼傳家學
宣和七年父致仕補將仕郎紹興初辟新喻尉再爲昭
信軍僉判轉右朝奉郎終更通判邵州未幾以風痺求
主管台州崇道觀歸治書室營小圃日引孫曾燕適其
中自號知足老人卒年七十七先生性孝友兵火中負

宋元學案補遺

卷九十九

頁四明叢書

約園刊本

母骸南渡愛二弟珪琮未嘗相捨教育其子女爲畢婚

姻周益公集

呂氏家學

呂先生緣嗣

呂緣嗣成都人元祐名臣陶第三子坐黨人子不達終

右通直郎

氏族譜

呂氏門人

張安素先生厚

附師汪輔之

張厚字處道其先胙城人徙新鄭至先生遂爲邑之甲

族先生幼嗜學纖條悉理各謹家法不詭經苟異同其所積者忠信篤實言行必顧未嘗失辭色于人慷慨辨論嘗自申而不可屈寧失于介不失于同少爲辭賦甚力性喜談國朝故事平生無他嗜好而藏書將萬卷又蓄金石刻亦富至于三代尊彝鼎彝之屬則深藏不出戶牖曰初爲吾一己之奉耳烏能弋人之顏色而博其嬉笑哉其讀黃帝書如孔氏書之勤也雖老不窺于梵釋書則不一經目曰外吾周孔寧有道耶年八十有四卒年七八歲時父中奉在延安龐莊敏幕府莊敏見先生識其他日有立治平間侍行北京則從呂陶汪輔之學以文藝見韓忠獻復爲忠獻所賞有詩及雜著二十

宋史案補遺 卷九十九

百九十四則藏書

約選刊本

卷常自號安常子安素居士

吳景迂集

梓材謹案樂陽學案附錄云監稅時汪輔之居陳階恃才傲物獨重公汪蓋瑕瑜不掩者也

文氏門人

張先生擇交

父溫

陳先生口

合傳

張擇交梓州人父溫字希澤文與可誌其墓稱爲篤行君子云希澤少喜儒術性明悟內行孝謹慶曆中一見

余于稠人中遂引其友陳顥信臣詣余于邸退相謂曰
吾輩有子常患無良師友以磨切之者今見其人矣于
是二人者各遣其子以從余遊侍余二十年日日益恭

女丹
淵集

張氏家學

張先生文剛

別見荆公新學略補遺

蘇氏續傳

尙書蘇先生符

蘇符字仲虎東坡孫以從事郎改宣教郎汪學士藻爲

宋先生案遺

卷九十九

百十四明叢書

約園刊本

之制有曰昔賈生明王道漢錄賈嘉之能魏公進忠口

唐表魏謩之烈人門兼用今古所同云

汪符
溪集

博士蘇先生籍

梓材護案先生官博士亦東坡孫與尙書符亦稱
大小蘇李方舟誌程使君揆墓云凡向之以文字
往來者如大蘇尙書公符小蘇博士公籍喻駕部
汝弼運副范公瓊檢詳邵公博士與使君口處其
間其諸公之羣從子弟執門生弟子禮者多名人
曰皆咨說文不離口而所得于淵源有自者未論
其人文可知也又誌范元功墓云方元功西歸石
亦口成都時蘇子籍程于揆可王子灼譚子拂雲
與石厓從多後人日少文字
往來可見蘇派文學之盛

仲虎學侶

駕部俞先生汝礪

俞汝礪

運副范先生瓚

范瓚

檢詳邵先生博 別見百源學案補遺

方舟先緒

朝議李先生嗣宗

李嗣宗資陽人方舟之父也贈朝議大夫方舟自敘爲

詩曰惟吾之學世先大夫大夫之隱遠于詩書手鈔經

宋元學案補遺 卷九十九

厚二四明叢書

約園刊本

說如哺小雛雖飽而嬉趨師于隅 方舟文集

雲濠謹案方舟集又有先君墓誌銘又誌其弟雲巢子墓云先大夫手鈔論語孝經命其兄爲師教之

方舟師承

張錫道先生子覺 附門人支時起吳德駿

張子覺方舟易師也爲鄉先生以小學教授雖童稚勝

衣者登其門皆以書數教授之方舟年九歲與支興道

吳德駿同遊先生之門興道名時起長方舟三歲孝友

溫豫喜愠不見于色□□諸□曰汝曹勉而持之以正

學而不成不口口鄉之善人以卒

方舟文集

雲濠謹案方舟自敘云易則探象教于錫道先生而出蓋卽先生集中又有祭張子覺文

晁氏門人

黃先生汝翼

黃汝翼金鄉人舉進士中第爲雄州防禦推官知麟遊

縣事嘗從晁无咎遊

雞肋集

李先生師蘭

李師蘭无咎之甥其遊學也无咎作勤說以送之謂其年少而強文采淵然其所學又中庸也故告以其無息

宋元學案補遺 卷九十九

百三 四明叢書

約園別本

者自誠其意始

雞肋集

張先生大方

張大方金鄉人無逸孫從濟北遊

雞肋集

秦氏家學

宣汝秦先生湛

秦湛字處度少游子亦以文名仕爲宣教郎嘗註呂好

問回天錄

揚州府志

隱君秦先生庚

別見北山四先生學案補遺

張氏門人

知州常先生同 詳見范呂諸儒學案

縣丞吳先生怡

吳怡字熙老□□人好學樂善敏于爲吏嘗主簿于蘄之羅田部使者才之使尉黃岡張文潛方坐事屏居而先生獨喜從文潛遊又遷蘄水丞文潛作序以送之山

集

員外周竹坡先生紫芝 別見高平學案補遺

法曹楊先生克

楊克字道孚文潛之甥少有才思爲舅所知元符初呂

宋元學案補遺 卷九十九

皇 四明叢書 約園刊本

榮陽謫居歷陽先生爲州法曹掾嘗從出遊以職事遽歸遺榮陽詩曰雨綠霜紅郭外田山濃水澹欲寒天參禪抱病陪清賞一檄呼歸亦可憐 紫微詩話

定國門人

朝奉劉學易先生跋 詳見泰山學案

趙氏門人

學士施先生宣生

施宣生字明望浦城人宋宣和末爲潁州教官仕齊仕金官至翰林學士自號三佳老人有集行于世初在潁

州日從趙德麟游頗得蘇門沾丐云

中州集

施氏遺文

嗚呼吾先聖之道何近也中庸而已所謂天命之謂性率性之謂道修道之謂教是也豈老與佛之道哉公孫丑問孟子乃曰道則高矣美矣若登天然似不可幾及是不知堯舜禹湯文武周孔之所以爲聖人者皆不外乎中道也雖然行之者其效見于當時至今數千載仰望以爲不可及傳之者則自仲尼其說教豈在高堂大廈黼黻偶人以驚天下與浮屠氏較優劣哉故曰其君用之則安富尊榮其子弟從之則孝弟忠信愚夫愚婦皆可知而可行者非有損肌膚餉虎狼之爲難能使天下之人皆知孝弟忠信則太平可坐而致矣儒者末流乃多聞強記以爲學刑名度數以求治蓋未明其本也遂曰孔子之道不可行于後世悲夫

通陽重修
宜聖廟碑

王氏門人

員外蘇先生遺

丞務蘇先生遺

並詳東坡家學

丞務蘇先生過

宋元學案續遺

卷九十九

五函四期叢書

約園刊本

直閣蘇先生遲

蘇先生适

蘇先生遜 並詳穎濱家學

朱氏家學

祕監朱口山先生翌 別見景迂學案補遺

東坡私淑

朝請李先生端方 附兄相之

李端方字靖之武進人大觀三年試上舍賜出身主泃陽縣簿調平江府司士曹事紹興元年通判温州八年

宋元學案補遺 卷九十九

景迂明叢書

約園刊本

除知韶州尋請宮祠主管台州崇道觀積至左朝請大夫卒年六十九孫仲益誌其墓云元符末予始著籍鄉校識靖之與其兄宗學博士相之爲同舍生是時方尊王氏之經字說之學靖之兄弟魁鬯豪健有氣節強記洽聞不沾沾舉子業聞出東坡先生詩文爲予讀之音節鏗亮一洗先儒箋注蟲魚之陋遇告則出從所厚善抵掌劇談縱酒博奔歡呼竟日而後已眞天下之奇男子也

子也 鴻慶居士集

尙書劉栳溪先生才邵

劉才邵字美中廬陵人宣和二年中宏詞科遷司農寺
丞校書郎以親老歸侍居閒十年御史中丞廖剛薦之
召見遷祕書丞歷吏部員外郎典右選事未幾爲中書
舍人兼權直學士院帝稱其能文時宰忌之出知漳州
卽城東開渠十有四爲牯與斗門以豬匯決溉田數千
畝民甚德之召拜工部侍郎兼直學士院尋權吏部尙
書以疾請祠先生氣和貌恭方權臣用事之時雍容遜
避以保名節所著有栳溪居士集行世

宋史

梓材謹案楊誠齋爲栳溪集後序云古今文口口
口我宋集大成在仁宗時則有若六一先生主斯

宋元學案補遺 卷九十九

吳四明藏書

約園刊本

文之夏盟在神宗時則有若東坡先生傳六一之
大宗在哲宗時則有若山谷先生續國風雅頌之
絕絃中更羣小崇姦總正目爲僻學禁而鋼之惟
我廬陵有瀘溪之王栳溪之劉兩先生身作金城
以郭此道自王公游太學劉公繼至獨犯大禁挾
六一坡谷之書以入書則皮藏夜則緝閱又云予
生十有七年始得進拜瀘溪而師焉而問焉其所
以告予者太學犯禁之說也後十年又得進拜栳
溪而師焉而問焉其所以告
予者亦太學犯禁之說也

縣令劉清純先生安世

劉安世字平叔安福人舉進士嘗知雩都縣有郡官諷
以獻羨餘者先生曰土瘠賦重安得有羨餘遂不仕歸
而設教遠近願受業者踵至楊誠齋萬里從而師之先

生沒誠齋爲制服及葬門人私謚清純先生

姓譜

梓材謹案楊誠齋狀先生行實云字世臣先生之兄曰安鎮字鎮臣有文名以貢士客死京師先生時尙少盡得兄之學諸老先生見者曰是不可量是爲劉鎮臣之弟以朝奉郎致仕年六十八先生平昔排佛老不遺餘力嘗曰士大夫而談此乃吾夫子之叛卒也先生之未仕也士之來學者數百千人先生有文集二十卷論語尙書解二十卷先生之學不爲空言其原委自賈誼陸贄蘇明允父子之外不論也故其文與其人皆有焉丞相魏國張公謫居于永每稱重曰實學之士又有言從先生最久云王蘆溪志其墓又案江西通志先生之學以明道通經爲主

副使蕭先生之敏

待制蔣先生燦 並見廬陵學案補遺

宋元學案補遺 卷九十九

夏四明叢書

約圖刊本

文定汪玉山先生應辰 詳玉山學案

史先生堯弼 別見南軒學案補遺

司諫施先生元之

施元之字德初長興人以文章著聲試館職除起居舍

人遷左司諫注東坡詩四十卷 長興縣志

梓材謹案阮亭居易錄載施注蘇文忠公詩集四十二卷宋司諫吳興施元之德初與吳郡顧禧景榮同撰又云元之子宿增補見陸渭南集

韓氏門人

隱君曾艇齋先生季狸 詳見紫微學案

穎濱私淑

通守劉先生獬

附師劉朔

劉獬字去邪泰和人方髫髻時已穎脫其羣五世兄朔講學鄉校先生從之游淵源演迤日大以肆中建炎三年進士第授左迪功郎徽州司法參軍累遷至左承議郎通守德慶軍府需次于鄉未幾以病卒初涖上高鄉校抗敏先生喟曰吾所至邑未嘗不脩學宮口衡陽尤竭力十倍他邑故事無不集今其可不勉學有蘇黃門子由記歲久斷缺訪墨本摹刻之且識重修始末于碑

宋元學案補遺 卷九十九

夏英四明叢書

約園刊本

險工旣訖躬率吏及生徒行釋奠禮耆老至歎息其子

弟皆興于學

胡澹庵集

李迂齋先生樗

詳見紫微學案

文簡程先生大昌

別見泰山學案補遺

養直門人

州倅陳先生慕

別見陳鄒諸儒學案補遺

祕閣陳先生從古

別見紫微學案補遺

老泉續傳

賢良程先生俊

程俊眉州布衣楊誠齋薦以應賢良方正科奏狀稱其
經明行修通達國體其探索王霸有仲舒師友淵源之
淳其議論古今得蘇洵父子治亂之學淳熙十三年間
嘗游都下有所著帝王君臣論及時務利害策凡五十
篇皆造于義理切于事機非腐儒文士之空言朝士爭
傳爲之紙貴云

楊誠齋集

周氏家學

員外周先生昂

周昂字德卿真定人同知伯祿之子年二十一

梓材案
金史作

宋元學案續遺 卷九十九

夏五四明叢書
約園刊本

四 擢第釋褐南和簿有異政遷良鄉令入拜監察御

史路宣叔以言事被斥先生送以詩坐謫停銓久之

起爲龍州都軍以邊功得復召超三司判官大安軍興

權行六部員外郎先生傳其甥王從之文法初有常山

集屏山故人外傳云德卿以孝友聞又喜名節藹然仁

義人也學術醇正文筆高雅以杜子美韓退之爲法諸

儒皆師尊之既歷臺省爲人所擠竟坐詩得罪謫東海

上十數年始入翰林言事愈切出佐三司非所好從宗

室承裕軍承裕失利跳走上谷衆欲逕歸德卿獨不可

城陷與其從子嗣明同死于難

中州集

司戶家學

補庶官任先生盡言

附錄

張魏公作都督欲聘之入幕元受力辭曰盡言方養親
使得一神丹可以長年必持以遺老母不以獻公況能
捨母而與公軍事耶魏公太息而許之

老學庵筆記

仲虎門人

運判李方舟先生石

宋元學案補遺 卷九十九

皇朝四庫全書 約圖刊本

李石字知幾資陽人好學能屬文少從蘇尚書符遊舉
進士高第紹興末以薦任太學博士黜成都學官乾道
中再入為郎後歷知合州黎州眉州皆以論罷終于成

都轉運判官

資州志

梓材謹案先生著有方舟易學二卷四庫書目提
要云是書專論互體每卦標兩互卦之名而以爻
詞證之又言此書專闢王弼之學其上卷詳言互
體之義下卷曰象統曰明闡象統但存一序其說
未竟明闡以六十四卦分月以明置闡之法也又
左氏君子例一卷詩如例一卷詩補遺一卷提要
云于經義悉無大裨益特當南北宋間正說春秋
者拮學三傳之時而李氏獨篤志古學為足尚耳
又方舟集二十四卷提要云考鄧椿畫繼稱其出
主石室就學者如雲閩越之士萬里而來刻石題

諸生名幾千人蜀學之盛古今鮮儷又言先生亦學問氣節之士其文字淵源出于蘇氏故所作以闕肆見

長云

雲濠謹案先生爲馮主簿墓誌云己卯冬石以太學博士罷宰相憐其無罪俾典成都教且寓聲曰此少司樂也到官喻以朝廷養育意示以成均舊規生徒負笈至千人以上是卽鄧氏所稱者自述亦云除成都學官左右至千二百員

方舟易論

易六十四卦而言刑獄者凡六卦皆易之生德所寓天地資其生聖人權其生其爲刑獄之詞概之曰不殺之殺生中之殺也繫辭曰生生之謂易者生天地之生生

宋元學案補遺 卷九十九

皇四明叢書

約圖刊本

聖人之生其生之大者乎中孚則議而致信旅則審而不留豐則折之欲其不明解則宥之欲其無過賁則明其政而已于獄有所不敢者不以刑飾政故曰六卦者易之生德也惟噬嗑一卦著之繇詞何也以明飲食所自除去口吻之問爭不至訟眾不至師則周仁之始基也

刑獄論

人之生死司命于天而統氣于易自伏羲畫卦八而索之而有三墳先儒謂人之始生騰光于天者爲連山之艮艮爲小石隕石則爲星氣此則精氣爲物也文王因

八索而重之爲六爻上下卦虧盈猶月之有魄魂卽魄之化化分上下弦此則游魂爲變也是二聖人者皆知易變化託鬼神以妙其道以詔天下後世不曰鬼神而曰卜筮者寓其妙于蓍龜也故孔子首于乾大人之釋曰與天地合其德與鬼神合其吉凶是以易之蓍龜知人之爲鬼神也

鬼神論

雲龍者水木之像也風虎者木金之像也乾以純陽之卦而有龍虎風雲之像以二五君臣相應精神變化陰陽奇耦之用也以二爲陽中之偶乘初承三則成離以

宋元學案遺

卷九十九

皇

四明叢書

約園刊本

五爲陰中之奇乘四承六則爲坎水火之會則二五中氣混然冥乎五行之像此雲從龍風從虎所以具于乾之六畫矣以乾比坤取象猶是也坤六畫皆陰而有取于馬之牝者馬大畜也上六取龍之戰者龍陽類也以天地之雜曰龍戰陰疑于陽也以乾坤二卦取象爲他卦之例皆象之變化因卦爻而寓其像鱗介飛走螭虺肖翹有目有趾者無不具此乾坤卦例也

龍虎論

繇言利涉大川者曰需曰蠱曰大畜曰同人曰益曰復曰中孚繇言不可涉大川者特訟之一卦耳爻言利涉

大川者二曰頤之上九曰未濟六三用涉大川者一曰謙之初六不可涉大川者特頤五耳曰繇辭曰爻辭初若以象爲主乃不在于坎之水不在于舟楫之用不在于重坎之險一卦一爻各有定象以寓其利與不利似各有意惟君子所以用之何如耳

利涉論

繇之言大人者主一卦之義爻之言大人者主一爻之義其爲大人則均其所以定象立言因言制法則有間矣乾者卦之首二五者爻之尊以乾統天則爲天之大人以二五爲君臣之大人以此調一天下亨毒萬物措

宋元學案補遺

卷九十九

三臺四明叢書

約園刊本

諸事業而關諸百世皆大人職也積此以臨蒞于有作者大人之聖也積此而鼓舞于不測者大人之神也凡易所謂天之陰陽人之性命以探賸索隱極深研幾者大人聖神之運則總之曰易道之變化也

大人論

卦之有世必自其父母者始父乾而索震坎艮子之從父也母坤而索巽離兌子之從母也要之不出八索八之數三墳同實異名雖吾夫子有取焉而說者以爲專

出劉牧似未通也

世數論

易之有日月也由陰陽之分也六陰六陽以定一歲而

各職其分陰與陽類以肇成歲功一卦職六日六十四卦凡三百六十四爻因以歷日月之度以測其度之所底剛柔消長吉凶禍福之變故曰易之有日月者陰陽之分也且始于終巳六陽也始午終亥六陰也此一歲十二月以立日月之經而以六日一卦者爲之緯或計之卦或計之爻此日月歲之次敘也

歲月論

易之爲書也文王初爲爻辭之詞吾夫子益以大象統一卦意而爲之辭曰君子者謂天下後世君子公稱之也凡有三說焉一曰行道之君子二曰脩身之君子三

宋元學案禮遺

卷九十九

易四明叢書

約圖刊本

曰治世之君子而易之見于用者盡矣伏羲三畫索而八之文王六十四因而重之孔子十翼繫而翼之包六極統三才以倡其學于後凡易之道率本三聖爲五經所祖此行道之君子也窮于性命達于死生洗心德業研極幾微咸恒以息其謬用之心損益以擇其可爲之事六氣以調節四序以消息出處語默無一不在此修身之君子也五常所紀三王所尚文質不同剛柔各異禮樂法度律曆法象治亂之術安危之符愈取愈有受命如響此治世之君子也三君子者天下後世之君子

其施于易甚公所以行道所以修身所以治世則有別矣吾夫子因以統一卦之體先總其數命之曰大象者六十四卦而君子用易之目特五十三而爻之所謂君子凡十爻八卦無預焉者蓋一卦以總其體一爻以散其用不可一概莫不皆有敍也

君子論

孔安國之疏子思說曰天命之謂性率性之謂道修道之謂教云天人自然氣質無碍冲融會通無或間斷其趣一也天以陰陽爲道命人以爲性性卽道之出于天者未遠矣天以五行分四時而寓其鼓舞不測之神因

宋元學案補遺

卷九十九

百五十四明叢書

約園刊本

旺乘除其來無端其去無迹也木之神生仁火之神生禮金之神生義水之神生智故率道爲教此合四德以統乾合四端以統信易之中與中庸之中皆其自然非勉強矯揉之也

四德論

時者天之時也天可爲時人不可爲時人爲天地之先後而奉時周旋者斯可矣且有治有亂有安有危小則一身大而天下所遭之時有不同者豈人爲哉天之時也唯君子能御其時以探天之機因時移易者易之不通也所謂義者宜也無適不宜也用者通也無適不通

也義而權其宜用而求其通一以適時爲正猶曰天之四時也春而生之夏而長之秋而收之冬而藏之因卦取時以隨易變化者則繫之人矣故君子之于易也時先之義次之用又次之乾曰時乘六龍以御天者一唯其時而已

時義論

易互體例自序

易者以天地五行而生數由數而生卦因三而成六正悔內外以數通于天地五行而八卦相資爲用以三而五而五行互體以六而八而八卦互體若非互體則易之變化內外上下不相應數有所窮數窮則生成之理或幾乎熄矣易之有互體出漢人二鄭學易者以互體出劉牧非也因取說卦占象與卦爻相通者爲互體以應天地五行之數作互體例

附錄

築書臺作方屋爲方舟曰方舟子者石隱名也

自試院論罷執政導意欲畱官近州答以虎死不卧負琴書徑登舟還蜀太學之士數百扶送爭曰陽城去國矣

學以易春秋爲本蓋嘗總之曰易者春秋之天春秋者易之人天人合統而皇極立矣至于詩者春秋之世書者春秋之事二禮者春秋之制實則原于一也

或問二經之學曰以易而讀春秋則嚴而理以春秋而讀易則潔而通

問師曰心以上自敘

先生在太學時適右學生芝草學官稱賀先生獨以爲兵兆由是坐斥趙雄其鄉人驟貴先生不與通書及先生罷官值雄秉政遂不復起建炎以來朝野雜記

宋元學案禮選卷九十九

皇朝四明叢書

約園刊本

方舟講友

知州程先生揆大父沂

程揆字端卿世家眉之武陽大父沂熙寧間經學教授健爲因爲健爲人宣和初以博士宋齊愈挈之入太學補中舍未幾以春秋科登建炎二年進士第任彭州司戶參軍試中教官潼川府教授累知昌州資州致其事以卒年六十一其爲政一切以推行所學爲本崇大體略細故愛民惜物爲務所至有能稱文集五十卷通鑑發揮十卷春秋外傳十卷尙書外傳五卷史評三卷雜

誌三卷佛心印三卷李方舟嘗與文字往來評其文凡
三云始以經術中以議論終以敘述經術之文淵而旨
議論之文陳而肆敘述之文理而盡

方舟
文集

文學趙廣真先生樞年

附子恕

趙樞年字難老一字子壽蒙陽人以詞賦爲鄉貢選尤
長于春秋其說破凡例傳注以尊聖人之經嘗曰優柔
饜餽用心如是足矣補忠州文學以卒李方舟與爲文
字之友自號廣真野人家藏千卷書自丹鉛鈎提至老
不衰子恕以春秋世傳其學

方舟
文集

宋元學案續遺

卷九十九

夏四明叢書

約園刊本

正字劉先生望之

劉望之字夷叔許州人與方舟善官至正字

方舟
文集

舍人趙先生莊叔

趙莊叔方舟之友也官中書舍人卒方舟爲文祭之云
與尊府公同嗜何氏我則于公輩行道義五年之長情
好兄弟又云元祐絕派炳然蜀文誰其有之用以得君
所施幾何負志莫伸

方舟
文集

王先生九成

附師黃源

王九成字夷仲世雙流人誠厚樂善劉夷叔過二江館

于其家如素所熟李方舟官成都挾夷叔之知以至白
言從臨邛黃源學讀易久之幸以劉子故得印證可乎
方舟
文集

孝廉錢先生造父

錢造父資州人號孝廉先生鄉人私先生故以名孝廉
因舉也李璆制置四川以先生應選先生憮然曰孝者
不違親以徇祿廉者不輕生以貪糈使吾蒙其名而敗
其實可乎識者高之年六十二以卒有文集四十卷許
州劉望之與先生交遊其舉孝廉之詞曰孝友之行著
宋元學案補遺 卷九十九
夏元四明藏書
約園刊本

見頗多狷潔之志一毫不苟云
方舟
文集

樾溪門人

文節楊誠齋先生萬里
詳見趙張諸儒學案

清純門人

文節楊誠齋先生萬里
詳見趙張諸儒學案

隱君劉西溪先生承弼

劉承弼字彥純安福人嘗再與計偕報聞則歸隱于安
福之西溪謝良齋嘗偕郡士百千人列其孝行節義于
朝詔旌門閭有和陶詩誠齋序之
楊誠
齋集

李似剡先生燧

李燧字與賢安福人紹興丁卯與誠齋同學于清純先生之門晚當特奏名不就所著曰似剡正論蓋其所居似剡溪故自號似剡老人云

楊誠齋集

劉先生景明

劉景明口口人亦安成劉先生之門弟子也楊誠齋與之定交其游長沙也誠齋序以送之其序云拜雲都爲師而友於劉子彥純彥純卽西溪

楊誠齋集

施氏家學

宋治學案禮道 卷九十九

夏 四明叢書 約劉刊本

施先生宿

施宿字武子長興人知餘姚縣以興廢舉墜加意風教市田置書教誨學者姚北瀕海歲役民修隄民甚苦之先生爲石堤建莊田二千畝以備修隄之役功與前令

謝景初同稱

姓

梓材謹案 阮亭居易錄載先生紹興間爲左司諫又爲淮東倉曹言路與有嫌欲劾之無以爲罪嘗以其父所注坡詩鈔板倉司因據此事坐以贖私云見西吳里語第以爲爲左司諫恐因其父而誤阮亭又云坡在湖爲小人所譖興詩案之獄至高宗朝正蘇黃詩文大顯之日而小人猶能爲崇如此又在湖州尤奇又云武子又嘗參諸家本訂以石鼓籀文刻于淮東倉司辨證詳備見宋章樵石

故文釋吹景集引之以爲契衍奇博可
與鄭漁仲爭衡亦一博雅好古君子也

東坡續傳

程先生洵

程洵

穎濱續傳

少卿錢白石先生文子

詳見徐陳諸儒學案

德卿家學

周敏翁先生嗣明

詳見屏山鳴道集說略

德卿門人

宋元學案補遺

卷九十九

皇

四明叢書

約圖刊本

學士王溥南先生若虛

附師劉正甫

王若虛字從之棗城人承安三年經義進士少日師其

舅周德卿及劉正甫得其論議爲多博學強記誦古詩

至萬餘首他文稱是善持論李屏山杯酒閒談辨鋒起

時人莫能抗先生能以三數語窒之使噤不得語其爲

名流所推服類此釋褐鄜州錄事歷門山令入翰林自

應奉轉直學士居冷局十五年崔立之變羣小獻詔爲

立起功德碑以都堂命召先生先生外若遜辭而實欲

以死守之時議稱焉北渡後居鄉里卒年七十自先生

沒經學史學文章人物公論遂絕中州集

梓材謹案先生自號慵夫著有慵夫集又有滄南遺老集四十五卷四庫全書提要云此本凡五經辨惑二卷論語辨惑五卷孟子辨惑一卷史記辨惑十一卷諸史辨惑二卷新唐書辨三卷君事實辨二卷臣事實辨三卷議論辨惑一卷著述辨惑一卷雜文詩五卷與四十五卷之數合

滄南遺老集

三老五更蔡邕謂更當為叟蓋長老之稱與更相似書者遂誤為更耳嫂字女傍叟今亦為更以是知應為叟又以三為三人五為五人此最近乎人情

宋元學案續遺 卷九十九 臺四明叢書 約園刊本

或問禮謂三宥制刑之說何如曰先王之法亦求其實而已哀矜審慎則有之至于當罪無疑而必三宥焉以為有司當執法而人主貴收恩此後世之虛文而非先王之正道也成王命君陳曰予曰辟爾惟勿辟予曰宥爾惟勿宥惟厥中斯則得其正道矣

孔子誅少正卯事誰所傳乎其始見于荀卿之書而呂氏春秋劉向說苑家語史記皆取而載之作王制者亦依放其意者著為必殺之令後世遂信以為聖之大節而不復疑以予觀之殆妄焉耳荀卿又曰有父子訟者

孔子同狴執之三月不別其父請止孔子舍之季孫不說孔子爲言教化不至不當罪民之意幾三百語永嘉葉氏曰少正卯之誅果于察姦非先王之正刑不治父子訟以待其心之自回所謂正刑也竊亦以爲不然蓋論語不教而殺者謂其先務之不知而專事其末耳非以刑爲可廢也哀矜而勿喜者恐其以察慧爲能而幸于殺人耳非謂遂不治其罪也荀卿因此設過正之事以驚世俗以爲眾疑于無罪者而遽誅之疑于必殺者而卒赦之操縱無常開闔不測此孔子所以異于凡人者而不知聖人正不如是也

家語載孔子之言曰婦有七出不去七出謂不順父母者無子者淫僻者嫉妬者惡疾者多口舌者竊盜者三不去謂有所取無所歸也與其更三年之喪也先貧賤而後富貴也後世本之以爲律令雖犯七出而有三不去之名者亦不得出斯果孔子意乎曰非也惡疾無子出于不幸而非其罪自不當出若乃失節而淫僻不孝而違父母是則罪之大者雖有不去之名亦安得存之至于嫉妬口舌之類量其輕重而處之可也又曰女

有五不取謂逆家子亂家子世有刑人子有惡疾子喪父長子此亦非也君子之娶婦固有所擇而此五子者固在所疑然不至皆可棄也今直言而使之勿取是絕物也聖無絕物之法

以上五經辨惑

曾子曰吾日三省吾身疏義以爲三次而晦庵謂所稱三事殊不同昔有人自言一日之點檢程氏聞之曰可哀也哉其餘時勾當甚事蓋傲三省之說錯了意謂君子之學造次不忘則不待旋加省也舊說順于本文而新說有功于學者姑兩存之

宋元學案補遺 卷九十九

皇朝四明叢書

約園刊本

學則不固舊說以固爲蔽而新說曰固堅也不能敦重則學亦不能堅以語法律之舊說爲長

子張學于祿孔子告之以慎言行東坡曰子張學于祿將以自信也孔子言祿在其中教之以不求而自至者也其說甚佳

子曰人而不仁如禮何人而不仁如樂何晦庵曰記者序于八佾雍徹之後疑其爲僭禮樂者發此殊有理勝于泛論者矣

儀封人曰天將以夫子爲木鐸達巷黨人曰大哉孔子

博學而無所成名二子可謂深知聖人者矣而記者不著其姓名殆爲闕典也

子罕言利一章說者雖多皆牽強不通予謂利者聖人之所不言仁者聖人之所常言所罕者唯命耳然而云爾者予不解也姑闕之

不疾言不親指孔子在車時其端重固如此而說者以爲恐惑人不知此事有何惑人者若曲禮所謂登城不指城上不呼則有此理矣

東坡以患得之當爲患不得之蓋闕文也余以爲然

宋元學案補遺

卷九十九

臺四明叢書

約園刊本

博學而篤志切問而近思大勢則兩句相耦細分則四者各爲用東坡曰博學而志不篤則大而無成泛問而遠思則勞而無功偏枯而不類矣朱氏不必取

以上論語辨惑

聖人之言亦人情而已是以明白而易知中庸而可久

學者求之太過則其論雖美而要爲失其實亦何貴乎此哉夫子之言性與天道子貢自謂其不得聞而宋儒皆以爲實聞之問死問鬼神夫子不以告子路而宋儒皆以爲實告之鄉黨所載乃聖人言動之常無意義者多矣而或謂與春秋相表裏終篇堯舜禹湯之事寂寥

殘缺殆有闕文不當強解而或謂聖學所傳所以著明二十篇之大旨若是之類皆過于深者也

聖人雖無名利之心然常就名利以誘人使之由人欲而識天理故雖中下之人皆可企而及茲其所以爲教之周也如曰不患莫己知求爲可知也此正就名而使求之求實耳而謝顯道曰是猶有求知之意非聖人之至論子張學干祿夫子爲言得祿之道此正就利而使之思義耳而張九成曰聖人之門無爲人謀求利之說祿之爲義自足而已甯武子邦無道則愚夫子以爲不可

及而楊龜山曰有知愚之名而非行其所無事言不可及則過乎中道矣遠伯玉邦無道則卷而懷之夫子以爲君子而張南軒曰此猶有卷懷之意未及乎潛龍之隱見果聖人之旨乎若是之類皆過于高者也

凡人有好必有惡有喜必有怒有譽必有毀聖人亦何以異哉而學者一以春風和氣期之凡忿疾譏斥之辭必周遮護諱而爲之說子曰十室之邑必有忠信如丘者焉不如丘之好學也此蓋篤實教人欲其知所勉耳而衛瓘以焉字屬下句意謂聖人不敢以不學待天下

也此正謬戾而世或喜之子曰四十五十而無聞焉斯亦不足畏也已年四十而見惡焉其終也已人固有晚而改節者然概觀之亦可見其終身矣而蘇東坡皆疑其有爲而言子貢問當時從政者夫子比之斗筭而無數蓋師弟之間商評口語何害于德而張九成極論以爲自稱之辭至于杖叩原壤呼之爲賊此其鄙棄無復可疑而范純夫猶有因其才而教誨之若是之類皆過于厚者也

以上論語辨惑總論

仲尼不爲已甚者蓋每事適中皆無大過耳或者見論

宋元學案補遺 卷九十九

四明叢書 約聖刊本

語疾不仁之言及孟子論泄柳段干木事亦有已甚字遂專以此意解之失之拘矣然已甚之事在他人或有之非所以論仲尼也聖人本分之外無毫末之過豈至子已甚而得不爲乎

呂東萊策問進士孟子論孔子集大成之說云譬之金玉則智始而聖終譬之巧力則聖至而智中以智爲尚則害前說以聖爲尚則害後說此雖一時科舉之文實有可疑學者不得不辨也以予觀之當云智譬則力聖譬則巧後說字誤耳

以上孟子辨惑

正閏之說吾從司馬公性命之說吾從歐陽公祭祀之說吾從蘇翰林封建之說吾從范太史餘論雖高吾亦信之矣

甚矣中道之難明也戰國諸子託之以寓言假說漢儒飾之以末節繁文近世之士參之以禪機玄學而聖賢之實益隱矣

以上議論辨惑

君子有德政而無異政史不傳能吏而傳循吏

答張仲傑書

萬物相刃乎無窮要不可容吾意智者困勇者殘而至人免于無所累

移刺仲澤虛舟堂銘

宋先學案補遺

卷九十九

吳四明叢書

約園刊本

智可以欺王公而不可以欺豚魚力可以得天下而不可以得匹夫匹婦之心事固有非人之所能強致者民至愚而神者也其心有同然之好惡其口有同然之毀譽有以服其心則比閭之徒可使之俛首而聽命不然國之得失長上之是非皆將喧囂論議于其下蓋有誘之而不信劫之而不從者孰謂其可以強之而使無譽

之哉

真定縣全國公德政碑

古之君子其德甚盛則其心愈謙其責己也重其取名也廉雖有軼羣絕俗之資而自視欲然常若不足此其

尊而光卑而不可踰者善而無伐所以爲顏氏聖而不居所以爲孔子其與浮躁術露急于人知虛而爲盈處之不疑者豈可同日而語哉

祖唐臣
愚庵序

韓愈原道曰孟軻之死不得其傳其論斬然君子不以爲過夫聖之道亙萬世而常存者也軻死而遂無傳焉何耶愚者昧之邪者蠹之駁而不純者汨之而眞儒莫繼則雖存而幾乎息矣秦漢以來日就微滅治經者局于章句訓詁之末而立行者陷于功名利欲之私至其語道則又例爲荒忽之空談而不及于世用髣髴疑似

宋元學案補遺

卷九十九

五十四明叢書

約園刊本

而失其眞支離汗漫而無所統其弊可勝言哉故士有讀書萬卷辨如懸河而不免爲陋儒負絕人之奇節高世之美名而毫釐之差反入于惡者唯其不合于大公至正之道故也韓愈固知言矣然其所論亦未至于深微之地則信其果無傳已自宋儒發揚祕奧使千古之絕學一朝復續開其致知格物之端而力明乎天理人欲之辨始于至粗極于至精皆前人之所未見然後天下釋然知所適從如權衡指南之可信其有功于吾道

豈淺淺哉

道學發
源後序

有虞之時眾賢和于其朝而無乖爭之患垂讓于舜
伯夷讓于夔龍皋陶之不知者以問諸禹禹所不知者
以質諸益賢于己而不妒不賢于己而不侮師于人而
不恥告于人而不吝志同氣合不知物我之爲二蓋其
量誠宏而其德誠厚此其能共成一代之極治歟

送彭子升

州序

附錄

元遣山表其墓曰公資稟醇正且有師承之素故于事
親待昆弟及與朋友交者無不盡學無不通而不爲章

宋元學案禮遺 卷九十九

四明叢書

約園刊本

句所困頗譏宋儒經學以旁牽遠引爲夸而史學以探
蹟幽隱爲功謂天下自有公是言破卽足何必嗷嗷如
是經解不善張九成史例不取宋子京詩不愛黃魯直
著論評之凡數百條世以劉子玄史通比之文以歐蘇
爲正脈詩學白樂天作雖不多而頗能似之秉史筆十
五年新進入館日有記錄之課書吏以呈宰相必問王
學士曾點竄否

王氏講友

進士程先生良

附子鎮鑄

程良字子美世家于鼓大父滋父革遺德不仕鄉里以
孝謹稱先生篤于力行明昌末舉進士崇慶之變辟地
河南再赴廷試歸而身閉關居澗水之上從而受學者
甚眾與魏璠麻九疇王若虛爲道義交常稱先生以爲
遠之如不可得近之如不能去問學淵深行業純備粹
然一世之師儒轅固申公未足多也子二人鎮字安卿
鑄字伯祿先生嘗語之曰鎮汝執余之鬻幹余之蠱鑄
汝繼余之志述余之事且禮罰醫藥不可忽禮以閑邪
罰以厲行醫以攝生三者修身之要安卿以先生之故

宋元學案補遺

卷九十九

夏三 四明叢書

約略刊本

學不爲仕而史學淹長工于詩伯祿舉進士才幹通敏

郝陵
川集

監倉高唯庵先生斯誠

別見屏山鳴道集說略補遺

經略劉先生遇

劉遇字鼎臣真定人興定五年詞賦魁也少與王從之
周晦之遊兼經義學有譽南渡爲國史院書寫已而擢
第應奉翰林後出爲鄜州帥府經歷官遇害

歸潛
志

元受家學

縣令任先生清叟

任清叟元受子以寺丞合新昌湯誠齋爲元受小醜集序云元受忠敏之孫待制象先之子至清叟家世不替

四世

楊誠齋集

元受門人

教授徐先生端卿

附師章階

徐端卿字子長武義人幼貧厲志于學始事鄉人章階又從任元受盡言卒讀書至五夜嘗曰士之學道貴于自得豈徒以絺章繪句爲事舉紹興進士累調教授鎮江請于長修學舍建貢院卒年五十四著有麟經淵源

宋元學案禮遺

卷九十九

高堂四明叢書

約園刊本

論十篇漢鑿十篇覆瓿集二十卷

魏鶴山集

方舟家學

縣令李先生占

附師何之捷子浩惟彝稟穀稟營稟門人牟灼

李占字知來築室資之丹神山號雲巢子幼依其兄方舟子修古學學古文行古道學則曰孔習周顏孟習孔以習爲學也文則典之嚴雅之正語如先秦不陋不華左氏戰國策以下不問也道則曰中庸心傳皇極大法帝王作者無過不及賢不肖所共由也二氏比吾道非不學特空耳甫冠何先生三捷鄉會壻之往依焉稟卽

返丹神山監楊朴上殿薦其學問被旨記姓名登紹興二十七年進士第初筮廣都簿歷知鄞縣行東南以卒于湖州之舟中自繪像授學徒卒灼權後事年五十四文集五十卷五子浩忻彝稟毅稟營稟皆篤學

方舟文集

李小舟先生開

李開小名正稟更名方字去非其父爲方舟子故以小舟自號以明世學之傳初授以元祐諸公先天皇極以推新說爲專門季父雲巢子教以先秦古書章句一木聖人之正緇六經之詞以爲文尤深大易春秋淳熙三年感目疾喪明以卒年四十六

方舟文集

方舟門人

司戶李枕流先生僑

李僑字德秀臨邛人早從方舟先生李石寂通先生宋興遊諸弟事之如師仲氏何貢于鄉叔氏民彝第進士先生以索居益得肆力于學晝誦夕惟凡十有六年始擢紹熙進士第授司戶成都以祿不逮親願上所得官以爵考妣胡論謂非故事不可光宗御批其志可嘉特依所乞公卿百執事榮其行歌以送之宰相爲摘上語

名所居堂曰嘉志郡表其宅里曰節行先生有別業在白鶴山下爲小室曰枕流號枕流居士詔轉承奉郎

鶴魏

山集

附錄

光宗不豫久闕朝重華宮先生初釋褐卽慨然上疏乞致仕有曰祿不逮養乞將所得官資回贈二親冀以感動上意朝論偉之

劉起居誄曰公之歸蓋傷夫三綱五常之掃地而士不盡知其心

宋本學案補遺 卷九十九

四明叢書

約園刊本

劉東溪先生伯熊

劉伯熊一作伯龍方舟門人爲方舟編易十例略互體

例象統左氏卦例詩如例左氏君子例聖語例詩補遺

諸篇

四庫書目提要

梓材謹案先生爲後溪先生光祖從父兄所從受學者也眞西山爲後溪墓誌言後溪于東溪執弟子禮終其身存也買宅以居歿也爲之製服且取其所作易傳續之朱子與劉後溪書云東溪語說伏讀再三乃知師友淵源所自深遠如此士不通經果不足用信矣如韓子之言也

范先生仲黼

附見二江諸儒學案

樂先生材

樂材字元修邛安人世以儒學授鄉里先生少穎悟太
學博士李石以文名重許可紹興壬午校鄉舉奇其文
上之類省報罷益肆于學取古今一言一事可爲訓戒

者揭寘屋壁云

魏鶴山集

梓材謹案方舟集有樂先生墓誌云先生諱才字子美家資州兄弟二人號大小樂君方舟與子夔益同爲憲氏甥蓋別一人也

王先生夔

附師宋遠遜賈敦夫門人王珉劉棠王巖

士夔一名齊襄字漢卿簡州人冠從李石授春秋大易
其人專默靜篤謂可與爲皇王帝霸之學旣而習爲古

宋元學案補遺

卷九十九

壘

四明叢書
刊刻別本

文宋遠遜賈敦夫教授簡州又往從之卒貧甚不能葬
其學徒王珉劉棠王巖與持無服喪以藏其事

方舟集

馮復庵先生誠之

祖汝舟附師史楠李叔獻

馮誠之字明仲號復庵綿州人祖汝舟以太學上舍生
同陳伯陽上書論時政請斬六賊後勸進應天府庭叱
王時雍一時想望風采與張忠獻公爲至交先生同產
兄弟皆以儒科奮雄獨先生屢試不利而著書從遊者
數百人後仕江油縣尉未弱冠時謁李知幾石于成都
學官一見改容延之學職嗜周程子書黎明正衣冠危

坐與諸生共講正義反覆涵泳每謂爲學自一念始一念欲萌天地鬼神實臨之故進趨有度識與不識望而知爲復庵先生也師事李知幾又師史楠李叔獻著有復庵讀論語十卷詩解二十卷書傳二十卷易英十卷詩文五十卷藏于家

魏鶴山集

教授句龍先生復成

句龍復成資陽人方舟學子作誠齋求銘方舟懼其汰也爲益一字曰思誠其銘曰以指指空空本未立說空向人信指所及吾性如空空中有誠引性說誠如指空

宋元學案續遺

卷九十九

吳四明叢書

約園刊本

名水之方諸火之陽燧本諸日月空斯不匱爾盍不思誠厥有因思以自導渺乎爾身馬則思馳鴻則思射誰無父兄貽我一室聖門幽深惟天之師爲弟爲子淵泉其思

方舟文集

句龍先生立夫

句龍先生德方

合傳

句龍立夫資陽人與弟德方皆從方舟游

方舟集

句龍先生惠夫

句龍惠夫牛鞞人從方舟爲學問文章

方舟集

鄉舉塗先生森 父勉仲

塗先生柄 合傳

塗森塗柄中江人父勉仲剛介有守方舟爲成都學官
歲遣二子修執經禮二子得于二程大小戴氏學亦出
父之親授森以治禮兩預賓薦柄更從方舟讀春秋方
集

程先生驥

程驥眉人方舟守眉登門能誦說蘇氏學無一語預官

事 方舟集

宋元學案補遺 卷九十九

四明叢書 約圖刊本

程先生師夔

程師夔捷爲人知資州揆之子執經方舟之門 方舟集

穆先生璵 父深之

穆璵世爲彭人游學方舟之門其父承奉郎深之藏書
萬卷博學喜讀書好議論性理提刑馮時行當可侍郎
程敦厚子山皆其素交方舟使彭與之游日說學吟詩

云 方舟集

蘇先生茂

蘇先生葵 合傳

蘇茂蘇葵彭州人至成都學官從方舟爲學

方舟集

鄉舉皇甫先生瓌

皇甫先生壬仲

合傳

皇甫先生壬叔

合傳

皇甫先生仲卿

合傳

皇甫瓌雙流人方舟官蜀學與兄之二子壬仲壬叔皆隸學弟子員同壬午薦書人謂一門之秀子仲卿亦泮

林高第未娶卒

方舟文集

馮先生恕

父知微

宋元學案補遺 卷九十九

夏國明藏書

約園刊本

馮恕樂至人亦方舟泮林生徒也父知微喜藏書至萬卷四庫之目甚富有一錢卽惟書之市曰有一不惜靈

淫吾書非儒門子也

方舟集

程氏家學

程先生師夔

見上方舟門人

劉趙門人

李先生文炳

李文炳恭州人嘗從劉正字夷叔趙舍人莊叔游方舟因二友得交其人

方舟文集

據南門人

提刑董先生瀛 父思誠

董瀛字巨源

雲濠案滋溪集名源茲從王秋澗先友記改正

棗城人父思誠舉

進士知名先生生七年從親避地居河南之永寧讀其父書稍長而有俊才又多謀略金將亡父母俱卒藁殯永寧之野未幾兵興被俘一大帥帳下以儒生得存帥命教其子弟有間徑歸永寧訪其親遺骸負而北還殯葬依宗人棗城令文炳以居復師事翰林王若虛及門者眾獨推先生爲第一丞相史公承詔宣撫河南薦爲

宋元學案禮道

卷九十九

壘四明叢書

約園刊本

經歷官又以爲左司郎中歷拜江北淮東道提刑按察使語同列曰大夫七十而致事禮也吾敢久貪榮寵弗知止乎卽移病謝拜嘗作家訓以教子孫導江張氏覽而喜之曰匪止家訓要以警世可也子孫服其訓皆以學行聞于時年八十有七卒

蘇繼溪集

宣慰趙先生椿齡

趙椿齡字壽卿棗城人以中奉大夫使持節宣慰荆湖北道卒年七十三少從金□□王若虛學中元戊戌真定選性孝友高朗尚氣節

姚牧庵集

劉道濟先生德淵 詳見魯齋學案

文康王鹿庵先生鶚

王鶚字百一東明人幼聰悟日誦千餘言長工詞賦金正大元年中進士第第一人出身授應奉翰林文字天興二年金主適蔡累除左右司郎中三年蔡陷將被殺萬戶張柔聞其名救之輦歸館于保州甲辰冬世祖在藩邸訪求遺逸之士遣使聘先生及至使者數輩迎勞召對進講孝經書易及齊家治國之道每夜分乃罷歲餘乞還賜以馬近侍庫庫柴禎等五人從之學繼命徙

宋元學案禮選 卷九十九

皇朝四明叢書

約園刊本

居大都賜宅一所世祖卽位首授翰林學士承旨制誥皆所裁定至元元年加資善大夫上奏宜置局纂修寶錄附修遼金二史始立翰林國史院先生遂薦李冶李昶王磐徐世隆高鳴爲學士復奏立十道提舉學校官五年乞致仕詔有司歲給廩祿終其身有大事則遣使就問之十年卒諡文康先生性樂易爲文章不事雕飾嘗曰學者當以窮理爲先分章析句及經生舉子之業非爲己之學也著論語集說一卷汝南遺事二卷詩文

四十卷曰應物集

元史

梓材謹案先生爲潯南遺老集引云予以剽竊之學由白衣入翰林當代鉅公如趙閑閑楊禮部潯南先生皆士林儀表人莫得見之而一旦得侍几硯渾源雷晞顏良鄉王武升河中李欽叔亦稱天下之選而十年得遇從遊又云玉堂東觀側耳高論日夕獲益實多然愛予最深誨予最切愈久愈親者潯南先生一人而已

潯南私淑

文忠陳先生天祥

陳天祥字吉甫因兄祐仕河南自寧晉徙家洛陽少隸軍籍中統三年李璫叛據濟南結宋爲外援河北河南宣慰司承制以爲千戶屯三汊口防遏宋兵事平罷歸

宋元學案補遺

卷九十九

臺四明叢書

約園刊本

居偃師南山有田百餘畝躬耕從之遊者甚眾其居近緱氏山因號曰緱山先生初先生未知學祐未之奇也別去數歲獻所爲詩文于祐祐疑假手它人及與語出入經史談辨該博乃大稱異至大十一年起家從事郎郢復州等處招討司經歷從元兵渡江因論軍中事深爲行省參政買居貞所器重十三年興國軍以籍兵器致亂行省命之權知本軍事凡所設施皆合眾望居歲餘詔改本軍爲路總管權知壽昌府事二十二年拜監察御史擢吏部郎中二十三年除治書侍御史二十八

年擢行臺侍御史未幾以疾辭歸三十年授燕南河北道廉訪使元貞元年改山東西道廉訪使以任滿辭去大德三年遷河北河南廉訪使以疾不起六年陞江南行臺御史中丞謝病去七年召拜集賢大學士商議中書省事八年正月移疾謝去九年五月拜中書右丞議樞密院事提調諸衛屯田使者五致詔以年老不能辭延祐三年卒于家年八十累贈河南江北等處行中書

省平章政事追贈封趙國公諡文忠

元史

梓材謹案先生著有四書選注二十六卷經義考云存又云佚又有四書集注辨疑十五卷經義考云存又

宋元學案補遺

卷九十九

皇朝四明叢書

約園刊本

云按四書辨疑元人凡有四家雲峯胡氏偃師陳氏黃巖陳成甫氏孟長文氏是書專辨集註之非曾見吳中范檢討必英藏本不著撰人姓氏經註中語成甫長文並浙人注辭不類若雲峯四書通一宗朱子不應互異其爲偃師陳氏之書無疑又按蘇伯修撰安熙行狀曰國初有傳朱子集註至北方者游南王公以博辨自負爲說非之趙郡陳氏獨喜其說增多至若干言及來爲真定廉訪紳出其書以示人先生懼焉爲書以辨之其後陳公深悔而焚其書元史列傳亦云然則范氏所藏乃陳氏焚餘本也第竹垞以先生爲益文靖蓋傳寫之譌四庫書目提要云蘇氏謂安熙爲書以辨之其後陳氏深悔而焚其書今此本具存或蘇氏欲張大其師學所言未足據也

附錄

張養浩曰或謂四書辨疑雖不作亦可竊謂人非生知

孰能無疑疑而辨焉乃講學之事昔司馬溫公疑孟子歐陽公疑繫辭固不害其爲大賢也

淮海續傳

姚江村先生雲 附子成德

姚雲字聖瑞高安人宋咸淳進士初調高郵尉太守程公雅相敬重辟入僉政事淮東招討使復招典司書檄後除龍興察推再除工刑部架閣入元授承直郎撫建兩路儒學提舉秩滿家居求文者門無虛日工於詞風韻不減秦淮海一時莫不推之有江村遺藁行於世子

宋元學案補遺 卷九十九

真善四明叢書

約國刊本

成德克紹家學臨江路儒學教授歷任國子助教姓譜

附錄

虞疏齋與姚江村先生書曰蓋先生之文先秦西漢之文本六籍而支三傳左右以羣史諸子者也其淵粹博贍當與王介甫曾子固頡頏至于近代葉適洪咨夔劉克莊諸人則瞠乎若後塵者也鞏知先生者如此

東溪家學

文節劉後溪先生光祖 詳邱劉諸儒學案

馮氏家學

參軍馮先生甲

馮甲復庵季子也舉嘉定四年進士爲潼州錄事參軍

鶴山稱其有士行

魏鶴山集

馮氏門人

茶事彭先生輅

彭輅□□人馮復庵誠之尉龍州江油時先生主管茶事辟復庵巖昌茶帛庫不敢吏也留之幕府而師事之

魏鶴山集

蘇學之餘

宋元學案補遺 卷九十九

蜀四明叢書

約園刊本

侍郎陳邁覺先生大震

陳大震字希聲番禺人寶祐癸丑進士釋褐爲博羅主簿陞循州長樂令以文辭敏捷政事寬厚稱咸淳七年權知雷州慮西湖湮廢乃大築堤岸建平湖書院以祀寇準二蘇造石井闌以護井之當道者泉得不竭民德之在郡二年判語數百人刻之號邁翁山判轉朝奉大夫以倅陞守全州元兵至誓與城存亡至元辛巳有詔甄錄舊臣宣授司農卿廣東儒學提舉避貫請閒居從之自號邁覺先生立靈位以待死日與常所往來者飲

酒賦詩曰吾可以下見穆陵矣卒年八十先生性剛正平生御子孫嚴而有禮不冠不見雖老讀書不釋卷爲文典雅有集數十卷

廣州人
物傳

姚先生獬孫

父敷

姚獬孫字應獬慈谿人宋末舉鄉薦補國子助教正身率下勤于啓迪改學錄父敷前爲司業諸生稱爲東南遺老先生繼之人以爲世典成均善于其職尤所罕者先生博學清介爲文本家傳皆以蘇氏擬之及元混一不屑于仕卽退隱雙峯別墅所著有雙峯文集詩稿行

宋元學案補遺

卷九十九

夏鑿四明叢書

約園刊本

于世姓

譜

舒公平山先生公平

附師塗口門人洪汝懋

舒公平字廉夫洪之靖安人高祖邦佐任衡州錄事參軍受知連帥朱文公先生幼年值家中衰往依外氏刻苦奮發期于立身與家從其舅學進士詩賦馳聲得其父像故土遂奉二親以歸父喪哀毀廬墓側服喪母時年幾六十如喪其父攜弟就學迄成人不更他師先生文字卓然不羣博涉經史于春秋尤邃又不苟作必傳經理裨世教評論宋文推蘇明允第一後進寸長片善

繩之不置一時秀彥多出其門曾受講書者尊稱曰平山先生母塗氏家世儒宦諸孫侍立必勉以學先生延祐丁巳卒門人鄉貢進士洪汝懋爲述行實

吳文正集

文康門人

文正廉先生希憲

附子恪恂

廉希憲字善甫北庭人父布魯凱雅贈大司徒謚孝懿母封魏國夫人先生生司徒拜廉訪之命欣曰兒適承慶宜以官氏遂廉姓自蚤歲已見偉度魏國延明師教之以經輒掇其要言試諸行事年十九宿衛世祖王邸

宋元學案補遺

卷九十九

夏四明叢書

約園刊本

一日問其所懷何書對曰孟子又問大指對曰陳王道明義利不忍一牛恩充四海上善之嘗呼爲廉孟子從征雲南師還留爲京兆宣撫使薦大儒許衡提舉儒辟智仲可參綜府事扁所居堂曰止善公退卽與諸儒講求事君立身大義評品古今人物是非得失焚香鼓琴夜分乃息世祖登位建元中統進拜中書右丞行奈蜀省事拜平章故事賜甲第一區年始三十魏國夫人薨喪禮水不入口者三日爲詔奪情至元改元進榮祿大夫司徒薨力請終制上不聽強起之墨衰卽事奏議

上前讜論直陳無少回借七年罷相杜門養德談經講道課試諸子然食頃不忘朝廷命往北京乃大興學旦旦親至校官講授以倡他郡撤官屋以復竹林書院予書萬四千卷學者日盛朝于上都詔復入中書戒子恪恂曰丈夫見義勇爲禍福不足逆計又曰稷契皋夔伊傅周召便謂無及是自棄也疾革曰吾疾不起矣兒惟多讀書以承父志卒年五十謚文正追封恆陽王恪台州路總管恂中書平章政事

元清
河集

附錄

宋元學案續遺

卷九十九

臺西明叢書

約圖刊本

世祖一日命廉文正口受戒口口口口對曰臣已受孔子戒上曰汝孔子亦有戒耶對曰爲臣當忠爲子當孝孔子之戒如是而已

宣撫默勒吉先生庫庫

庫庫字子清本默勒吉氏部族元初舉族內附世祖居潛邸選爲近侍世祖聞王文康鶚賢遣使徵至命先生與廉文正希憲皆師事之旣而出使于外迨還而文康已行思慕號泣不食者累日世祖聞而異之憲宗復召文康至和林仍命先生從之游每旦起盛飾其冠服文

康讓之曰聖王好賢樂善徵天下士命若從學若等不能稱主上心惟誇衒鮮華以益驕貴之氣恐窒于外而塞于中道義之言無自而入吾所不取也先生深自悔悟明日俱純素以進文康乃悅世祖卽位特授中書左丞未幾遷大名路宣撫使以疾卒年四十子堅通

元史

柴先生禎

柴禎

承旨默勒吉先生堅童

別見魯齋學案補遺

江村門人

宋元學案補遺

卷九十九

吳四明續書

約圖刊本

朱潛山先生隱老

別見晦翁學案補遺

江村私淑

學士盧疏齋先生摯

盧摯字□□涿州人仕至翰林學士博學有文思元初

稱能詩者必以劉因盧摯爲首所著有疏齋集

姓譜

梓材謹案元文類載先生大德四年與姚江村先生書自稱後學涿郡盧摯則先生固私淑江村者也其書云摯由諸生承乏侍從遂叩持憲節磨一

道之寄又有潭學素號多士云云蓋先生持節潭

州有絳帳江村之請卽與議往司講黎生季芳飭

禮幣以來云又案先生與姚牧庵尤深契見其所

作宣慰趙

公墓誌

蘧覺門人

尙書王先生道夫

王道夫番禺人少從陳大震遊苦志力學登咸淳四年
進士仕連山尉有保民馭寇功度宗寵以御札由是以
才略知名端宗召大震爲尙書吏部侍郎先生權兵部
侍郎兼轉運判官大震固辭不就先生拜命景炎二年
文天祥復惠州先生與凌震謀復廣州城詔褒諭之有
敬于事上忠于謀國緬維純誠深用咨歎之獎以震爲
廣東制置使先生拜兵部侍郎廣東轉運使端宗崩衛

宋元學案補遺

卷九十九

彙四明叢書

約園刊本

王卽位加先生學士兼兵部尙書元人復陷廣州爲元
人所執宋亡之後不知所終

廣州人
物傳

廉氏家學

參政廉先生惇

別見晦翁學案補遺

承旨廉先生輝善哈雅

廉輝善哈雅字公亮希憲之從子也幼孤言及父輒泣
下獨養母而家且不給垢衣糲食不以爲恥母喪哀毀
踰禮年弱冠大臣欲俾入宿衛辭曰吾伯父事世祖以
通經號廉孟子今方設科取士願讀書以科第進乃入

國學積分至治元年登進士第授承事郎同知順州事
歷陞江南衛御史臺經歷初行郊禮召拜侍儀使預修
遼金宋三史遷崇文太監昇拜翰林學士承旨知制誥
兼修國史卒

元史

盧氏門人

知事孔存齋先生濤

朝列郝先生采麟 並見魯齋學案補遺

宋元學案補遺卷九十九

宋元學案補遺 卷九十九

四明叢書 約園刊本

宋元學案補遺卷一百

目錄

屏山鳴道集說略補遺

劉氏先緒

劉先生摛

劉先生汲

附弟渭

劉先生似

父濬

楊氏先緒

楊先生青

宋元學案補遺 目錄

南山門人

王先生元節

附弟元德

周氏師承

王先生去非

附門人班忱

廣道學侶

王先生去執

王氏同調

姬先生平叔

党氏師承

蔡先生松年

附子珪

□□□□

崔先生憲

附劉器博翟瑜

王蘇學派

補

李先生純甫

雷氏先緒

雷先生思

屏山講友

王先生庭筠

父遵古

宋元學案補遺

目錄

四明叢書
約圖刊本

補

趙先生秉文

王先生特起

附師張大節

史先生肅

高先生斯誠

李趙學侶

補

劉先生從益

澐水講友

周先生馳

附師李時亨門人吳子英

澐水同調

補董先生文甫

楊先生雲翼

王先生礪

附麗元興

蓬門講友

時先生翫

廣道家學

王先生守正

王先生守素

合傳

廣道門人

宋元學案補遺目錄

三四册校書

約園刊本

党先生懷英

周先生馳

見上溢水講友

榆山家學

王先生仲元

榆山門人

趙先生颯

蔡氏門人

党先生懷英

見上廣道門人

辛先生棄疾

別見晦翁學案補遺

崔氏門人

劉先生昂

屏山門人

補雷先生淵

補宋先生九嘉

劉先生昂霄

高先生永

敬先生鉉 詳見北山四先生學案

雷氏同調

宋元學案補遺 目錄

四一四明叢書 約園刊本

補周先生嗣明

劉先生伯熙

黃華門人

高先生憲

韓先生玉

李先生解

趙先生秉文 詳上屏山講友

路先生元亨

張先生進卿

濠水門人

元先生好問

別見明道學案補遺

王先生鶚

別見蘇氏蜀學略補遺

申屠先生義

附解器之梁希然

馮先生延登

趙先生滋

蓬門家學

補劉先生祁

神川講友

宋石學案補遺目錄

五 四明叢書

約原刊本

陳先生時可

楊氏門人

元先生好問

別見明道學案補遺

王先生鶚

別見蘇氏蜀學略補遺

洛川門人

孟先生宗獻

趙先生颯

見上檢山門人

張先生璧

趙先生端卿

曾祖弼父握

趙氏講友

高先生仲震

遜齋續傳

王先生國綱

克氏門人

安先生常

黃山門人

王先生仲先

見上榆山家學

申屠家學

宋元學案補遺

目錄

六

四明叢書
約園刊本

申屠先生致遠

別見泰山學案補遺

神川門人

王先生惲

別見張祝諸儒學案補遺

宋元學案補遺卷一百

後學 鄞 王梓材 同輯
慈溪 馮雲濠

屏山鳴道集說略補遺

劉氏先緒

中大劉南山先生摛

劉摛字仲謙宏州順聖人當遼金革命擾攘際學未嘗一日廢天會二年以詞賦第一人中選先生勵精種學文詞卓然天成其後學者如孟宗獻趙樞張景仁鄭可聃皆取法焉釋褐右拾遺兩貳大理寺出刺石州累官

宋元學案補遺 卷一百

一四明叢書

約圖刊本

中大夫年六十三卒先生性渾厚見義固執待物以誠好誘掖後進素愛渾源山水幽勝買田家焉晚號南山

翁 王秋澗文集

運判劉西崑先生汲 附弟渭

劉汲字伯深南山翁長子穎悟絕人早傳家學與弟渭仲清同擢天德三年進士屢爲州縣有聲累官西京路轉運司都勾判官平生寡合不羈慕郭林宗黃叔度之爲人晚節倦于游宦放浪山水間以遺興讀書爲樂稱西崑子卒年五十八有西崑集行于世李之純引其端

主簿劉善人先生似

父濬

劉似字稚章南山翁之孫父濬博學強記用蔭入仕至安遠大將軍饒陽令先生孝敬友愛出于天性力學能文稱其家聲用恩賜第華州教授主沂水縣簿遺文雄深簡古有乃祖風嘗訓子孫曰爲士當先行檢如絲之潔將立其身慎無點污汝佩吾言則無忝矣屏山李純甫表其竈曰善人劉公之墓子從益

王秋澗文集

楊氏先緒

宋元學案補遺 卷一百

一一四明叢書

約園刊本

處士楊先生青

楊青樂平人文獻公雲翼曾祖處士嗜讀書而不事科舉嘗誨其子孫言聖人之道無他至誠而已誠者何不自欺之謂也蓋誠之一物存諸己則忠加諸人則恕是道也出于人心誰獨無之然今山野小人有能行而世之才智士大夫或有愧焉吾百不及人獨此事不敢不勉耳若等能從吾言真吾子孫也

元遺山集

南山門人

判官王遯齋先生元節

附弟元德

王元節

雲濠案歸潛志作元期

字子元弘州人壻于南山翁傳其

賦學第進士雅尙氣節不能從俗俯仰故仕不達既罷

密州觀察判官卽閒居鄉里以詩酒自娛號遯齋老人

年五十餘卒弟元德亦第進士有能名于時終于南京

路提刑使

中州集

周氏師承

王先生去非

附門人班忱

王去非字廣道平陰人嘗就舉不得意卽屏去督妻孥

耕織以給伏臘家居教授束脩有餘輒分惠人弟子班

宋王學案補遺

卷一百

三四明叢書

約園刊本

忱貧不能朝夕一女及笄先生爲辦資裝嫁之大定二

十四年卒年八十四

金史

醇德先生語

善者吾獎之不善者吾勉之誠均入于善奚必擇

君子得志則行道不得志則明道明道者不必與邪說

辨辨而勝猶激怒之其害道滋甚故曰孰將闢之寧自

翼之孰將駁之寧自扶之邪說之勝久矣善爲道者其

在扶而翼之歟

附錄

党承旨表其墓曰先生束髮知問學爲文章不喜爲進
取計嘗試有司不合卽屏去益探六經百家之言務爲
博瞻該詣又雜取老莊釋氏諸書采其理要貫穿融會
折諸大中要本于吾儒修身養性之道自信而力行之
其發于誠接于物者求諸古人或難焉鄉鄰化服翕然
咸尊師之

又曰先生之教人皆因其材而勉其可至凡所答問皆
孔子教仁教孝之意或挾□□則就其所學而引之正
有□□釋氏之戒定慧道家之攝生者則對曰易之寂

宋元學案補遺 卷一百

四四明叢書
約園刊本

然感通中庸之中和詩之思無邪若是者非定慧歟孔
子語顏淵視聽言動勿以非禮非戒歟易之慎言語節
飲食孟子之養心寡欲非攝生歟蓋未嘗深詆佛老而
其徒頗自棄其學而歸焉

又曰先生沒門人議諡之皆曰先生之德所謂大醇者
非耶乃名曰醇德

又曰懷英昔者宦學山東是時東阿張子羽任平馬定
國奉符王頤東平吳大方與其兄大年郭弼憲趙愨申
公綽諸公與先生相友善論講道義援據古今以孔孟

所傳爲諸儒倡其後出者聞于朝處者行于鄉雖隱顯不同而先生之譽得友而章者已廣矣諸公相繼去世幾廿年先生獨無恙其力道益強傳道益宏信于人者益著士大夫聞先生之風過者必見居者必式焉石峽舊以安樂名鄉邑從事之賢者改曰居賢著其行也又曰先生之道蓋與韓愈氏歐陽氏同所以行之者或異二子達而顯其用力易故剛以決先生窮而約其用力難故順以化所遭者然也君子論其功與二子表裏云

廣道學侶

翰林王榆山先生去執

王去執字明道醇德先生之從弟也幼好學長應進士舉一試不合卽拂衣去乃閉門益究經傳百家之說古今上下經緯異同靡不淹貫遂與醇德齊名生平所學皆天人之極致經綸之遠業以父母多病于黃帝內經老子攝生之旨尤盡心焉旣入翰林議論長而理趣深不斤斤求合于古人而卒與古人合未幾卒先生家榆山故以爲號云年五十有九

王氏同調

副使姬正叔先生平叔

姬平叔本姓宗避簡肅廟諱改氏曰姬字伯正一字正叔汝陽人與人交怡聲下氣恂恂若無能至臨大事遇大患雖頽嵩岳不吾壓也此一反生平不喜佛讀道書拳拳如奉戒律寡言笑不飲酒屏絕聲氣年四十餘喪其配遂不復娶終身無媵妾此二反家素殷羨未嘗有綺繡之奉鐘鼎之食視一物若靳惜至田宅之券盡推以與其姪輩而弗子曰吾先兄之所積也此三反嘗語

宋元學案補遺

卷一百

六四朔敵書
約園刊本

人曰吾有三反第不足道既第必樹名節年六十必致仕中大定二十五年進士第調唐州司候授監察御史改左學博士未幾黜爲彰德府判官除大理司直轉寺丞是時輦轂不雨久繫冤獄坐主者罪反爲所擠奪一官歲餘授知盤安軍節度副使俄規措東北路軍儲卒年五十有九常奏對以君子小人爲言上遣近侍局使李仁惠問小人爲誰以仁惠對上聞之愕然及其歿而仁惠敗天下哀其忠云

澠水文集

附錄

趙溢水表其墓云世之知平叔者其卓絕之行忠義之節臨窮達處禍福無愧于古君子或以爲勉強自苦或以爲蔽室不通孰知平叔之賢凡以知道故也

又曰公嘗語人曰凡聲色勢利之屬皆客氣也人能無以客氣害其良心斯幾矣故予以爲知道

又祭先生文曰司馬之伸平叔之躋易地皆然人無異

議

党氏師承

蔡先生松年

附子珪

宋元學案補遺卷一百

七四明叢書約園刊本

蔡松年字伯堅父靖以宋燕山府降金元帥府辟先生爲令史除眞定府判官自此爲眞定人歷拜右丞相封衛國公卒年五十三加封吳國公諡文簡先生事繼母以孝聞文詞清麗尤工樂府與吳激齊名時號吳蔡體有文集行于世子珪字正甫中進士第累改工部員外郎號爲辨博及遷禮部郎中封眞定縣男卒有補正水經五篇合沈約蕭子顯魏收宋齊北魏志作南北史志三十卷續金石遺文跋尾十卷晉陽志十二卷文集五

十五卷 金史

□□□□

縣丞崔先生憲 附劉器博翟瑜

崔憲字子真良鄉人先生學爲人師行爲世表以大定二十九年卒于官年五十有二官止于孝義縣丞與同邑劉器博翟瑜以道義相友善左司郎中劉昂其門人也 滏水文集

王蘇學派

補翰林李屏山先生純甫

梓林謹案屏山名字一作名之純字純甫者譌

宋元學案補遺卷一百

八四明叢書約園刊本

鳴道集說

雲濠謹案直齋書錄解題儒家類諸儒鳴道集七十二卷云不知何人所集涑水濂溪明道伊川橫渠元城上蔡無垢以及江民表劉子彝潘子醇凡十一家其去取不可曉蓋其書本宋人而屏山爲之說云

屏山文集

儒者之言與方士之說不兩立久矣請以近諭諸君嘗見夫海乎汪洋澄渟浩無涯涘際空如碧白波不興魚龍鴻洞不水其水此儒者之所謂日用而不知者隱然而風雷震劃然而蛟龍鳴非不砰礮可喜大抵索隱行

怪君子不爲彼方士之所慕吾儒之所羞也山東賢士
大天觀水于其瀾必有能辨之者 棲霞縣建學廟碑

人心不同如其面其心之聲發而爲言言中理謂之文
文而有節謂之詩然則詩者文之事也豈有定體哉故
三百篇什無定章章無定句句無定字字無定首大小
長短險易輕重惟意所適雖役夫室妾悲憤感激之語
與聖賢相雜而無愧亦各言其志也已矣 劉西巖集序

附錄

以文酒爲事人有酒見招不擇貴賤必往往輒醉亦未

宋元學案補遺卷一百

九四朔錄書

荊園刊本

嘗廢著書

天資喜士後進有一善極口稱推一時名士皆由公顯
于世又與之拍肩爾汝忘年齒相歡教育撫摩恩若親
戚故士大夫歸附號爲當世龍門 以上歸潛志

其自贊曰軀幹短小而芥視九州形容寢陋而蟻虱公
侯語言蹇吃而連環可解筆札訛廢而挽回萬牛寧爲
時所棄不爲名所囚是何人也邪吾所學者淨名莊周
王濬南復屏山交說曰狂生旣以交說規慵夫已尋以
忤物獲罪杜門索居將無意乎世慵夫因人而奇聲曰

子之病果革矣已實行之謂人之危憫我將顛而子則先是何其言之近似而踐迹之乖歟子之病革怨之不可媒也禍之不可賈也雖微子言吾寧不知逐逐而羣疇非吾鄰形交跡接何者可絕鍊修調適之善而吾病始兆悟而藥之治養以方寬中溫外茹柔吐剛駐其明而內視凝其聰而反聽行之期月乃復其常心平氣和百邪不攻乃愈而康子獨日臻以達膏肓醫望而走無施其良嗟夫殆哉無以招之彼孰汝尤無以結之彼孰汝仇待物太狹謀身未周睢盱彷徨蔑視九州羣讎以

咻凶乘禍鳩勢窮力竭而投諸囚以伏于幽闕氏之與居槁伯之爲游悒悒兮而私自憐子子乎其遺此而無求也吾絕物耶抑子絕也山淵之峻子將趨而過今胡其摧汝車而沈汝舟豺虎之毒子將不之接今胡其齧汝趾而齒汝喉出于外者亦既然矣伏于中者竟如何哉顧嘗憂我今爲子憂蓋將持吾之所以自治者而復以治子豈能從我而翼其少瘳乎狂生聞之不覺汗下又道學發源後序曰國家承平旣久以經術取人使得參稽眾論之所長以求夫義理之真而不專于傳疏其

所以開廓之者至矣而鳴道之說亦未甚行三數年來其傳乃始浸廣好事者往往聞風而悅之今省庭諸君尤爲致力慨然以興起斯文爲己任且將與未知者共之此發原之書所以汲汲于鋟板也

耶律文正序屏山鳴道集曰江左道學倡于伊川昆季和之者十餘家涉躐釋老膚淺一二著鳴道集食我園楹不見好音誣謗聖人龔瞽學者噫憑虛氣任私情一譖一毀獨去獨取其如天下後世何屏山哀矜著鳴道集說廓萬世之見聞正天下性命發揮孔聖幽隱不揚之道將攀附游龍駸駸乎吾佛所列五乘中人天乘之俗誦疆隅矣鳴道諸儒力排釋老拌陷韓歐之隘黨孰如屏山尊孔聖與釋老鼎峙耶

又序屏山楞嚴外解曰余故人屏山居士率引易論語孟子老氏莊列之書與此經相合者輯成一編謂之外解寶漸誘吾儒不信佛書者之餌也

又序糠孽教民十無益論曰昔屏山居士序輔教編有云儒者嘗爲佛者害佛者未嘗爲儒者害誠哉是言也蓋儒者率掌銓衡故得高下其手其山林之士不與物

競加以力孤勢劣曷能爲哉

又序屏山金剛經別解曰昔子與屏山同爲省掾時同僚譏此書以爲餌酸餽之具予尙未染指于佛書亦少惑焉今熟繹之自非精于三聖人之學者敢措一辭此書乎

又書金剛經別解後曰屏山先生幼年作排佛說殆不忍聞未幾翻然而改火其書作二解以滌前非所謂改過不吝者余于屏山有所取焉

梓材謹案湛然諸序其傾倒于屏山至矣盡矣又題西庵歸一堂詩序云搏霄元帥築西庵于廳事

宋元學案續編

卷一百

十四明誠書

約園刊本

之隅以舍沙門建歸一堂置三聖廟貌屏山居士有云卷彼淵于聖學之域徹藩籬于大方之家搏霄之謂乎搏霄謂賈非熊當時習染佛子轉相矜詡如是甚矣其可畏也

元遺山中州集曰屏山爲舉子曰自不碌碌于書無所不闚而于莊周列禦寇左氏戰國策爲尤長文亦略能似之三十歲後徧觀佛書能悉其精微旣而取道學書讀之著一書合三家爲一就伊川橫渠晦菴諸人所得者而商略之毫髮不相貸且恨不同時與相詰難也元遺山誌雷希顏曰之純以蘇州軍事判官上書論天下事道陵奇之詔參淮上軍詔驛遣之太和中朝廷無

事士大夫以宴飲爲常之純于朋會中或堅坐深念咄咄嗒若有旦夕憂者或問其故之純曰中原以一部族待朔方兵然竟不知其牙帳所在吾見華人爲所魚肉去矣問者訕笑之未幾北方兵動之純從軍還知大事已去無復仕進意蕩然一放于酒未嘗一日不飲亦未嘗一飲不醉談笑此世若不足玩者

王忠文公序鳴道集說曰屏山資識英邁取先儒之說箋其不相合者著爲成書遺山元公嘗以中原豪傑稱之謂其庶幾古者立言之君子

宋元學案補遺 卷一百

十三 四明叢書

約園山房

梓材謹案華川謂屏山之文略似莊列諸書其言當是也至謂其學術不苟同于眾人而惟道之是合恐不足以服諸儒要之屏山學術之偏陂當以純翁謝山之說爲定論云

謝山鮎埼亭詩集簡師編修近忽佞佛至誠且篤貽六絕句以諧之其一曰先生經術更無儕不是元城卽了齋莫似屏山鼓狂舌生薑樹上妄安排原注屏山謂李純甫

雷氏先緒

運同雷學易先生思

雷思宇西仲渾源人舉進士累官大理寺持法寬平後

同知北京轉運使事嘗註易有易解季子淵

姓譜

屏山講友

修撰王黃華先生庭筠

父遵古

王庭筠字子端熊岳人父遵古字仲元正隆五年進士仕爲翰林直學士才行兼修道陵所謂昔人君子者也先生早有重名大定十六年甲科歷州縣用薦者俱用翰林承安中爲言事者所累謫鄭州幕官未幾復應奉稍遷修撰卒官年四十七平生愛天平黃華山水居相下十年自號黃華山主有集傳于世屏山故人外傳云

宋元學案補遺

卷一百

十四四明叢書

約園刊本

子端名家子風流醞藉冠冕一時爲人眉目如畫美談笑俯仰可觀外視若簡貴人初不敢與接一見之後和氣津津溢于眉宇間又其折節下士如恐不及苟有可取極口稱道之故人人恨相見之晚也

中州集

梓材謹案金史先生本傳云從游者如韓溫甫路元亨張進卿李之度其薦引者如趙秉文馮璧李純甫皆一時名士世以知人許之

黃華遺文

人之思出于心心爲俗物所敗則亂故治心者先去其敗之之物然後安旣安而思則思之精

香林館記

補資善趙溢水先生秉文

梓材謹案劉氏歸潛志云公幼年詩與書皆法子
端後更學太白東坡字兼古今諸家學及晚年嘗
大進詩專法唐人魁
然一時文士領袖

溢水文集

夫道足以爲萬世法而澤足以爲萬世祀是將有以備
制法闡百聖參天地之化育後天地而不亡者矣故桀
紂爲獨夫而仲尼得通祀景公有馬千駟民不稱夷齊
到今稱之德之在人焉可誣也況乎有聖人之德都天
子之位道出百王之上而教傳百世之下者哉

乞伏村
堯廟碑

宋元學案續遺

卷一百

五

四明叢書
約園刊本

言有非耶行有違耶君子之棄而小人之歸耶

日省
齋銘

古之君子不以外傷內視貧富貴賤死生禍福皆外物
也隨所遇而安之無私焉譬之水升之則爲雨露霜雪
下之則爲江河井泉激之則爲波瀾之則爲淵千變萬
化因物以賦形及其至也推而放諸東海而準故君子
取平焉斯不亦無適而不安乎

適安堂記

天地之大以無心也何嘗擇善人而賞之惡人而罰之
譬如一氣之所春一雨之所滋甘苦美惡蕃然並育至
其華者實條者榦霜降水落萬物皆虛而松柏傑然于

歲寒之後其不變者可必也

種德堂記

法書不必嗜不必不嗜嗜書近乎僻不嗜近乎隘人不
能無所嗜寧僻無隘

寶墨堂記

自唐舜禹相授以精一大中之道歷六七聖人至孔子
而大備其精則道德性命之說其人則禮樂刑政經綸
君臣父子兄弟夫婦朋友之大經立天下之大本贊天
地之化育其教人始于戒慎恐懼于不見不聞之間其
極至于配天地高明博厚其學始于致知格物正心誠
章至于治國平天下下至道術陰陽名法兵農一本于

宋元學案禮道卷一百

十六四明叢書

約園刊本

儒裁其偏而救其失要其歸而會之中本末具備精粗
一致無大高極行之論無荒唐怪誕之說聖人得其全
賢者得其偏百姓日用而不知天地以此位日月以此
明江河以此流萬物以此育故稱夫子與太極合德豈
不然耶

凡天之所以授我者與聖賢同而未免爲鄉人者利欲
蔽之耳人欲日消天理日明而吾之心乃天地之心也

仁遠乎哉勉之而已

以上葉縣學記

自古忠之大者未有若周公者也以成王年幼恐其荒

怠作無逸一篇以伸勸戒舉殷三賢王及周文王皆以憂勤得壽考之福其意欲使祚胤長遠又欲其君憂勤無逸頤愛精神壽考無窮以至成王享國長久刑措四十年而不用至今稱爲賢王之首此皆周公篤實愛君之力也

無逸直解自序

唐賢雖見道未至而有忠厚之氣至于宋儒多出新意務詆斥忠厚之氣衰焉學聖人之門豈以勝劣爲心哉

中說類解引

天地有大順至和之氣自然之理根于心成于性雖聖

宋元學案補遺

卷一百

十七四明叢書

約園刊本

人教人不能與之以其所無有疾苦必呼父母此愛之見于性者也有悖逆愧生于其心此敬之見于性者也然愚者知愛而不知敬賢者知之而不能擴而充之以及天下非孝之盡也

道學發源引

郡縣之制可以大治亦可大亂封建之制不可大治亦卒不至大亂人主權其輕重可也

侯守論

在易之蠱曰先甲三日後甲三日說者曰甲爲春仁也庚爲秋義也蠱者物壞而有事之時治蠱之道不可以亟也于卦一陽生而爲復二爲臨三爲泰四爲大壯五

爲夬夬決也以五陽而決一陰猶戒之曰健而說決而和柔乘五剛也然則聖人之意亦可見矣

東漢論

小人不知大體而寡小過苟得苟合易進而難退君子知大體而不免小過不苟得不苟合難進而易退人主者赦君子之小過而不怵于小人之寡過以責其遠者大者亦庶乎其可也

知人論

直之名一而其別有四有直而陷于曲者有曲以全其直者有直而過于直者有直以遂其直者其父攘羊而子證之此直而陷于曲者也魯昭公娶于吳孔子以爲

宋元學案補遺

卷一百

十六四明叢書

約園刊本

知禮此曲以全其直者也國武子以盡言見殺洩治以諫死此直而過于直者也齊魯之會孔子歷階而進齊梁之見孟子不肯枉尺而直尋此直以遂其直者也此亦可以辨是非在君子而必知有所擇矣

直論

虛心有道惟誠能虛能盈能動能靜虛而不誠則餒盈而不誠則亢動而不誠則躁靜而不誠則槁皆非道之正也故曰不誠無物

題異壺圖

予嘗怪太史公傳扁鵲倉公行事并載其治法之詳如此而王公大夫功業無聞者略而不及一言何也旣而

歎曰此後世作史冗長無法徒爲紛紛而太史之書言簡而事核獨爲良史之法者也有一人之人有百千萬人之人有百世之一人有千萬世之一人之二人亘千百世千萬人之一人者非耶可使以其技無聞也哉任子

山嶺

孔子稱有殺身以成仁無求生以害仁夫所謂仁者豈特立言踐行循循醇謹而已哉必將有至誠惻怛憂國之心遇不可必行其志而已也

廣平郡王完顏公神道碑銘

附錄

宋元學案補遺 卷一百

十九 四明 嚴 齊 約園刊本

公自幼至老未嘗一日廢書不觀

楊文獻溢水文集引曰其所爲文章粹然皆仁義之言也蓋其學一歸諸孔孟而異端不雜焉故能至到如此所謂儒之正理之主盡在是矣天下學者景附風靡知所適從雖有狂瀾橫流障而東之其有功吾道也大矣元遺山誌其墓曰公至誠樂易與人交不立崖岸主盟吾道將四十年未嘗以大名自居

又爲閑閑眞贊曰周旋于王廣道宗平叔之間而獨能紹聖學之絕業斂避于蔡無可党竹溪之後而竟推爲

斯文之盟主不立崖岸之謂和不置町畦之謂誠不變燥濕之爲定不污泥滓之謂清藹然粹溫見于丹青雖無老成人尙有典型鳳衰無周龍移啓魏殄瘁攸屬古爲悲歆人知爲五朝之老臣不知其爲中國百年之元氣

郝陵川爲太極書院記曰宋濂溪周子創圖立統以爲道學宗師而傳之河南二程子及橫渠張子繼之以龜山楊氏廣平游氏以至于晦菴朱氏中間雖爲京檜侂胄諸人梗踏而其學益盛江淮之間粲然沫泗之風矣

宋元學案補遺卷一百

二十四明叢書

約園刊本

金源氏之衰其書浸淫而北趙承旨秉文麻徵君九疇始聞而知之于是自稱爲道學門弟子及金源氏之亡淮漢巴蜀相繼破沒學士大夫與其書遍于中土于是北方學者始得見而知之然皆弗得其傳未免臨深以爲高也

監使王先生特起

附師張大節

王特起字正之代州崞縣人知識精深好學善論議長于辭賦出入經史在張代州大節門下與屏山爲忘年友泰和三年進士甲科令沁源又遷司竹監使朝議欲

以館職召試會卒

中州集

梓材謹案中州集張代州傳云字信之五臺人天眷中進士歷橫海軍節度使吏部尚書明昌初請老特授雁門節鉞信之好獎進士類滄州徐遵太原王澤大興呂造經其指授卒成大名又言其子嵩叟字夢弼亦第進士歷嵐潞懷三州節度終于集慶軍屏山謂吏事不及乃父而以長厚見稱

御史史澹軒先生肅

史肅字舜元京兆人僑居北京之和衷天資挺特高才博學優于政事而不苛所至有聲吏畏而安之累以廉陞歷赤縣及幕官入爲監察御史遷治書出刺通州大

中黨獄起爲所誣謫靖難軍節度副使大安初召爲

宋元學案補遺卷一百

三四明叢書

約屬刊本

中都路轉運副使超戶部正郎復坐鑄降同知汾州事卒官先生尙理性之學屏山學佛自先生發之詩號澹

軒遺藁

中州集

監倉高唯菴先生斯誠

高斯誠字法颺大興人至寧九年經義魁也讀書有學問與王從之李之純游而詩文恬澹自得初調鳳翔府錄事爲行部檄監支納陳州倉因忤郡魁吏媾之下獄幾死已而赦免病終頗喜浮屠自號唯菴

歸潛志

李超學侶

補御史劉蓬門先生從益

梓材謹案金史先生本傳稱其博學強記精于經學云

附錄

間居淮陽與諸生講明伊洛學久之選令葉縣大起孔子廟既樹教本集諸生肄習其中風化大行考課爲河南最

趙溢水爲遺愛碑曰起爲葉令下車修學詔義尊善却惡一之曰勵而教之二之曰惠而安之奸吏惡少望風革面君曰未也事有大于此者華劇邑也路當要衝餘入七萬餘石自擾攘之後戶減三之一田不毛者千七百雲濠案中州集作萬七千畝下文二萬作一萬自歸者數千作二千餘家而賦仍舊可乎請于大司農減二萬石賴以濟流民自歸者數千

溢水講友

周迂齊先生馳附師李時亨門人吳子英

周馳字仲才濟南人經學出于醇德先生王廣道賦學出于泰山李時亨至于党趙又其忘年友也資性古雅而以襟量見稱大定中住太學屢以策論魁天下私試亦頻中監元家素饒財鄉人強以子弟從之學所得束

脩皆散諸生之貧者貞祐之兵濟南陷不肯降攜二孫赴井死鄉人葬之宅後之壽樂堂遼東人吳子英嘗從之學

中州集

梓材謹案泰山李守純見王醇德先生墓表又王榆山墓表泰山老人李時行蓋卽一人也

湓水同調

補 治中董無事先生文甫

附錄

元遺山中州集曰無事道人爲人淳質恬于世味于心學有所得人知尊敬之而不知其所以得也子安仁亦

宋元學案補遺

卷一百

三五四明叢書

約園刊

學道父子嘗閒居寶豐閉戶不出以習靜爲業朝夕不繼晏如也

文獻楊先生雲翼

楊雲翼字之美樂平人明昌五年經義進士第一人詞賦亦中乙科天資穎悟博通經傳至于天文律曆醫卜之學無不臻極事母孝與人交款曲周密處事詳雅而能以大節自任南渡後二十年與禮部閑閑公代掌文柄時人號楊趙而先生以後輩自處不敢當也興定末拜吏部尙書正大五年終于翰林學士年五十九謚曰

文獻評者以爲百餘年以來大夫士身備四科者惟先生一人而已

中州集

雲濠謹案先生所著有文集校大金禮儀續通鑑周禮辨左氏莊列賦又有五星聚并辨天象賦勾股機要象數雜說積年雜說藏于祔府

附錄

每召見公獨得賜坐且呼學士而不名初命講尚書公爲言帝王之學不必如經生舉子分章析句但知爲國大綱足矣因舉任賢去邪與治同道與亂同事有言逆乎汝心有言遜于汝志等數條一以正心誠意言之敷

宋元學案補遺

卷一百

三四四明叢書

約園刊本

釋詳明上聽忘倦尋進萬年龜鏡錄聖孝聖學之類凡二十篇

公見朝士廷議之際多不盡所欲言上下依違寢以成俗一日經筵畢因言人臣事君之道有二有所謂事君之禮有所謂事君之義禮不敢齒君之路馬蹴其芻者有罰入君門則趨見君之几杖則起君命召不俟駕而行受命不宿于家是皆事君之禮人臣所當盡者也然國家之利害生民休戚一在敷陳之間則向所謂禮者特虛器耳君曰可而有否獻其否以成其可君曰否而

有可獻其可以替其否危言正論期于益國補民而已
言有不從雖引裾折檻斷鞅鞞輪有不恤焉者若姑徇
事君之虛禮而不知事君之大義阿合取容國家何賴
焉上變色曰非卿朕不聞此矣

公自興定元光間病風痺至是稍愈上親問療之之術
對曰無他但治心耳此心和平則邪氣不干豈獨治身
至于治國亦然人君必先正其心然後可以正朝廷正
百官遠近萬民莫不一于正矣上矍然知其爲醫諫也
待二弟仲翼叔翼備極友愛家貴悉推與之至百負之

宋元學案補遺

卷一百

二五

國朝叢書
約園刊本

而不恨嘗語人于昆弟之間若以昆弟待之則容有不
可堪忍之事當以父母待之耳或以爲疑公曉之曰父
母吾不得而見之矣得見兄弟非父母而何此念一生
雖百世同居可也

典貢舉三十年門生半天下而于獎借後進初不以儒
宗自居所以教誘之者率君子長者之事益其所未盡
而勉其所可致苦言至戒或寓于疑口周密之間異時
想聞風采若龍門之峻朗出天外及一被接納則又恨
造之之晚也

元遺山爲神道碑曰若夫才量之充實道念之醇正政
術之簡裁言論之詳盡粹之以天人之學富之以師表
之業則我內相文獻楊公其人矣識者以爲中國之大
平治之久河岳炳靈實生人傑非宏衍博大之器如公
者曷足以當之降材爾殊取稱斯見商略前後擬倫名
勝惟其視千古而無愧是以首一代而絕出然則元光
正大以來大夫士推公爲中朝第一而不以百年計之
者知公爲未盡歟

主簿王沼川先生碣

附鄭元興

宋元學案補遺

卷一百

三

國朝叢書

約園刊本

王礪字逸賓號遺安先生其先臨沼人先生實生于汴
梁常以沼川自號不忘本也初學詩于伯父震落筆驚
人加之孝于親友于弟誠于人篤于己遠近論大行必
曰王逸賓孟宗獻友之張璧叔獻趙灑文孺皆師尊之
明昌末詔舉德行才能之士鄉人耆德諸生五百餘人
薦先生孝義忠信文章爲世師表朝廷以素知名特賜
同進士授鹿邑主簿先生年幾七十卽日移文有司以
老疾乞致仕泰和三年卒先生教人先行後文與人交
終始不易其詩冲澹而潔似韋蘇州趙秉文於明昌間

轉河南轉運幕過相謁坡軒居士酈元興居士曰君知
王逸賓乎斯人當今顏子也君不可不掃門求見之既
見曰酈公知人矣自是之後虛往實歸云

益水文集

附錄

元遺山中州集曰明昌中故相馬吉甫判開封舉逸賓
王彥功游宗之德行才能逸賓得鹿邑主簿就乞致仕
彥功以親老調鞏州教官宗之讓不受三人者雖出處
不齊而時人皆以高士目之

蓬門講友

宋元學案補遺 卷一百

毛西明叢書

約園刊本

治中時拙庵先生箴

時箴字天保後改字多福滄州人官治中少爲人奴後
讀書爲學第進士其主良之南渡爲監察御史歷清要
致仕卒爲人純厚好學多讀易左氏春秋君子儒也自
號拙庵與劉京叔家三世交

歸潛志

廣道家學

王先生守正

王先生守素

合傳

王守正守素醇德先生之二子也皆好學樂善不慕榮

利得先生之志

覺竹溪集

廣道門人

文獻覺竹溪先生懷英

覺懷英字世傑故宋太尉進十一代孫焉翊人父爲秦安軍錄事參軍卒官不能歸因家焉應舉不得意遂脫略世務放浪山水間簞瓢屢空晏如也大定十年中進士第調莒州軍事判官累除翰林待制兼同修國史先生能屬文工篆籀當時稱爲第一學者宗之嘗與鳳翔府治中郝俱充遼史刊修官再遷國子祭酒侍講學士翰林學士承安二年乞致仕改泰寧軍節度使明年召爲翰林學士承旨久之致仕大安三年卒年七十八諡

文獻 金史

宋元學案補遺 卷一百

天四明叢書 續圖刊本

梓材謹案元遺山中州集有先生傳云少穎潁日授千餘言師毫社劉崑老濟南辛幼安其同舍生也是先生與辛氏同學不獨一師也傳又云夫人石氏徂徠先生之後亦能安貧守分云云蓋本諸趙滏水所作先生墓碑

文獻遺文

六藝者夫子所以傳唐虞三代之道眾流之所從出而儒爲之源也 曲阜重修至聖文宣王廟碑

周迂齋先生馳見上滄水講友

榆山家學

府判王錦峯先生仲元

王仲元字清卿東平人廣道先生之姪也官府判工書

法趙黃山自號錦峯老人卒于京兆幕歸潛志

梓材謹案歸潛志本作廣道之孫考黃山表榆山墓云生子仲元清修端愿文稱其德元文類載楊奐為先生墓表云廣道先生之從子明道先生之子世以儒道著一時名公鉅人若克懷英趙颯皆師尊之是先生為榆山之子而榆山兄弟本黨趙之師也墓表又云先生用薦者召應奉翰林文字改陝西路轉運判官以貞祐四年卒于官舍

宋元學案補遺 卷一百 五十四 明叢書 約園刊本

附錄

嘗知阿平縣憲司以簡靜聞退食擁琴書不出遇會心

者雖對談竟日未聞貴游可喜事

榆山門人

郎中趙黃山先生颯

趙颯字文孺東平人第進士明昌末終于禮部郎中性

冲澹學道有得黃山其自號也有黃山集行于世中州集

雲豪謹案金史先生本傳言其尤工書趙秉文云颯之正書體兼顏蘇行草備諸家體其超放又似楊凝式當處蘇黃伯仲間克懷英小篆李陽冰以來鮮有及者時人以颯配之號曰克趙云

蔡氏門人

党先生懷英 見上廣道門人

忠敏辛稼軒先生棄疾 別見晦翁學案補遺

崔氏門人

左司劉先生昂

劉昂字之昂興州人大定十九年進士天資警悟律賦

自成一泰和初自國子司業擢左司郎中降上京留

守判官道卒 中州集

雲濠謹案金史先生本傳引屏山故人外傳言其
早得仕年三十三為尙書省掾調平涼路轉運副

宋元學案補遺 卷一百

三四明叢書 約副刊本

使時術士有言其官止五品不信俄以母憂去職
連蹇十年卜居洛陽有終焉之志有薦其才子章
宗者自國子司業擢為左司郎中會掌書大中與
賈鉉漏言除授事為言者所劾獄辭連之章宗震
怒降上京留守判官
卒竟如術者之言

屏山門人

補 御史雷季默先生淵

附錄

改東平府錄事以勞績遙領東阿縣令東平河朔重兵
處也驕將悍卒不可制先生出入京中偃然不為屈不
數月家有先生畫像雖大將亦不以書生遇之

正大初拜監察御史時主上新卽位宵衣旰食思所以
宏濟艱難者爲甚力希顏以爲天子富于春秋有能致
之資乃拜章言五事大略謂精神爲可養初心爲可保
人君以進賢退不肖爲職不宜妄費日力以親有司之
事上嘉納焉

先生學甚博文甚奇生平慕孔融田疇陳元龍之爲人
先生之友高廷玉李純甫亦以奇節自負人號之爲三
傑

梓材謹案元遺山誌先生墓亦云南渡以來天下
稱宏傑之士三人曰高獻臣李之純雷希顏又云

宋元學案補遺卷一百
三四明叢書

凡此三人者行輩相及交甚歡氣質亦略相同又
云一時有重名者非不多獨以獻臣爲稱首獻臣
之後士論在之純之純之後在
希顏則先生行輩後于屏山矣

補
翰林宋先生九嘉

附錄

元遺山中州集曰飛卿不喜佛法自言平生有三恨一
恨佛老之說不出于孔氏前二恨辭學之士多好譯經
潤文三恨大才而攻異端

庫使劉先生昂霄

劉昂霄字景元別字季房陵川人其學無所不闕六經

百代外世譜官制與兵家所以成敗者爲最詳嘗用門
資調慶陽軍器庫使不就卒年三十七

中州集

雲濠謹案歸潛志字景賢博學能文從
屏山游又與雷希顏章敬之元裕之善

高先生永

高永字信卿出于盤陽

梓材案歸潛
志作漁陽

大族讀書略通卽

棄之去貞祐初避太原南渡居高州出入屏山之門其

學遂進初名夔字舜卿又名揆屏山改焉卒年四十六

中州

集

敬先生鉉

詳見北山四先生學案

宋元學案補遺

卷一百

三

四明叢書
約園刊本

雷氏同調

補

主簿周放翁先生嗣明

周嗣明字晦之眞定人叔昇德卿名士文章氣勢一時

流輩推之屏山最愛之嘗曰若德卿操履端重學問淳

深眞韓歐輩人也先生爲人有學長于議論自號放翁

屏山嘗爲作眞贊與雷宋張李輩頡頏

歸潛志

附錄

元遺山中州集曰晦之短小精悍有古俠士風年未三

十交游半天下長于義理之學下筆數千言初不見其

所從來主澗水簿從其叔北征得還而不忍去使晦之不死文字不及其叔而理性當過之嘗謂學不至邵康節程伊川非儒者也其說類此

劉房山先生伯熙

劉伯熙字善甫燕人年十六入國學喜爲詩文章犖有聲與雷御史希顏齊名號曰雷劉崇慶之變遂不就舉貞祐初入汴金亡而復歸燕往來燕趙之間二十餘年復如汴卒于旅次年七十四房山其自號也先生資度瑰偉面若頰玉出于宦族而交一時鉅公故王綱國體大禮經制無不洞練如性理象數經學文章皆能道其抵要其書法出于二王尤善眞行小楷

郝陵川集

黃華門人

判官高先生憲

高憲字仲常遼東人黃華之甥幼學于外家故詩筆字畫俱有舅氏之風天資穎悟博學強記泰和三年乙科登第釋褐博州防禦判官遼陽破歿于兵間

中州集

韓先生玉

韓玉字溫甫其先相人曾祖錫仕金以濟南尹致仕先

生明昌五年經義辭賦兩科進士入翰林爲應奉應制
一日百篇文不加點歷授河平軍節度副使且覘其軍
先是華州李公直以都城陷絕諫舉兵入援而先生恃
其軍爲可用亦欲爲勤王之舉傳檄州郡京兆統軍使
謂公直據華州反使者覘先生軍疑預公直之謀先生
道出華州被囚死于郡學臨終書二詩壁間士論冤之

金史

臨終遺子書

此去冥路吾心浩然剛直之氣必不下沈兒可無慮世

宋元學案補遺 卷一百

三四四明叢書

約園刊本

亂時艱努力自護幽明雖異寧不見爾

李六峯先生解

李澥字公渡相人少從王內翰子端學詩性寬緩笑談
有味居京十五年善處世不爲人所忌嫉雅有前輩典

刑累舉不第年六十餘卒于通許陳留之間

中州集

雲濠謹案歸潛志言先生自號六峯居士工
詩及字畫皆得法于黃華與趙閑閑諸公游

資善趙溢水先生秉文

詳上屏山講友

路先生元亨

路元亨

張先生進卿

張進卿

滄水門人

員外元遺山先生好問 別見明道學案補遺

文康王先生鶚 別見蘇氏蜀學略補遺

隱君申屠先生義 附解器之梁希然

申屠義字順之世居于汴幼好書務實踐從趙禮部秉文遊效其字法金季遷都河南占籍壽良隱于賈衡量必公其子致遠兒時問何事可立身先生督勸以學內

宋元學案補遺 卷一百

三五 四明藏書 約園刊本

師金進士解器之外師鄆牧嚴侯所聘梁希然遂成大器後任御史仕至廉訪僉事 吳文正集

尚書馮橫溪先生延登

馮延登字子駿吉州人國子祭酒擢刑部尚書平生以易爲業及安置豐州止以易一編自隨日夕研究大有所得既歸集前人章句爲一書曰學易記藏于家 中州集

梓材謹案秀水莊氏金文雅作者攷于先生云承安三年進士天興中官禮部侍郎城陷沒井死又言其于正大末北使見留降之不從羈管二年放歸卒以節見受詩法于趙閑閑有橫溪翁集今佚

趙遽然先生滋

趙滋字濟甫本出馮翊其大父來爲汴梁戶籍判官遂爲汴人先生號遽然子筆勢飛動得趙閑閑不傳之妙一時學閑閑者皆不及而閑閑亦有咄咄逼人之歎畫入能品詩學江西派

元遺山集

蓬門家學

補進士劉神川先生祁

梓材謹案雷希顏答先生詩云卽今海縣漫腥膻獨挽洙泗可先前迺公有志屏山賢二豪在日子牽連傷哉未售墳已顛老我欲種南山田子之兄弟其周旋事業絕口空言傳其序云京叔將拜掃于陳徵言爲贈老癩廢學茫無所得獨記其交屏山雲卿襟期所在者云

宋元學案補遺 卷一百

三六四 朔叢書 約園刊本

歸潛志

人之生有三樂有志氣之樂有形體之樂有性命之樂今吾旣不得時有志氣之樂又不富厚有形體之樂居荒山之中日惟藜藿之爲養其所享無一毫過于人捨性命其何樂哉

方士之術西方之教其有無誰能知因思吾道天地日月照明山河草木蕃息其間君臣父子兄弟夫婦禮文粲然而治國治家煥有條理賞罰黜陟立見榮辱生死窮通互分得失其明白如此豈有惑人以不可知之事

者哉而世之愚俗徒以二氏之詭誕怪異出耳目外則波靡而從之而飲食起居日在吾道中而恬不自知反以爲尋常者良可歎也

國之不可治猶可以治其家人之不能正猶能正其身使家之齊而身之修雖隱居不仕猶可謂得志故吾嘗曰雖天下未太平而吾一家獨不可太平乎是誠在我者也

六經中莫難窮者易莫難斷者春秋故子三十而學春秋以其壯而立志也四十而學易以長而多練事也

宋元學案補遺

卷一百

三十七

四明叢書

約園刊本

賢人君子得志可以養天下如不得志天下當共養之分人以財有時而盡分人以善百世不磨

張平章萬公父彌學座右銘有云欲求子孫先當積孝欲求聰明先當積學此至言也

爲善而遇災屯困窘者命也非分也爲惡而遇災屯困窘者分也非命也爲善而得富貴亨達者分也非命也爲惡而得富貴亨達者命也非分也

命分之理惟識者爲能辨之

慾心不死道心不生

寧使敬而疏毋使狎而親人敬而疏不失爲端士人狎而親恐流而爲小人獨不見冰雪與脂韋乎其所喻何如

厚于道味者必薄于世味厚于世味者必薄于道味士君子苟不爲世味所誘何名之不成何節之不立哉富貴爵祿世人所共嗜故忘身屈節而徇之惟君子視之爲外物得失付之自然苟與世人同安得爲君子保養乎身勿以壽夭委之天勤儉乎家勿以有無付之命強勉乎政勿以否泰歸之時忠愛乎君勿以昏明託諸上此所謂先盡人事後言天道先盡其立己者在人者初不計也定心之法莫善于此

凡事寧失之緩無失之急寧失之不及無失之過急者古人以爲病前輩有云優柔和緩又云天下事孰不因忙得錯了曷嘗令君緩不及事宜深思之

附錄

少穎異爲學能自刻勵有奇童目

弱冠舉進士廷試失意卽閉戶讀書務窮遠大涵濬鍛淬一放意于古文間出古賦雜說數篇李屏山趙閑閑

楊吏部雷御史王淳南諸公見之曰異才也皆倒屣出迎交口騰譽之

及與父御史公退居于陳相與講明六經直探聖賢心學推于躬行踐履自是振落英華收其真實文章議論粹然一出于正士論咸謂得斯文命脈之傳

壬辰北還鄉里躬耕自給築室榜曰歸潛

戊戌詔試儒人先生就試魁南京選充山西東路考試官後征南行臺拈合聞其名邀至相下待以賓友凡七年而卒

王鹿庵銘其墓曰神川力學洞鑿心胸明理貫道匪文奚工玉佩瓊瑤大振辭鋒導家學之淵流會百川而朝東章甫適越惜不時逢

郝陵川爲渾源先生哀辭引曰歲庚子經甫踰童獲拜先生于館舍而還南軻闊越八九歲己酉春先生往來燕趙間始得奉杖履格言義訓雖屢得聞而頑鈍椎魯之資捍棘而不入是以塵心槁思渴而未沃也庚戌春方負笈南邁以遂摳衣之問而凶訃掩至繼而其弟義季來以先生易簣時所付一書四十篇曰處言見示經

再拜雪泣讀之其辭汪洋煥爛高壯廣厚約而不缺肆而不繁其理則詣乎極而窮乎性命于死生禍福之際尤爲明析非世之所謂文章古所謂立言者也于是感愚志之不卒傷先生之不天憫吾道之不競恨憤惋激吐辭以哀之

王秋澗追輓之曰我自髡髻屢拜公執經親爲發顛蒙道從伊洛傳心事文擅韓歐振古風四海南山青未了一邱洹水恨何窮泫然不爲山陽笛老屋吟看落月空趙穆識歸潛志後曰神川一代偉人世爲賢獻之門其

宋元學案補遺

卷一百

四十一

四明叢書

約園刊本

所志窮理盡性以至于命進則以斯道濟當時退則以斯道覺後世以永聖脈一時士大夫尊師之人文之盛實所賴焉孟子謂君子所以教有成德者有達材者有私淑艾者神川私淑之徒成德達材彬彬輩出是身雖沒而道不沒也道寄于文文傳于世世傳其文卽傳其名矣夫何憾茲

神川講友

陳先生時可

陳時可字季玉自號寂通居士劉京叔之友

金文雅作者攷

陳氏遺文

易曰君子之道或出或處或默或語應處而出非道應出而處亦非道語默何異哉夫魚不厭深矣龍德則不然升潛以其時孔子聖之時者也乃所願則學孔子子謂顏淵曰用之則行舍之則藏其論逸民則曰我則異于是無可無不可良止也聖人象是卦曰時止則止時行則行動靜不失其時其道光明莊周陽擠陰助者也至其舉養生之道亦引仲尼曰無入而藏無出而陽柴主其中央豈有吾聖門弟子反專于潛之一字者耶

宋元學案補遺

卷一百

四

明叢書
約園刊本

堂銘
序

楊氏門人

員外元遺山先生好問

別見明道學案補遺

文康王先生鶚

別見蘇氏蜀學略補遺

洛川門人

同知孟先生宗獻

孟宗獻字友之開封人大定三年鄉府省御四試皆第一供奉翰林曹王府文學兼記室參軍以疾尋醫久之授同知單州軍州事丁母憂哀毀致卒

中州集

趙黃山先生颯

見上榆山門人

張先生璧

張璧字叔獻

奉直趙先生端卿

曾祖弼父凝

趙端卿字正之浙人遠祖以商販留東京因而家焉曾大父弼居通許以教讀爲業先生幼孤養于叔父澤天資簡重薄于世味少日父渥教以科舉之業而于經有所得定興五年釋褐徵仕郎守解州安邑丞卽閉戶讀書無復仕進意教誨子弟以孝弟忠信爲根本身自表

宋元學案補遺 卷一百

三

四明叢書

約園刊本

率使知踐履之實不徒事章句而已正大初召至史館力辭而去先生師尊王逸賓而高先生正之其交久而敬者也天興壬辰避亂京居車駕東狩崔立劫殺宰相都人聞變求死無所先生方與高正之對食顏色不少變投筯而起嘆曰知有今日久矣尙何言哉其七月二十八日以病卒于寓舍年五十有四用覃恩積官至奉

直大夫

元遺山集

趙氏講友

隱君高學易先生仲震

高仲震字正之號學易先生出于世家而能以清介自守究心于六藝之學隱居嵩山二十年人望之以爲神仙

元遺止集

遜齋續傳

御史王先生國綱

王國綱字正之元節孫業儒術尤長吏事爲人端重樂易或有忤者略不與校亦未嘗形于怒色大定三年試補尙書吏部掾累擢監察御史秩滿敕留再任開興元年關陝完顏總帥屯河中府與元軍戰敗績哀宗遣之

宋元學業補遺

卷一百

四

明叢書

約園刊本

乘上殿馬經詣河中間敗軍之由還至中途值元兵見殺時年四十四

金史

党氏門人

安先生常

安常字順之從党承旨學大篆多識古文奇字太和末曾見內府所藏湯盤作白玉方斗近四寸底銘九字卽德日新日日新又日新也

續夷堅志

黃山門人

府判王錦峯先生仲元

見上榆山家學

申屠家學

申屠先生致遠

別見泰山學案補遺

神川門人

文定王秋澗先生憚

別見張祝諸儒學案補遺

宋元學案補遺卷一百

宋元學案補遺

卷一百

四明叢書

約園刊本

宋元學案補遺別附卷一

目錄

宋儒博考

范先生質

高先生頤

聶先生崇義

崔先生頌

辛先生文悅

質先生儀

附弟儀侃何倍

宋元學案補遺別附目錄

竇先生儼

見竇儀傳

朱先生昂

附弟崑

陳氏師承

蔡先生蒙叟

焦先生□

和先生峴

附弟嶸

孔先生維

宋先生準

文先生祚

李先生沆

周先生頊

李先生覺

邢先生敦

孫先生成象 父雋附子頤

陳先生充

周先生儀

吳先生元震 父廷祥

慎先生知禮

宋元學案續編附目錄

慮先生禎

李先生士真

楊先生大雅

陳先生從易 合傳

閻先生路

周先生式 合傳

查先生道

陳先生堯 附子象之

向先生榮

高先生志寧

王先生口

宋先生惟亮

附門人任玠

李先生行簡

蔣先生至

丁先生度

父逢吉

陳先生耿

祖審交父象業

王先生絲

王氏學侶

宋元學案補遺附目錄

三

附本

沈先生僑

王先生世則

彭先生乘

黃先生敏求

魏先生京

張先生觀

陳先生希亮

附子悅格梅澆門人宋濬平

陳先生庸

附族弟諱

齊先生唐

羅先生孟郊

林先生巽

宋先生堂

陳先生之奇

黃先生孝綽

附子華

林先生概

茅先生知至

仲先生訥

朱先生采

宋元學案補遺附目錄

附錄

劉先生庚

附子常蒙

崔先生謙禮

李先生照

梅先生摯

蒲先生遠猶

楊先生構

附子持瓊玕瑁珠

張先生芻

房先生昭庶

附子審權

邵先生餽

陳氏家學

陳先生經 父尚附子察字察宰

張先生公裕

陶先生叔獻

王先生口 附子肱

張先生錫

李先生渤 附弟巖

沈先生括

侍其先生沔

宋元學案補遺別附目錄

五鳳齋叢書

約園刊本

柯先生述

馮先生口

李先生彤 附師張中行

于先生房

趙先生承慶

王先生岳

楊先生從

張先生俞

費先生求

胡先生堯卿 附子遵度遵道遵義章

余先生燾

句先生居體

李先生傑

李先生安國

黃先生誥

劉先生暉

呂先生防

姚先生舜仁 附兄舜哲

宋元學案補遺別附目錄

六朝叢書

約題刊本

韓先生謹

曾先生誦

范先生隱之

黃先生裳

丁先生璉

杜先生唐卿

王先生格 附陳軒

俞先生易直

李先生熙載

林先生絢 附弟絳

章先生棗

楊先生恕 附師王由

党先生禹錫

令狐先生揆

胡先生晏

楊先生總

李先生常寧 附子弼

史先生通

宋元學案補遺附目錄

七

國朝叢書
約園刊本

王先生定民

宋先生守之

藍先生奎

吳先生偕

郭先生大昕 父紘

林先生慮

仰先生忻

唐先生瞻

古先生革

曾先生存

陽先生孝本

王先生縉

林先生震

劉韓門人

李先生南仲

廖先生君玉

何先生大正

唐氏家學

宋元學案補遺別附
目錄

唐先生庚

馮先生寅

附族子晦

曾先生元忠

李先生琬

附門人謝結謝徽

林先生勳

林先生幹

蔣先生猷

蕭先生澍

附子正奇正章正立

王先生之才

八四明叢書
約圖刊本

張先生邦彥

許先生潤

李先生申之

陳先生謨

陳先生慥 台傳

汪先生杞

傅先生凝遠 父嵩

陳氏家學

陳先生與義

元學案補遺別附目錄

九

張先生志行

傅先生崧卿

王先生

鄭先生

毛先生 父通彥附子宏宣

朱先生德謙 附子洪孫禧曾孫和

雷先生度

范先生

馮先生安國

唐先生日宣

鄭先生綺 附六世孫文嗣

李先生邦獻

曹先生誦 附子延祐

魏先生文璉 附子穎

朱先生振

林先生立之

龐先生友仁 附門人張正素周道卿

查先生許國

宋元學案補遺別附目錄

周先生武仲

朝奉家學

陳先生應辰

宋元學案補遺別附卷一

後學 鄧王梓材 同輯
慈谿馮雲濠

宋儒博攷 上

魯國范先生質

范質字文素大名宗城人九歲能屬文十三治尚書教授生徒後唐長興四年舉進士累官戶部侍郎周廣仁初拜中書侍郎平章事兼參知樞密院事進位左僕射兼門下侍郎恭帝嗣位加開府儀同三司封蕭國公宋初加兼侍中進封魯國公卒年五十四先生力學強記

宋元學案補遺 別附卷一

一四 別附卷一
約屬五本

性明悟既登朝猶手不釋卷身沒家無餘資太祖因諭輔相謂侍臣曰朕聞范質止有居第不事生產真宰相也有集三十卷又述朱梁至周五代爲通錄六十五卷行於世 宋史

梓材謹案四庫提要于熊節所編性理羣書云其上及范質者以朱子作小學嘗錄其詩旁及蘇軾者則以司馬溫公行狀之故也

原孝

立身之謂道本道之謂孝上自天子下至於庶人未有不由而立也嗚呼爲孝之道是因乎心者焉孝有小大

性有能否君子小人亦各存其分也聖人之教布在方策不敢毀傷存其始也立身行道要其終也居必誠其心遊必擇其方然後謹以溫清之禮慎以飲食之節起居進退罔拂其志善事幾諫勞必無怨至於愛敬之道乃天性也無忽天性以慢人紀斯可錫其類而不匱也世之愚者知其孝乎而不知所以爲也越禮以加敬輕生以致養且曰親之疾弗瘳者子之股可療焉乃折體斷股密寘於味苟親之壽幸而未盡而或生也則鄉里神其事以爲孝之感乃聞之於州縣聞之於天子官給其賜以優之然後傳之於後旌之於門閭率土之民向之而思其效者矣嗟乎風俗之移人也而官其事者遂以之自賞俾蚩蚩者知其室而不知其戶也踰牆鑽穴而進殞乎命且親之憂必以疾也非疾而自刑是致其憂者也予曰毀不滅性死生之際尙或存也苟居疾以剝膚由味而喪軀則所謂陷之於不義者也禽之相食尙曰無有安在爲人父母而食其子者乎古之孝以感者多矣猶是者未之覩焉且民之耳目烏知所謂聖人之道在乎諭之而已旣諭之且制之俾爲孝之民誠其

心而不誠其名愛其生而不愛其賜始於一邑迨於一郡然後天下之民可率之以道也斯之謂王化之基人倫之本可不急乎

戒兒姪詩

戒爾學立身莫若先孝弟怡怡奉親長不敢生驕易戰戰復兢兢造次必於是

戒爾學干祿莫若勤道藝嘗聞諸格言學而優則仕不患人不知惟患學不至

戒爾遠恥辱恭則近乎禮自卑而尊人先彼而後己相

宋元學案補遺

別附卷一

三四明叢書

約園刊本

詠與茅鴟宜鑒詩人刺

戒爾勿曠放曠放非端士周孔垂名教齊梁尙清議南朝稱八達千載穢青史

戒爾勿嗜酒狂藥非佳味能移謹厚性化爲凶險類古今成敗者歷歷皆可記

戒爾勿多言多言眾所忌苟不慎樞機災厄從此始是非毀譽閒適足爲身累

舉世重交游擬紹金蘭契忿怨從是生風波當時起所以君子性往往淡如水

舉世好奉承昂昂增意氣不知奉承者以爾爲玩戲所以古人疾籛條與戚施

舉世重任俠俗呼爲氣義爲人赴急難往往陷刑制所以馬援書勤勤告諸子

舉世賤清素奉身好華侈肥馬衣輕裘揚揚過閭里雖得市童憐還爲識者鄙

我本羈旅臣遭逢堯舜理任重才不充戚戚懷憂畏深淵與薄冰蹈之惟恐墜爾當憫我勿使增罪戾閉門斂蹤跡縮首避名勢位難久居畢竟何足恃

宋元學案補遺

附卷一

四四明叢書

約園刊本

物盛則必衰有隆還有替速成不堅牢亟走多顛躓灼灼園中花早發還先萎遲遲湖畔松鬱鬱含晚翠賦命有疾徐青雲難力致寄語謝諸郎躁進徒爲耳

高先生頌

高頤字子奇雍邱人後唐清泰中舉進士擢乙科四遷魏博觀察使周顯德中符彥卿奏署掌書記時太宗親迎懿德皇后於大名彥卿遣之迎候日夕陪接尤仲款好後隨彥卿鎮鳳翔會詔畱彥卿洛陽先生復爲天雄軍掌書記後以病免居於魏雍熙二年太宗親試貢士

其子南金舉學究自陳父年八十四家貧無以存養願
獲寸祿以及老父上問左右其父何人宰相宋琪以頓
對上曰此高頓子耶頓在大名幕中嘗與朕遊處追跡
旬月晨暮對案飲食常拱手危坐未曾少懈其恭謹蓋
天性也惜其老矣不欲煩以官政卽擢南金第拜先生
左補闕致仕後卒於家先生有清節力學強記手寫書
千餘卷彥卿待之甚厚或過致優給先生計口受費餘
皆不納

宋史

博士聶先生崇義

宋元學案補遺 別附卷一

五國朝叢書

欽定四庫全書

聶崇義洛陽人舉三禮五代時累官博士校定公羊春秋周顯德中進司業兼太常博士世宗以宗廟祭器漸失規式命檢討篆書以聞宋初又上三禮圖凡宗廟禮制多所更定

姓譜

三禮圖集注自序

冠冕衣服見吉凶之象焉宮室車旗見古今之制焉弓矢射侯見尊卑之別焉鐘鼓管磬見法度之均焉祭器祭玉見大小之數焉圭璧繅藉見君臣之序焉喪葬節具見上下之紀焉舉而行之易於詳覽

梓材蒞案四庫全書著錄先生三禮圖集註二十卷提要言周世宗詔參定郊廟祭玉因取三禮舊圖凡得六本重加考訂所謂六本者鄭玄一阮謀二夏侯伏朗三張鑑四梁正五開皇所撰六也宋代諸儒不以所圖爲然然其書鈔撮諸家亦頗承舊式不盡出於杜撰云

附錄

賈儼曰國子司業兼太常博士聶崇義垂髫之歲篤志禮經會國朝創制彝器迨於車服乃究其軌量親自規模於是博采三禮舊圖凡得六本大同小異遂鑽研尋擇推較詳求躬命績素凡舊圖之是者率由古典否者以實裁量作程立制昭示無窮

宋元學案補遺 別附卷一

六四明叢書

約園刊本

朱子論文廟釋奠祭器曰祭器並依聶崇義禮圖之樣式某見政和中議禮局鑄造祭器皆考三代器物遺法制度精密氣象淳古足見一時文物之盛可以爲後世法紹興十五年曾有旨以其樣制開說印造頒付州縣遵用今州縣既無此本而所頒降儀式印本尙仍聶氏舊圖之陋未爲得也

陳伯廣跋三禮圖曰予觀其圖度未必盡如古昔苟得而攷之不猶愈於求諸野乎

諫議崔先生頌

崔頌偃師人後唐平章事協之子以蔭補官歷漢周官
至左諫議大夫宋初判國子監太祖問以一時典禮應
對閒雅上甚重之

姓譜

知州辛先生文悅

辛文悅□□人太祖幼從肄業逮卽位召見授判太府
事時周鄭王出居房州太祖謂先生長者命知房州以
保全之

姓譜

尚書竇先生儀

附弟儼侃偁偁

竇儀字可象漁陽人周諫議大夫禹鈞長子諫議嘗建

宋元學補遺 別附卷一

七 四明叢書

約園刊本

書院延名儒以教遠近之士先生學問優博風度峻整
累官禮部尚書太祖欲相之趙普忌其剛直沮之及卒
太祖惘然曰天何奪我竇儀之速耶弟儼侃偁偁與先
生皆登第時謂燕山竇氏五龍儼字望之好賢樂善官
禮部侍郎侃官起居郎偁字日彰參知政事儼左補闕
姓譜

附錄

黃東發曰竇內翰儀有識操多知故事不肯短趙忠獻
普旣全國體亦以自全

竇先生儼 見竇儀傳

望之遺文

昔者秦始皇之重法術而天下貴刑名魏文帝之惡方巖而人閒尚通變上言化下下必從焉是以雙劍崇郎飛白成俗挾琴飾容赴曲增抃自然之道也

朱靜裕先生昂

附弟協

朱昂字舉之其先京兆人父寓潭州遂家於衡山先生少好學有朱遵度者時謂之朱萬卷目先生曰小萬卷北游江淮時周世宗南征韓令坤統兵揚州先生謁令

宋元學案補遺

別附卷一

八四明叢書

約閣刊本

坤陳治亂方畧令坤器之以權知丞正縣有政績令坤遂表授本縣令改衡州錄事參軍知州李昉見其文深加歎賞既又爲薛居正所知二人遂薦引之太宗朝擢知水部郎中直祕閣真宗卽位除知制誥入翰林爲學士屢表乞骸骨敦諭彌確乃授工部侍郎致仕仍令俟秋涼南還故相張齊賢而下皆賦詩贈行詔從臣祖於東門弟協仕至主客郎中雍王府翊善亦告老而歸時以此之二疏陳堯咨知荆南表其居曰東西致政坊先生所得俸常以三之一購奇書於所居爲二亭曰知止

幽棲自稱曰退叟卒年八十二門人諡之曰靜裕先生
先生方正恬淡十五年爲洗馬不遷非公事不至兩府

有文集三十卷

陸平集

梓材謹案宋史文苑先生本傳云少與熊若谷鄧
洵美同學又言其老而閒居著賢理論三卷上之
詔以其書付史館弟協以純謹稱又稱門人諡先
生曰正裕其子三人正彝正辭正基皆以正爲名
似不當復以正
字諡先生也

陳氏師承

蔡貞白先生蒙叟

蔡蒙叟字□□閩縣人博通古今之務養高不仕弟子

宋元學案補遺

別附卷一

九四朔叢書

約園刊本

從道方至者常滿其門諫議陳從易洎里中顯達者十
餘人皆北面焉郡守薦授州助教非其好也年八十餘
卒於家號貞白子著繩子三卷凡五十七篇行於世

姓譜

焦先生口

焦夫子亡其名居岷山宋初時人飽詩書以博學教導

人故世人稱夫子云

全蜀藝文志

和先生峴

附弟嶽

和峴字晦仁浚儀人晉宰相凝子十六登朝爲著作郎
丁父憂服闋拜太常丞建隆初授太常博士從祀南郊

贊導乘輿進退閒雅拜刑部員外郎仍判太常寺乾德元年十一月甲子有事於南郊丁丑冬至有司請復祀昊天上帝詔議其禮先生以祭義戒於煩數詩罷之三年十二月十四日戊戌臘有司以七日辛卯蜡百神先生獻議正之四年南郊建議望燎位置燿火謂八佾之舞以象文德武功請用玄德升聞天下大定二舞先是王朴竄儼洞曉音樂前代不協律呂者多所考正朴儼旣沒未有繼其職者會太祖以雅樂聲高詔先生講求其理以均節之自是八音和暢上甚嘉之開寶初遷司

宋元學案補遺

別卷一

十四朝叢書

約圖刊本

勳員外郎太宗卽位遷主客郎中太平興國二年知兗州改京東轉運使削籍配隸汝州六年起爲太常丞分司西京端拱初上躬耕藉田先生奉畱司賀表至闕下因以其所著奉常集五卷祕閣集二十卷注釋武成王廟贊五卷奏御上甚嘉之復授主客郎中判太常寺兼禮儀院事是秋得暴疾卒年五十六弟嶠字顯仁太平興國八年擢進士第釋褐霍邱主簿累遷光祿寺丞先是其父嘗取古今史傳聽訟斷獄辨雪冤枉等事著爲疑獄集顯仁因增益事類分爲三卷表上之召試中書

擢爲太子中允撰七榜題名記并補註其父所撰古今
孝梯集成十卷以獻遂以本官直集賢院遷右正言累
加水部員外郎中理檢院至道元年賜金紫與王巨同
判吏部銓是秋晨起將朝風眩暴作而卒年四十五
祭酒孔先生維

孔維字爲則雍邱人乾德中以九經及第爲國子博士
使高麗王治問禮先生對以君臣父子之道升降等威
之序治悅曰今日復見中國之夫子也累遷國子祭酒
校定五經疏義

姓譜

宋元學案補遺

別附卷一

十二四期叢書

約園刊本

宋先生準

宋準字子平雍邱人開寶中舉進士擢甲科授祕書省
祕書郎直史館八年受詔修定諸道圖經太平興國四
年遷著作郎通判梓州轉左拾遺歸朝預修諸書再知
貢舉知制誥端拱二年卒年三十二賜錢百萬先生美
風儀喜談論辭采清麗莅官所至皆有治聲

宋史

文先生祚

文祚居蜀之溫江有經學邑人師之

氏族譜

文靖李先生沆

李沆字太初肥鄉人侍御史炳之子太宗時進士爲右
補闕知制誥上嘗稱其風範端凝眞宗時拜相日取水
旱盜賊奏聞日人主少年當使知四方之艱難不然則
留意於土木禱祠之事矣王文正旦初以爲細事後果
驗歎曰李文靖眞聖人也至於焚封妃之詔奪西夏之
謀不用浮薄不市私恩可謂正大光明矣張忠定詠曰
吾榜得人最多謹重雅望無如李太初卒謚文靖

姓譜

附錄

文靖爲相專以方嚴重鎮服浮躁尤不樂人論說短

宋元學案補遺

別附卷一

十二四明叢書

約園刊本

長胡祕監旦謫州久未召嘗與公同知制誥聞公參政
以啓賀之歷詆前爲參政者而譽公甚力公慨然不樂
命承吏封置別篋曰吾豈眞優於數公亦適遭遇耳乘
入之後而譏其非吾所不爲況欲揚一己而短四人乎
終爲相旦不復用

司馬溫公訓儉曰李文靖公治居第於封邱門外廳事
前僅容旋馬或言其太隘公笑曰居第當傳子孫此爲
宰輔廳事誠隘爲太祝奉禮廳事則已寬矣

尹和靖曰伊川論國朝名相必曰李文靖

黃東發曰劉元城有言本朝名相惟李沆最得大臣體以不行利害文字事奏水旱盜賊爲證愚亦謂本朝名相度量無如王公巨膽畧無如寇公準公預爰禱祠土木之事作則王公巨所不及預知丁謂不可在人上則寇公準所不及

又曰文靖作相嘗讀論語曰節用愛人使民以時兩句尙未能行

周先生頌

周頊蜀人有隱德號正晦先生 氏族譜

宋元學案補遺 別附卷一

上 國朝叢書 續圖刊本

員外李先生覺

李覺字仲明本京兆長安人曾祖國子祭酒鼎於唐末避亂徙家青州益都先生太平興國初舉九經爲祕書丞太宗以孔穎達五經正義刊板詔先生校定太宗視學先生講易泰卦述天地感通君臣相應之旨上甚悅詳校正義成改水部員外郎 姓譜

邢先生敦

邢敦字君雅不知何許人家於雍邱與宋準趙昌言交遊甚厚太平興國初嘗舉進士不第慨然有隱遯意性

介僻不妄交友耽玩經史精於術數工繪畫頗嗜酒或
遊市廛過客詢以休咎者多不之語里中號邢夫子大
中祥符七年真宗幸毫回邑人列上其事王沂公爲考
制度使以名聞詔可許州助教讓而不受乾興元年無
疾而卒年七十四 宋史

孫先生成象

父雋附子頎

孫成象字乾曜長沙人父雋居郡城南輕財樂施教子
有方里人以爲長者湖湘衣冠論治家可法者推城南
孫氏先生性篤孝事親能竭誠力友弟以愛居喪致哀

宋元學案補遺

別附卷一

十四四明叢書

約園刊本

謹禮鄉里稱之好學問爲文章長於歌詩善書法有名
場屋問聞善見德篤好而力行之嘗以事出旁郡而母
以疾亡旣還伏棺悲摧累日不能飲食忽撫其子曰吾
不爲無後死當免於聖人乎其從先君遊無所恨語已
號頓而卒年三十三長子頎荆湖北路轉運使累贈先
生刑部侍郎 劉忠肅文集

梓材謹案轉運字景修號拙翁咸平間進士官終
太常少卿以才顯於世少孤受教於母爲賢母錄
以致其思亦
見忠肅集

陳先生充

陳充字若虛成都人家素豪盛少以聲酒自娛不樂從
官邑人敦迫赴舉雍熙中天府禮部奏名皆爲進士之
冠廷試擢甲科釋褐孟州觀察推官就改掌書記會寇
準薦其文學得召試殿中丞出知明州入爲太常博士
累遷兵部員外郎景德中與趙安仁同知貢舉改工部
刑部郎中大中祥符六年以足疾不任朝謁出權西京
畱守御史臺旋以本官分司卒年七十先生詞學典贍
唐牛僧孺著惡善無餘論言堯舜之善伯鯀之惡俱不
能慶殃及其子先生因作論以反之性曠達善談謔澹

宋元學案補遺 別附卷一

十五 四明叢書 鈔國刊本

於榮利自號中庸子臨終自爲墓誌有集二十卷 宋史

周先生儀

周儀邵陽人讀書武岡紫雲石室雍熙初舉進士官至
諫議大夫爲嘉祐直臣後徙武岡以原籍田廬分贍宗

族 姓譜

吳先生元展 父廷祚

吳元展字君華太原人父廷祚字慶之在周爲樞密使
宋興加中書門下三品建隆初爲雄武軍節度使改京
兆尹卒贈侍中先生尙太宗蔡國公主累擢至山南東

道節度使兩知河南又知定州徙知徐州以疾卒年五十贈中書令侍中厚重寡言治家有法好儒學聚書數千卷至先生聚書乃至萬卷喜讀左氏春秋尤通內典精筆札臨事慎重御下有術在藩鎮能愛民待賓客必盡禮奉身簡素所得祿賜均及親族宋初以來尙主者獨稱其賢云

隆平集

慎先生知禮

慎知禮衢州信安人幼好學年十八獻書於錢俶署校書郎命掌書記宋太平興國三年授鴻臚卿歷知陳州

宋元學案補遺

別附卷一

宋八聖明書

新編刊本

與元府母年八十餘居宛邱懇求歸養退處十年縉紳稱其孝友母服除表請納祿至道三年以上部侍郎致仕先生自幼至白首歲讀五經周而後止每開卷必正衣冠危坐未嘗少懈咸平初卒年七十七

宋史

主簿盧先生禎

盧禎字叔微杭州人自幼穎悟及長曉五經大義酷嗜周易孟子端拱初登進士第調東鹿主簿卒嘗著五帝皇極志孺子問翼善書數十篇

萬曆杭州府志

李先生士真

李士真衡陽人至道中講學石鼓書院重加修建上聞
賜額 湖廣通志

楊先生大雅

陳先生從易 合傳

楊大雅字子政初名侃避眞宗藩邸名而更之唐靖恭
諸楊虞卿之後家錢塘端拱二年登進士第久歷外官
復與陳從易並命爲知制誥二人者皆博學有行義時
謂之楊陳先生以右諫議大夫集賢院學士知亳州卒
年六十九所著有大隱集三十卷西垣集五卷職林二

宋元學案補遺 別附卷一

十七 四朝叢書
繪圖刊本

十卷兩漢博聞十二卷從易字簡夫泉州人端拱初登
進士第踐歷之久始擢知制誥諫議大夫進龍圖閣直
學士知杭州卒年六十所著泉山集二十卷中書制稿
五卷西清奏議二卷 隆平集

閻先生路

周先生式 合傳

閻路字蹈之口口人太子中舍致仕號太原先生夫人
華陽楊氏少孤外祖張崇文春卿攜養於其家春卿爲
孟昶時秀才通五經博極羣書昶歸朝春卿留蜀畏遠

仕遂爲西南士人文章宗師既老無子止有女及夫人在左右後以女妻國子助教周式而以夫人配先生式講道著書爲詩書名儒先生履尚簡潔學問無厭常以易理春秋左氏傳名其家居陋巷坐爨舍教諸生與二子四時弦誦風雨不廢夫人亦以章句字畫訓誨諸女及里中內外親表之甥姪二子長溫以職方員外郎通判戎州次灝授雅州名山縣假蜀之永康縣

文丹淵集

梓材蓬案丹淵集又有屯田郎中閻君墓誌銘云其先太原人五世祖某嘗爲唐安郡從事因家焉考某贈屯田郎中刻意於學尤喜左氏春秋曰爲學者左右采獲持去精義以下其他師淳化中順

不允學案補遺 別附卷一

十六國明徵書

約園刊本

賊起郡邑大擾郎中盡委去資蒙聖家所有書居二江野外輿曲賊不能到處穴地藏之曰貨財吾不屑此書如爲兵火蹂躪後求無有也又言其以屯田郎中知磁州磁人純漫少文公爲立學選師以教育之又屯田員外郎羅君墓誌銘云君諱致恭字奉之自大父始遷於益之雙流君既生七年而孤與母鬪依外氏於唐安由是爲其郡人順賊叛唐安先遭兵君始九歲其外兄閻太古攜君遁逃伏匿草野賊誅太古收斂其所藏書與君日夜講讀君能暗誦尚書自堯典至秦誓一遍不絕太古每稱愛之授以左氏春秋盡通其學君復以其所能勉厲太古之子灝故有文行爲西南名人又云築室北城外使子弟學求名儒爲之師友自身督其業日考其進否爲勸沮又言其生男二人長職方登行誼粹敏居官人德之次茲爲學有守郎中父子無名可考太古與子灝未知卽其人否也然據此則太原先生之族其爲學者多矣且俱爲春秋左氏傳之學其家學淵源亦可見

查先生道

查道□□人以謹儉奉己爲龍圖閣待制每食必盡一器度不勝則不復下筯雖蔬菜亦然嘗謂所親曰福當如是惜之

王君玉國老談苑

陳先生堯

附子象之

陳堯公適經之曾王父也其先平原厥次人與子象之始徙居海州世治經爲儒者

長輿集

向先生榮

向榮皖之熙人也咸平閒處士少通經史長而遊於江

宋元學案補遺

別附卷一

十九四明叢書

約園刊本

淮及晚憩志龍山之下結茅而居朝夕與諸徒講易

安慶府志

高先生志寧

高志寧字宗儒洛陽人幼通六經尤深於大易咸平中舉明經應識洞韜畧運籌決勝科召對龍圖閣言兵事莫備於師卦因講其卦於上前眞宗大悅授大理評事又應才識兼茂明於體用科執政罷之改太子左贊善大夫天聖中充河北沿邊安撫副使以右領軍衛大將軍致仕享明堂恩轉衛尉卿所著周易化源圖行於世

王先生口

王□□□人文康公父訓誨童蒙必盡心力脩脯不計每與同輩論師道曰天地君親師五者並列師位何等尊重後生以師事我則終身成敗榮辱俱我任之若不盡心竭力誤人子弟與庸醫殺人等罪又喜爲童子講孝弟故事曰學者先心術而後文藝先敦本而後施仁如孝弟有虧雖才華處世不足重也晚年生文康公人謂爲善之報

人譜

宋元學案補遺

別附卷一

二十四明叢書

約園刊本

朱先生惟亮

附門人任珩

宋惟亮成都人號無爲先生嘗授經任玠晚究易

氏族譜

李先生行簡

李行簡字易從同州人少苦學坐石誦六經常至夜分雖寒暑不渝又聚木葉學書筆法道勁舉進士登第擢至龍圖閣待制眞宗數幸閣命講易因訪大臣能否必稱其所長人以爲長者仁宗卽位進給事中以疾求外知河中府徙虢州卒年七十一有集二十卷先生簡重不妄交一介不取諸人聚書萬卷多其自錄人謂之書

蔣先生至

蔣至

丁先生度

父逢吉

丁度字公雅其先恩州清河人祖顛後唐清泰初陷契丹逃歸徙居祥符父逢吉以醫術事眞宗潘邸然好聚書與儒者游先生強力學問好讀尙書嘗擬爲書命十餘篇大中祥符中登服勤詞學科爲大理評事累遷中書舍人慶曆中副杜衍宣撫河東久之遷端明殿學士

宋元學案補遺 形附卷一

三四明叢書

約園刊本

知審刑院擢工部侍郎樞密副使言契丹嘗渝盟預備不可忽因上慶曆兵錄五卷贈邊錄一卷明年參知政事罷爲紫宸殿學士改觀文殿學士再遷尙書左丞卒贈吏部尙書諡文簡先生性淳質不爲威儀居一室十餘年左右無姬侍然喜論事在經筵歲久帝每以學士呼之而不名嘗問著龜應占之事乃對卜筮雖聖人所爲要之一技而已不若以古之治亂爲監嘗示以欽器曰朕欲臨天下以中正之道對曰臣等亦願無傾滿以事陛下因奏太宗嘗作此器眞宗亦嘗著論於是帝製

後述以賜之嘗著邇英聖覽十卷龜鑑精義三卷編年

總錄八卷奉詔領諸儒集武經總要四十卷

宋史

梓材謹案四庫全書著錄集韻十卷提要云舊本題宋丁度等奉敕撰前有韻例稱景祐四年太常博士直史館宋祁等建言陳彭年邱雍等所定廣韻多用舊文繁畧失當因詔祁等與賈昌朝王洙同加修定刑部郎中知制誥丁度禮部員外郎知制誥李淑爲之典領然考司馬溫公切韻指掌圖序稱仁宗皇帝詔翰林學士丁公度李公淑增崇韻學自許叔重而降凡數十家總爲集韻而以賈公昌朝王公洙爲之屬治平四年余得旨繼纂其職書成上之有詔頒焉嘗因討究之暇科別清濁爲二十圖云云則此書奏於英宗時非仁宗時成於司馬公之手非盡出丁度等也其書凡平聲四卷上聲去聲入聲各二卷共五萬三千五百二十五字視廣韻增二萬七千三百三十二字又著錄

宋元學案補遺 別附卷一

三四明叢書

約園刊本

附釋文互註禮部韻畧五卷附貢舉條式一卷提要言禮部韻畧舊本不題撰人吳公武讀書志云丁度撰今考所并舊韻十三部與度所集韻合當出度手云

陳先生耿 祖審交父昌業

陳耿字仲操眞定人祖曰審交父曰昌業世世傳鄭氏

禮易不仕先生受學父祖祥符中以經中第得上元尉

歷遷建雄軍節度推官知永濟縣王丞相沂公鎮魏善

其政奏徙大名拜權永清軍節度判官丞相以爲賞薄

知其有親更勅其弟子融辟監光州茶場便奉養累遷

太子左贊善大夫殿中丞卒

劉公是集

員外王先生絲

王絲字敦素會稽人也晉右將軍逸少之後世居蕭山先生幼稟親訓未嘗釋卷復游學京師大中祥符八年春擢進士第除與國軍司理參軍累改太常博士通判衢州州人子弟多習詩書而未有學校士望缺然而先生募郡中高貲始建學舍其堂室僅百楹朝廷賜州學額又營資糧之具最於諸郡歷遷兵部員外郎知通州朝廷召權三司鹽鐵判官卒年六十一

范文正公集

王氏學侶

宋先學案補遺

別附卷一

二三四明叢書

約閣刊本

沈先生僑

沈僑蕭山人依其外兄吏部王絲以學以子衡登朝爲大理評致仕後贈尚書刑部侍郎

蘇魏公集

王先生世則

王世則長沙人冠歲辭親入南嶽讀書其父遺錢一千居數年還家寧親出二千封識如故人以爲異太平興國八年御試進士以六合爲家賦擢第一人雍熙初官右正言與右拾遺洪湛等請立許王元僖爲太子太宗怒出知蒙州至道二年爲永州太守

湖南通志

彭先生乘

彭乘字和建華陽人大中祥符五年登進士第授漢陽軍判官與同年生游相國寺門顧望皆有從游之樂先生獨曰親老矣敢舍晨昏之奉乎翌日遂乞侍養以歸久之有薦其文行者召試除館閣校勘固辭還家天禧初用寇準薦復召試爲校勘遷祕書丞集賢校理懇求便親得知普州舊制蜀人不許赴蜀官特恩自先生始父卒旣葬甘露降墓柏上人以爲孝感起居注闕中書擬人先生在選中仁宗指其名曰此老儒雅有恬退稱

宋元學案補遺

別附卷一

正四明叢書

約園刊本

遂用之擢知制誥翰林學士羣牧使卒年六十五家聚書萬卷多先生手自校正質重純孝特爲文少工

隆平集

梓材謹案費氏氏族譜云國史載乘爲華陽人繁華陽皆隸成都而乘實以太平興國八年生於繁見於故待制韓公駒所爲跨竈先生李公新集序曰繁上則彭乘之文詞云

黃先生敏求

黃敏求懷安軍鹿鳴山人祥符五年以爲本軍助教先生明經術嘗著九經餘義四百九十篇轉運使滕涉以其書上進帝命學士晁迥等看詳迥等言所著撰可采故特有是命

會要

魏先生京

魏京高安人天禧進士博學能文鄉里以魏夫子稱之名其所居曰儒榮坊

姓譜

文孝張先生觀

張觀字思正絳州人以資政殿學士知相州徙澶州河壞縣陳埽及浮梁州人大恐或請移北原以避水先生曰太守獨去如州民何乃躬率徒平塞之堤完水亦尋止趣多恬曠持廉仁宗嘗飛白書清字賜之以賞其節

姓譜

宋元學案補遺 別說卷一

五十四明政書

約國刊本

梓材謹案小學外篇載先生官參政時致劉器之等三人勤謹和緩四字晁氏容語呂氏雜錄皆以

爲李若谷事

小學蓋誤

雲濠謹案降平集字思政初

名正觀御去正字卒諡文孝

文孝公座右銘

怒者變常而逆德戕賊和氣和氣爲性命之本可不寶之
和順積中大盈若沖保其宗施於公吾與之終

附錄

平生未嘗草書因自爲詩曰保心如止水爲行見真書
性至孝爲祕書郎而父居業猶爲幕職官請以官回授

其父眞宗嘉其請擢居業京官

遷尙書左丞丁父憂哀毀過甚旣練而卒

陳先生希亮

附子悅恪梅菴門人宋端平

陳希亮字公弼其先京兆人唐廣明中違難遷眉州青神之東山先生幼孤好學年十六將從師其兄難之使治錢息三十餘萬先生悉召取錢者焚其券而去業成乃召兄子庸諭使學遂俱中天聖八年進士第里人表其闕曰三儒初爲大理評事知長沙縣再遷殿中丞知鄂縣老吏曹腆侮法以先生年少易之先生視事首得

宋元學案補遺

別附卷一

三六四明叢書

約園刊本

其罪腆叩頭出血願自新先生戒而捨之卒爲善吏累遷太常少卿分司西京未幾致仕卒年六十四贈工部侍郎先生爲人清勁寡欲不假人以色自王公貴人皆嚴憚之見義勇發不計禍福所至奸民猾吏易心改行不改者必誅然出於仁恕故嚴而不殘少與蜀人宋輔游輔卒於京母老子端平幼先生養其母終身以女婁端平使同諸子學卒登進士第四子悅度支郎中恪滑州推官恂大理寺丞慥字季常少時使酒好劍嘗從兩騎挾二矢與東坡游西山鵲起於前使騎逐而射之不

獲乃怒馬出一發得之因與東坡馬上論用兵及古今成敗自謂一世豪傑稍壯折節讀書洛陽園宅壯麗與公侯等河北有田歲得帛千匹晚年皆棄不取遜於光黃岡曰岐亭庵居蔬食徒步往來山中妻子奴婢皆自自得之意不與世聞人莫識也見其所著帽方笠而高曰此豈古方山冠之遺像乎因謂之方山子及東坡謫黃過岐亭識之人始知爲季常云

宋史

附錄

胡一桂曰先生長於易謂韓康伯著十三象徒釋名義

宋元學案補遺 別附卷一

毛四明叢書

約園刊本

莫得尙象之制故作論以明之

陳先生庸

附族弟論

陳庸字景回眉州青神人始與季父希亮族弟論學於成都天聖中俱登進士第縣令名其所居坊爲三俊初授澧州推官累以太子中允致仕買田築室於淮汝間曰潁川吾故郡也寔居十年卒先生白首好學不衰以義將其氣喜作詩不加琢磨而能自達其意

黃琛章集

齊先生唐

齊唐字祖之山陰人天聖進士南雄州僉判歷職方員

外郎 姓譜

梓材謹案鄭氏通志載先生五經要旨五十卷經義考云佚

學士羅先生孟郊

羅孟郊興寧人生而穎異早喪父事母孝弱冠結廬羅嶺以學鄉子弟從之先生指授篤至邑始多學者天聖八年舉進士第三人累官諫議大夫翰林學士乞歸養母苒蕭然母冬月思膾先生解衣入池取魚供母鄉人目其池爲曾子湖 廣東戴志

林草範先生異

宋元學案補遺 別附卷一

天四明叢書 約園刊本

林異字異之海陽人天聖中應才識兼茂明於體用科慶曆中投匭論事仁宗異之除徐州儀曹不就南歸讀易著書八篇曰卦元卦經卦緯叢辭起律吹管範餘敘和總名曰易範人稱爲草範先生 姓譜

宋先生堂

宋堂雙流人舉賢良方正成都府府學說書名載國史 氏族譜

陳先生之奇

陳之奇字虞卿其先自長安徙吳先生天聖中禮部進

士廷試下第里居十年無仕進意後又以進士爲鄱陽尉歷丹徒泰興二縣令李璋尚公主詔舉經術行義者爲隴西郡王宅教授卒以太常博士賜緋魚袋閒居十八年先生孝親信友約身篤行好學知道吳人言家行者必推之每出乘羸駒里巷見之斂然曰此吾陳君子也是時胡安定以經術教授諸生蘇子美以文章退居山林先生以德行棄官而歸名動海內稱吳下三賢人姑蘇志

黃先生孝綽

附子莘

宋元學案補遺

附卷一

五十四明叢書

約園刊本

黃孝綽字公裕世居浦城自其父殿中丞覺徙居舒州之太湖爲太湖人自號潛山叟而舒人尊之曰先生先生於孝弟有至性居鄉與人子言必以孝與人弟言必以順所居人用化之至相詔語曰毋或作非使黃先生知也其子莘居官每歸省必問今日治事何如使條其狀聞其當於義理則歡然爲之飲酒常謂曰吾所以不仕爲有子仕足以行吾志汝視義利是非可不慎所蹈歟卒年七十四先生尤善書其法本二王顏柳子自莘以下五人皆服儒能如先生教莘字任道自少奇穎有

器識皇祐五年進士仕至知汝州遷朝奉郎致仕有集四十卷

劉忠肅集

林先生概

林概字瑞父福清人舉進士知長興縣值歲大飢先生出俸粟勸富人以飼飢者歷知連州淮安軍官至太常博士集賢校理著史論百篇辨國語四十篇

姓譜

茅先生知至

茅知至字□□仙遊人操尚介潔不求聞達築廬隱於縣西博通墳典倡六經孔孟之道以開明人心著二十

宋元學案補遺

初附卷一

三十四明叢書

約園刊本

一史釋註十三經旁訓以闡發末學清德介行鄉黨信服膾使龐藉疏其德行薦於朝景祐四年敕輔國子助教累徵不起著周易義三十卷

梓材謹案萬姓統譜作景祐中龐藉以德行薦

補州學教授有周詩義二十卷

至性書爲道南一脈知縣皇甫當記其

事蔡襄書其實

仙遊縣志

仲先生訥

仲訥字樸翁定陶人景祐元年進士起家莫州防禦推官歷遷爲尚書屯田員外郎而以皇祐五年卒年五十五厚重大志不妄言笑喜讀書爲古文章晚而尤好

爲詩其在越蜀士多從之學爲禦戎議二篇

王臨川文集

朱先生案

朱案□□人官祕書丞集賢校理春秋之學爲士林所稱苦心探蹟多所發揮其所著春秋指歸若干卷

范文正文集

劉先生庚

附子常蒙

劉庚字□□渤海人河中永樂主簿博學多識善教諸子門內講習自相師友長子常字子中嘉祐進士輔祁州司理參軍幼喜讀書長益自刻苦寢食道次不輒廢

宋元學案補遺

別附卷一

三十四明箴

約圖刊本

書以爲天下之至樂在是而世所謂樂無以易性和靜而疏遠與人交忠信不渝居官閒則與士子講學所以教誘之甚厚其弟蒙有文行被召試校書郎知唐州湖陽縣以不合投劾去

劉忠肅集

崔先生謙禮

崔謙禮

李先生照

李照

附錄

金人論雅樂疏曰宋初亦用王朴所制樂時和峴以周顯德律音近哀思乃依西京銅望縣石尺重造十二管取聲下王朴一律景祐初李照取黍累尺成律以其聲猶高更用太府布帛尺遂下太常樂三律皇祐中阮逸胡瑗改造上下一律或謂其聲舛鬱不和依舊用王朴樂元豐閒楊傑參用李照鐘磬加四清聲下王朴樂二律以爲新樂元祐閒范鎮又造新律下李照樂一律而未用至崇寧閒魏漢律以范鎮知舊樂之高無法以下之乃以時君指節爲尺其所造鐘磬卽今所用樂是也

宋元學案補遺

別卷一

三十四明叢書

約園刊本

然以王朴所制聲高屢命改作李照以太府尺制律人習舊聽疑於太重其後范鎮等論樂復用李照所用太府尺卽周隋所用鐵尺牛宏等以爲近古合宜者也

龍圖梅先生學

梅學字公儀成都新繁人進士起家慶曆中擢殿中侍御史時數省災異引洪範上變戒曰王省惟歲謂王總羣吏如歲四時有不順則省其職今日食於春地震於夏雨水於秋一歲而變及三時此天意以陛下省職未至而丁寧戒告也伊洛暴漲漂廬舍海水入台州殺

人民浙江隕防黃河溢埽所謂水不潤下陛下宜躬責
修德以回上帝之眷依陰不勝陽則災異衰止而盛德
日起矣徙開封府推官遷判官改度支判官進侍御史
歷進龍圖閣學士知滑州勾當三班院同知貢舉請知
杭州帝賜詩寵行累遷右諫議大夫徙江寧府又徙河
中卒先生性淳靜不爲矯厲之行政迹如其爲人平居
未嘗問生業喜爲詩多警句有奏議四十餘篇

宋史

五瘴說

仕有五瘴避之猶未能也急征暴斂剝下以奉上租賦

宋元學案補遺

別附卷一

三三四明叢書

約園刊本

之瘴也深文以逞良惡不白刑獄之瘴也晨昏荒宴糜
弛王事飲食之瘴也侵率民利以實私儲貨財之瘴也
盛陳姬妾以娛耳目帷薄之瘴也有一於此民得以怨
之神得以怒之而後逆氣成象俾安者疾之疾者殛之
以示天戒雖日在輦轂下亦不可追矧荒遠乎世之仕
者或不自知五瘴之過止歸咎於土瘴得不謬歟

梓材謹案張邦基墨莊漫錄云公儀景祐初以殿

中丞知昭州昭號二廣煙瘴水土惡弱處公常爲

說吾讀之慨然有感泣仕者

當書於座右亦可爲訓也

蒲先生遠猶

蒲遠猶字仲與劍南人少而能賦與女弟幼芝俱有聲
幼芝嫁成都張俞學問文章與其夫抗衡先生登慶曆
六年進士第詞賦甚嚴學詩易太玄皆從蜀之大儒講
授有師法爲縣竹尉丁內艱益自刻苦於文學調河南
尉薦爲臨晉閔令

黃豫章集

楊先生構

附子持瓊瑠琛

楊構字起宗華州人始以蔭補官舉進士爲永州推官
累通判明州江寧河南未之河南而卒其爲臨安也以
著作佐郎六遷爲職方郎中先生好學善屬文日誦數

宋元稹集補遺

別附卷一

三十四明叢書

約園刊本

千言事繼母以孝聞所至其職以不廢民樂其政而利
其所興作尤篤意於學者所至必興建學舍爲事士以
此多從之遊在明州築錢湖儲水數千頃以救凶旱而
民不以爲勞熙寧六年卒年五十有八子五人持寶應
主簿瓊知中廬縣瑠光州司理參軍瑁琛皆世其學

集

長興

張先生彝

張彝字聖民濮州鄆人少貧力學爲文章起家應鄉舉
爲州第一人覆試禮部復第一補江州司戶參軍遷餘

杭令縣初無學先生爲開堂廡盛勸迎之禮率其子弟日講誦其閒自是邑多學者累遷國子監直講丞相路公監修國史以爲史官檢討歷拜諫議大夫知鄧州徙知應天府兼南京留守司公事卒於官年六十有六沈存中括堦其門下少好讀易老而彌劬所爲文章凡四十卷

長輿集

房先生昭庶 附子審權

房昭庶蜀人洞曉樂道學仁宗朝以大臣薦得旨賜對特受祕書郎有樂書行世國史有傳子審權著大樂演

宋元學案補遺 別附卷一

三五四明散書 約圖刊本

義氏族著

邵先生餽

邵餽丹陽人素有節行精於篆書范文正仲淹嘗稱之王琪守潤薦於朝賜號冲素處士 姓譜

梓材謹案范文正尺牘有與邵餽先生奏蓋請篆書所作嚴子陵祠堂記云

陳氏家學

陳先生經 父尙附子棠字察宰

陳經字公適海州人其父尙以家學進終駕部員外郎先生少好學能屬文以進士起家爲廣濟主簿恤親喪

去喪除六合主簿州部官長交薦之稍遷羅盛乃開館
延四方學者與之講學卒於官年四十生四子宗宇察
宰皆學於鄉先生察知烏程縣事 長興集

張先生公裕

張公裕字益孺蜀之江源人皇祐中應進士舉中甲科
爲戎州軍事推官歷改太子中允知定州唐縣以韓魏
公薦英宗選充祕閣校理同知太常禮院改判吏部丐
郡知嘉州遷太常博士以父喪哀毀致疾服除請間官
就醫授管勾成都府玉局觀會改官制爲承儀郎終於
官於書無所不讀而於詩易春秋尤能究達其義各爲
之注解共三十三卷 范忠宣集

陶先生叔獻

陶叔獻字元之其先世爲廬江大族自其父杭州巡檢
卒官始家於杭家甚貧奉母孫氏以孝稱好學明經能
文吳越學者多從之寶祐元年登進士第卒於京師所
爲文章皆散亡獨所撰西漢文類行於世 西漢文集

王先生口

附子臆

王口蓋瑯琊臨沂諸王在齊不遠遷者於其鄉有德卒

而其妻崔與門人子弟諫其行曰恭睦先生子肱字力道黃浩翁童子時與力道游是時恭睦尙無恙兩孺子同學閒相愛故兩家親亦相愛力道於書無不觀而尤喜易春秋而終以酒死

黃豫章集

張先生錫

張錫漢陽人知新州初建學校於州自是人始知學

一統志

朝奉李先生渤

附弟巖

李渤字子文樂昌人世業儒有聲嶺表性至孝與弟巖

宋元學案補遺別附卷一

三十四册藏書

約園刊本

事母張氏惟謹登嘉祐進士郡人尊之號爲李夫子嘗試南昌作問伯夷之風頑夫廉賦中魁時人膾炙稱爲李伯夷有詩云嶺北嘗聞夫子號江西曾振伯夷風巖字子章皇祐四年以上書召見崇政殿特賜同進士出身官皆至朝奉郎子文知白州子章知象州

粵大記

沈先生括

沈括字存中湖州人嘉祐中進士累官太子中允提舉司天監置象器新歷轉太常丞時籍民車禁蜀鹽先生論止之使契丹圖其山川風俗上之拜翰林學士後謫

秀州卒先生博學無所不通凡律學醫卜諸家皆有論著

姓譜

梓材謹案宋史藝文志載先生春秋機括二卷王氏玉海作三卷又案宋志有左氏紀傳五十卷不善撰人名氏馬氏通考作三十卷李氏燾謂陵陽觀沈存中自誌乃知此書存中所著則亦先生之矣書

孟子解

人之情無節則流故長幼貴賤莫不爲之節制從流而下則狎於鄙慢從流而上則樂於僭侈

必有事焉而勿正心勿忘勿助長也舜有事焉非以爲

宋元學案補遺 別附卷一

三天四明叢書

約園刊本

仁義而後爲之也人皆有是心舜能勿忘而已求仁義而爲之所謂正心與助長也

耳目能受而不能擇擇之者心也故物交物則引之而已心則不然是則受非則辭此其所以爲大也從耳目口體而役其心者小人之道也

禮說

喪服但有曾祖齊衰三月曾孫總麻三月而無高祖元孫服蓋由祖而上者皆曾祖也由孫而下者皆曾孫也雖百世可也苟有相逮者則必爲之服喪三月故雖成

王之於后稷亦稱曾孫而祭禮祝文無遠近亦皆曰曾孫
儀禮喪服

夢溪筆談

知道者苟未至脫然隨其所得皆有效驗

易象九爲老陽七爲少八爲少陰六爲老舊說陽以進爲老陰以退爲老九六者乾坤之畫陽得兼陰陰不得兼陽此皆以意配之不然也九七八六之數陽順陰逆之理皆有所從來得之自然非意之所配也凡歸餘之數有多有少多爲陰如爻之偶少爲陽如爻之奇三少

宋元學案補遺

別附卷一

三說西明叢書

約圖刊本

乾也故曰老陽九揲而得之故其數九其策三十六兩

多一少則一少爲之主震坎艮也故皆謂之少陽少在初爲

震中爲坎末爲艮皆七揲而得之故其數七其策二十有八三

多坤也故曰老陰六揲而得之故其數六其策二十有

四兩少一多則一多爲之主巽離兌也故皆謂之少陰

多在初爲巽中爲離末爲兌皆八揲而得之故其數八其策三十有

二盈則變純少陽盈純多陰盈盈爲老故老動而少靜吉凶悔吝

生乎動者也卦爻之辭皆九六者惟動則有占不動則

無朕雖易亦不能占之國語謂屯悔豫皆八遇泰之八

是也今人以易箠者雖不動亦用交辭酌之易中但有九六既不動則是七八安得用九六爻辭此流俗之過也

朱子曰諸家撰著說惟筆談此論簡而盡但謂不動則易不能占與引國語之說為誤爾

據唐人琵琶錄以為調琴之法須先以管口合字定宮絃乃以宮絃下生祉祉絃上生商上下相生終於少商凡下生者隔二絃上生者隔一絃取之凡絃聲皆當如此但今人苟簡不復以絃管定聲故其高下無準出入

宋元學案構造 別附卷一

四十四明叢書

續國朝本

臨時

朱子曰按沈氏所言可救流俗苟簡之弊世之言琴者徒務布爪取聲之巧其韻勝者乃能以蕭散閒遠為高耳豈復知禮樂精微之際其為法之嚴密乃如此而不可苟哉

附調絃法

散聲陽四而得二聲宮與少商中徽亦如之而得四聲

按上散下得二聲按上散下得二聲其絃則同八徽陽三而得六聲宮與羽商與少角按上得三聲按上者隔二而得四聲宮與祉商與羽

角與少宮社與少商爲四○內少商與羽少宮與社羽與角社與商角與宮爲五○內角聲在九八間四之一少清按下者隔一而得五聲
隔一而得五聲宮與角商與社角與羽社與少宮羽與少商爲五○內角聲在十一徽少濁
接下者隔二而得四聲少商與社少宮與角羽與商社與宮爲四○內角聲在十一徽
少十三徽之左比絃相應而得六聲宮與商商與角角與社社與羽羽與少商凡六

附錄

李端叔爲畫像贊曰先天弗違聖時以乘人謀鬼謀其誰與能彼雖淵密我則揆敘萬目交張維綱之舉展也
吾人一世絕擬孰友多聞宛在中泚用此以通亦以是窮自崖反矣凜然孤風

侍其先生沔

侍其沔字國紀吳縣人爲學貫穿經傳與人交如澹薄遇其急奮義以往不避奸險屢不退爲鄉先生姓譜

柯先生述

柯述字仲常南安人嘉祐四年登第元祐元符中兩知福州歷福建提刑湖南轉運使終朝議大夫直龍圖閣先生粹於易著否泰一十八卦以明君子小人之分書

馮先生口

馮曰字損之其先蓋長樂郡著姓後爲彭山人生而聰穎纔五歲聞鄰人誦書輒喜稍長遂好學讀五經尤專詩書探深抉奧志其本統泛閱古史百氏該綜得失舉進士不第退而講學誨人每正席橫經演明大旨凡訓傳之殊駢及其膚說則判是否歸於至當學者多信嚮之往往化而博彊先生嘗曰學所以治性修身而充吾之所有非特誇論辨要利祿爲也能積乎中發而粹乎外則無媿爲君子若夫貴賤榮辱通塞險易當以義命委之世俗所謂厄窮憔悴者安足累吾靈臺是以抗志礪行忍困愈篤口不出柔言目不顧令色不枉己以徇物不違義以求人簞瓢藜藿裕然白首云

呂淨德集

太博李先生彤

附陳張中行

李彤字周伯晉原人少篤學時鄉先生職方員外郎張中行守岳陽往就正得易與春秋大旨朋友畏其博聞又嘗撫前世忠邪事以類相從爲史斷十二篇以監治亂慶曆六年中進士第調青神尉移萬州司理參軍累改祕書丞尋遷太常博士知鄭縣以疾分司西京卒年

于先生房

十房

趙先生承慶

趙承慶字祐之秦悼王之孫武信軍節度使天水郡公
追封循國公諡康簡生平博覽墳典嘗註易十二卷
極天人性命之理天子覽而嘉歎賜以金幣宋宗室著
述自先生始

楊無爲集

王先生岳

宋元學案補遺

別附卷一

皇三朝新設書

約圖刊本

王岳字景申彭城人爲人剛毅少所屈下其父捐館時
尙未冠泊喪哀毀如成人終喪閉門讀書不履世故數
年學大就進止屹然爲古儒者山東學上皆右之州以
禮請爲庠正其所教導弟子悉有師法治平四年登進
士乙科試祕書省校書郎最後補東安尉夷人不知爲
學先生爲新孔子廟使雄壯方秋與其令釋菜行禮禮
成以書報沈嘗達遼曰使後世有學者知是爲名教主
其所存如此元豐三年卒年四十有六

雲集編

楊先生從

楊從字存道江陽人累世以儒學著名薦於鄉乃登治平四年進士第爲人孝弟慈祥其文學鄉先生以爲可宗其爲吏不媿古之長民者年四十九而卒其葬也黃泊翁爲贊其畫像以教其鄉縣之子弟云

黃豫章集

張先生俞

張俞隱居岷山七被詔命不赴賜以官又乞回授其父號曰白雲先生大節見國史事見先賢篇

氏族譜

梓材謹案先生字少愚益州郫人祕書郎辭官歸隱居青城山白雲谿杜光庭故居性樂山水遇有輿跡數千里輒盡室往遂涉湘沅觀浙江升羅浮入九疑買石或鶴以歸杜門著書未成而卒妻蒲

宋尤學案補遺別附卷一

四明叢書

氏賢而有文
爲之誄云

費先生求

費求蜀人登熙寧第官止眉山令博學爲鄉先生

氏族譜

胡先生堯卿

附子遵度遵道遵義章

胡堯卿字宗元新喻人少孤自力問學年十九以進士薦於鄉二十有五再試禮部再不利益自刻苦治經術厲操行客游高安太子中允蔡仲舒口其孤立以兄子其之爲開書館畱與甥其學旁近士家多就之者已而請授常數十百人年四十築草堂於高安之魯公嶺捐

十萬錢買官書無所不讀終日與其徒辨析義理初不
經意時事熙寧癸丑里人強起之迺行應詔授臨江軍
長史而歸猶讀書不休子遵度遵道遵義章皆力學遵
道登第仕太和主簿

黃豫章集

余先生齋

余齋字元輔方舍法欲行上書引成周事力贊之因命
以官累遷至正郎後復上書改洪範篇自王省惟歲至
月之從星則以風雨乃屬之四五紀一曰歲二曰月三
曰日四曰星辰五曰曆數之下謂凡九疇皆有衍文惟
四五紀無之至於八庶徵之後既言肅時雨若止蒙恆
風若意已斷矣而又加王省惟歲以下之文則近於贅
或者是其說然爲臺諫所彈不果行

龔明之紀聞

句先生居體

句居體成都人登熙寧第官至朝請大夫王素使東蜀
知其賢請權領懷安軍事卒懷安先生素號鄉先生著
書爲多諸生從之廣多知名

氏族譜

李先生傑

李傑邵陽人熙寧進士歷知永絳二州四川提刑湖南

安撫使所至有聲後終大理卿嘗置書萬卷以遺郡庠
置田數千畝以贍宗族

明一統志

李先生安國

李安國洪都人熙寧中徙安化悅山水靈奇卜築伊溪
側隱居讀書自號梅山老人又徙新化事母孝邵人重
其行請入學教子弟未幾辭歸

一統志

黃先生誥

黃誥字君謨平江人熙寧三年進士爲長沙簿徙知益
陽尋居喪廬墓三年芝生墓前凡六十餘本哲宗賜帛

宋元學案補遺

別附卷一

四六四明叢書

知國朝

五十四紹聖二年以朝散郎起知歙州首謁先聖升堂
講周禮諭父老遺子弟入學更勸學舍後遷湖南提刑
仕至太府卿

湖南通志

捉學劉先生暉

劉暉韶州翁源人登熙寧庚戌進士第博學洽聞百家
九流之書無所不窺崇寧中置廣南東路提舉學事司
掌州縣學政歲巡所部以察師儒優劣生員勤惰而專
舉刺之任以先生爲之其教士子立課程懸賞罰責實
行崇信讓雖鄉曲一無所私自是人才輩出宣和三年

龍歸士林稱之祀邑鄉賢

象源志

大中呂先生防

呂防字大防龍游人熙寧中進士有學行龍游士子發舉自先生始累官至大中大夫

明一統志

附錄

嘉祐末於縣南雞鳴山設義學士之慕道從游者眾一日登山見雞鳴棘叢中張羅餉之得白金數十鎰輸之官

員外姚先生舜仁

附見

宋元學案補遺

別錄卷一

明一統志

約園刊本

姚舜仁字會由歸安人元豐八年登第爲太學正召對稱旨除館職遷庫部員外郎進明堂定制圖并序上賜對褒獎又譏明堂訓解一卷擬上之而疾作後兄舜哲表進以成其志

西吳里語

提舉韓先生謹

韓謹字去華晉江人崇寧二年進士累除處州教授著詩禮義解上之辟廳長貳稱獎拔之朝召爲國子博士改廣東東路提舉學士罷歸以所著義理數篇見當路朝廷大開禮制卽日除編類御筆所編類官兼禮制檢

官一日抗章謝事同僚劾奏請畱朝廷還以舊職未就
卒 廣東黃志

曾先生誼

曾誼字子常南城人進士及第官至尙書都官員外郎
生而好學其家學者曰先生始博聞強記明於大體善
屬文一時名出眾右其家故貧節廉自重爲吏平恕質
懇務在愛人不爲刻察 元豐初

范先生隱之

范隱之□□人官太常寺奉禮郎所著春秋五傳會義

宋末學業補遺 別附卷一

吳國朝叢書

經術深明旨趣醇正且其履行高介不羣 張樂全文集

黃先生裳

黃裳字勉仲其先金陵人五代時遷延平元豐五年登
進士第累官太常少卿徽宗朝遷兵部侍郎又遷禮部
侍郎求外任差知潁昌府移河南未行畱爲禮部尙書
歷知青州廬州鄆州丐宮祠提舉杭州洞霄宮政和四
年以龍圖閣直學士起居福州復以提舉杭州洞霄宮
居錢唐至宣和七年除端明殿學士再領宮祠建炎二
年始歸延平抗章乞致仕轉正議大夫卒程瑀爲之碑

周禮講義自序

天理之有盈虛人事之有邪正天下後世類不及此務
盈以邀凶邪以致亂夫誰不然先王之於愚眾吉凶與
之同患以義寓之數而告之以禍福之理於是乎作易
邪正與之同患以道寓之法而制之以上下之分於是
乎制禮三代之世皆有是書夏之易曰連山商之易曰
歸藏其道未全夏之禮則立忠商之禮則立質其法未
備夏商之君豈不能一日而預言之耶適丁斯時人僞

宋元學案補遺 別附卷一

學九四明齋書

一約園刊本

世習未足以全是道備是法耳故名易曰連山則象其
顯諸仁名易曰歸藏則象其藏諸用仁所以闢幽建常
能常而已未足以爲易也智足以闢微適變能變而已
未足以爲易也仁智之道合則易之道至焉故吉凶與
民同患至周然後易之書著禮以忠爲心以質爲體文
則剛柔乎此者也故邪正與民同患至周然後禮之書
著二書特言周者以辨夏商焉耳二書之效使人知有
消息之數吉凶之象則守謙以防虧在善以消譴知有
上下之分高卑之勢則循理以避僞由義以歸正然後

號令者順而典謨之書行吟詠者樂而雅頌之詩作則
聖人何俟於春秋哉二書之教不行然則三頌之次聖
人以魯望周周不可望也以商戒周周不可戒也聖人
始卽書之後絕之以秦誓焉然則春秋安得而不作耶

梓材註案經義考載周禮講義六卷存
又周易濶州講義一篇存藏演山集

朝議丁先生璉

丁璉字玉甫番禺人少有才名杜門讀書講明經學遠
近受業者羅屨於外元豐二年進士授融州司戶遷宣
教郎尋拜太府丞改朝議郎元祐六年夏人侵靈州廷

宋元學案補遺

別附卷一

五十四朝議書

約閣刊本

議討之先生言於朝以爲天下之患莫先其大者苟知
所豫防則纖芥之患可不勞而除契丹猖獗積有年所
朝廷未有以制讐之此元昊餘孽之所以敢肆而不加
懼也請休士氣養精銳儲財粟專意北邊以爲豫備之
計則西賊之膽落矣然後以餘力討之未晚也當國者
惡其言出爲桂州學教授訓迪有方人材多所造就紹
聖初以薦授左朝散郎知連州元符三年轉朝散大夫
賜緋魚致仕卒年七十三先生性廉潔與物無忤而政
號剛明博學多識退藏若愚鄉鄙稱其長者知廣州蔣

之奇以才自負每輕廣南士大夫嘗泛舟與之同游九
隴石劇談至三鼓驚曰君學問精博中州士不如也廣州
人物傳

杜先生唐卿

杜唐卿宜章人元豐進士調浮梁主簿首興學校未幾
芝生於學有善政百姓德之累官司農卿姓譜

王先生格

附陳軒

王格字伯庸長汀人家貧授徒與陳軒厚元豐開軒來
守郡割俸錢五十萬饋之先生悉歸諸郡庠置田百畝

宋元豐案補遺

別附卷一

五十一 四明叢書

約園刊本

磨生徒汀學有田自先生始

福建通志

俞先生易直

俞易直字平叔歙縣人元豐登第爲彭澤尉以母老歸
清修苦節臨歿郡守曾諤命其屬往視問以後事答曰
棺已具衣已浣方屬妻子耐葬先塋不爲齋具此外無
所須也曾遣吏齋錢五萬供湯藥不受曰吾平生貧豈
以五萬變吾志哉

江南通志

運使李先生熙載

李熙載德廣州人登元豐八年進士任廣西運使致仕

稱爲夫子

德廣州志

林先生綯

附弟繹

林綯字伯素廣州懷集人少敦敏順悌其交不妄而篤於好善閉其戶以讀書爲文至忘寢食母弟繹與之偕名皇祐中同日擢第先生之教也釋褐授潭州長沙改賓州嶺方簿兼令遷桂州修仁令先生志尚高潔其臨政惠愛撫循其民而教之以善猶子弟也故所莅稱治差韶州恭城令以父喪歸歎粥面墨廬居以終憂經年始領端溪之命以疾卒於官舍繹官至桂州永寧令

西

宋元學案補遺

別附卷一

五三四明徵書

約圖刊本

唐集

龍圖章先生棗

章棗字質夫浦城人以叔得象蔭應舉試禮部第一官權戶部侍郎紹聖初加集賢殿修撰知廣州時廣人冒犯鯨波浩殖貨利不知有義以制其欲至於婦代夫訟父子異居兄弟骨肉急難不顧男女嫁娶至無媒妁喪葬之儀過禮越制先生以習俗積久卒未能化日夜積躬思以導之乃以教化所始莫先於學人倫之序莫先於教於是以城西之學與尼寺相比其不合古制乃謀

遷於城東番山之前日與學士諸生講論六經嘗告諸生曰夫學不力不足以成德善不明不足以擴充其性誦孔孟之書學先王之道苟無至誠好善之實而不知性命死生之說外禍福富貴則何足以爲君子儒哉文章可學而工也議論可講而到也巍科殊級可以力取也富貴利達可以苟達也皆世俗之所貴彼所謂貴者非良貴也君子之所異於人者以其存心心之所存四端而已不誠其意不足以正心不正其心不足以齊家至於治國平天下之道一本諸心而已矣諸生其勉焉

宋元學案續遺 別冊卷一

五十四明 嚴書

約園刊本

夫喪良心而逐外物君子謂之惑循虛名而忘實行君子謂之盜盜可爲乎哉惑可久乎哉諸生其與師友朝夕講論德誼息心以明善變如魯之國是太守之所望先生平素以文人自負其爲是論士人翕然稱之後以龍圖閣直學士致仕卒 廣東黃志

梓材謹案先生嘗爲游景叔墓誌篆額謝山題跋以先生爲元祐黨人之同岑則先生亦一學人也

楊先生恕 附師王由

楊恕字寬之河東人居於蜀爲兒童日誦千言師以爲不煩稍長酷愛春秋左氏有王由先生者砥礪名節以爲

教鄉閭之子弟來學者必考其素至先生來欣然笑之曰此諸生之表也先生論學取友是是非非終不以寒微貴勢奪其名實

黃豫章集

党先生禹錫

党禹錫字唐卿許之鄆城人起布衣取進士第凡仕四十六年由太子賓客遷卿貳以尙書工部侍郎謝事還里所著述有周易集解十卷生平篤信推命之學自撰周易流演遁甲圖一卷蘇頌志其墓謂之儒學之老魏公集

宋光學案補遺

別附卷一

五函四明叢書

約園刊本

令狐先生揆

令狐揆字子先安陸名儒筮仕齊安理掾歲滿還里卜築溟涆之南耕釣之外彈琴著書而已於書無所不讀

著易疏精義

王得臣說

胡先生晏

胡晏衡陽人至性孝友鄉里爭訟成就質成開館延四方賢士教諸子及卒孔武仲表曰處士胡君之墓

明統志

楊先生總

楊總字公元巴陵人修身力學起名進士爲石首尉以

勤恭服公以恬正事上以和信得友作樂養軒於解東以奉二親兄弟六人皆服儒其已仕者皆在左州右邑之近安否之問日至庭闈閨門中怡聲安節先意恭順婦子侍御亦化其誠孝相與以給其力

劉忠肅文集

李先生常學

附子彌

李常寧字安邦隰延人結髮學問晚而彌勵元祐三年上始臨軒策士數百人而先生爲第一時年踰知命釋褐授宣義郎簽書鎮海軍節度判官是歲以疾卒子彌有學行

秦淮海集

宋元學案補遺

別附卷一

聖四冊藏書

約園刊本

元祐對策語

天下至大宗社至重百年成之而不足一日壞之而有餘

林少穎曰某嘗三復斯言以爲得伊尹所以訓太甲之意雖晁董公孫之策皆不及也

史先生通

史通字子深青神人以貢舉不第退居楠溪之上杜門著書絕人事者數年得易著若干卷乾坤別解三卷禮記義一卷詳說四卷律呂氣數十二卷書義八卷詩義

若干卷論語孟子解各若干卷史論若干卷其書既出
學者翕然稱之後中元祐三年進士第歷達州通州尉
資州磐石令

唐子西集

王先生定民

王定民字口口亳人元祐中知湘陰縣時州縣無學肄
業之士惟歸書院先生始勸學宮於南浦於是居業有
所又知衡陽縣兼權教授修葺學宮撰勸學文以告多
士一時士皆知奮

一統志

知州宋先生守之

宋元學案補遺 別附卷一

民四明叢書

約園刊本

宋守之不傳籍貫慶曆間知瓊州教諸生讀五經於先
聖廟建尊儒閣暇日親爲講授置學田以資膏火由是
州人始知好學

廣東郝志

郡博藍先生奎

藍奎字秉文程鄉人性強記書不再闕家無圖書或假
於友越宿則歸之問之輒能成誦嘗有詩云懶思身外
無窮事願讀人閒未見書其志學如此元祐三年第進
士官文林郎郡博士嘗授詔校文福州文章氣節人稱
爲藍夫子云

廣東黃志

吳先生楷

吳偕道州人元祐六年登第三履道謫道州屢造其廬名其堂曰聚德嘗爲賦詩有田園九世四百載儒學一門三千人之句

永州府志

郭先生大昕

父紘

郭大昕字方進臨邛火井人父紘聚徒教授於富義因家焉先生幼少機警能文韓獻肅公守成都大興學學者至數千試進士以泮宮服淮夷賦先生年十六考第一一名聲傾西州登進士科調遂州法曹參軍歷知成都

宋元學案補遺

別野卷一

毛西明叢書

約園刊本

縣元祐初政以議法忤使者移蜀州永康縣累官知蜀州卒有集三十卷先生好學未嘗一日去書不觀在蜀州士多從之學

黃孫章別集

林先生慮

林慮字德祖其先福清人後爲吳縣人紹聖四年進士教授潤州常州揚州擢河北西路提舉學事除開封府左司錄一日上章請老夜自書牘旦報可家人無知者卽自束裝出國門士大夫走餞皆不及旣歸杜門與宗族故郇嘯詠山水閒無一言及世事所著有易說詩義

書禮解 陸友仁說

孝子仰先生忻

仰忻字天祝永嘉人力學以篤行稱年五十餘執母喪盡禮躬自負土廬於墓側有慈烏白竹之瑞紹聖中郡守楊幡表其里大觀二年以入行取士郡以先生應請未幾卒贈將仕郎 史傳

梓材謹案孝子著有訓蒙規鑑永嘉百題詩集

附錄

富有富室欲與通婚先生著同姓圖拒之曰姬周鄭江

宋元學案補遺

附錄一

卷八 四明 嚴書

約園刊本

與仰同姓後世論氏不論姓非也

樓攻媿書孝子行實後曰先生孝行出於至誠本不求人之知清朝官之以風厲天下而後先生之名顯

唐先生贍

唐贍字望之丹稜人子西長兄後名伯虎字長儒治易春秋皆有家法元祐三年其父游瀘南先生兄弟居母喪於丹山先生夜半蹴子西曰吾夢收父書發之得丞來二字吾父得無有他乎吾心動矣汝奉母奠朝夕吾趨瀘南子西未及應先生奮曰吾決矣起裹糧黎明走洪

川僦舟三日半至瀘南父果病甚見之大驚問其故具告之父歎曰天告汝也是日疾少閒具舟侍父以歸居數日疾復作遂卒元符二年子西以貢舉事繫獄臨叩語連先生臨叩并械之凡對吏逾年掠治無完膚其詞確然一不及子西以故獄久不具卒會赦治之先生性真率無威儀人多易之至是皆大服以爲不可及仕於四方每數年一歸不過旬日復去後卒於家

宋史

州守古先生革

古革字仲通梅州人紹聖閒進士教授瓊州訓士不倦

宋元學案補遺

別附卷一

五五四明嚴書

約園刊本

洞巖多遺子弟受學會黎人叛奉檄往諭巖素敬先生遂率服狀聞於朝擢守潮州有惠政

梅州志

曾先生存

曾存字存之□□人與吳垌先人同官秦邸靖康初以少蓬召與垌再見於京師一日語垌曰余在林下二十七年僅與世絕但每知朋厚善者長進則爲之寢食有味或聞有不長進處何止作十日惡

五總志

直閣陽玉巖先生孝本

陽孝本字行先贛縣人博學高行隱於城西通天巖凡

二十年一時名士多從之遊東坡爲號曰玉巖居士贊其眞曰道不二德不孤無人所有人所無崇寧中舉八行累官國子博士直祕閣歸老

姓譜

王先生縉

王縉字子雲分水人崇寧五年進士自侍御史遷右司諫知無不言每謂人才實難多事之際尤宜爲朝廷愛惜故不專彈擊而惟論安危大計與所以啓沃君心者高宗嘗以得諫臣體稱之

姓譜

梓材謹案先生之先自桐廬家於明而處者爲分水人先生卒年八十七張直公誌其墓

宋元學案補遺

別野卷一

辛

四明叢書

約園刊本

附錄

朱勝非當國故卿監官至都堂亦使趨庭自列公不肯入堂言多採用

公之存子孫悉從吏部選無詣堂者

劉靜春曰嘗得公遺書所謂霜臺諫垣稿者合九卷讀之累日深惟既往之是非易定而當時之毀譽難公也觀前輩奏篇至毀譽之際雖元祐忠賢猶惜其是非之未定焉而公手書具存繫以時日皆可依據至所尊信必天下鉅人所排黜必其自絕於善人之類者非唯嘗

時道今實然而後知公之所言蓋有見於中非苟然也

林先生震

林震字時莠莆田人崇寧二年進士累官左正言權給事中遷太常少卿知鎮江府移守汝州召入除起居郎遷祕書少監卒自號介翁所著禮問三卷易問五卷易傳十卷

圖書

劉韓門人

知州李先生南仲

李南仲英州潁陽人少穎悟日記數千言閱數月師友

宋元學案補遺

別附卷一

空一國朝叢書

約園刊

詰之聞書朗誦一字不差十歲舉神童遂中童子科授從事郎歸省其母自以學未大成遜於羅浮誦讀不輟提舉儒學司韓謹劉暉皆重其文行大觀初授奉議郎知康州以治行聞

英州志

知州廖先生君玉

廖君玉字國華荊州人元祐間三禮出身以朝請郎知英州素好學建書堂於桂山名曰紫桂堂偃仰其閒時作吟詠而政事未嘗廢也遂於理學未嘗手釋經史人多效之

廣東黃志

參軍何先生大正

何大正大庾人博通諸經尤邃於易元祐閒入國學雖
老師宿儒莫不推遜時稱上庠三傑先生其一也官至南
雄州司理參軍治獄察情根於所學後致仕卒於家

廣東

黃志

唐氏家學

唐子西先生庚

唐庚字子西丹稜人善屬文舉進士稍爲宗學博士張
商英薦其才除提舉京畿常平商英罷相先生亦坐貶

宋元學案補遺

別附卷一

空四明叢書

約園刊本

安置惠州會赦復官承議郎提舉上清太平宮歸蜀道
病卒年五十一先生爲文精密通於世務作名治察言
欄俗存舊前行諸篇時人稱之有文集二十卷

宋史

子西文集

國家舊物宜使斯民嘗見而熟識之以習其耳目而繫
其心自非不得已者不宜輕有改易變置以自絕於民
也

存舊論

今士大夫達時變識事情警敏有餘矣至於學治道通
大義氣力量足以支久而任重者未可多得是豈無

有也。有則不容於時。

吾聞江海之水必有吞舟之魚。通邑大都必有千金之家。以四方萬里之國而非得恢廓宏遠之風以充之。是猶衣九尺之衣。束十圍之帶。高視闊步而血氣不逾中人。也可乎。

以上欄俗論

孔子曰：以孝事君則忠。曾子曰：朋友不信非孝也。是相生法也。何名爲私乎？父子兄弟出於天。君臣夫婦朋友出於人。而父子兄弟夫婦主恩。君臣朋友主義。則五教之中。近於君臣者。唯朋友爲然。故欲知人臣之忠者。必

宋元學案補遺

別附卷一

卷三十四 明叢書

約園刊本

於朋友焉。觀之寧有賊害其友而能忠於所事者乎？是物理之必不然者。夫以公心處之。何適而非公苟私矣。則君臣父子夫婦長幼皆私也。寧獨友哉。

正友論

士之通經術知古誼者。不爲不眾。日夜講究治道。以遊於世者。亦不爲不熟。其所稱引動以宗周爲言。而問以當代治體。則茫然不知所以名之。惟其無得於此。是以有慕於彼。

名治論

今夫戰則除害於時。不戰則遺患於後。此有必勝之勢。彼有必敗之道。思慮深熟利害之形。了然於胸中。知其

決不誤國而後爲之若此者爲國計非身謀也 蔡言論

殿丞馮先生寅 附族子晦

馮寅字賓之英德人少博學好古登大觀三年進士官殿中丞族子晦字文顯少篤學嘗師之學行兼優尤工詩賦教授生徒敦德自好著有南山雜詠傳於世 廣東黃志

曾先生元忠

曾元忠字居正永豐人崇寧五年進士仕司戶改廣州教授所著有春秋曆法論語解周易解門人私謚文節

宋元學案補遺 別附卷一

西國明叢書目 約圖刊本

先生 江西通志

李先生琬 附門人謝皓謝黻

李琬字粹之建寧人學行爲鄉閭所推重同邑謝皓謝黻皆受業其門後以八行薦未受而卒 姓譜

教授林先生勳

林勳賀州人政和間舉進士爲廣州教授建炎中獻本政書十三篇書奏以爲桂林節度掌書記朱子甚愛其書東陽陳龍川亮嘗謂其考古驗今思慮周密世之講井田之學者孰有加于此乎 姓譜

本政書

國家兵農之政率因唐末之故今農貧而多失職兵驕而不可用是以飢民竄卒類爲盜賊宜倣古井田之制使民一夫占田五十畝其有羨田之家毋得市田其無田與游惰末作者皆驅之使爲隸農以耕田之羨者而雜紐錢穀以爲什一之稅宋二稅之數視唐增至七倍今本政之制每十六夫爲一井提封百里爲三千四百井率稅米五萬一千斛錢萬二千緡每井賦二兵馬一匹率爲兵六千四百人馬三千四百匹歲取五之一以爲上番之額以給征役無事則又分爲四番以直官役以給守衛是民凡三十五年而役使一遍也悉上則歲食米萬九千餘斛錢三千六百餘緡無事則減四分之三皆以一同之租稅共之匹婦之貢絹三尺綿一兩百里之縣歲收絹四千餘匹綿三千四百斤非蠶鄉則布六尺麻二兩所收視絹綿悉倍之行之十年則民之口算官之酒酤與凡茶鹽香礬之權皆可弛以予民周制步百爲畝百畝僅得唐之四十餘畝唐之口分人八十畝幾倍于古蓋貞觀之盛戶不及三百萬永徽惟

增十五萬若周王畿千里已有三百萬家之田列國不與焉是以唐制受田倍于周而地亦足以容之狹鄉雖裁其半猶可以當成周之制然按一時戶口而不爲異日計則後守法難矣

既無振貧之術乃許之買田後魏以來弊法也是以啟兼井之漸

附錄

陳及之曰林勳本政書云凡調役之法宜使丁夫皆十人爲聯歲輪一人祇役一月其九人各于其家償其三
日之役則民無道路之苦官無交番之冗周官所五人爲伍十人爲聯者大概如此若每人用之三日煩擾已甚

林先生幹

林幹字國材温州人崇寧初士皆以舍法論秀登名先生獨不與舉業閉門著書居木榴山因號木榴子著淵通四十八篇覃思十三篇邑令鮑輝遺先生書謂讀覃思知古大聖人治心養性盡于此矣淵通一書理學精微非晚學能窺涯涘一日見先生草衣木質進退疏野

始知爲遜世士益尊事之

浙江舊通志

蔣先生猷

蔣猷字仲遠金壇人政和宣和間直言人也謂今日羣臣無他能唯以善候伺人主承望大臣爲向背者謂之才又言內侍省不隸六察又言三省吏官至四品又言近倖建墳寺論趙良嗣獻平燕書爲狂妄論范之才謂滁水有鼎可出爲狂妄論徐惕等進奉後苑建炎三年避兵明州卒于昌國縣蓬萊葬鄞縣隱學

黃氏日鈔

梓材謹案先生官至吏部尙書以徽猷闕直學士致仕見四明延祐志

宋末學案遺

別附卷一

宋王國朝續書

約圖刊本

附錄

汪浮溪誌其墓曰其爲文一本經術無益于時者未嘗言精深簡古似其爲人

蕭先生溥

附子正奇正章正立

蕭溥廬陵人天資樸厚博極羣書三舍法行以明詩賦充辟雍繼習戴氏禮名益彰國子先生才之會天子命妙簡諸生粹于學問者俾以經訓諭諸王遂膺其選宣和甲辰春始特奏名選辰州士曹遷蘄州推官以卒子正奇字端偉偕弟正章正立懋營雪廩示以矩矱二弟

學種文績惟謹而端偉之譽益靄然郡博士偉其文命
講說以諭後學談道有本矜佩崇之薦紳子弟履滿戶外
再薦不偶還里館名儒模範子姓須臾弗措與外人交
洞略細故號耐久朋

胡澹菴集

知州王先生之才

王之才□□人知韶州樂善好修敏而有才雖韶稱事
劇而日有餘暇嘗新州學日與弟子員討論講解崇獎
秀異俾之進業

粵大記

張先生邦彥

宋王軍案禮遺

別附卷一

李天泗明叢書

約園刊本

張邦彥□□人政和二年由太子上舍擢進士第官至
左朝散郎贈朝議大夫有經解雜著數十卷

許先生澗

許澗字子瑩績溪人政和中累徵不起構樂山書院于

沈山講道其中

徽州府志

李先生申之

李申之湘陰人政和二年進士知灌陽縣未滿乞致仕

轉承仕郎歸杜門讀書號永退居士州長辟之不納

湘陰志

縣志

朝奉陳先生謨

司法陳先生慥

合傳

陳謨東莞人卅歲博通羣籍政和五年登進士官朝奉
郎署縣居官清廉勤慎以文學飾吏治興利治害切切
以民生爲念尤加意學校一時人士蒸蒸向化旋以親
老解組歸生平廉介自持不爲阿徇然與人和易偕從
弟應辰往來青紫峯亭講學論道夜分不輟足跡不至
公庭邑令慕其賢往往造廬商決正言侃論主於便民
邑人賴之同邑陳慥隆興元年特奏官司法生平學行

宋元學案補遺

剛齋卷一

六五 明 叢書

約圖刊本

極爲人所推重後邑令陳琦建思賢堂以祀翟傑與二
先生邑人祁順有詩曰卓犖三夫子才名重一鄉

東莞舊志

汪先生杞

汪杞字堅老建陽人政和二年進士以御史致仕里居
十五年講學著書不倦郡守魏玘見其所著孝經歎曰
他日變此邦人爲曾閔必是書也

閩書

正議傅先生凝遠

父嵩

傅某字凝遠其祖始居泉州晉江縣父嵩以累舉進士
推恩閉門教子不肯仕先生幼有美質讀書日數千言

學爲文輒驚其長老崇寧中甫年十八入太學試中高
等然猶幾二十年乃以上舍登第調滄州無棣主簿遭
父憂終喪得南劍州順昌縣府調泉州安溪縣丞徙南
安縣丞遷知晉江縣安撫使張忠獻公聞于朝特減磨
勘年遂爲奏事司幹辦公事秩滿赴銓得通判南劍州
而歸卒年六十有八官至左朝奉大夫累贈正議大夫
疾革猶戒子孫曰吾平生無愧頰仰後汝曹居官主清
治家主嚴奉先主敬收族主恩造次顛沛必至忠信能
用吾言雖貧賤猶爲有德君子不然臘取光顯奚爲哉

宋光學家集

別附卷一

七十四陽歲書

約園刊本

語終遂瞑 陸放翁集

附錄

陸放翁跋傳正議至樂庵記曰正議傳君在學校二十
年聲震京師同舍生去爲公卿者袂相屬而公始僅得
一第旣仕矣遭時艱難妄男子往往起閭巷取美官公
又棄不用則亦何樂哉及讀所作至樂庵記自道其胸
中恢疏不欲薄所以樂而忘憂者文辭辨麗動人有列
禦寇莊周之遺風然後知公蓋有道者

陳氏家學

陳先生與義

陳與義字去非其先居京兆自曾祖希亮始遷洛故爲洛人先生天資卓偉爲兒時已能作文致名譽流輩斂衽莫敢與抗登政和三年上舍甲科授開德府教授累遷太學博士擢符寶郎謫監陳留酒稅及金人入汴高宗南遷遂避亂襄漢轉湖湘踰嶠久之召爲兵部員外郎紹興元年夏至行在遷中書舍人並掌內制拜吏部侍郎尋知湖州召爲給事中駁議詳雅又以顯謨閣直學士提舉江州太平觀召爲中書舍人直學士院六

宋元學案補遺

別附卷一

十四明叢書

約園刊本

年拜翰林學士知制誥七年參知政事唯師用道德以輔朝廷務尊主威而振綱紀從帝如建康明年扈蹕還臨安以疾請復以資政殿學士知湖州陸辭帝勞問甚渥遂請閒提舉洞霄宮卒年四十九先生容狀儼恪不妄言笑平居雖謙以接物然內剛不可犯其薦士于朝退未嘗以語人士以是多之尤長于詩上下陶謝章柳之間

宋史

張先生志行

張志行字公澤東陽人力學砥行鄉閭推仰以祿不逮

親遂不事科舉州郡屢辟不應紹興三年浙東宣諭使
朱異表賜號冲素處士 金華府志

傅先生崧卿

傅崧卿字子駿山陰人擢甲科累遷考功員外郎爲林
靈素所譖出爲蒲圻縣丞後官至給事中 紹興府志

夏小正戴氏傳序

崧卿少時讀禮記著孔子得夏時于杞鄭氏註曰夏四
時之書也其存者有小正而鄭注月令引小正者八辭
大抵約嚴不類秦漢以來文章信其爲夏氏之遺書顧

宋元學案補遺 別附卷一

七十四明叢書

約園刊本

欲睹其全未之得政和中閔外兄關繪藏書始得而讀
之星昏見伏見中正當鄉若寒暑日風冰雪雨旱之節
草木梯莠之候羽毛鱗蠃蠕動之屬蟄興弼伏鄉還陟
降離隕鳴响之應罔不具紀而王政民事繫焉蓋夏之
月令也志時之有是物往往以見言之豈謂據人所見
者辭固當爾耶

關本戴禮皆以夏小正錯諸傳中洋洋之書雜以漢儒
文辭醜駁弗類且所訓疑有失本指者乃放左氏春秋
列正文其前而附以傳月爲一篇凡十有二篇釐爲四

卷名曰夏小正戴氏傳關本簡編失倫悉以大戴禮是正兩書互有得失或字衍脫不同則擇其善者從之明注其下而闕其可疑者大戴禮無注釋關本注釋二十三處懼其與今注相糅則云舊注別之來者宜詳焉

粹材謹案四庫全書著錄是書提要云是書之分經傳自傅氏始朱子作儀禮經傳通解以夏小正分析經傳宜沿其例其說釋之詳亦自傅氏始全氏通鑑前編所註實無以勝之于是書可謂有功德者盛稱朱子考定之本與全氏續作之注而不以割始稱傅氏非公論也又案續先生而考正經傳者又有可東史季教見靜修學案補遺

直閣王先生岡

宋元學案補遺 別附卷一

王岡明叢書 約圖刊本

王岡字壽基無錫人父軾築室舍旁儲書數百千卷千里迎師教其子凡累十二封至通奉大夫先生少時已疑自立讀書著文出語驚人既冠得太學上遊所爲文章讀之曰吾可以一出矣則贏糧往從之元符三年辟進士主睦州青溪縣簿累遷左司員外郎早以文藝遊場屋爲名進士故終徽宗朝五更內外學官之選而未嘗任事建炎初呂服浩入相召爲尙書郎先生嗜書尤長于易嘗著論以黜先儒之謬晚年深明春秋左氏之學考質諸侯卿大夫之功罪以推明當時得失理亂之

故博經爲說反覆貫穿切于時務之要一日奏事殿中
上曰屢讀卿奏指事據經皆本春秋之旨居亡何引疾
自去除直祕閣主管臨安府洞霄宮徙台州崇道觀上
書告老守本官左朝散大夫致仕卒年七十有五

鴻慶
居士

鄭應庵先生銓

鄭銓字應權宜春人學通于六經宣和間兩貢上舍不
偶棄歸學者踵門日眾嘗號應庵因稱應庵先生

姓
譜

上舍毛先生徹

父通彥附子宏宣

宋元學案補遺

別附卷一

七十四明叢書

約園刊本

毛徹其先括蒼人父通彥元祐間以經術詞賦三與計
偕後徙樂清先生有文行受詩學試爲上舍優等以久
謁告不及貢居鄉以賢德稱與邑大夫交雖毫髮不干
以私縣起新學先生治其事學成邑令俾爲之長以表
率後進子宏字叔度資稟不凡幼與兄宣俱有雋聲俱
能世其家學當時目之曰二毛公入太學繼試禮部以
春秋魁天下士中紹興第授寧海簿沈毅有守民莫能
犯甫半歲而政教大行會丁父憂居喪過制尋以毀卒

兩浙名賢錄

梓材謹案溫州舊志載先生字知微居
父母祖父母喪一十二年禮不少變云

宋先生德謙

附子洪孫禕曾孫和

宋德謙名某太原樂平人宋宣和時進士博學多能名
與趙國器埒三晉以西皆宗之遠近學者輻輳故晉之
言師道者必首宋氏子洪在金爲名進士父子以家學
相傳自樹益茂敬敏公禧其子也禧子和字君和幼值
亂離轉徙雲朔猶著書不舍長通六經大指慨然有及
物心刻意而方無所不習元至元二十七年卒年七十
八以子超封燕寧郡公諡文康

程雪樓集

宋元學案補遺

別附卷一

七五四明叢書

約園刊本

雷先生度

雷度字世則臨川人靖康初爲舉首然無意利祿研精
于易有易口義

江西通志

范先生弁

范弁河南學究居嵩山道中小市曰金店貌古性直君
子人也鄰有酒肆詩云喫飲二升糶麥一斗磨麪五斤
可飽十口遇歲時歌樂喧集鄉人競觀先生讀書閉戶
自若也又有戒訟詩云些小言詞莫若休不須經縣與
經州衙頭府底陪茶酒贏得貓兒賣了牛鄉人畏而服

之范公稱過庭錄

馮先生安國

馮安國字彥修順昌人時行王氏學先生晦迹于家聚徒講經建炎中范汝爲據尤溪籍民降附先生不屈死
福建通志

唐先生日宣

唐日宣邵陽人爲武岡軍教授建奎文閣倡明正學雖深山窮谷中素不知書者皆遣子弟肄業
邵陽縣志

鄭先生綺

附六世孫文嗣

宋元學案補遺

別附卷一

七六四明叢書

約圖刊本

鄭綺字宗文白麟二十一世孫也自其祖居浦陽先生通春秋穀梁學撰合經論數萬言事父母孝父以非罪繫獄當入死先生上疏郡守錢端禮請以身代端禮察之白其誣母病風孿保持若嬰兒袒適廁必接就之三十年不懈自先生至文嗣凡同居六世歷二百年咸如先生在時至大四年旌表門閭
浦陽人物紀

梓材謹案晏穆誌其墓云傳家學以春秋爲宗其所篤好獨在穀梁氏乾道中賜號曰冲素處十

李先生邦獻

李邦獻懷州人太宰邦彥之弟官至直敷文閣著有省

心雜言一卷其書切近簡要質而能該于範世勵俗之道頗有發明 四庫書目提要

梓材謹案四庫提要又云是書在宋有臨汝刊本題為林逋撰或又以為尹焞撰至宋濂跋其書則謂逋固未嘗著焞亦因和靖之號偶同而誤皆非其實而王必所編朱子語錄積類內有省心錄乃沈道原作之文必有所據當定為沈本陶宗儀說孔錄其數條仍著為林逋所作迄無定論今考永樂大典具載是書共二百餘條蓋沈宋時槧本全帙錄入前有邵寬鄭望之沈濟汪應辰王大寶五序後有馬藻項安世樂章三跋并有李氏孫耆岡及四世孫景初跋三首皆謂此書邦欵所作又考王安禮為沈道原作墓誌具列所著書傳論語解等並無省心雜言之名足證非道原所作實朱子語錄之外談宋濂執而定論亦考之未審矣

宋元學案禮禮別附卷一

卷一 禮記 附錄 刊本

省心錄

聞善言則拜告有過則喜有聖賢之氣象

坐密室如通衢馭寸心如六馬可以免過

心不清則無以見道志不確則無以立功

天下有甚于饑渴飲食之道而世或以名稱己或以為

能事哀哉臣之忠子之孝弟之悌是也孔子以文學為

孝悌之餘事孟子謂良知良能不出于學是非聖人強

人以甚難蓋以愛欲汨其心而妻子爵祿為賊忠孝之

具間有得臣子之道者宜乎表出于世苟以孔孟之道

求諸已則知捨孝悌不足以爲人移孝悌爲忠順則立身行己之道當然世何稱己何能之有

事親孝者事君必忠何以知之良知故存雖妻子不能移其愛推此以盡爲臣之道則爵祿安可易其守子惟知有親安得不孝臣惟知有君安得不忠所謂良知者其可忘乎父慈子孝兄友弟恭相須之理也然子不可待父慈而後孝弟不可待兄友而後恭譬猶責人以信然後報之以誠夫盡己之當爲乃君子所以立身之道非求備于人也

宋元學案補遺

別附卷一

五

關雎詩書

約國刊本

自信者人亦信之胡越猶弟兄自疑者人亦疑之身外皆敵國至于推誠則不欺守信則不疑非但六合之內可行動天地感鬼神非誠信不可

知不足者好學恥下問者自滿一爲君子一爲小人自取如何耳

爲善者不云利逐利者不見善舜跖之徒自此分捨生取義固不可得見利思義聖人亦取之殆哉利不可言況可爲乎孟子答梁惠王之言至矣

靜吉動凶德休僞拙聖人戒告甚切至反身而誠樂莫

大焉知此爲君子昧此爲小人

木有所養則根本固而枝葉茂棟梁之材成水有所養則泉源壯而流派長灌溉之利溥人有所養則志氣大而心見明忠義之志出可不養哉故孟子所謂苟得其養無物不長也

歲月已往者不可復未來者不可期現在者不可失高不可欺者天也尊不可欺者君也內不可欺者親也外不可欺者人也四者既不可欺心其可欺乎心不欺人其欺我乎

宋王學案補遺 別附卷一

王四明叢書
約園刊本

爲善易避爲善之名難不犯人易犯而不校難

恐懼者修身之本事前而恐懼則畏畏可以免禍事後而恐懼則悔悔可以改過夫知者以畏消悔愚者無所畏而不知悔故知者保身愚者殺身大哉所謂恐懼也誠無悔恕無怨和無仇忍無辱

華藻見于外者謂之文古今積于中者謂之學苟見道不明用心不正適足以文過飾非文學所以在德行政事之下

窮不易操達不患失非見善明用心剛者不能也

人有過失已必知之已有過失豈不自知喜是非者檢人思憂患者檢身

綺語背道雜學亂性

知之非艱行之爲艱誠能踐履雖非聖賢其亦聖賢之徒歟

和以處眾寬以接下恕以待人君子人也

立身之道內剛外柔肥家之道上遜下順不和不可以接物不嚴不可以馭下

前輩論醫云閉門看古方三年知天下無病不可治及

宋元學案補遺 別附卷一

八十四明叢書 約園刊本

其出而用藥療疾知今古無方可用此無他聞見力極則止至于應變則無有窮盡噫豈但論醫也士之學問其失正在是苟以是心反之孳孳日夜自不知爲有餘縱未能盡愈天下之疾亦庶幾乎十失二三也

人皆有好生惡死之心人皆有捨生取死之道何見善不明耳

爾謀不臧悔之何及爾見不長教之何益

食能止饑飲能止渴畏能止禍足能止貪

以愛妻子之心事親則無往而不孝以保富貴之心事

君則無往而不忠以責人之心責己則寡過以恕己之心恕人則全交

爲政之要曰公與清成家之道曰儉與勤

事親有隱而無犯事君有犯而無隱事師無犯無隱聖人不易之論也古之所謂犯者以己所見陳于君不以犯上爲狂也後世所謂犯者處卑位而言非其職徒以沽名之心務行其說直前詆訐無益于世愚以爲若能以事師之道事君無隱則不敢逢君之惡無犯則不忍暴君之失諫可行言可聽膏澤可下于民不亦美歟

宋元學案補遺

別附卷一

八十二國朝叢書
一然園刊本

不臨難不見忠臣之心不臨財不見義士之節

保生者寡欲保身者避名無欲易無名難

張飽帆于大江驟駿馬于平陸天下之至快者反思之則憂慮不爭之地乘獨後之馬人或我笑樂莫大焉

蓋棺始能定士之賢愚臨事始能見人之操守

舜耕于歷山伊尹耕于莘野聖賢力田見于經傳後世以文學明道其弊至于菽麥不分豈止不知稼穡艱難

哉

主簿曹先生肅

附子延祚

曹肅字士先郴州人舉鄉薦初撰通州寧遠簿平生安分守道四方學者多從之遊著述數十卷子延祚字熙載清修多學足不履城市鄉士多出其門

姓譜

魏先生文璉

附子頴

魏文璉字□□其父自甌寧徙建陽先生粹然儒者也
有春秋豁疑六卷易說五卷于穎藏書甚富胡籍溪門人挺之其曾孫也

斐然集

朱先生振

朱振著有春秋指要一卷又春秋正名隲隱要旨十二

宋元學案補遺

別附卷一

全上四明叢書

約圖刊本

卷又敘論一卷春秋講義三卷

朱志

附錄

程積齋曰應天朱氏正名隲隱旨要并敘論不拘類例
專取經意

林先生立之

林立之字叔恭仙遊人

儒林宗派

龐先生安仁

附門人張正素周道卿

龐安仁字宅道晉陵人通五經尤長于易張正素周道

卿皆在其門

儒林宗派

奉議查先生許國

查許國海陵人精于六經以奉議郎贊帥幕僑居荆南開門教授一日從容書曰七十三年聖師之壽許國何人敢繼其後唯是平生恪遵善誘故從門人啟予足手卽端坐瞑目加朝服而終

姓蕭

周先生武仲

周武仲字靈之浦城人歷官吏部尙書以朝請大夫致仕著有春秋左傳編類三十卷

闕書

附錄

宋元學案補遺

別附卷一

八十五 四明叢書

約閱刊本

楊龜山志其墓曰公嘗病春秋左氏傳敘事隔涉年月學者不得其統于是創新銓次其事各列于諸國俾易覽焉

朝奉家學

通直陳先生應辰

陳應辰東莞人爲人謙和舉動不妄少時從師獨處一室夜半讀書忽有鄰女越垣潛至先生呼蒼頭明燈兀坐女慚而退黎明卽遷于他室居邑之紹興橋與翟旦爲比鄰有以屋前之田來售者將立券先生曰此田跨

吾二家之門吾全售則不便于翟遂與翟分售之且割
田之當翟門者與翟而自取其兩傍磽瘠者其厚德多
此類初任南恩司法再任龍川丞後改連州推官兼署
僉判改遷通直郎致仕家居作清講亭延師訓子孫年
八十餘卒

廣州黃志

宋元學案補遺別附卷一

宋元學案補遺

別附卷一

八十四明叢書

約園刊本

宋元學案補遺別附卷二

目錄

宋儒博考下

張先生大同 附子敬修從子聿修

方先生萬

鮑先生祖文

鮑先生祖武 合傳

鄭先生汝諧

林先生椅

宋元學案補遺別附目錄

項先生璣

高先生口

王先生台

張先生夔

黃先生牧之 附師徐世英

周先生淳中

華先生鏗

廖先生庚

洪先生官

羅先生無競

劉先生元迪

章先生元崇

何先生逢原

羅先生棊恭

唐先生閱

張先生淑堅

謝先生英

姚先生宋佐

宋元學案初編附錄

四庫全書
約圖刊本

張先生布

鄭先生公敏

葉先生汝士

黃先生定

陳先生研

劉先生與祖

附門人藍廷堅

毛先生冕

張先生大任

附子華

邱先生何

李先生叔寶

劉先生庭老

附師歐陽彥文戴仲弼

徐先生孝恭

附兄孝寧孝友

潘先生預

李先生元綱

譚先生世選

附兄子知言

句龍先生傳

唐先生人鑑

唐先生如晦

宋元學案補遺附

周先生孚

易祓

附西人陳章

林先生拱辰

林先生應辰

合傳

駱先生季友

附子士宏

楊先生起宗

附子嗣參

朱先生權

范先生筌

陳先生造

雷先生澗

李先生作父

附于日南孫之傳

包先生履常

黃先生雲

汪先生雄圖

曾先生躍鱗

莊先生夏

楊先生炳

陳先生震

宋元學案補遺附

目錄

四

四明叢書
約圖刊本

胡先生權

徐先生桐

附門人趙與嵩兄弟

沈先生棐

黃先生惟直

吳先生元士

徐先生次鐸

樂先生思忠

薛先生舜俞

柴先生翼

家先生頤

薛先生高

易氏家學

易先生茂 附弟開霖

彭先生宗茂

王先生蒙 附子與權遇

蘇先生竦

李先生起涓

余先生克濟

宋元學案補遺附

目錄

五

五編附錄書
約園刊本

許先生奕

應先生鏞

曹先生絳 附子沂

楊先生齊賢

吳先生之異 父良弼附子中孚

汪先生暉

鄧先生驥

李先生伯湛

許先生文瑞 附弟人瑞

徐先生定

祿先生堅復

李先生嘉會

楊先生景隆

黃先生榮

孔先生拱

孫先生之翰

王先生選

尹先生沂

宋元學案補遺別附

目錄

六

四明叢書

約園刊本

鄭先生士華

彭先生進

附門人彭沂劉東父彭拱辰彭淳彭子與
劉希傳章貴彭談

秦先生噩

林先生駒

黃先生履翁

合傳

周先生思誠

史先生彌寧

王先生用亨

吳先生自攸

吳先生自中

任先生直翁

林先生叔清

毛氏家學

毛先生居正

趙先生若燭

邱先生迪嘉

附師余克濟弟秉嘉

林先生子雲

翁先生永年

宋元學案補遺別附

目錄

七 四明叢書

約園刊本

傅先生實之

蔡先生元鼎

賈先生蒙

程先生元鳳

劉先生景山

方先生岳

包先生整

附子泰明泰亨泰育

龍先生祿

葉先生得象

蕭先生山

樂先生雷發

附門人姚勉

黃先生楠

附子和中得中

儲先生國秀

趙先生汝濱

附師王子明

賈先生鑄

附師劉□

程氏門人

汪先生儀鳳

程先生洙

附子徹

宋元學案補遺附目錄

邵先生士英

薛先生璞

朱先生詒

附陳少微

梁先生應龍

附門人單崔明

王先生奕

車先生景壽

柴先生望

秋堂學侶

柴先生隨亭

柴先生元亨

柴先生元彪

何先生宏中

樂氏門人

姚先生勉

方氏門人

吳先生龍翰

齊先生天覺

別附

宋元學案補遺別附目錄

九國刊本

附圖刊本

朱先生知常

附師盧端叔

李先生君錫

劉先生應登

葛先生炳奎

黃先生從龍

戴先生景魏

郭先生新

汪先生注

附子胄文從子昌壽從孫惟賢

胡先生芳

附弟琴

湛先生若 附錄起錢漢

陳先生益新

季先生致平

邵先生桂子

方先生公權

嚴先生肅

翁先生夢得

俞先生酉發

鄭先生君老

宋元學案補遺別附

目錄

十四

明叢書
約園刊本

王先生介

林先生一龍

陳先生敬叟 附子章伯

汪先生維岳 附兄維崇

徐先生文鳳 附師陳存

王先生所

王先生珏

達觀同調

邵先生困

張先生伯文

戴先生埴

陳先生孚 附師朱貫之

黃先生甫

楊先生翼之

李先生豸

范先生酉新

應先生彌正 附師張挺之

周先生宗岳 附子雲龍孫自立

宋元遺集補遺附目錄

十四國明發書

約國刊本

廖先生應瑞 附師坊觀道丁守廉

王先生昕 附子紹忠經忠

趙先生震揆

鄭先生與叔

顏先生喪

張先生雄飛 附子炳璜

陳先生文叔

劉先生大有

胡先生鼎金

林先生大年

謝先生升孫

傅先生崧之

胡先生應璣

應先生浩然

陳先生宗說

王先生南美

盧先生元亮

李先生心道

父彌世附子泰亨

宋元學案補遺別附目錄

十二卷別錄書

約圖刊本

許先生炳

張先生師禹

李先生關

顧先生權

張先生飛一

附子彬甫鄰前孫復禮

蔣先生巖

陳氏講友

李先生如雷

馮先生彥玠

鄒先生次陳

田先生希呂

褚先生口 附門人馬虛中

葉先生冠

劉先生準 附子汝舟

汪先生懋卿 附弟森卿子額翰選陳巖伯

江先生友直

曾先生元圭

李先生思正

宋元學案補遺附目錄

十三 國叢書

約園刊本

吳先生浩

趙先生若煥

徐先生偉

李先生黻

練先生素

陳先生煥

葉先生夢巖

俞先生金

邵先生繼賢

東湖家學

陳先生庚

陳先生紀 合傳

林氏門人

宋先生眉年

王氏門人

杜先生文甫

林先生起潛

林先生起濱 合傳

宋先生禮厚附目錄

熊先生采

歐陽先生應求 附子哀

何先生先覺

謝先生致平

邱先生稅

周先生日章

魯先生言 附兄答

曾先生旼

畢先生良史 附門人李師魏良

鮑先生彪

王先生鑑

汪先生皋會

李先生蘩

夏先生休

黃先生勳

附從弟熙

譚先生惟寅

夏先生沐

劉先生端

宋元學案補遺別附

目錄

十五

四庫全書
約園刊本

章先生永

劉先生翺

卞先生圜

父大亨

徐先生珦

彭先生與

蘭先生廷瑞

陸先生筠

陳先生雲

任先生續

劉先生季表

藺先生敏修

宋先生藻

黃先生開

沈先生作喆

王先生悅

喻先生思然

李先生長庚

王先生義朝

宋元學案補遺附錄

十六 西明叢書

一 鈔圖刊本

盧先生點

宋元學案補遺別附卷二

後學鄧王梓材
慈谿馮雲濠同輯

宋儒博考下

張先生大同 附子敬修從子聿修

張大同蜀人登紹興進士嘗教授成都解官不復出三
奉祠祿多著書號淡齋先生子敬修從子聿修皆登科
故邑人推爲儒家 氏族譜

方先生萬

方萬莆田人宋進士留意經術朱子名其堂曰一經紹

宋元學案補遺別附卷二

一四册藏書
約園刊本

興間邑人鄭裕爲之詩曰莆之甲姓實爲大方紫囊錦
帳閱膏梁有子盈之乃其最良心志乎道視之如忘
博究六藝并包五常東家尼父北牕羲皇日相討論謙
收並藏五經在笥一經名堂謙以自牧雖晦而光實容
于名雖抑而揚伊昔孟氏排墨與楊斯文羽翼吾道棟
梁豈特詩書獨稱其長諸儒之說于孟何傷吾子命名
旣擇而詳貫而通之輝涵汪洋剖破藩籬無門無旁默
契韶濩能宮能商正蒙折滯起廢鍼育以一知萬名寶
孔彰人知同好締句繪章玄酒太羹子獨先嘗經術之

門驥騁康莊典謨之文鳳鳴朝陽學報天子業繼星郎
以經名家非子誰當

南宋文範作者考

鮑先生祖文

鮑先生祖武

合傳

鮑祖文字獻夫黃巖人紹興二十七年特科進士歷永
嘉尉東陽丞韓元吉鄭伯熊薦之知瑞安以忤權貴罷
通判興化軍陳參政駁又薦之平居奉養甚薄至周人
急惟恐不厚弟祖武字承夫志尚亦高與兄相爲師友
里中稱二鮑云

台州府志

宋元學案補遺

別附卷二

一一四明叢書

約園刊本

太學鄭先生汝諧

鄭汝諧字熙績平陽人操行純固言動必謹于禮博學
強記老不釋卷經史百氏器數刑名之書無所不覽舉
輒成誦時號武庫紹興中入太學會東朝稱壽覃恩封
其母乃曰吾母爲命婦吾復何求于是歸隱後格當推
恩卒不就

兩浙名賢錄

架閣林先生椅

林椅字奇卿麗水人登紹熙進士淹貫經術而於周禮
尤精以周禮爲周公經世之書凡民極所由立日用之

常誠僞之變莫不區別纖悉畢備乃隨類條列之名曰周禮綱目調紹興府教授時翰林學士樓鑰禮部尙書倪思表其所著進奏除刑工二部架閣

兩浙名賢錄

項先生璣

項璣字仁卿臨海人居山關室讀書自樂當高宗時王卿月薦之三徵不起隱處教授以終卒之時門人會葬被青紫者四十餘人學者尊爲松廳先生

台州府志

高可仰先生

高可仰貴溪人唐福建觀察使寬仁七世孫出身科第

宋元學案補遺

別附卷二

三四明藏書

約園刊本

授國子監學錄在家未仕時刻苦學問作書院于所居之旁乃收召宗族及鄉人之子弟教之因名曰桐源書院而玉山爲之記

汪玉山集

王先生治

王治太原人紹興初知南恩州值歲荒發粟賑濟存活甚衆暇則詣學課勵生徒以厚風俗歿後州人立祠祀

之一統志

張先生夔

張夔海陽人高宗時知新州時學校自舍法罷上習委

靡先生修郡庠厚加餼廩暇日與諸生徒執經問難學者聞風而至又築陂瀦田民蒙其澤稱張侯陂云

一統志

知州黃先生牧之

附師徐世英

黃牧之字穉卿樂城人八歲喪父十歲喪母哀動弔者父澤將仕郎自幼不羣女兄歸浮梁之李氏族長戶部侍郎椿年主席先生年十三機警詳雅李舉以訓其子弟逮志學鄉人工部侍郎徐深以女妻之從臨川徐世英傳春秋學經子百家無不貫穿踰冠求監南嶽廟宿其業秩調江陵府司戶參軍累擢知均州並管內安撫

宋元學案補遺 別附卷二

四溟叢書

約園刊本

卒年六十

周益公集

周先生淳中

周淳中字仲古瑞安人及進士第乞監南嶽廟教授全州以心喪去又教授廣德軍改知台州寧海縣歷授淮東安撫司參議官淳熙十年卒著文集十卷春秋說約六卷

葉水心文集

華先生鏗

華鏗口口人秀才著六經解楊誠齋以長句書其後云華鏗晨趨孔子堂今日覃思彫肺腸又云毛穎爲君禿

盡髮問君何時放渠歇

楊誠齋荆溪集

廖先生庚

廖庚字西仲大冶人有喪服制度

朱子文集

梓材謹案朱子稱先生爲廖

丈則其行輩較長于文公

侯先生宣

侯宣衡山人少遊四方好與名士交還家築室一區俾

遊學者往來館焉時湖南道學最盛遊學之士踵至如

歸先生館延之二十餘年不倦遠近稱松林處士

一統志

羅先生無競

宋元學案補遺

別附卷二

五四明叢書

約園刊本

羅無競字謙中廬陵人仕爲建寧主簿卒門下客謚曰

孝逸先生有經解數卷

胡澹庵文集

劉先生元迪

劉元迪字德華玉山人隆興初進士知德安縣爲政一

本于儒術以惠愛得民後居家建義學以教族子弟及

鄉人之願學者累官至朝奉郎參議沿海制置使軍事

姓譜

雲濠謹案朱子文集

有玉山劉氏義學記

章先生元崇

章元崇字德昂歙人博通諸經尤長于春秋兩冠鄉書
待次於潛簿築讀書堂于杏城溪人號環溪先生有著
述數卷名蟹螯集終奉議郎

歙縣志

梓材齋案先生著有周易釋傳經義考云佚

何先生逢原

何逢原字希深世爲温州人擢進士乙科累官至中書
舍人乾道二年除金部郎中丐祠除福建提點刑獄事
長于理學尤精論語覃思二十年每見學者必與講論
集解簡嚴明白超詣處諸儒所不到

王梅溪集

宋元學案補遺

別附卷二

六

四明叢書
約圖刊本

羅先生莖菴

羅莖菴字欽若廬陵人武岡軍太守增廣左氏指蹤春
秋盟會圖二書有詩文三十卷號不欺先生集

胡澹庵文集

唐先生閔

唐閔字進道山陰人舉進士歷都官員外郎乾道間爲
浙東檢察嘗以左氏春秋倣遷固史例以周爲紀列國
爲傳又爲表志贊合五十一卷號左史傳行于世

紹興府志

張先生淑堅

張淑堅字正卿其先自開封遷于衢官止承節郎有詩

書解合三十卷 呂東萊文集

謝先生英

謝英字楚華寧鄉人隱居教授著書自娛孝宗時屢辟

不就 一統志

姚先生宋佐

姚宋佐字輔之桂陽人少嗜學登乾道八年進士官靜

江府教授性廉公家極貧有詩名 湖南通志

張先生布

張布字伯粵臨海人乾道八年進士歷太學錄博士樞

宋元學案補遺 別附卷二

七四明叢書 約園刊本

密院編修官宗正丞權金部右侍郎遷祕書丞知徽州

不赴奉祠終朝散大夫有六經講解藏于家 陳貧窗說

鄭先生公敏

鄭公敏字明之龍溪人幼孤苦學篤志乾道己丑登第

歷福清簿有政聲以薦調古田教官嘗謁憲使楊萬里

大奇之以理學見重于時著文集語錄傳世 道南源委

葉先生汝士

葉汝士餘姚人乾道間爲鄉先生仕而歸老邦人高之

特舉鄉飲酒禮以饋之 孫煇湖集

黃先生定

黃定字泰之三山人乾道壬辰對策謂以大有爲之時爲改過之日月又云雖有無我之量而累于自喜雖有知人之明而累于自恃又云欲比迹太宗而操其所不用之術顧盼周行類不適用則曰腐儒曰好名曰是黨耳于是始有棄文尚武親內疏外之心何不因羣臣之所其違而察一己之獨嚮其言皆剴切孝皇擢之第一有以見容直之盛德而秉史筆者未之紀焉

困學紀聞

陳先生研

宋元學案補遺

別附卷二

八

四庫全書

約園詩本

陳研字叔幾晉江人乾道進士官臨汀令時權貴欲排擊故相將引爲御史先生曰公議不可犯故相不可彈以忤去提點湖南刑獄遷起居郎卒著有易詩書禮記

解 泉州府志

通直劉先生興祖

附門人藍廷堅

劉興祖字孝先大庾人習易春秋旁通聲律登乾道五年進士第以春秋授藍廷堅先生初調韶之錄參因感陽膚爲士師之言遂五仕爲冷官以通直郎致仕

姓譜

毛先生冕

毛晃著有禹貢指南二卷未見

經義考

梓材謹案禹貢指南四庫全書本永樂大典釐爲四卷提要云宋史無傳其始末未詳世傳其增註禮部韻畧于紹興三十二年表進自署曰衢州充經進士蓋高宗末年人也又言其書大抵引爾雅周禮漢志水經注九域志諸書而旁引他說以證于古今山水之原委頗爲簡明雖生于南渡之後僻處一隅無山瞻中原西北之古蹟一一統核其真而援據考證獨不泥諸儒附會之說故後來蔡氏集傳多用之又案四庫著錄增修互註禮部韻畧五卷提要云宋毛晃增注其子居正校勘重增諸家所稱增韻卽此書也又稱其父子繼以成一書用力頗爲勤學云

張先生大任

附子華

張大任湘潭人貢上舍嘗注春秋學子爭傳之子迪功

宋元學案補遺 別附卷二

九四明叢書

約圖刊本

邱華能傳其業

楊誠齋集

邱先生何

邱何字漢規瑞安人登乾道丙戌第宰連江縣晚始登朝監進奏院遷太府簿時方詆道學世以爲諱雖六經孔孟語亦避之先生獨奏疏論中庸及皇極偏黨之義語意懇切慶元丁巳有事南郊攝太常卿行禮自受誓戒至飲福細大無遺聲名驟起以不肯謁當路積二年

出守袁州

温州舊志

李先生叔寶

李叔寶字景齊蒲陽人有周禮精意刊行

周禮訂義

周禮精意

仲長統以爲周禮禮之經禮記禮之傳禮記作于漢儒雖名爲經其實傳也蓋禮記所記多春秋戰國間事不純唐虞夏商周之制曾未若周官之純乎周禮也

古人自抱關擊柝而上皆以下士爲之無非鄉舉里選德行道藝之人此成周建官之良法美意

關風陳王業之由不出乎夫耕婦饁烹葵剝棗之事孟子論王道之始不過魚鼈材木雞豚狗彘無失其時數

宋元學案禮道別類卷二

十四國朝叢書

約園刊本

語故周官羣吏之治治此而已三歲之計計此而已後世課羣吏者責辦賦稅與夫簿書獄訟之末至民生之厚與否田野之闢與否不恤也安識成周計吏之意哉德行藝皆析而六之恐難以責其才之全則凡于六者之中得其一皆足以自進此天下所以無遺才也

族師聯比其民而歡洽其心使之有相保相受之法而于刑罰亦相及則苟有一不爲善者必爲眾庶所棄而其心不得以自容聖人善俗之道端在于此

財之虧者有誅裕者有賞則吏急于規君之賞者毋乃

法外剝民如後世所謂羨餘之進乎不知賦民自有定制成周之世安得法外恣取所謂長財者不過調度有方則財常充裕耳

利之出于山林川澤者先王與民共之而有厲禁何也利之所在人競趨焉官爲之守禁然後無紛爭力奪而利乃均及于民

劉先生庭老

附師歐陽彥文戴仲弼

劉庭老字季齡安福人娶安福名儒桂陽丞歐陽彥文之女而從之遊又從通直郎戴仲弼講習切磋學進進

宋元學案補遺

別附卷二

十一四明叢書

約園刊本

而文增增然試輒不售年四十而歸隱曰此豈古人爲己之學耶署其堂曰養浩謝良齋爲之記杜門讀書卒年五十有一

楊誠齋集

主簿徐先生孝恭

附兄孝寧孝友

徐孝恭字季中淳安人與兄孝寧孝友自邑郭遷河溪杜門讀書五經皆精究而先生尤深于易人號五經徐氏隆興淳熙間兄弟聯登進士第先生主德化薄政教兼善士多從之

嚴陵志

參軍潘先生預

潘預字晉卿博羅人也篤學該洽以古文爲鄉黨推重而尤邃于易三山林東負時名少許可及抵羅浮見先生論易遂爲之屈乾道中以特科授宣州司法參軍時龔茂良帥廣聘至番禺訓迪諸生南州經學自是日盛廣東戴志

李先生元綱

李元綱字國紀錢塘人號百練真隱乾道間居吳興之新市力學好古雖困窮操履益堅怡然自得不爲外物所搖奪撰聖賢事業圖集說三先生西銘解厚德錄言

宋元學案補遺 別附卷二

十二四明叢書

約園刊本

行編諸書 兩浙名賢錄

譚先生世選 附兄子知言

譚世選字勤之零陵人世業儒永州郡博士策上等等者自先生始兄子知言字養正嗜學明經再中選試嘗策一堂藏書千卷謝良齋爲書學林以扁于楯 楊誠齋集

梓材謹案先生有毛詩傳二十卷經義考引陸元輔說以先生爲茶陵人云初以上書獻策補官凡五薦漕壘三爲舉首詩傳羽翼漢儒茶陵或是零陵之訛湖南通志分爲二人未必然也

句龍先生傳

句龍傳字明甫夾江人精于春秋三傳博習詳考又分

國而紀之自東周而下大國次國特書小國滅國附見
不獨紀其事與其文而兼著其義凡采其說者數十家
蓋嗜古尊經之士確乎其能自信者也 劉後漢集

唐先生人鑑

唐人鑑字德明零陵人楊誠齋解零陵法曹任假寓先
生齋舍稱其莊靜端直有聞于道齋首種竹萬竿誠齋
名曰玉立以見其爲人 楊誠齋集

唐先生如晦

唐如晦字幼光零陵人博學無所不通易山齋題其書

宋元學案補遺別附卷二

十三四明叢書

約園刊本

堂曰善齋

姓譜

周靈齋先生孚

周孚字信道濟北人居京口淳熙初真州學教授白號

靈齋

顧涓說

梓材謹案先生著有春秋講義一卷經義考云周
氏講義止及隱公凡一十六條附載靈齋劄刀編
又案先生著又有非鄭漁仲詩辨
妄一卷凡四十二事經義考云存

周靈齋語

聖人之經其以爲名皆因舊而不改易之爲易書之爲
書詩之爲詩聖人未出其名固已如是至于春秋則猶

三經也晉謂之乘楚謂之檣杞魯謂之春秋錯舉四時以爲之名聖人何加損焉

非鄭氏詩辨妄自序

占之教人者未嘗有訓詁也故曰不憤不啟不悱不發舉一隅不以三隅反則不復也自聖人沒而異端起先儒急于警天下之方悟者故卽六經之書而訓詁之雖其教與古異其意則一也自漢以來六經之綱維具矣學者世相傳守之雖聖人起未易廢也而鄭子乃欲盡廢之此子之所以不得已而有言也

宋元學案補遺

別附卷二

十四四明叢書

約園刊本

易山齋跋

附門人陳章

易祓字彥章號山齋寧鄉人淳熙十一年上舍釋褐出身慶元六年除著作郎知江州所著周易總義門人陳章季重序之又著易學舉隅于先儒所未發發明尤多春陵樂雷發謁山齋詩云淳熙人物到嘉熙聽說山齋亦白髭細嚼梅花看總義只應姬老是相知蓋先生于易周禮皆有總義也 經義考

梓材謹案四庫書目著錄周易總義二十卷提要云祓人不足重其書于經義實多所發明與取南仲之新講義均未可以人廢言也又案宋史藝文志載周禮總義三十六卷讀書附志作三十卷西

庫本永樂大典亦勅為三十卷提要謂其書
刪索經文斷以己意與先儒頗有異同云

周禮總義

建子爲時王之正月示萬民以更新之意故太宰縣治
象于月吉而後斂于挾日建寅爲民時之正歲吏治于
是乎始故小宰帥治官之屬觀治象于己斂之後以治
官之屬觀治象之法不拘乎縣治象之時也

九竅見于外觀其證之變而有通塞之二候故曰兩九
藏藏于內察其脈之動而有浮中沈之三部故曰參

冢宰歲終受歲會而無月要之文小宰月終受月要而

宋王康案禮通

別附卷二

十五酉明禮書

約圖刊本

無日成之文宰夫甸終正日成而無參互之文財開散
在有司而總匯于司會自宰人以上又遞職其要焉以
天官

以六鼓聲用攷之唯雷鼓專用于天神鼙鼓專用于役
事若靈鼓用于社祭其氏又用之以馭猛獸路鼓用于
鬼享大司馬又用之以教戰太僕又用之以待達窮者
與遠會矣以至辟雍作樂鼗鼓唯鏞仲春蒐田軍將晉
鼓則鼗鼓不止乎軍事晉鼓不止乎金奏矣聲用各有
所主不可不辨

利之所在奸弊百出既禁之又會之又從而巡之然後
十人聚之而入于職金以上地官

小子職曰珥于社稷祈于五祀羊人職曰凡祈珥其羊
牲並與肆帥之文同至秋官士師職則曰凡刳珥奏犬
牲後鄭因皆改祈爲刳謂毛牲曰刳羽牲曰珥案刳珥
惟見士師職祈珥凡三見不應盡改爲刳又劉氏中義
云珥當爲珥祈謂祈福珥謂珥災然則社稷五祀曰祈
曰珥山川曰侯曰禳落成則曰釁各有倫矣

考之傳記災祥所應多不誣者然亦有可疑焉武王錢

宋元學案補遺

禮記卷二

十六國明徵書

約圖刊本

殷歲在鶉火伶州鳩曰歲之所在我育周之分野蓋指
鶉火爲西周豐岐之地今乃以當洛陽之東周周平王
以豐岐之地賜秦襄公而其分星乃謂之鶉首如燕在
北而配以東方之析木魯在東而配以西方之降婁秦
居西北而鶉首次于西南吳越居東南而星紀次于東
北此皆稽之分野有不合者賈氏以古者受封之月歲
星所在之辰以爲分次則春秋戰國之諸侯以之占妖
祥可也後世占分野而妖祥亦應豈皆古者受封之辰
乎以上春官

挈壺之制不可攷以唐制推之水海浮箭四圍注水始
自夜天池入于日天池自日天池入于平壺以次相注
入于水海浮箭而上以浮箭爲刻分晝夜計十二時每
時八刻二十分每刻六十分箭四十八二箭當一氣銅
鳥行水而下注浮箭而上登則晝夜之刻分至之候冬
夏長短昏曉隱見與周官晷景無差

守之以水則均其裨刻之多少守之以火則知其漏箭
之遷易

禹貢揚州之域東距海北據淮故曰淮海惟揚州殷人

宋元學案遺編別附卷二

十七

約圖

以淮入徐故揚州止語之江南周人復以入揚循禹之
舊

禹貢荆及衡陽惟荊州殷之荊州其北境曰漢南以地
理志考之荆山在南郡臨沮縣漢水又在其北正屬襄
陽言漢南則跨荆山之北至周復以荆門之北屬豫州
復禹封域

禹貢荆河豫州其封在大河之南南條荆山之北故曰
荆河殷之豫州則南境距漢北境接河故曰河南周人
于豫州亦曰河南而南境則仍禹貢之舊

禹貢有青有兗有徐殷并青于徐而徐兼揚之淮故江南曰揚州周復以淮歸揚而并徐于青正在畿東故曰正東

夏殷皆言濟河惟兗州謂東河之東濟水之北也周人以青兼徐而兗州又越濟之東南故徐之岱山職方以爲兗之鎮山徐之大野職方以爲兗之澤藪也故曰河東

沛水經及漢志字皆從水從沛說文沛字註出兗州之川惟禹貢從水從齊又案漢志從水從齊者其水出常

宋王學案補遺 別附卷二

十八 四明叢書

新圖刊本

山郡房子縣贊皇山乃別一水名則此二字音同實異後世雖例以從水從齊者爲兗州之川其實乃字之誤當以古文爲正

禹貢有雍有梁故梁爲正西而雍爲西北殷周皆省梁入雍故雍州爲正西

舜十二州木有幽州水土旣平因冀爲帝都省幽入冀殷人南都河南之亳復舜幽州之名周人又以幽州兼殷之營州實禹貢青州隔海東北之境故曰東北

舜時十有二州有幽有并有冀水土旣平之後以冀爲

帝都省幽入并焉以餘州準之則知禹冀冀州東西南
三面距河而北境則越平常山今之燕雲營平諸州皆
其地也殷人以冀州北境復舜之幽州而東西南北皆
禹跡之舊蓋東河之西西河之東南河之北也故曰兩
河間周人又分冀而復舜之并州故曰河內而已

舜時有并州禹貢以并入冀殷因之周復分冀立并州
以天下之勢言冀州在西河之東雍州在西河之西而
并州在冀州之北故曰正北 以上夏官

古者有五刑而無五罰觀士師職左右刑罰則有五禁

宋无學案補遺

別冊卷二

十九四明叢書

約圖刊本

先後刑罰則有五戒周公建典非特欲其無刑亦欲其
無罰也司圜職罰不虧財不過爲虞書之贖刑施于宜
加鞭扑者而已至穆王作五刑之罰視司刑所掌者增
至三千而宮及大辟皆得以金贖觀其迹亦近于矜恤
而究其實則富者得生貧者得死害義傷教甚矣

大荒大札天地有裁王者爲之不舉所以爲內省自疚
之道至矣于是數者而殺禮抑亦以其自處者而待賓

客也

以上秋官

考工記非周書也言周人上輿而有梓匠之制言周人

明堂而有世室重屋之制言溝洫澮川非遂人之制言
旂旗旒旒非大司馬司常巾車之制眠周典大不類章
氏之篇亡矣其所掌不可考上經鮑人之事則治革而
柔之者蓋皮之去毛則爲革熟之則爲韋革如革車之
類不必其熟也韋如韋弁服之類必待熟而後可或者
韋氏所掌用于弁服之類云耳

裘氏亡篇亦不可考天官掌皮爲大裘以至良裘功裘
此記復有裘氏亦猶春官有典瑞此記復有玉人耳上
考工記

宋王應麟通雅別附卷二

二十四明叢書

約園刊本

附錄

魏鶴山曰易彥章周禮漢軍制端足補先儒傳記之所
未及

林先生拱辰

林先生應辰 合傳

林拱辰字巖起平陽人淳熙武舉換文登第歷太府丞
工部尚書累知揚州婺州廣東經畧安撫立朝剛介不
附史韓有詩傳刊于平江春秋傳刊于婺州弟應辰字
涓起同榜進士監尚書六部門善有易說騷解

温州舊志

駱先生季友 附子士宏

駱季友字觀國寧海人能清晨暗誦易全帙大寒暑如一日至老不廢先生嘗讀佛書有感逍遙林壑者數年專以達性爲事後通悟幡然而歸曰吾乃今知天地萬物初無二致儒墨殊塗而同歸求其體用具存者莫大乎吾聖人之事業精義入神所以致用由是求爲有用之學年近五十不復作出仕念讀書必研究至極嘗自歎曰若欲窮理盡性知時識勢開物成務無出于易非圓機之士孰可與論是哉其子士宏至前問取卦爻象詞以警之使之通貫而後已士宏讀孟子至引而不發躍如也先生撫几三歎且令掩卷曰此正孟子警拔人處旣不待發尙思其所躍如者何以得此此不可以口耳章句求之語之數四士宏聳然因名以躍而字以子發後始改焉淳熙間高宗慶霈封迪功郎致仕非其志也 樓攻媿集

楊先生起宗 附子嗣參

楊起宗字振之臨湖人卅角能文徧誦六經累試不就教子長嗣參登進士先生戒之曰入官自學古始汝宜

屬哉益課其講習以求律已治人之道及嗣參尉餘杭
迎侍以往勉以廉勤公謹又書古詩于中扁云食淡精
神爽官清夢寐安嗣參竟以清白聞蓋義方之教也

台州府志

知州朱先生權

朱權字聖與休寧人六歲入小學一日偶失所業課冊
先生頗有愠色曰毋多慮某盡能默記乃追寫之他日
得故帙一字不舛八歲能屬文讀書率夜以繼日寒暑
不少替鄉之南有山曰顏公其高三十里有精廬館

宋志學案補遺

別附卷二

三十四朝叢書

約園刊本

其上手編諸家易說凡百餘萬言淳熙十四年登進士
第累官差知惠州轉朝奉大夫累乞致仕進朝散大夫
轉朝請大夫天性純誠表裏若一其自處無異寒素訓
誨子孫惟以循理讀書爲急平生著述有納言十篇末
議四篇默齋文集二十卷藏于家塾

程洛水集

范先生筌

范筌字叔魯臨海人右僕射覺民之孫築一軒藏脩其
中扁曰景言居鄉授業操履可尊人稱勿庵先生

台州府志

陳先生造

陳造字唐卿高郵人淳熙二年登科官淮南西路安撫司參議官自以無補于世置江湖乃宜遂號江湖長翁申屠駟志其墓有陳氏易說首尤妄次屯次同人次大有次豫次蒙次需次夬次姤次小畜次大畜次復次噬嗑次革次比凡十五卦

經義考

雷先生源

雷燬長沙人淳熙九年知宜章縣建學宮給廩課世士多就其成就歷官吏部郎中

姓譜

李先生作父

附子口南孫之傳

宋元學案補遺

別附卷二

三三四明誠書

約圖刊人

李作父字彥從瀏陽人淳熙間官迪功郎與其子口南擇縣南建遺經閣藏書萬卷朱仲晦及張敬夫數十人賦詩美之後燬于火復于闕址迤北改築未成父子相繼逝孫之傳踵成之三世以學行稱

楊誠齋集

包先生履常

包履常字適可昭陵名臣孝肅公七世孫也居樂清登淳熙八年進士乙科平生力學有得于紮矩之一言教授盱江盱士之無所于館也首闢講堂繼又闢諸齋增廩生徒至五六十人其在豫章亦然鄰壤之士亦相與

負笈從遊弟子員溢幾數百晚得倅吳門未至而卒其將卒也猶以學之所得者爲從子言之俾勿忘真西山誌其墓

真西山集

黃先生雲

黃雲字鼎瑞吳郡人居幼自知學年十二三已能授童子書既冠入太學文義益通達吳中大書會稀少至先生學早成後生慕從常百餘人勤苦誘掖一變口耳之習淳熙八年特奏名歷官監酒以通直郎致仕卒少師由其子也少師爲嘉王府直講時嘉邸大書成齋二字以賜先生成齋者先生爲鄉先生授弟子經時所名也

蔡水心集

汪先生雄圖

汪雄圖字思遠休寧人淳熙十一年進士歷建昌軍教授所居據平坡植李四方學者築室其旁號李坡先生所著有李坡集

徽州府志

御史曾先生躍鱗

曾躍鱗字子龍南恩州人少警敏博通經史素善講書人多從之遊淳熙五年登進士第受知于學士李彥穎

薦入祕書少師陳俊卿尤器重之拜監察御史

廣東新志

莊先生夏

莊夏字子禮永春人淳熙進士知寧國縣慶元六年大旱應詔上封事言抑後宮戚里內侍爲抑陰助陽之術召爲太常博士累除兵部侍郎累疏乞間以寶謨閣待制奉祠卒贈少師先生邃于經學著有禮記解遺文二十卷國史大事記十帙典故備記五帙

宋史

梓林謹案經義考引陸元輔云先生自號藻齋老人

楊先生炳

宋元學案補遺 別附卷二

五國朝叢書 約園刊本

楊炳字若晦晉江人少力學精左氏傳登淳熙進士以薦爲國子監錄遷左司諫論治賊吏當自大吏始又乞節宮中浮費嘗曰大臣不爲私則小臣不敢干以私臺諫不爲私而後可責人以私歷官權吏部尙書丐外除寶謨閣直學士奉祠卒年八十一著易說禮記解西掖類稿諫垣存稿

泉州府志

梓材謹案閩書云乾道二年進士號儵溪居士

陳先生震

陳震字省仲晉江人淳熙進士令新建以帑積舊券伐

下戶輸租歷知韶州遷太常丞梓材奏闕書奏減二廣

丁錢奉祠卒著春秋解史編雜著數十卷道南源委

梓材謹案宋有二陳震其一金華人何北山師也

胡先生權

胡權字經仲縉雲人為鄉先生能以其學行奔走數州

之士往往以不得從其遊為恥嘗官太常寺主簿陳龍川集

梓材謹案同甫與周參政書有云左宣教郎胡權研六經之旨要得聖人之心傳持身端方俯仰無媿若置之講勸之地當有以增助君德

徐先生桐附門人趙與訔兄弟

宋光寧案補遺別附卷二 三六四明叢書 鈔圖刊本

徐桐字子材蘭溪人為鄉先生趙與訔侍伯氏殿撰梓材

案宋史宗室世系表燕王後與訔兄名與應受易于先生先生集諸家之長

著為直說一編授與訔兄弟殿撰守嘉禾與訔繼領郡

紱經義考

沈先生棐

沈棐著有春秋比事二十卷史志

梓材謹案春秋比事本名春秋總論陳同父為更其召而序之云或曰是沈文伯之所為也文伯名棐湖州人嘗為葵之校官陳直齋書錄解題不以為然謂湖有沈文伯名棐長卿號審齋居士為常州柞秦指貶化州不名棐也吳正傳亦以同父為誤云棐備人字文約都穆聽雨紀談據嘉定辛未歲

陵譚月卿序又以爲莆陽劉朔撰謂月卿親見劉氏家本四庫書目提要以同父去萊世近姑從譚序仍著萊名而錄之

黃先生惟直

黃惟直字德申永豐人自少以博習修潔爲鄉黨所稱名卿達人爭致以誨其子弟旣連蹇場屋志弗克施則慨然曰吾幸有薄田疇與其私吾子孫曷若舉而爲義塾聚英材教育之以樂吾志迺建龍山書院而眞西山爲之記

眞西山集

吳先生元士

宋元學案補遺

別附卷二

三七四明叢書

約圖刊本

吳元士朱子答其書論律及琴甚詳

黃氏日鈔

雲濠謹案朱子續集答黃直卿云吳元士曾相識否昨看王伯照雜說中間有段理會不得或云萊嘗學于王公恐能知其說云

通判徐先生次鐸

徐次鐸東陽人負才尙氣登紹興間進士通判衢州營倣周禮作漢官又作唐書傳註補註音訓總二百卷中興兵防事類留之西府

姓譜

樂先生思忠

樂思忠字仲恕號祝融居士所著周禮攻疑七卷永嘉

戴溪有望豐城劉德秀仲洪爲之序

趙希弁讀書附志

薛先生舜俞

薛舜俞字欽父同安人紹興進士除南劍州教授未上
三府交薦差江西漕司幹官尋罷起江東常平幹官與
其長李道傳賑荒多全活改知金華縣罷歸卒著有易
鈔詩書指文集行世

道南源委

柴先生翼

柴翼字鴻舉三衢人著易索隱若干卷周益公曰可謂
勤且博矣講解會粹之學有功于道豈小哉

經義考

宋元學案補遺

別附卷二

三八四明叢書

約園刊本

家先生頤

家頤字養正眉山人嘗著子家子一卷

黃氏日鈔

子家子

人心惟危道心惟微惟精惟一允執厥中心若不精一
則流而雜矣
不食無妄之粟不衣無妄之帛皆誠心也

附錄

黃東發曰子家子多律已處世之言有補世俗惟其言
理義勿于傳註中求但於性根上求卻恐未安

梓材謹案四庫存目著錄子家子一卷提要云衛
誕禮記集說嘗引其語則亦所經之言又言此本
載永樂大典中蓋語錄之類亦
頗明白平正而率皆習語云

薛先生高

薛高字寧仲永嘉人任連城簿棄官而隱讀書作文至
老不休家有讀書樓郡守樓鑰爲之記陳益之贈詩有
萬卷編鈔高似屋一門師友重如山之句 溫州舊志

易氏家學

易先生茂

附弟開霖

易茂字中甫寧鄉人被從子以嚴整律身平居危坐終

宋光澤案補遺

別附卷二

三五四明叢書

日榜其居曰靜吉與弟開霖居官俱有能聲

約園刊本
寧鄉縣志

彭先生宗茂

彭宗茂字尙英湘陰人隱居好學作易解吳獵吳旂序
之漕使鄧汝謙真之學宮 經義考

王先生蒙

附子與權遇

王蒙字養正號雙巖先生番禺人以訓行孝謹著于州
閩再舉禮部不得尺寸之位以行其學而義理之養華
皓不渝二子與權遇皆以儒學發身 魏鶴山集

蘇先生竦

蘇竦字廷儀海澄人潛心理學博通經史慶元中登進士授肇慶府推官公餘集先儒詩易二傳折衷己見從遊者數百人

福建通志

李先生起渭

李起渭字肖望三山人家世長者先生幼苦學夜不解帶且不類水者數年十一能屬文逾冠入太學未幾擢慶元五年第歷澧州戶曹教授辰州安豐令就知縣事辰故夜郎國士弗嫻文藝博士舍距學遠師弟子不相親先生斥校士所得合俸餘更糶之始朝夕與士接改

宋元學案補遺

別附卷二

三十四

明叢書

約園刊本

宣教郎佛守意句崇道祠官以歸築屋城東時時召親友舉觴賦詠或道古今談性命以爲樂改奉仙都祠紹定三年屬疾顧家人曰死生夜旦爾何怛爲以正大忠孝四言勵其子正襟危坐而卒年五十九

真西山集

梓材謹案先生著有春秋集解經義考云佚

余先生克濟

余克濟字叔濟安溪人慶元五年登第爲浙西常平幹官終梅州知州其學邃于春秋著通解十五卷

閩書

許先生奕

許奕字成子簡州人慶元五年進士第一授宣義郎簽書劔南節度判官累除權禮部侍郎遷吏部侍郎知瀘州改知遂寧府進龍圖閣待制加寶謨閣直學士致仕詞章雅健兼通篆籀書其所哀粹斷稿僅得毛詩說三卷論語尙書周禮講義十卷所逸多矣

魏鶴山集

知州應先生鏞

應鏞字子和蘭溪人登博學宏詞科仕至知開州所著有書詩義禮記纂義傳于世

姓譜

應子和說

宋元學案補遺 別附卷二

三 四明叢書

約園刊本

父子異宮固各有西南隅之奧然親在而自主之亦有不妥焉非特以同宮而避之也若同宮則父自主之矣且道路之間豈父之所統哉而行不敢中者蓋無往而不寓其敬親之意也

殺氣未肅而鷙猛之鳥已習于擊迎殺氣之徵也涼風未至而鳴陰之物已居于壁迎涼風之徵也

樂正崇四術以訓士則先王之詩書禮樂其設教固已久易雖用于卜筮而精微之理非初學所可語春秋雖本于紀載而策書亦非民庶所得盡窺故易象春秋韓

宣子適魯始得見之則諸國之教未必盡備六者蓋自
夫子刪定讚繫筆削之餘而後傳習始廣經術流行
上天下澤所以爲禮而坤乾之書以坤爲首有其義也
陰陽循環更相爲始而夏時以寅爲首有其等也玩坤
乾之自下而上則知禮之交際無不通且有卑法之意
玩四時之自始而終則知禮之秩序不可紊且有無窮
之象焉

情者心之動也養之不善則荒穢不治而可欲之善塞
矣然仁義禮智根于心其善端本無窮也聖人以人情

宋元學案補遺

別附卷二

三十四明齋書

約園刊本

之不治爲己責猶農夫以百畝之不易爲己憂則固其
自具之理而加以順治之力禮之有序猶耕之有畊義
之有節猶種之有列書曰若稽田既勤敷畝惟其陳脩
是也學探千古羣聖之奧而思索問辨以求其正猶耨
之去草而耘治益精也仁總百行萬善之全而滋養培
植以豐其成猶穫之擎斂而收取無遺也樂具五音六
律之節而動盪發越以宣其和猶旣穫之餘安坐以食
而熙皞自如也

禮運自天子祭天地至諸侯非問疾弔喪而入諸臣之

家凡八條皆以明諸侯之失禮而大夫之失禮居其三
郊特牲自庭燎之百至爲君之答己也凡十餘條皆以
明大夫之僭禮而諸侯之僭天子居其三焉世愈降而
失愈甚亂愈速孔子曰禮樂征伐自諸侯出十世希不
失矣信哉

冶鑄難精而裘軟易紉弓勁難調而箕曲易製車重難
駕而馬反則易馴皆自易而至于難自粗而至于精習
之有漸而不可驟進學之以類而不可泛求是之謂有
志矣

宋王學案補遺 別附卷二

三三四初叢書

約園刊本

同里有禮樂之理親敬者禮樂之效流離者禮樂之偏
內合其精而相與交致其親敬外飾其貌而不使偏勝
于流離此禮樂之見于事爲者

性分之內萬物皆備卽物而觀其理尤實卽其身之所
履皆在義理之內而不過焉猶大學所謂止于仁止于
孝也違則過之止則不過矣夫物有定理理有定體雖
聖賢豈能加毫末于此哉亦循循然而不過耳

曹先生絳 附子沂

曹絳字思厚瑞安人築鄉校于鳳岡歲延名儒爲師與

人無競里稱長者遇歉歲率族眾減定里中穀價以便之嘗著家訓四戒以示子孫年九十卒子沂字文起能繼父志晚以特奏列入官終長興丞

温州舊志

楊先生齊賢

楊齊賢字子見寧遠人慶元五年進士穎悟博學試制科第一再舉賢良方正官通直郎

寧遠縣志

吳先生之巽

父良弼附于中孚

吳之巽字先之中江人受小戴氏書于其父良弼自曲禮檀弓禮運禮器學記樂記祭義中庸大學諸篇篤信

宋元學案備遺

別附卷二

三四四明叢書

約園刊本

而質行故事親以孝著處兄弟友居家內外無間言與人交色莊而氣怡士之受業者各厭所欲教授于廣漢王氏塾郡守率諸生造焉逆曦嘗欲以季春聘士豫令就聘者詣縣書行義年先生叱吏曰此何時耶義形于色無所撓奪賊平始應聘後就養于邗其子中孚被郡符授博士弟子員先生以書趣之歸語以齊家持身之法而卒年六十二先生子歷代史口凡數四黻校于國朝故實天文地理字書罔不精治有諸經講義五卷中庸口義三卷通鑑類十卷國典二十卷中孚嘉定十年

進士官鄉縣尉 魏鶴山集

汪先生暉

汪暉字處微績溪人不求仕進結廬曰環谷取六經諸子百氏之書日益鑽研真西山德秀欲薦之未果而西山卒所著有環谷存稿及編纂曾子十二篇子思子九卒門人私諡曰康範先生 徽州府志

梓材謹案四庫全書著錄先生所編曾子一卷子思子一卷又案先生三世孫夢斗號杏山嘗與葉李等議上書劾丞相賈似道宋亡元世祖特召赴京卒不受官著有北游集

鄧先生驥

宋元學案卷二

約園刊本

鄧驥著有春秋指蹤二十一卷 宋志

梓材謹案程積齋云延平人字德利

李先生伯湛

李伯湛字若水宜章人嘉泰二年進士調永新尉改德慶府教授日與學者講明道德之旨辟恩州僉判擢尚書吏部郎 湖南通志

許先生文瑞 附弟人瑞

許文瑞福清人家貧不娶與弟人瑞以道自樂解論語莆泉之士稱二許先生 閩書

徐先生定

徐定字德操晉江人解褐授秀州崇德縣尉歷處州台州教授知邵武縣判太平州知潮州葉水心銘其墓稱其學博而要文約而費諸子又自列銘旁曰春秋解十二卷書社問答二卷禮經疑難一卷詩文崇孝圖考錄並藏于家

葉水心集

祿先生堅復

祿堅復字子固潼川人父樵之以經學教授于家累贈朝請郎先生生十七年而孤率諸弟從舅氏王傅堂先

宋光寧縣志

卷之二

卷之四

約園刊本

生君行軫問學夙夜不怠習戴氏禮金堂仲明舉以禮幣致先生遺二子從遊凡再舉于鄉登開禧進士歷差知盛州解官卒

魏鶴山集

李先生嘉會

李嘉會字子華

李氏經說

兵事以進退疾徐疏數之節爲本武王誓師不愆于六步七步乃止齊焉武侯八陣進皆進止皆止所以不可破也荀子云齊之技擊魏之武卒秦之銳士終不可以

當桓文之節制者以此

用刑雖貴當其情然必以事之所向爲重如治主僕之
訟必以名分爲先蓋大體所關若不論其所宜尙則一
情之得一法之行未必不妨其餘

楊先生景隆

楊景隆字伯淳晉江人開禧進士官建寧司法參軍博
學淵深講授經史學者常數百人著有春秋漢唐通鑑
史志解道南源委

黃先生棨

宋元學案補遺 別附卷二

三才四明叢書

約園刊本

黃棨昭武人開禧九年以朝奉郎知靖州論事有風節
爲政知先務嘗建作新書院以講學一統志

孔先生拱

孔拱字執謙□□人孔子五十世孫也少孤好學篤意
義方鄉黨賢之有習經讀史各三卷錫山草堂集五卷
村居雜興三卷闕里志

孫先生之翰

孫之翰字文舉慈溪人少志學天性孝友母病劇割體
取肝爲粥以進越日母如醉自醒乃底于寧里人以其

事上于郡守趙伯堂將聞于朝先生曰本心救母他無所覲力止之卒葬五嶺山楊慈湖誌其墓

寧波府志

王先生墓

王震字定叟東陽人生而狀偉修幹長鬚精韜畧善騎射嘉定四年武舉中絕倫異等喬行簡考藝喜曰朝廷得一帥才矣辟鎮江都統計議官從其帥趙勝戍揚州與敵戰身先士卒大小一十八戰皆利進奪其壕賊大懼時人以比宗澤尋差知應州以薦召試爲閤門舍人

人對况侃言時弊且陳恢復之策願効前驅升武功大

宋元學案補遺

別附卷二

三六四朔齋

約園刊本

夫出知濠州光州尋召爲吉州刺史仍改知江州乃辭不赴丞相鄭清之制置司史嵩之以書留之不從曰士大夫當以世從道不可以道從世再授閤門舍人遷淮西馬步軍副總管差知高郵軍壽昌軍改蘄州遺書丞相杜範乞沿江置三城以備邊寇不報尋卒有玉溪集行世嘗訓子弟曰窮理盡性學之本也世尊稱之

金華徵獻

畧

尹先生沂

尹沂鄙人積學好古嘉定中建臺山書院延明經以教

士並置田百二十畝贍之

姓譜

鄭先生士華

鄭士華瑞安人好學尚義動必由禮築書塾招名儒以教子孫壽一百十歲咸淳戊辰東朝慶壽優禮耆年郡應詔以聞特賜迪功郎致仕郡守鮑成祖于其里建南

山坊以表之

溫州舊志

彭先生進

附門人彭沂劉東父彭拱辰彭淳彭子與劉希傳章貴彭談

彭進字子龍口口人有謙德粹然古君子風通書詩業

詞賦晚精于易禮四試國子監魁從學者多前彬倅彭

宋元學案補遺 別附卷二

三五四明叢書

約園刊本

沂與國宰劉東父靜江尹彭拱辰國學士彭淳秋官彭子與祁陽監酒劉希傳鄉貢士章貴彭談皆從學之顯者

姓譜

秦先生噩

秦噩字公肅安仁人嘉定中進士深于理學學者尊爲

南澗先生

湖南通誌

林先生駟

黃先生履翁

合傳

林駟字德頌寧德人穎悟力學九經註釋默識成誦下

至山經地志稗史小說釋老之書無不通曉尤習當代
典故領嘉定九年鄉薦鄰邑爭迎爲師歲聚徒以百數
著有皇鑑前後集源流至論行世同邑進士黃履翁復
彙別集十卷補至論所未備

福建通志

梓材謹案萬姓統譜以林先生爲德祐進士儒林
宗派以林黃二先生皆入元儒博考黃字吉甫

林德頌說

聖人六經與天地並漢自中世以來上以表章自任下
以授受名家朝廷之上非經不能立事搢紳之間非經
不敢建議賈捐之語勿擊珠崖王商則曰經義何以處

宋元學案補遺

別附卷二

四十四明叢書

約園刊本

壘勝之奏王嘉公孫祿則曰君議一無所據一時君臣
相與從事于經學亦善矣董仲舒以元年謹始之意勉
時君之初政尙不疑以蒯贖出奔之事辨一時之疑獄
以此立論豈不爲聖經之幸若夫來歸自鎬我行永久
詩雖有是言而無闕于邊功也乃援之以頌陳湯之功
何泥也乃眷西顧此維與宅詩雖有是語初無闕于郊
祀也乃取以定南北郊何鑿也甚者欲附姦臣則援不
語怪力亂神之言

張禹傳

欲行權酷則援有酒酤我之文

欲奪民利則援周禮五均之法

王莽傳

假託以文姦援引

以濟私是先王學術至爲禍天下之具也

聖經不幸于後世者三曰議經曰僭經曰叛經夫以聖人之經天地鬼神不能易而易之者諸儒也孔子不敢議夏五郭公之疑游夏高弟不敢一辭之措莊周異端之流猶知尊聖人之教君子以是知議經僭經叛經者之罪矣

周先生思誠

周思誠臨川人嘉定間知桂陽縣嘗正學興文教民歌思之

湖南通志

宋右學掾

別附卷二

學三編明教書

續題刊本

史先生彌寧

史彌寧鄖陽人嘉定中知武岡軍見軍頽廢葺而新之增學田行鄉飲酒禮文教大興

一統志

進士王先生用亨

王用亨字子安崇德人少孤事母至孝嘉定初舉進士志欲盡讀天下書手鈔口誦至忘寢食鄉之登仕籍者多出其門作二記于座右以不欺不貪自警焉

姓譜

吳先生自牧

吳自牧字益謙歙之溪南人嘗取鄉薦三上春官不利

退講究問辨自信其所得作講義史評雜著數百篇執
經來學歲百餘人 歙縣志

吳先生自中

吳自中字益欽嘉定中以鄉薦授福州學教授教人有

方學者多所造就 同上

任先生直翁

任直翁知眉州著易心學 魏鶴山說

林先生叔清

林叔清三山人爲周易古經解依上下部叙以六十四

宋本學案續遺 別開卷二

三國明叢書

約園刊本

卦三百八十四爻臚分彪析而證以古今善惡是非之

事 魏鶴山集

毛氏家學

毛先生居正

毛居正字義甫號柯山著有六經正誤校監本經籍之

誤所欲刊正者魏鶴山爲之序而刻傳之大抵多偏旁

之疑似者凡六卷 直齋書錄解題

附錄

魏鶴山序六經正誤曰義甫以其先人嘗增註禮部韻

奏御于阜陵遂又校讐增益以申明于寧考更化之日
其于經傳亦既博覽精擇嘉定十六年會朝廷命胄監
刊正經籍司成謂無以易義甫馳書幣致之盡取六經
三傳諸本參以子史字書選粹文集研究異同凡字義
音切之毫釐必校儒官稱歎莫有異辭旬歲間刊修者
凡四經乃猶以工人憚煩詭竄墨本以給有司而板之
誤字實未嘗改者什二三也繼欲修禮記春秋三傳義
甫以病自移告其事中輟或者謂縱令有正其誤而諸
本不同何所取證豈若錄其刊誤之籍而刊傳之後學
得以參考余觀其書念今之有功于經者豈無經典釋
文六經文字九經字樣之等然此書後出殆將過之無
不及者其于後生晚學祛蔽寤疑爲益不淺因從臾其
成而序識之書曰若升高必自下若陟遐必自邇學者
其毋忽于斯

宋孝宗皇帝

別冊卷二

四三 四明叢書

約園刊本

梓材謹案四庫全書著錄六經正誤提要言先生
字途父或曰義甫並義父甫古字通也衢州人免
解進士晃之子又言先生承其家學研究六書場
萬里爲序述其始末甚詳今觀是書校勘異同
訂正訛誤殊有
補于經學云

趙先生若燭

趙若燭字竹逸宜春人寶慶二年進士知光澤縣事未
亡不仕教授于鄉 袁州府志

梓材謹案先生著書有書經箋註尚通又毛詩
祖通經義考並云佚又云姓譜作趙思誠

大理邱先生迪 附師余克濟弟秉嘉

邱迪嘉字惠叔安溪人少與弟秉嘉受春秋學于鄉先
生余克濟見推高第遂冠鄉試登壬戌第調永福尉改
武康先世松椒在焉清謹至不敢與宗人往還教授潮
州融州知侯官縣增城縣通判循州累除大理卿卒年

七十三 劉後村集

朱克學集補遺 別附卷二

四西明叢書 約園刊本

林先生子雲

林子雲字質夫福安人寶慶間進士除融州教授潛心
聖學躬行實踐多所自得學者尊爲鄉先生著易說十

卷 福寧府志

翁先生永年

翁永年字可尙永嘉人少篤學登寶慶第教授沅州有
峒谿田姓者來學或疑不類先生納而教之改知仙遊
縣輟俸新義塚除武學博士及判福州不赴景定推恩

加朝奉郎年九十三卒 溫州府志

傅先生實之

傅實之字莊父清江人登寶慶第調袁州分宜簿淳祐

中授承事郎學者稱南齋先生

江西通志

梓材謹案先生著有春秋幼學記經義考云佚

蔡先生元鼎

蔡元鼎漳浦人不登宦籍以文自豪所著有中庸大學

解論語孟子講義洪範會元

閩書

賈先生蒙

賈蒙字正叔

梓材案台州府志作叔正

天台人著禮記輯解集二十

宋元學案補遺別附卷二

聖朝藏書

約圖刊本

六家之說視衛湜岳珂爲要舊有鈔本在儀真見黃氏

書錄

天台縣志

文清程訥齋先生元鳳

程元鳳字瑞甫

梓材案歙縣志作申甫

歙縣人紹定中禮部第一

歷監察御史右正言兼侍講後拜右丞相兼樞密使御

書清忠儒碩昭光六字裏之進封吉國公卒贈少師謚

文清所著有訥齋集

姓譜

劉先生景山

劉景山莆田人有教學詩四十九韻淳淳然教弟子職

小學書之意而無韓子利祿之誘

劉後村集

方先生岳

方岳字巨山號秋崖歙縣人紹定五年進士官至吏部侍郎罷歸先生初忤賈似道繼忤丁大全氣節嚴正才幹凌厲尤工駢體有秋崖集

南宋文範作者考

包南堂先生整

附子泰明泰亨泰有

包整字□□涇縣人號南堂居士孝友嗜學訓子方嚴貯書爲萬卷堂子三人泰明泰亨泰有兄弟子姓聚居八十餘年有靈芝產其舍舍人王芾名之曰芝堂

寧國府志

宋元學案補遺 別附卷二

四六四明叢書

約園刊本

龍先生森

龍森吉州人著春秋傳端平三年李鳴復奏舉狀云伏見吉州布衣龍森會萃經傳科列其條治亂興衰本末該貫評以己見多所發揮如謂魯僭紀元獨承正朔其于名分所補良多

經義考

葉先生得象

葉得象寧海人登紹定鄉榜宋亡隱居教授徵辟屢至

竟不就 台州府志

蕭先生山

蕭山沙縣人舉端平二年特科仕長溪縣丞性穎敏于書無不讀究理精奧著有讀書傳論語講說讀易管見道南源委

粹材謹案閩書云一名石著有詩傳

樂先生雷發 附門人姚勉

樂雷發字聲遠寧遠人少穎敏書無不讀尤長賦詩累舉不第門人姚勉登科以讓第疏上理宗召親試對選舉八事策嘉納之特賜及第因數議時政不用歸隱雪磯 一統志

宋元學案補遺 別附卷二

四七四明叢書 約園刊本

粹材謹案先生號雪磯有雪磯叢稿

黃先生楠 附子和中得中

黃楠上虞人居東門性孝弟立志問學善誘後進不喜聲利惟優遊林壑二子和中為餘姚學正得中為沿海制置幹辦官常從名士馬申學並有文名 上虞縣志

儲先生國秀

儲國秀字材文寧海人端平進士歷知江陰軍事乞侍養親歿哀毀骨立未第時從學者數百人稱曰理所先

生 台州府志

趙先生汝濱

附師王子明

趙汝濱字文浩宋宗室太宗之後也篤學能詩文初尉定海歷遷通判建昌軍攝軍事值水後盜起鎮撫不遺力忌者反以爲言遂杜門不復出自號假庵讀書養性終其身少學于華容丞王子明子明既死先生出仕若滿解而歸必酌其墓世多其厚德咸淳九年卒年六十七

東發文集

賈先生鑄

附師劉口

賈鑄字君成著有考信錄三十卷劉氏序畧曰成己少

宋尤學案補遺

別附卷二

四式西明叢書

新園刊本

余十三歲未畧舉子畧且教授生徒所至坐席常滿而能歷年篤以成書考諸古而信諸心又以質于余而證于後世用意遠矣

文獻通志

程氏門人

汪先生儀鳳

汪儀鳳字祥甫歙人師事程文清公元鳳兩中江東漕試又連中浙漕以薦賜文學出身爲丁大全所陰中而罷賈似道嘗以治詩納交爲仲前奏度宗卽位議以史館處之謝不顧以通直郎致仕卒著有山泉類稿四十

二卷 徽州府志

梓材謹案歙縣志載先生六歲能文師吳自牧程元鳳又云晚築山泉亭人稱山泉先生

程先生洙 附子敬

程洙字口口休寧人淳祐十年進士授貴池縣主簿調上元縣撫字盡誠及代民請留不得發元兵入建康白官投牒降附先生仰天歎曰吾受官二十餘年忍移所守以偷生乎自縊死子徹能世其學 一統志

邵先生士英

邵士英字子實貴溪人淳祐進士理宗朝官翰林檢閱

宋元學案補遺 別附卷二

四九 約園刊本

不阿權貴爲買似道所扼退居鶴嶺精舍日與弟子講學其中及卒江丞相萬里謚曰介隱先生 廣信府志

薛先生璞

薛璞三山人以其學講于泉泉之大夫國人相師以聽御史洪君疇取其引用禮經文以正歲爲周正正月爲夏正之說謂可以決千四百年之疑 劉後村集

朱先生誥 附陳少微

朱誥字少揚歸善人少警悟七歲受論孟再讀成誦敏于占對鄉先生陳少微異之曰此子必立身揚名因命

以字長嗜學通六經百家言爲文不趨時好在郡庠常爲諸生祭酒漕使慕其賢辟攝新與令幕檄至而先生卒 鄂巴西集

僉判梁先生應龍

附門人單崔明

梁應龍博羅人貧而好學嘗欲市書而困于錢輒惋惜其母怪而訊焉告以故因解所服簪珥與之登嘉熙二年進士第性不嗜進取歷仕廣西二十年始改常德僉判以歸惠倅單崔明者嘗遇于先生至是盛飾車騎往拜之先生不憚自是崔明造其廬必屏導從其嚴敬如

宋志

別錄卷二

五十四明

約圖刊本

此惠大記

王先生奕

王奕字子陵瑞安人研貫該博杜門著書不求聞達淳祐間有旨下州索所著書太守趙汝騰爲繕進且薦之朝竟不應所著有六經語孟說中庸本義周禮答問成周大事譜西漢通志補正漢天文志釋地理志復漢錄

武侯遺事多識錄

瑞安縣志

車先生景壽

車景壽字雷叟黃巖人寶祐四年進士任信州教授宋

亡不仕以文學授徒稱龍淵先生 台州府志

柴秋堂先生望

柴望字仲山號秋堂江山人承務復曾孫甫成章博通經史諸子百家無不研究理宗嘉熙間為太學上舍除中書省奏名淳祐元年丙午元旦日蝕詔求中外直言先生素明象數每夜瞻星斗時復慘怛悲歌慷慨左右莫知其所為也及聞詔乃撰丙丁龜鑑十一卷起周威烈王五十二年丙午止後漢高祖天福十二年丁未自秦漢五代上下通一千二百六十年為丙午丁未二十有一數其凶吉禍福于前指其治亂得失于後正月書成上進忤時相意秋七月詔下府獄逮詰幾不免時大尹尚書節齋趙公素知其忠直上疏言柴望忠誠懇切所述根據史傳未可重以為愆得旨放歸田里京師之人謂其議論不容無不嗟惜在時名公設祖道湧金門外時與先生為文字交者三山鄭震紹武吳陵建安葉元素松溪朱繼芳錢唐翁孟寅田井陳麟黃溱南康馮去辨西江趙崇嶠曾原一盱江黃載汶陽周弼咸在焉既抵家和淵明歸去辭以自遣性至孝早喪父母毛氏

宋元學案卷二 四明叢書 卷二 四明叢書 卷二

孀節授以學業解職後于所居重構堂曰瑞萱堂居喪
哀毀成疾景炎二年端宗登極三山孔大諫舉薦先生
以布衣直疏前殿特旨授迪功郎史館國史編校屢進
疏論及宋亡杜門謝客獨臥一榻而感慨激烈每于吟
咏間見之從弟通判隨亨制參元亨察推元彪俱宋舊
臣與之同志迹跡不事二姓廢咏于煙霞之間聳動江
湖稱柴氏四隱云先生所著有丙丁龜鑑道州白衣集
詠史詩涼州鼓吹首行于世 柴氏四隱集

附錄

宋元學案補遺 別附卷二

五

約園刊本

淳祐丙午衢士柴望上丙丁龜鑑其表云今來古往治
日少而亂日多王聖臣賢前車覆而後車誠 困學紀聞

自敘道州白衣詩集曰嗟乎學詩四十年吟咏數千首
求其優柔和平哀樂中節可以詔來世而有關於世教
者蓋百不一二也但其間所以有可存者則以感時對
物撫景傷情于餐不恤緯之心彼黍離離之懷非此無
以自託有不可已者在焉是則猶有取也

摺仲宏序秋堂詩集曰知公之詩者要當知公之心則
李白少陵不足問矣

詔許出獄。皇京尹節齋趙公詩曰：「臣子狂愚獻直言，聖明寬大度如天。十封應詔皆焚稿，一片憂時祇似弦。數象逢丁陽九厄，元龜爲鑑後千年。今朝有旨從天下，知召長沙到席前。」

秋堂學侶

通判柴先生隨亨

柴隨亨字剛中，登寶祐四年進士，知建昌軍守己愛民，時稱循吏。當革命之際，與其兄國史、弟制、參元、亨察推、元彪俱隱于樸林九磔之間。自以宋室遺黎恥事二

宋元皇案補遺

別陶卷二

李三國明徵書

約園刊本

姓並不應徵辟而感憤激烈于弟兄唱酬中見之。柴氏四隱集

梓材謹案通判先生自號隱帖居士

附錄

李襄敏爲建昌郡大夫柴公墓碑曰：「蓋君子之仕也以行君臣之義，是故或遠或近，或死或不死，蓋均有見于義，無所逃而分當自盡耳。彼以爲爲利祿而效忠者，亦淺之乎。知士矣。建昌公審已揆時守貞，遂志識微于幾先而允蹈乎事後，雖志節未彰，抑亦文謝之流亞也。」

制參柴先生元亨

柴元亨字吉甫秋堂弟以監丞參江陵閩秋堂送之詩云北虜纔聞郭子儀上流決有退師期諸公但醜臨江酒老子祇聞別墅棋露布夜傳誅韃靼丸便遞破符離書生已辦平淮表先寄鶴鶴原上詩

柴氏四隱集

材料謹案前序戊子列柴氏四隱集其十一世孫復貞序云西隱公者宋國史秋堂公建昌大夫醫帖公制參吉甫公察推澤隆公也又云吉甫集屢經兵火無復傳焉張紫垣序云隨亨元亨一乳所誕俱以神童科登文文山榜進士宜其爲宋通臣不揣爲文謝之流歟

察推柴澤耀先生元彪

宋史藝文志

別附卷二

至西國傳

約圖刊本

柴元彪字炳中甫秋堂弟官察推號澤耀居士爲宋通臣自序襪線稿詩集云襪線無寸長見者短之余兄歸田翁泛沉渡淮遊赤壁登廬阜客西湖三十年以吞吐山川之奇麗與乾坤清氣諸老交盟以詩晚年僅僅得剛餘二百篇曰道州台衣猶未免乎短而疏劣之嫌也余侍歸田翁吟几間凡三十年雖家庭短護粗繩三尺其如伎倆短之又短何非詩之難而工之難也

柴氏四隱集

附錄

其爲人心吟曰長江萬頃深風靜波自止人心僅一寸

日夜風波起桑田倏滄海汨沒勢未已安得令人心常如古井水

何先生宏中

何宏中字子宏樂安人以博學善教爲鄉先生其家懷幕綬而歸拜者前後四人安輿就養益以廉勤爲訓所至諄諄不舍故仕學皆優云

程雪樓集

梓材謹案先生諸子森字商佐景定進士理分宜訟洩句數百牒皆盡轉循州錄參次希之字周佐登進士甲科所著有雞肋集次堇字唐佐咸淳進士著有草亭漫稿深衣圖說小學提綱繫溪羣賢詩選次夢午字晉佐亦登進士第見江西人物志雪樓誌先生墓則云宜章令霖永州教授希之道

宋元學案補遺別附卷二

至正四明叢書

約園刊本

州判官堯廣昌主簿夢午則諸子官職可考矣

樂氏門人

姚先生勉

姚勉字述之一字誠一高安人寶祐元年進士廷對第一除校書郎終太子舍人先生受詩法于樂雷發奏劄亦侃侃不阿有雪坡文集

南宋文範作者考

方氏門人

吳先生龍翰

吳龍翰字式賢歙縣人咸淳元年貢于鄉以薦授編校

國史院實錄院文字宋亡不仕家有老梅因以古梅爲號受詩法于方岳有古梅吟稿同上

齊先生天覺

齊天覺字莘夫青陽人少好學讀書倦暫隱几而臥三十年未嘗解帶就枕由是經史子集靡不淹貫舉于州歷贛州僉判江南通志

別附

朱先生知常附師盧端叔

朱知常字久道號此山金華人也通儒學爲黃冠師主

宋元學案補遺 別附卷二

至正四明叢書 約圖刊本

祐聖觀開慶間賜左街道錄先生少學于鄉先生盧端叔後得易說于池陽周元舉遂以見聞集爲一編進之于上遺籍藏此山道院金華赤松山誌

李先生君錫

李君錫字宗禹永嘉人博綜經籍援筆成章尤精于禮登寶祐第歷遷諸王教授司農時禮經自王氏倡新學訓詁皆穿鑿先生學正而博由是擢太常丞除直祕閣有雜稿温州舊志

劉先生應登

劉應登字堯咨安城人景定間漕貢進士宋社將危隱

居不仕 江西通志

梓材謹案先生著有詩
經訓註經義考云佚

葛先生炳奎

葛炳奎字晦叔寧海人理宗時任慶元司戶參軍條陳
五事累萬言宗社旣屋斂跡家山益究心理學所著有
煙村漫稿 台州府志

黃先生從龍

黃從龍字伯雲廬陵人爲儒先生專門毛詩學深于六

宋元學案補遺 別編卷二

五十四明叢書
約園刊本

義著書盈篋其所獨悟出毛鄭遠甚江丞相摺紳大儒
獨推先生善學元至元中吳會雖不寇盜竊出先生一
日攜所蓄有所詣賊妄意袖中之藏斃以一矢卽之書
也 程雪樓集

梓材謹案時禾豐有與先生同姓名者嘉定進士上
爲鄂州推官元兵入襄峴鄂當要衝守將潛遁推
官抱印登城大呼曰張巡許遠
之事正在今日與子力戰而死

戴先生景魏

戴景魏口口人著有中庸大學要義黃東發爲之序稱
二書發明先儒未及處極多眞是有功後學云 東發文

郭先生新

郭新寧遠人咸淳元年進士因亂築韞玉書室以耕釣自適隱居不仕

寧遠縣志

汪先生注

附子胄文從子昌壽從孫惟賢

汪注字東之旌德人咸淳四年進士官池州青陽簿六年棄官歸益肆于學經史百家無不該洽著有中庸演說大易衍義子胄文温州路儒學教授從子昌壽字伯敏咸淳元年進士先以能賦聞既讀易心會其微初謫金陵戶曹改秩浙西帥司主管機宜文字杭州矢遂歸

宋元事補遺

附卷二

辛巳四明叢書

約園刊本

至元中講典鄉校與先生協志訓誘者有心易詳說鐵崖自娛集東林叩角集講義雜文數十卷其子惟賢徽州路儒學教授

寧國府志

胡先生芳

附弟考

胡芳字秀實平陽人九歲默誦九經與弟考聯中神童科真西山奇之其學尤長于春秋魁鄉薦會試下第不復出積書數萬卷自娛晚薦入史館致仕年八十餘讀書不輟

温州府志

常博湛先生若

附錢起錢嶺

湛若餘姚人博雅以鴻碩稱時舉子各占一經或詞賦便足先生于六經詞賦無不通解同邑呂次姚建義學聘爲師諸生常數百人每執經問難辯若懸河汎濫百家諸子然後折衷聖經諸生無不解頤官終太常博士時有錢起及其子演亦相繼教授學徒常與相等兩浙名賢錄

陳在湖先生益新

陳益新東莞人博通羣書尤邃性理之學補貢不就遂隱東湖之上邑人尊之曰東湖先生廣州黃志

宋元學案補遺

別附卷二

五十四明叢書

約園刊本

季先生致平

季致平青田人治詩書易傳會其要領著精覽歸一圖解括蒼叢記

邵先生桂子

邵桂子字德芳淳安人咸淳七年進士第任處州教授棄官歸隱鑿池構軒其上名曰雪舟作忍默恕退四卦以自警姓譜

方先生公權

方公權字立道莆田人咸淳元年進士歷廣東教授太

常丞景炎後不仕人稱石巖先生 圖大記

巖先生肅

嚴肅吉之太和人所著橫山易說十四卷咸淳中江丞相萬里馬丞相廷鸞皆好其書為獻之天子徵為祕書省校勘宋亡之歲三月亦以疾卒 揭侯斯說

翁先生夢得

翁夢得字景說壽昌人端平咸淳間兩中詞科尋隱居教授著有春秋指南一卷春秋摭實二卷春秋要論十卷春秋記要十卷 壽昌縣志

水字彙理 卷二 太平明徵書 為圖刊本

俞先生西發

俞西發字明叔德鄰之弟咸淳中以明經試太學後隱居不仕 鎮江府志

梓材謹案先生著有經傳補遺三十卷經義考云佚

鄭先生君老

鄭君老字邦壽長溪人咸淳四年進士元初交薦不起學者私謚曰靖節先生 姓譜

梓材謹案先生著有五經解疑經義考云佚

王先生介

王介字文卿百水人咸淳進士投邵陽主簿談經論道
各極旨趣致仕歸聚徒講學于山堂書院學者稱山堂
先生 吉安府志

林先生一龍

林一龍字景雲永嘉人在太學不就月書以求捷進登
咸淳辛未第累祕書郎並說書性直諫樂道人善工古
文有石室文集 温州舊志

陳先生敬叟 附子章伯

陳敬叟字炳然臨武人博學工詩文咸淳進士授耒陽

卷七 嘉慶補遺

別附卷二

李三 四 朔 披 書

約 國 刊 本

縣學錄德祐北狩遂隱居不仕子章伯字奎龍亦棄諸
生不治生計茅屋數椽釜盎亦無完器臨武令薦之帥
闕以司教玉林不赴 一 統志

汪先生維岳 附兄維崇

汪維岳歛人宋咸淳庚午省元入元不仕隱居教授建
友陶書院以淵明自況兄維崇字賢甫性忠孝見宋祚
不振有志恢復福王與芮聞其賢妻以女授承節郎歸
語先生曰昔金人犯淮甸先監丞尙慨時危主憂抱憤
以終我今受恩國亡不死何以見祖宗于地下遂不食

徐先生文鳳 附師陳存

徐文鳳字伯恭壽昌人從吳興陳存受春秋咸淳間釋
褐權知象山縣至元革命隱居教授著有春秋捷徑十

卷 嚴州府志

王先生所

王所字愉號南峯黃巖人咸淳乙丑進士宋亡致高
郵軍事歸營書院于溪之濱中藏圖書旁藝花竹翛然
有陶靖節風黃超然題其墓曰宋進士元逸民南峯王

宋元學案補遺 別附卷二

卷之四 嚴州府志

公墓所著有五經類編南峯集葉丞相夢鼎為序稱其

固窮君子云 台州府志

王達觀先生珏

王珏字叔寶號達觀臨海人登咸淳戊辰進士授國子
博士德祐丙子權知本州事伯顏南下先生與兵部侍
郎仙居陳仁玉集義民增陴浚隍堅壁以守力不能支
乃以郡章屬楊芳春者大書忠烈二字于門投左池

以死 台州府志

達觀同調

邵先生兩

邵困字叔魯臨海人咸淳元年進士歷本州教授德祐丙子元伯顏統兵入臨安謝太后詔屬郡無與元敵台守楊必大率先請降先生與權知州事王球不奉旨伯顏以偏師徇之城陷火侵學宮先生端坐而死

同上

張先生伯文

張伯文著有九經疑難十卷其自序曰予自幼年趨庭先君禪堂授以麟經涉獵之餘亦嘗取五經三禮與夫語孟講究其大槩凡平日得于先儒之議論者寸長片

宋元學案補遺

別開卷二

卷三西明叢書

約園刊本

善靡有不錄云

經義考

戴先生埴

戴埴字仲培桃源人著有鼠璞一卷書中楮券源流一條歷陳慶元開禧嘉定之弊知其爲南宋末人故書錄解題著錄而讀書志不著錄也

四庫全書總目

雲濠謹案四庫提要稱鼠璞云是書皆考證經史疑義及名物典故之異同持論多爲精審又云其他辨正如謂詩序絲衣篇引高子靈星之言知有講師附益之類率皆確實有據足裨後學其曰鼠璞者蓋取周人未人同名異物之義文獻通考列之小說家失其倫矣

十五國風二雅三頌解

風雅之正變以治言自邶至曹治固多變鄘衛鄭秦有
美有刺太王治豳風化所基何皆言變風節南山至魚
藻治固變矣六月車攻斯干諸詩何以言變小雅民勞
至桑柔治固變矣崧高韓奕烝民江漢諸詩何以言變
大雅或曰衛鄭與秦皆國人私美其君不合于治之正
邠以周公遭變宣王功業不終悉難曰正風正雅然六
月序言小雅盡廢四夷交侵中國微矣宣王出而周道
粲然復興變雅不始于厲王而始于宣王何也若專以
治言則溢美其君豈得爲詩夫子安得存之周禮簡章

宋元學案

禮記卷二

空四四明叢書

新園刊本

歌豳詩豳雅豳頌豳治未純于正胡用之于樂章況七
月陳王業與公劉戒民事無以異一繫正雅一繫變風
何也詩大小雅以治言則受命作周伐商繼代爲政之
大燕羣臣嘉賓燕兄弟朋友爲政之小嘉魚山臺菁莪
卷阿棫樸均爲養才用才之詩何以分政之大小六月
采芑車攻江漢常武均爲宣王中興之詩何以分政之
大小周魯商三頌以盛德成功爲主則周頌之薦宗廟
告神明稱述祖宗功業極其形容自稱曰惟予小子閔
予小子曾孫篤之皆謙沖退託而商頌言假祖之孝曰

湯孫奏假言赫赫之功曰於赫湯孫言奉祀之誠曰湯
孫之將言天命之久曰在武丁孫子不過頌美主祭之
君周頌簡嚴商頌敷暢已非一體魯頌稱美之辭益侈
以衰微不振之魯奔走于霸主之號令惴惴自保不暇
乃謂其懲荆舒服戎狄修復伯禽之法度與經傳大率
相戾聖人合商周與魯並以頌稱又何也謂言天下之
事刑四方之風則幽何以有雅謂美盛德告成功則幽
何以有頌予謂求詩于詩不若求詩于樂夫子自衛反
魯然後樂正雅頌各得其所及言關雎之亂洋洋盈耳
以樂正詩則風雅與頌以聲而別古者詩存于樂延陵
季子觀樂于魯使工爲之歌乃於五聲和八風平節有
度守有常禮記言鄭宋衛齊之音與聲淫及商和非武
口口頌大小雅以爲聲歌各有所宜書詩言志歌永言
聲依永律和聲周禮教六詩以六律爲之音左傳晉得
楚囚問其族曰伶人也與之琴操南音文子曰樂操土
風不忘舊也有娥之北音塗山之南音夏之東音周之
西音專以音樂爲主聲相形故生變五音樂之正也應
鐘爲變宮蕤賓爲變徵樂之變也後之言樂有三宮二

十一變樂有正聲必有變聲夫子正詩于樂豈獨風雅有正聲而無變聲哉故國風十五國之士歌土歌之正爲正風土歌之變爲變風採詩者以聲別之列國非無正音散而不傳耳豳風邶風周之變音周南召南周之正音其雅樂之正變也亦然瞽誦工歌統別其聲之正變復析爲小雅大雅亦不過雅音之大者爲大樂章大燕享用之雅音之小者爲小樂章小燕享用之春秋穆子如晉晉侯享之金奏肆夏歌文王俱不拜歌鹿鳴而後拜韓子以捨其大拜其細爲聞對曰三夏天子所以享元侯文王兩君相見之樂皆不敢當鹿鳴所以嘉寡君敢不拜嘉足見雅音小大卽樂章之小大也以言于頌周頌雖簡商魯之頌雖繁周頌雖敬懼而謙恭商魯之頌雖侈麗而誇大其音苟合何往非頌人不以言求詩而以樂求詩始知風雅之正變小大與三頌之殊塗同歸矣孔穎達云取大雅之音考其政事之變者謂之變小雅言政而參以音其論得之矣蓋樂與政通謂無關於政固不可悉以政事解之則有不可解者今之樂章至不足道猶有正調轉調大曲小曲之異風雅頌既

欲被之弦歌播之金石安得不別其聲之小大正變哉
庶官陳先生孚 附師宋貫之

陳孚瓊山人從太守建陽宋貫之學得官以歸自是瓊
人始喜習進士業 輿地紀勝

黃先生宙

黃宙字絲仲晉江人居鄉講授有論孟解 閩書

楊先生翼之

楊翼之三山人爲永州教授訓諸生以躬行實踐州人

士翕然向風 湖廣通志

宋元學案補遺 附卷二

李國朝藏書

約園刊本

李先生象

李象字材叔南城人居藍田山于諸經無所不說 江西通志

范先生西新

范西新字孟申滁陽人學者稱之曰青山先生仕嘗贊
閩席教郡庠其設教于鄉閭也患後生小子凌虛厲空
而不省乎孝弟之實乃爲詩三十篇情切而理明讀之
使人孝弟之心油然而生誠有補于世教云 王忠文集

應先生彌正 附師張挺之

應彌正上饒人從永嘉張挺之學春秋後添倅徽州方

周先生宗岳

附子雲龍孫自立

周宗岳字口口新喻人以文學名江文忠公極禮下之後用薦者授迪功郎監廣西經畧安撫司庫辭不赴門人私謚文範先生子雲龍元瑞州路儒學錄博學著有文集學錄子自立字本中孳孳問學下帷講授相從者多以文行知名

宋文憲集

廖先生應瑞

附師胡觀道丁守廉

廖應瑞字祥國臨江人少從胡觀道丁守廉受戴氏禮

宋平學案初選

別附卷二

卷八四明叢書

約圖刊本

寒暑不釋卷崇孝敬敦信義訓敕子弟必本乎學元貞二年卒年五十五

程雪樓集

王先生昕

附子紹忠經忠

王昕字明之睢陽人母韋氏常逸其夫于事而勞其子于學先生以儒飾吏初試浙東宣慰司令史考滿授將仕佐郎累轉承務郎杭州路推官紹忠經忠父教也聞于父教而復以教其子孫云

林霽山遺文

趙先生震揆

趙震揆著有春秋類論四十卷

宋志

春秋類論

左氏之害義未有甚于記女寬之論莫弘也自昔聖人未有以天廢人殷既錯天命王子則曰自靖自獻周天命不又大夫則曰勉從事治亂安危天之天也危持顛扶人之天也以忠臣孝子爲違天則亂臣賊子爲順天矣而可哉

鄭先生與叔

鄭與叔字希默寧海人仕至從政郎宋亡教授終身台州府志

顏先生褒

顏褒號唯庵永春人弱冠游江湖邃于經學詞藻豐瞻書法尤精嘗開塾以教後學閩書

張明善先生雄飛

附子炳鏡

張雄飛字宏甫歙縣人聚徒三四十人竹籬爲門門之內皆花竹花竹之覆爲講舍處士服華陽巾未嘗見其出門循規蹈矩年八十三卒門人私謚曰明善先生長子炳字仲文純實莊雅好學尙友爲宣城教諭次子鏡字以洪以禮記擢鄉書方桐江集

陳先生文叔

陳文叔字元彬德化人博搜洽聞文詞薈蔚名冠太學
中學者皆宗師之著有西笑遺筆

閩書

劉先生大有

劉大有字處謙安福人于書無不讀嘗曰人度以篋我
度以腹所著文五百篇曰遜齋野錄

吉安府志

胡先生鼎金

胡鼎金字貴剛宣城人究心易學嘗作三陳九卦說曰
文王九卦之取上經取其六取履于乾先天之乾所以

宋元學案類編

別冊卷二

七十四冊叢書

約園刊本

父巽離兌于上者敘倫于履矣取謙於坤先天之坤所
以毋震坎艮于下者敘倫于謙矣復卦乾陽反動于坤
陰之下復禮爲人之本也而三才之道備矣六卦之取
于下篇至于巽以行權而聖人之用意微矣語見朱楓

林易註

寧國府志

林先生大年

林大年字壽卿龍溪人初試太學以詩賦中選年八十
二以書義再預鄉書不赴南宮爲州學正日與生徒討
論終老湖山卒年九十有六

福建通志

謝先生升孫

謝升孫南城人舉進士爲翰林編修官朝士稱之曰南

應先生

江西通志

梓材謹案經義考載謝氏升孫詩義斷法佚四庫全書存目錄詩義斷法五卷不著撰人名氏推爲謝氏之書提要云蓋揣摩七取之書本不爲解經而作

推官傅先生崧之

傅崧之字宗山壽昌人刻志好學通詩書戴禮弱冠以兩經領鄉薦鄉人尊之稱平齋先生咸淳四年與子明龍同登進士第而先生爲榜眼授廣元觀察推官以內

宋元學案補遺

附卷二

三四明藏書

約圖刊本

艱不赴服闋丞相馬廷鸞言于朝調平江觀察推官以

勤政卒

嚴陵志

隱君胡先生應璣

胡應璣字粹翁淳安人講明性理之學隱居教授不求

仕進著理髓三卷學者宗之

嚴陵志

應先生浩然

應浩然口口人戴剡源過先生墓云人間萬卷厖眉老眼見堂堂入草萊行客須當下馬過故交誰復裏雞來山花不語如聽講溪水無情自薦哀猶勝黃金買碑碣

百年名字已煙埃

戴剡源集

陳先生宗說

陳宗說茶陵人建汲古堂藏書萬卷人有以逋負繫獄
幾死先生爲代償之

茶陵州志

王先生南美

王南美字乙道安化人隱縣之伊谿博洽經史尤邃于
易執經問難者不遠數百里而至置義莊以養族屬之
孤貧者所居有釣月樓耕雲堂

一統志

盧先生元亮

宋元學案補遺

別冊卷二

七三四明藏書

約副刊本

盧元亮安化人積學能文操行純固兄弟九人先生盡
以產業分給己纖毫無所取

一統志

登仕李先生心道

父彌世附子泰亨

李心道字聖傳浮梁人父彌世業春秋登進士乙科以
端方著爲鄉評器重先生生而穎悟稍長從傅受易學
耳熟緒言其從父兄原尤邃于易先生與爲師友益鈞
決玄奧適事之變若中理解最受知于尙書朱龜孫京
尹吳益奏補登仕郎先生治家嚴不惑異端子泰亨嘗
長幼安書院及再仕襄樊先生勉之往曰子是教忠愼

勿以蕪遠增離憂也自號疏嬾翁扁其室曰嘗軒有詩
橐藏于家 鄧巴西集

許先生炳

許炳字仲明平江人通春秋好學不倦篤志力行及卒
無以爲殮 一統志

張先生師禹

張師禹字虞佐口口人天資耿介不苟口不求仕進從
之遊者莫不敬畏號鄉先生及厲績其友張具瞻來視
疾先生指心示之曰血氣枯竭矣而一點不動言訖溘

然而逝 姓譜

李先生關

李關字子羽海陽人早喪父事母至孝通春秋餘經諸
子皆知其大畧隱居不仕以教授郡邑子弟貧者助其
筆札尤精醫術鄉人賴之號北源先生有文集 同上

梓材謹案廣東戴志載先生至正間元兵逼城先生乘夜負母避難歸外族從姪曾氏云

顧靖夷先生權

顧權字用衡崑山人力學博通羣典爲文刻意有古作
者矩度隱居不仕門人謚爲靖夷先生 同上

張先生飛一

附子彬甫 弟孫復禮

張飛一居番禺之黃岐通周易能會萃諸家之說而折衷之廣之士大夫推爲宗師號曰黃岐張氏易二子彬甫弟彬皆善傳父經父既葬晝夜念之弗置構堂曰永思兄弟躬耕以爲歲時祀事彬甫次子復禮字禮庭薰炙家庭之教而于易學尤精發爲大義頃刻千餘言出入程朱二氏無乖齟者

宋文憲集

蔣先生巖

蔣氏說

宋先學案補遺

別附卷二

七十四明發書

約園刊本

道之大原出于天天有是道而不能言故託諸聖人言之易書詩禮樂春秋此聖人之言而天地之道也非易無以立天地之心非書無以紀帝王之迹詩以導風俗之美春秋以嚴王霸之辨禮以節民樂以和人用是訓天下萬世一日不可廢豈無用之空言哉

以通書讀易可以會太極以經世書觀洪範可以建皇極中庸之慎獨可以位天地育萬物大學之致知可以齊家治國平天下論語一書無非言仁孟子七篇無非道性善

陳氏講友

李先生如雷

李如雷臨武人與陳章伯友善時衡陽興石鼓書院欲得士有可以先生與章伯往宋亡隱居力學所爲詩文甚富愛貝溪山水之奇結廬于上自號貝溪居士

湖南通志

馮先生彥玠

馮彥玠永嘉人岳飛闢幕成之孫博學多才畧有祖風李守芾表其廬曰嘉忠宋亡入山不出年九十餘卒

溫州舊志

宋元學案補遺

別附卷二

十五四明叢書

初國刊本

鄒先生次陳

鄒次陳字周弼一字悅道宜黃人宋末中博學宏辭科遠近學者多從遊及卒何太虛哀以詩云門生定展王通學舊友誰成郭泰碑所著有遺安集十八卷史錄十

卷 江西通志

梓材謹案先生所著又有書義斷法六卷經義考
論其姓名爲陳氏悅道四庫書目因之提要謂其
自題曰鄒次不知何許人蓋未之詳考也提要又
言其書不全載經文僅摘錄其可以命題者載之
逐句詮解各標舉作文之竅要蓋王充私書義於
式如今之彙程而此書則如今之講章後來學者
揣摩擬題不積全
經實自此濫觴云

雲濠譚案吳文正誌其墓云取龐德公遺子孫以
安之義榜書室曰遺安

附錄

張雲章曰書義斷法亦科舉書以其流傳久存之後附
作義要訣新安倪士毅所輯也

田先生希呂

田希呂字志舒慈利人宋末守節不仕居天門山那書
院以講學誘掖後進當路以爲書院山長一統志

褚雪獻先生附門人馬虛中

褚口錢塘人號雪獻先生博學卓行之士也執古刀尺

宋元學案補遺

卷二

七十四 四明叢書

約園刊本

裁量晚得馬虛中從之學盡其微妙其居家篤于孝弟
清勤恬雅動以古人自飭暨出家著道士服隱約西湖
之濱士大夫慕與之交仇山村遺集

葉先生冠

葉冠麗水人宋季再領鄉薦善言性理而尤深于易黃文

集

隱君劉南聰先生準附子女舟

劉準鄞人自幼好學長而有成宋末隱居教授絕仕進
意卜葉青山之原日以教子讀書爲事學者稱南窗先

生子汝舟字端父確守父訓平居無戲言情容郡之名士大夫相繼來居一時林下衣冠爲盛

姓譜

汪先生懋卿

附弟森卿子瀨瀚瀨師陳嵩伯

汪懋卿奉化人與弟森卿同學同貢並因宋亡不仕杜門著書子瀨字季彝瀚字幼海受家學治易春秋躬耕孝養季彝嘗從海陰陳嵩伯講學幼海薦授衢州路學錄辭不赴

寧波府志

江先生友直

江友直字德正歛人以薦爲經學長陸本州教授以節

宋五臺雜遺

別附卷二

七七四明叢書

約園刊本

義自負伯顏入臨安恭帝被執先生升堂痛哭示諸生以大義不食數日卒葬梅口之原書其墓曰餓殺塚

歛縣志

曾先生元圭

曾元圭號礪峯江西人宋末屏居教授有春秋凡例大

學演正藏子家

王逢說

李先生思正

李思正德興人生于宋季入元不仕

黃虞稷說

梓材謹案先生著有中庸圖說中庸輯釋各一卷經義考並云佚朱楓林中庸旁註云有融會之妙

者思正李先生也
思正蓋其字爾

吳先生浩

吳浩休寧人隱居不仕著直軒大學義

徽州府志

趙先生若煥

趙若煥字堯章進賢人年二十餘宋祚訖賦草之茂三章援琴而歌以當黍離麥秀年八十而卒

江西通志

徐先生偉

徐偉臨湘人宋末舉孝廉累辟不赴去之野潭中山隱居教授依以居者三百餘家歲荒貧不舉子者悉資給

宋元學案補遺 別附卷二

主六四明叢書
約園刊本

之人感其惠子多以徐爲名有子八人後皆知名號徐氏八龍

一統志

李先生黻

李黻字元明臨湘人博學通經性至孝尊養浩隱居不仕自號默堂居士授徒數百人晚年尤精內典著詩文五千篇

一統志

練先生耒

練耒

梓村案
或作來

字彥本建安人宋遺民閉門著書有大易

發微二禮疑釋

閩書

陳先生煥

陳煥字時可豐城人兩與鄉漕薦入元隱居不仕學者稱爲嶧山先生

江西通志

梓材謹案先生著有易傳宗詩傳徵禮記解經義考並云佚

葉先生夢鱣

葉夢鱣建安人應聘赴臨安少帝北行遂隱于西甌以講學爲事有經史旨要及文集

姓譜

梓材謹案黃氏千頃堂書目稱其入元不仕

俞時齋先生金

宋元學案卷二

別附卷二

元四明叢書

俞金字叔器號時齋金華人少好學善自程督一試不合有司卽退修于家學者師尊之受業者繼于門宋亡獨率其家以禮深衣義冠談說古道客造門肅威儀俯首拱而趨以迓至門左右立三揖至階揖如初乃升及位又揖者三每揖皆有辭相稱慰慶贊周旋俯仰辭氣甚恭鄉人小子去未久不知宋俗皆然或竊指爲異或尤以爲迂緩先生不顧也

王忠文集

邵守邵先生繼賢

邵繼賢番禺人天資明敏究心理學早年領淳祐三年

鄉薦歷四川順慶知府時元兵日盛退處贛州玉龍山中杜門修靜元世祖以先朝名臣徵之不出

廣東金志

東湖家學

鄉貢陳月橋先生庚

鄉薦陳淡軒先生紀

合傳

陳庚字南金東湖長子以書經擢咸淳甲子鄉貢進士南省罷歸無復求仕志日肆力詩古文所論著明暢沈蔚有歐曾風隱居東湖研心道德性命之學學者多師之邑人亦尊之曰月橋先生年七十九卒郭應木表其

宋元學案補遺

別附卷二

八十四册叢書

約園刊本

墓曰生爲一邑之儒宗沒爲一鄉之善士可謂有德君子矣弟紀字景元以周禮領咸淳癸酉鄉薦宋季與先生皆退隱于家以賦詠自娛有越吟斐稿傳于時號淡

軒先生

廣州黃志

林氏門人

宋先生眉年

宋眉年字壽道永嘉人少從林一龍學領胄薦元初都使者完顏貞徵爲郡學錄陞學正轉興化贛州授政和簿頗有能聲著有存稿集

溫州舊志

王氏門人

杜先生文甫

杜文甫臨海人號南峯山民師事王達觀珏登咸淳辛未進士歷瑞安軍推官德祐初除國子博士迨元代宋翰林學士趙與愚薦于朝守令爲勸駕先生自謂宋臣辭以疾御史程文謙奉召終不起

台州府志

林先生起潛

林先生起濱

合傳

林起潛字用夫弟起濱字顯夫黃巖人少時同遊達觀

宋元學案補遺 別附卷二

全四明叢書

約園刊本

王先生之門已而相與曰人各有貴于己者與其雕琢以干人爵孰若釋靡踐實求聖賢之所爲學者以適吾志哉遂辭歸築室同居以經籍相切劘進退榮辱泊如也篤于行誼鄉人高之稱東臯西墅二先生云

台州府志

熊先生采

熊采建陽人寧武州參軍入元不仕著易講義書說

姓譜

歐陽先生應求

附子良

歐陽應求字仲俊世爲廬陵永和人先生有賢父兄而又弱不好弄夙悟少成于書無所不觀尤深于易早舉

進士以母老不行建炎間嘗類試漕臺一出不合卽退
居開門授徒且學且養無復進取意與其徒道堯舜孔
子正心誠意修身齊家爲可用之說夷猶陋巷中蕭然
藜藿自以爲天下至樂也學者心服而誠尊之鄉人無
少長咸稱之曰先生嘗著書課子每曰人強爲善尙或
罹禍況爲惡乎善而罹禍正猶秋蘭之厭風霜雖若槁
矣而芳不輟于歲時惡或徼福亦猶朝菌之蒙雨露卽
苟榮矣而質不能于晦朝吾寧爲善而罹禍可爲惡而
徼福乎其言切理類此喜吟詩字畫勁健造次不作

宋元學案補遺

附卷二

六

約園刊本

行草自號樗叟君子謂先生不應辟召似徐孺子類乎
處順似黃叔度至耄期稱道不衰似及門于孔氏殆未
下游夏輩也卒年七十有六子裒好學有立蓋申鮮虞
之傳摯云

胡澹庵集

何先生先覺

何先覺字民師桂陽人建炎二年進士紹興中知橫州
弭盜除姦勸農訓士刻夫子小影夫子行教二石置寧
浦縣學爲之記改知連州治行尤著士民愛戴如父母
廣西通志

謝先生致平

謝致平字康谷零陵人建炎二年進士博學有聲于時
從學者眾席舍至不能容

零陵縣志

邱先生稅

邱稅字爲高南豐人入太學建炎初伏闕上書乞徙都
金陵以圖恢復所著有詩解義

江西通志

周先生日章

周日章永豐人操行介潔開門授徒僅有以自給非其
義一毫不取家至貧嘗終日絕食鄰里或以薄少致餽

宋元學案補遺

別附卷二

十三四明叢書

約園刊本

時時不繼寧與妻子忍餓卒不求人隆冬披紙裘客
有就之亦欣然延納望其容貌聽其議論莫不聳然縣
尉謝生遺以襲衣曰先生未嘗有求吾自欲致其勤勤
耳受之無傷也先生笑荅曰一衣與萬鍾等耳儻無名
受之是不辨禮義也卒辭之汪聖錫亦知其賢以爲近
于古之所謂獨行者

容齋三筆

魯吟齋先生嘗

附兄管

魯嘗字季欽世爲嘉興人徙海鹽之武原父孝寧生六
子力教以學先生與兄嘗同登紹興五年進士第起家

左迪功郎餘杭縣主簿歷進太常少卿兼權大理少卿
除直敷文閣江西轉運副使徙浙東提點刑獄公事又
徙閩路力請奉祠得主管台州紫道觀遂致仕積官至
朝請郎淳熙三年卒年七十有七先生力學強記入京
師太學每從儒先質疑義聞見日廣刻意古文喜論天
下事廷對述安危治亂邊防形勢甚備兩上萬言書極
陳利病當官務行所學平居喜稱人善而覆匿其短貌
莊氣和輕財重義著述有易說二十卷論語解十卷蒙
溪已矣集四十五卷後集二十卷須江雜著六卷會稽

宋王學補遺

別附卷二

三四四明叢書目

約園刊本

酌唱二卷當獨集十卷芻蕘編十卷南征錄二卷自警
錄四卷編集祖宗訓典五十卷編註杜少陵詩十八卷
又年譜一卷警字如晦累遷大理丞兼右部右曹官請
治郡得池州坐罷起知真州初築通隱至是改曰遂隱
素喜釋氏書晚自謂有所悟家範整整子孫率勤飭雍
睦天性嗜書少老如一有文集三十卷漢紀考異十二
卷集皇朝要覽一百卷又嘗進江淮表裏圖上邊防十
二事蓋將攷古驗今自見于功名也

周益公集

雲濠謹案萬姓統譜載先生自號冷齋子可宗以
進士世其家又中博學宏詞科官至太常卿

曾先生啟

曾啟字彥和爲書解朱文公呂成公皆取之館閣書目
書講義博士曾肢等解蓋誤以改爲肢

困學紀聞

附錄

朱子曰曾彥和說書精博其解禹貢夢穎吳才老甚取
之

畢先生良史

附門人李師魏良

畢良史字少董蔡州人

梓材案直齋書錄解題以紹興先生爲知府監軍東平人

初陷金居汴閉戶著春秋正辭論語探古書有宋城李

宋元學案補遺

別附卷二

全五十四册叢書

約園刊本

師魏良執經師之好事者寫爲繙經圖繪先生坐榻上
兩生執卷而前有二女奴各有所執而阿冬者坐其間
先生之季子也

楊誠齋集

附錄

紹興十三年獻春秋正辭二十卷詔諫議羅汝楫司業

高閎著詳來上特改京官

玉海

司封鮑先生彪

鮑彪字文虎龍泉人精史學以戰國策失次爲之註定
時有論說以正其謬又有書解杜詩注爲司封員外郎

請老 舊浙江通志

梓材謹案萬姓統譜載先生紹興中爲尚書司封員外郎薦學守道安于靜退清介端懿致仕褒美賜排魚袋又素菜水心志勵清鄉墓云父得朋籍雲令族父司封員外郎彪銘之司封亦名士也儒林宗派入先生于元儒博考課

王先生鑑

王鑑字時可石埭人紹興戊午進士授興國軍司務高宗以時事召對稱旨累擢監察御史有風力歷中書舍人兼直學士院侍講先生素通經術善訓導高宗爲吳后家置大小教授以先生領其職其所撰戚里元龜爲

宋元學案補遺 別附卷一

卷六 四明 嚴東白

約 別刊 本

后家起也又著春秋門例通解及易象寶鑑諸書

安徽通志

梓材謹案樓攻媿爲永寧郡夫人墓誌言先生以一時名儒篤學洽聞典內外制光顯于朝

汪先生舉會

汪舉會字元贊黔人紹興壬子進士爲建昌軍教官創建學宮留意教養遷醴陵宰邑遭寇旱民逃土荒撫以惠愛治以最稱人稱醴陵先生

湖南通志

李先生繫

李繫字清叔崇慶人第紹興進士爲隆州推官攝綿州振飢活十餘萬人又知永康提刑成都路兼提舉常平

歲凶活百七十萬人知興元府奏罷和糴之法梁洋間
繪像祀之遷太府少卿先生講學臨政皆有源委所著

有桃溪集百卷

姓譜

梓材謹案魏鶴山誌先生墓云早有志節嘗游秦
宮大梁浮淮泗江浙道荆楚其所交皆一時名流
又云讀書有春秋至當集春秋機關春秋集解經
史子集無不覃思研精晝鈔夜誦自號桃溪先生
又言其薦進人才如宋若水楊大全李舜臣楊甲
韓炳黃裳范蓀馬覺呂商隱張子震王咨費士幾
其後各有以
自見于時云

夏先生休

夏休會稽人

梓材案胡庭芳謂先生
中興時紹興府進士

以篤學名于鄉年

宋元學案補遺

別附卷二

二十七四明叢書

約閣刊本

八十餘無一日不著書紹興間有旨郡給筆札錄其所
著書以進郡出錢百萬就姚江置局謄寫幾千卷春秋
易有解律曆有書周禮井田有譜以上書補官一試吏
而止

樓攻媿集

梓材謹案先生著有周易講義九卷周禮井田譜
二十卷並見宋史藝文志四庫存日本永樂大典
錄井田譜提要言其考訂舊文多出新意又言阡
陌既開以後井田廢二千餘載矣雖以聖人居天
子之位亦不能割裂州郡劃平城堡驅使天下久
安耕鑿之民悉奪其所有使之蕩析變遷以均貧
富一二迂儒又竊竊然私議復之是亂天下之術
也使果能行又豈止王安石之新法哉同時瑞安
黃穀乃爲作問答一篇條舉或者之說一一爲之
疏通證明殆不知其何心矣又引陳止齋之序謂

其多泥于度數未必皆叶言永嘉之學雖
頗涉專功而能熟講于成敗此亦一證矣

附錄

中興藝文志曰夏休以禮記多漢儒雜記于義未安者
乃援禮經以破之然中庸大學實孔氏遺書也

馮厚齋曰夏氏周易講義其說以言動制器卜筮四尙
之說綜而通之以秉承比應爲例

朝散黃先生勳

附從弟熙

黃勳字有功南海人也幼有至性鄉鄰異之紹興二年
登進士第始授永福丞累進朝散郎知雷州以賢能遷

宋元學案補遺

別附卷二

六十四明叢書

約園刊本

去改知新州學田不足缺膳羞乃以俸資增置之政暇
卽與諸生講解士子樂從之當時號循吏云終朝散大
夫致仕卒先生爲人博洽而有深沈之思最明經義凡
聖賢格言皆自鈔寫字如蠅頭少讀書患無以爲燈乃
取烏柏子或油子仁榨爲油人多效之借人書每于斷
缺處留意補緝士故樂假之觀以此積學著名于時從
弟熙後一科進士攝新興令爲韶州推官胡寅極稱之

廣州人
物傳

提刑譚蛻齋先生惟寅

譚惟寅字子欽高要人紹興二年登進士第讀書一覽終身不忘應博學宏詞科用參政龔茂良薦除太學博士出倅靜江容州提舉廣西鹽鐵事尋遷廣東提刑改江西提刑卒于官有蛻齋講學大學中庸行于世

廣東戴志

夏先生沐

夏沐撰春秋素志三百十五卷凡三百萬言謂出于元聖素王之志名曰素志又略其文而約說之爲麟臺獨

講十一卷

玉海

劉先生端

朱子書案補遺別附卷二

八十四明叢書約園刊本

劉端成都人雖不第從之游者甚衆

氏族譜

章先生永

章永字延仲平陽人少孤事親至孝執喪如禮每諱曰俗用浮屠先生獨誦孝經曰吾聖人之教也葬日舟行遇風濤暴作伏柩哭曰永罪當逆殞吾親何辜俄而風

息

温州舊志

劉先生翔

劉翔字圖南福州人通諸經尤注意于易官蘄春尉紹興十五年上所著易卦辭授福州教授再授潭州教授

卒于官

闕書

州倅下先生園 父大亨

下園字子東其先泰州人父大亨字嘉甫主懷寧簿未幾隱居象山自號松隱居士著松隱集二十卷尙書類數二十卷先生于書無所不讀入太學有聲人稱下夫子登紹興三十年進士授揚州倅著論語大意二十卷行于世 姓譜

徐先生珦

徐珦字温甫上饒人高宗朝進士除辰州教授轉池州

宋元學案補遺 別附卷二

九十四明叢書 約園刊本

判官所著論孟易解學者多宗其說號止齋先生 江西通志

彭先生與

彭與字帝錫興化人自言于易有見處其易圖最多有一圖謂之地中圖以六居中縱橫十八以與河圖爲對蓋河圖五居中左三右七戴九履一四二爲前八六爲後天中圖也地中圖則每位加一爲六居中右八左四戴十履二五三爲前九七爲後此亦自然之數 林之奇說

附錄

紹興二十七年上周易義解十冊神授易圖四冊太極

歌一冊易證詩一冊易義文圖二軸館學着詳謂潛心
象數訓釋淵貫詔補上州文字

玉海

蘭先生廷瑞

蘭廷瑞字惠卿口口人漁樵易解十二卷自序稱白雲
溪箋釋上下經六卷繫辭二卷說序雜一卷圖說二卷
外編一卷自謂于先儒未嘗蹈襲未嘗求異惟其是而
已始于紹興己卯成于淳熙己酉三十餘年又撰日月
運行二圖說一編

胡一桂說

陸先生筠

宋元學案補遺 別附卷二

在四明叢書

約圖刊本

陸筠字嘉材一字元禮金溪人紹興中進士官江西帥
司參議奉祠平生好孟子因著翼孟音解嘗過豐城僑
居南禪寺綠筠軒愛其名與己協遂留不去

江西通志

梓材謹案周益公序翼孟音解云擇春秋左氏傳
並列楚詞西漢書說文之存古文者深思互考遂
成此書

附錄

初主貴溪簿闢邪說而正官廳王右史詳爲之記厥後
魔賊焚縣相戒獨留簿廳其感人心如此

陳先生雲

陳雲字世望吉水人所居鄉名折桂凡數十百家溪山
清曠可樂自國初以來未有登名于天府者先生喟然
曰吾雖不能如歐陽生化閩俗獨不能化一鄉乎卽取
毛鄭詩日夜業業遂博涉羣書且語兒輩古之學者不
但章句而已行必願言乃可故尤切切于管遵離渠之
義館名儒以爲子師間遣游宦四方計一歲經費之叻
悉資束脩至典衣市書以遣之

胡濬庵集

州守任先生續

任續字似之郡縣人起家爲雒縣尉又尉永川求監南

宋元學案卷三

別附卷二

全四期叢書

約園刊本

嶽廟中進士第選澧州州學教授晨策一羸馬從一僮
謁守承退則緝校遺編盡日與聖賢對他無所問當路
交薦累擢守涪州易景州罷主管台州崇道觀命至而
卒先生靜重廉介篤學喜爲文所著號仙雲集者二十
卷又有任氏春秋十五卷春秋五始五禮論五卷篆隸
石刻譜三十卷

周益公集

劉先生季裴

劉季裴字少度長溪人舉紹興進士官至祕閣修撰乾
道間進十論上大稱賞上殿奏事笏偶跌碎徐收碎笏

逐一敷陳謂今日之事有不可忽者卽如此笏上悅曰
季裴膽大如身每延顧問皆稱旨著論孟周易解頤齋
遺稿山川形勢論司馬溫公傳

道南源委

萬先生敏修

萬敏修龍游人紹興中進士官至朝奉郎著論語解時
號中口先生

普學佺說

宋先生藻

宋藻字去華莆田人紹興初試禮部尋進中興十君論
高宗稱善以布衣召見授廬陵尉指畫敵人形勢擢知

宋史案補遺 別附卷二

在四册 藏書

約關刊本

江陰軍孝宗立除提舉浙東常平茶鹽事察猾胥六百
餘人罷之奉旨賑恤永嘉發粟寬租蠲稅坐彈劾温州
守臣爲權貴所擠力丐休致卒贈太中大夫著羣經滯

穗 道南源委

縣令黃浣溪先生開

黃開字必先諸暨人博學好古邃于經術所論著有語
孟發揮周易圖說孟子辨志麟經總論春秋妙旨六經
指南諸史決疑暨陽雜俎浣溪文集共二百六十餘卷

舉紹興二十四年進士官崇安令

紹興府志

沈先生作誥

沈作誥口口人壯歲嘗作坐右書云侈心生當念敗德
淫心生當念速死此未能戒定者攝心以其所畏也簡

王先生悅

王悅字習之莆田人紹興進士調漳溪尉嘗佐浙西憲
幕有百鹽繫于獄者歲久莫剖先生決以非辜縱之守
懼不敢先生請獨任其咎官終南外睦宗院教授著春
秋解五經贊疑道南源委

喻先生思然

宋元學案補遺 別附卷二

卷四十四 明 韓 書

物類彙編

喻思然蜀人捫膝先生子也有家學官奉節縣令治邑
有能聲王梅溪集

李先生長庚

李長庚字子西江華人紹興進士歷官五十年仕至朝
議大夫廉潔有守不事生產惟積書數千卷號其讀書
之室曰冰壺卒年八十六一 統志

王先生義朝

王義朝字國賓麗水人登進士第主光澤簿調紹興教
授因家上虞嘗進易論十二卷高宗下其書國子監命

典諸王宮大小學歷江東提舉罷歸著易說十卷

紹興府志

盧先生點

盧點字師子嘗官政和主簿老儒博學清謹有馴行

朱子文集

梓材謹家朱韋齋嘗請先生銘其父承事墓

宋元學案補遺別附卷二

宋元學案補遺

別附卷二

九五四明叢書約園刊本

宋元學案補遺別附卷二

目錄

元儒博考

幹先生道冲

馬先生定國

徒單先生鑑

蕭先生貢

王先生建中

王氏講友

宋元學案補遺

四明叢書

鈔本

王先生寂

父礎

裔先生口

劉先生迎

馮先生璧

王先生渥

王氏學侶

陳先生彝

雷先生瑄

張先生彌學

白先生賁

附孫淵

趙先生質

宗先生端修

王先生口

胡先生景崧

曾祖智祖益父仲溶附從弟義

尙先生野

程先生震

附兄鼎

李先生景道

臧先生夢解

宋正學案卷之四

目錄

國朝叢書

約園刊本

儲先生能謙

附子惟賢惟志惟一惟德

歐先生道

寇先生靖

杜先生善甫

康先生樂

從祖必厚夢薦

趙先生良弼

王先生樹

姚先生樞

曹先生理孫

黃先生石澗

附師白二

程先生思廉

附子楚蘭

劉先生繩武

父暉老

湯先生彌昌

附子文廷

劉先生蒙正

楊先生如山

季先生復初

附孫德基

王先生振

附子元父

脫烈海牙先生

父徹爾克齊

宋元學案補遺

目錄

二 四 明 叢 書

約 園 別 本

蘇先生大初

附師李玉溪

黃先生巖孫

附師巽丙

曩先生秉彝

俞先生希魯

附師陳膺

師先生天麟

祖巖起

潘先生迪

董先生珪

陳先生德瑜

附子悽孫孫廷臣

張先生克讓

附師趙省齋

許先生嗣

楊先生巽

劉先生聲之

附門人瞿士弘

許氏家學

許先生廣大

許先生魯瞻

陳氏門人

嚴先生啟

張先生起嚴

楊先生載

宋元學案補遺

目錄

四

四明叢書
約圖刊本

楊氏學侶

應先生本

王先生景賢

許先生有壬

父熙載

許氏講友

馬先生熙

高先生芝

何先生體仁

附師宋梅洞

馮先生翼翁

父魯山

馮先生獎翁

台傳

張先生士元

附師黃口

黎先生顏叔

易先生炎正

何先生元同

梁先生印孫

台傳

韓先生鏞

布哈先生

王先生瑛

附子子敬仲德子明

宋元學案補遺 目錄

五四明叢書

約園刊本

區先生適子

季先生立道

吳先生方

鄧先生桂賢

舒先生天民

附子慕趙宜中

陳先生廷言

王先生介

程先生一飛

劉先生光

歐陽先生起鳴

曹先生毅

郭先生陞 父正子

王先生幼學

馮先生復

張先生淳

陳先生潤 附子禮孫煒

程先生翔

李先生孟

宋元學案補遺 目錄

六四明叢書

約畧刊本

陳先生孚

陳氏同調

馮先生子振

張先生養浩

張氏講友

王先生執謙

邱先生應辰

康里先生脫脫

齊諾先生

景先生厚

俞先生漢

王先生之才

鮑先生完澤 附師蕭口門人寇口

王先生廷

白先生景亮

鍾先生過

于先生欽 附師吳特

汪先生文龍

宋元學案補遺 目錄

周先生尙之

薛先生勉

倉先生振

薛先生觀

謝先生源父 附子應辰

戴先生石玉

張先生疾遷

夏先生鎮

方先生回孫 合傳

王氏門人

陳先生杞

達魯花赤札忽進義先生

況先生達

賈先生煥

周先生鏜

趙先生慶祚

羅先生履泰 附子文節

黃先生元實

宋元學案補遺 目錄

四明叢書
約園刊本

林先生泉生

郭先生翼 附師衛培

劉先生畊孫 附子頤

陳先生士元

劉氏講友

陳先生嗣道

潘先生頤養

吳先生子美

康里家學

鐵木兒塔識先生

達識脫睦遜先生

樊先生執經

項先生可立

薛氏門人

劉先生希賢

周先生之翰

張先生廷

林先生廣發

宋元學案補遺

目錄

九函明齋書

約開刊本

曹先生鑑

夏氏門人

李先生稷

成先生遵

陳氏門人

劉先生齋孫

翁先生德修

衛先生謙

徐先生應虎

附子季泰

黃先生植 附兄樺彬

李先生守成

王先生吉才

呂先生枋

鮑先生德賢 附師陳孚仲

舒先生卓

尹先生起莘

王先生宗岳

雷先生德潤

宋元學案補遺目錄

十四明叢書

約園刊本

王先生以道 附門人劉承道

葛先生湏

張先生紹祖

王先生經 附師余貞

錢先生義方

夏先生璿

劉先生朝端

楊先生輅

李先生文仲 從父世英

李先生師道

汪先生泰初

周先生震 附師劉雲章艾元暉

盛先生如梓

趙先生良震

鄭先生元秉 附門人盧彥文

陳先生深

王先生文澤

朱先生雪 附師何汝中

宋元學案補遺目錄

十一 四明叢書

約圖刊本

宜先生桂可

羅先生懋

曾先生圭 附子堯臣

張先生希文

周先生馳

胡先生口

劉先生鶚

俞先生長孺 附門人顧德玉

應先生恂

翁氏門人

趙先生由欽

郭先生公葵

陳氏家學

陳先生植

劉先生祖衍

惠先生希孟

顧先生潤 祖應春父叔川

張先生夢臣

宋元學案補遺 目錄

朱先生堯

杜先生瓊 附師陳繼

吳先生浩

洪先生欽

邱先生世良

曾先生賈

李先生恕

雷先生杭

凌先生茂翁

張先生適

陳先生思禮

父德祥附師鍾士登

張先生以仁

曾先生勛

田先生子仁

陳先生士桂

胡先生存道

馬先生天祐

附師字文子貞

羅先生蒙正

宋元學案補遺

目錄

三

四明叢書
續編刊本

吳先生海

湯先生志真

附門人錢用壬

殷先生奎

附師楊淮

鄔先生信

謝先生應芳

余先生熈

附師葉潛夫

楊先生學可

孔先生克堅

王先生俊華

張先生由孟

陳先生與延

張先生景仁

舒氏門人

鄭先生本忠

張氏門人

莫先生轅

附師易恆

曾氏門人

危先生安

宋元學案補遺

目錄

十四 四男叢書

約園刊本

羅氏門人

張先生攜

吳氏門人

王先生傳

王氏講友

鄭先生旭

武先生口

宋元學案補遺別附卷三

後學 鄞 王梓材 同輯
慈谿 馮雲濠

元儒博考

幹先生道冲

幹道冲字宗聖其先靈武人從夏主遷與州世掌夏國史先生八歲以尙書中童子舉長通五經爲番漢教授譯論語注別作解義二十卷曰論語小義又作周易卜筮斷以其國字書之行于國中官至其國之中書宰相而卒夏人尊孔子爲至聖文宣帝畫先生像列諸從祀

宋元學案補遺別附卷三

四明叢書
約園刊本

虞道園說

馬先生定國

馬定國字子卿在平人阜昌初齊王豫授監察御史仕至翰林學士自號齊堂先生 中州集

梓材謹案先生著有
大戴禮辨一卷經義考云佚

附錄

石鼓自唐以來無定論定國以字畫考之云是宇文周時所造作辨萬餘言出入傳記引據甚明學者以比蔡正甫燕王墓辨

徒單先生鑑

徒單鑑本名按出猛安人大定九年策女直進士及第者二十七人先生與上選授中都路教授官至左丞相封廣平郡王先生明敏方正學問瞻博名士多出其門胡沙虎之亂賴先生一言而宣宗立宗社以安著宏道集今佚

金文雅作者攷

蕭先生貢

梓材謹案先生論爲政之術疏謂其急有二一其一日正臣下之心其二曰導學者之志云

蕭貢字真卿咸陽人大定二十二年進士由涇川觀察

空元學案補遺 別附卷三

一二四明叢書

約園刊本

判官仕至御史中丞以戶部尙書致仕卒諡文簡先生博學能文人比之蔡正甫官右司郎中時修泰和律令爲帝嘉歎以蕭何比之著有史記注五聲韻譜文集今皆佚

金文雅作者攷

王先生建中

王建中遼陽人沃縣尉安中之兄學問仁義暴白于天下與王拙軒寂莫逆餘三十年始終如一

王拙軒集

王氏講友

王先生寂

父礎

王寂字元老玉田人系出三槐父礎字鎮之金初名士
仕至歸德府判官先生天德三年進士興陵朝以文章
政事顯終于中都路轉運使年六十七謚文肅有拙軒
集北遷錄傳于世

中州集

梓材謹案四庫全書本永樂大典編先生拙軒集
六卷提要稱其詩文清刻鏗露有夏夏獨造之風
在大定明昌間卓然不媿爲作者金代知名之士
見于中州集者不下百數十家今惟趙秉文王若
虛集尙有傳本餘多湮沒無存獨是編幸于沈沒
晦蝕之餘復顯于世而文章體格亦足與滄南
水相爲抗行云又案集中有拙軒詩易齋詩又爲
先君行狀稱其爲唐縣令時大新廟學延集諸生
親爲指校檢責其日課又云自號
退翁喜竺乾學則其學不純矣

宋元學樂禮遺

別附卷三

三四明叢書

約園刊本

喬先生口

喬某上黨通守權鎮正隆間學者多困于征役不暇修
習其學舍漸至摧毀先生下車之始首議興修及告成
集僚屬郡儒于議道堂大合樂以落之而申良佐爲之

賦金文雅

劉先生迎

劉迎字無黨東萊人初以蔭試部掾大定十四年進士
除幽王府記室改左學司經自稱無諍居士有詩文樂
府號山林長語詔國學刊行今佚

金文雅作者攷

梓材謹案先生寄題禹城孫氏茂德亭云
濟南孫夫子養素抱絕識孫未知其名

馮先生璧

馮璧字叔獻別字天粹承安二年進士歷州縣召入翰
林官至同知集慶軍節度使先生在太學有聲其學長
于春秋宣宗朝屢以使指鞠大獄權貴有跋扈而朝廷
不能摧伏者能以法制之詩筆清峻如其人趙周臣李
之純王從之皆重之 金文雅作者攷

梓材謹案元遺山為楊文獻神道碑溯貞祐南渡
名卿材云夫有云張太保敬甫兩趙禮部周臣庭
王馮亳州叔獻王延州從之李都司
之純之儒學則先生之學問可想矣

宋元學案補遺 別附卷三

四四册叢書
約園刊本

王先生渥

王渥字仲澤以字行太原人興定二年進士調晉州司
候不就高庭玉節度武勝軍辟為經歷官至權右司郎
中天興元年出援武昌為元兵所殺先生博通經史其
辨博為李之純所稱天下談士三人之一也 同上

王氏學侶

陳先生彝

陳彝字良佐以小字陳和尚行其上世以上京軍戍天
德因而家焉貞祐中先生年二十餘北兵破豐州執之

而北時從兄安平都尉鼎亦以力戰歿入北中先生南渡河試護衛中選宣宗知其材未幾轉奉御安平行帥府事奏先生自隨詔以提控從軍安平敬賢下士有古賢將之風辟太原王仲澤爲經歷官故先生得師友之天資高明雅好文史自居侍衛日已有秀才之目至是授孝經論語春秋左氏傳盡通其義軍中無事則窗下作牛毛細字如寒苦一書生仲澤愛其有可進之資示之新安朱氏小學書使知踐履之實識者知其非吳下阿蒙矣安平罷帥職例爲總領屯方城以鎮防千戶葛

宋元學案補遺

別附卷三

五四明叢書

續圖刊本

宜翁妻訟于朝乃繫先生方城獄先生聚書獄中而讀之會赦以白衣領紫微軍都統再遷忠孝軍提控北兵犯大昌原張平章問誰可爲前鋒者先生出應命奏功第一不四五遷爲中郎將官世襲及鈞州陷北人欲降之不爲屈時年四十一

元遺山集

梓材謹案遺山文集有良佐鏡銘序云良佐忠于事君篤于事長嚴于治軍旅又謙謙折節下士從諸公授論語春秋讀新安朱氏小學以爲治心之要故就其可致者而勉之

雷先生瑄

雷瑄字伯威坊州人以薦從事史館調入作司使亂後

南奔爲兵士所殺先生博學能文與并州李汾善金文雅作

張先生彌學

張彌學口口人平章萬之父座右銘有云欲求于孫先當積孝欲求聰明先當積學此格言也歸潛志

白先生賁附孫淵

白賁汴人自號決壽老自上世以來至其孫淵皆以經學顯客有求觀先生孝經傳者感而賦詩云跋涉經險阻鑽研闕寒溫仰觀及俯察萬象人見聞不勞施斧鑿

宋元學案補遺別附卷三

六四明叢書

鈔圖刊本

筆下生煙雲高以君唐虞下以覺斯民中州集

趙先生質

趙質字景道遼相思溫之裔大定末舉進士不第隱居燕城南教授爲業明昌間章宗遊春水過焉聞弦誦聲幸其齋舍見壁間所題詩諷詠久之賞其志趣不凡召至行闕命之官固辭泰和二年卒年八十五金史

宗先生端修

宗端修汝州人大定進士爲節度副使汝州司候游彥執將之官問爲政曰爲政不難治氣養心而已彥執不

達曰心正則不私氣平則不暴爲政之術盡于此矣

金史

王碣石先生口

王口永平人南宮舍人從義之曾大父也金兩舉進士
見世亂不復仕隱于昌黎碣石之下學者謂之碣石先
生有文集十卷軼于兵火

道園學古錄

胡先生景崧

曾祖智祖益父仲溶附從弟義

胡景崧字彥高其先威州人曾祖智避靖康之亂遷武
安祖益家累鉅萬父課之讀書涉獵經史工于書翰輕
財好施不責報償正隆南征以良家子從軍載國子監

宋元學案補遺

別附卷三

七四明叢書

約園刊本

書以歸因之起萬卷堂延致儒士門不絕賓父仲溶嗜
讀書不以世務縈懷先生幼有至性十歲喪父哀毀成
疾嘗泣謂其母言吾父不幸早世兒誓當學以成吾父
之志弱冠有聲場屋間擢大定詞賦甲科累遷同知東
平府路兵馬都總管事年五十有九卒于雒陽之傳舍
積官朝散大夫上護軍安定郡伯族屬餘百口同居先
生卹睦之小大無間言從弟義幼孤賴之教督繼擢高
第舊制文資官例提舉學校故先生所在必課諸生學
委曲周至始終如一前後三知貢舉凡置在優等者皆

奇俊宏傑之士士論以得人許之

元遺山集

文懿尙先生野

尙野字文蔚其先保定人徙滿城先生幼穎異祖母劉厚資之使就學至于十八年以處士徵爲國史院編修官累遷國子助教諸生入宿衛者歲從幸上都丞相哈刺哈孫始命先生分學于上都以教諸生上都分學自先生始俄陞國子博士誨人先經學而後文藝每謂諸生曰學未有得徒事華藻若持錢買水所取有限能自鑿井及泉而汲之不可勝用矣時學舍未備先生密請

宋元學案補遺

別附卷三

入四明叢書

約園刊本

御史臺乞出帑藏所積大建學舍以廣教育至大元年除國子司業延祐元年累改集賢侍講學士兼國子祭酒二月夏移疾歸滿城四方來學者益眾六年卒于家年七十六追封上黨郡公諡文懿先生性闊敏志趣正大事繼母以孝聞文辭典雅一本于理

元史

程先生震

附兄鼎

程震字威仰東勝人長兄鼎孝弟仁讓閭門肅睦有古君子之風以六赴廷試賜第調濮州司候先生資嚴毅雖所親不敢以非禮犯之幼日夢人呼爲御史故每以

諫輔自期明昌二年經童出身補將仕郎尋擢詞賦進士乙科累拜監察御史攝治書侍御史兼戶部員外郎罷官先生泰然自處都無己仕之愠聚書深讀蓋將終身焉卒年四十有四

元遺山集

李先生景道

李景道棲霞縣宰故河中府君景韓之季也下車將祀先師吏曰無廟當奠牲帛于廳事先生大愕經營之志油然而蒂于胸次會士庶以興學請欣然許之會有京師之行屬其同年友李純甫爲志

棲霞縣志

宋元遺山集

別附卷三

九四明叢書

約園刊本

臧先生夢解

臧夢解慶元人宋末中進士第未官而國亡至元十三年內附授奉訓大夫婺州路軍民人匠提舉浙東宣慰司舉其才兼儒吏可試州郡知海寧州時淮東按察副使王慶之接行至其州見其剛直廉慎而學有淵源自任職以來門無私謁官署蕭然而政平訟簡爲諸州縣最乃舉才德兼優宜擢清要以展所蘊而御史臺亦以其廉能抗章薦之屬江陰饑江浙行省委先生賑之先生不爲文具皆躬至其地而人給以米所活四萬五

千餘人江南行臺治書侍御史苟宗道聞而趨之舉其名上聞除同知桂陽路總管府事三十年擢廣西肅政廉訪副使大德元年遷江西六年遷浙東九年除廣東肅政廉訪使先生至是既老且病乃納祿退居杭州以湖南宣慰副使致仕及至元元年卒先生博學洽聞爲時名儒然不少迂腐而敏于政事其操守尤爲介特所著書有周官考三卷春秋微一卷嘗自號魯山大夫稱之者不以官皆曰魯山先生云

元史

臧氏逸文

宋元學案補遺

別附卷三

十四明藏書

約圖刊本

混沌未鑿鴻蒙茲萌固未有圖也自宓犧氏之王天下也河出龍馬負圖焉聖人以此發造化之機關鬼神之祕兩儀生四象四象生八卦而生生不窮之理實肇于此于是易有圖一百二十有二書有圖七十有七詩有圖七十有六禮有圖一百一十有二記有圖九十有八春秋有圖一百二十有六而六經之圖備矣其他五行有圖天文有圖地理有圖三禮有圖紹運有圖器物制度亦各有圖圖非不多也惟四書章句集注未有爲圖者林隱程君生文公之鄉志文公之學而自得乎孔曾

思孟之心用力四書闡微析幽分章纂圖垂三十年而書始成又間出己見以發明文公未盡之說名曰四書章圖纂釋後學之士苟能因圖以求解因解以求經則四書義理瞭然于胸中矣豈非後學之指南讀書之捷徑也歟

程氏四書章圖序

儲先生能謙

附子惟賢性志惟仁惟德

儲能謙字有大宜興人生宋季少有能詩名尤愛黃文節公詩至長能力學閎衍深博靡所不窺然于詩最工事父孝謹御子孫嚴而能教庭序之間不聞譁笑聲諸

宋元學案補遺

別附卷三

十一四明叢書

約園刊本

生從之游越月踰旬輒異于人在元不仕名其室爲樗巢語其子曰余生無用于世死必樹吾墓以樗所以志也力排異端作私論二篇檮錢辨一篇文十卷詩十五卷樗巢集一卷子四人皆通春秋學惟賢任友定書院山長惟志廉州路儒學正惟仁常州路豐積庫副使惟德入明爲國子助教

宋文憲集

歐先生道

歐道字性之寧鄉人宋德祐初舉進士不第隱居讀書于泉溪元兵破潭州欲屠城先生杖策入軍門勸勿殺

行省阿里海牙納其說後辟爲荆湖行樞密院掌書記
遷中書令史卒世祖憐其才深悼惜之

姓譜

寇先生靖

寇靖字唐臣中山安喜人力學爲士元旣定中書令耶
律楚材奏疏遣使分諸道設科選士中者復其家終身
疏通者補郡縣評議先生旣中選署之縣謝去隱居教
授安勤樂儉日撫琴數弄讀易一編卽所居自號松溪
翁

靜修遺文

杜先生善甫

宋元事案補遺別附卷三

十一四明叢書

約圖刊本

杜善甫東平人以道游齊魯客武惠公之門時中原甫
定武惠方握重權爲外屏先生從容其間切磋磨琢之
德善謹不虐之道詩人所以美武公者武惠有焉則先
生之行其道也

任松鄉集

康先生棗

從祖必厚夢薦

康棗字濟甫番陽人資性靜慎故事重親從祖茶陵主
簿必厚禮部進士夢薦以鄉先生教學嘗往受業詞藻
記覽爲同輩推許生平足不履官府中更徭役戡寇博
帶與塵土相持終其身家敝猶招師好客不少廢檄授

徽州紫陽儒學正不赴郡校延爲耆儒吉月必龜勉一
至焉所居南榮樹橘成林里人稱之爲橘林先生

戴剡源集

趙先生良弼

趙良弼女直人世祖十一年同僉書樞密院事屢以疾
辭十九年得旨居懷孟先生別業在溫縣故有田三千
畝乃析爲二六與懷州四與孟州皆永隸廟學以贍生
徒自以出身儒素示不忘本也或問爲治先生曰必有
忍乃有其濟人性易發而難制者惟怒爲甚必克己然
後可以治怒必順理然後可以忘怒能忍所難忍容所

宋元學案補遺別附卷三

十三四册藏書

約園刊本

難容事斯濟矣

元史

王先生澍

王澍肥城人有雋材弱冠貫穿經史于書無所不讀而
以聖賢爲歸文無不習而以明理爲主年二十二卒

程雪

樓集

姚先生樞

姚樞字斗璿永嘉人少聰敏書一過目終身不忘爲文
有詞采通書經宋季領鄉薦元初絕口不言仕進隱居
教授延祐間郡守趙鳳儀請分教郡庠從游甚眾

溫州舊志

曹先生理孫

曹理孫字悅道瑞安人博涉經史談性命道德之旨粹然成章郡守趙鳳儀延至學宮模範後進立教嚴而有法尤善古文得韓歐家法著有心遠齋筆記讀書史要略類編杜詩訣同上

黃先生石澗

黃石澗永嘉人博通經傳宋末早奉鄉書不就元初授徒從者如雲集趙守鳳儀延至郡庠分教多所造就同上

程先生思廉

附師白口

宋元學案補遺

別附卷三

十四 四明叢書

約圖刊本

程思廉字介甫上世洛陽人元魏遷兩河豪右實雲中三州因著籍東勝先生始知讀書從樞判白公學故文筆論議皆有師法中統建元用太保劉文貞公薦事裕皇子春宮累轉同知温州事力辭養親至元二十六年雲南立行御史臺擢拜中丞改河東山西道肅政廉訪使雲南舊有孔子廟朔望長吏更衣拜謁而已教官雖設一無從學之士先生乃舉釋菜之禮先于所治中慶府集行省臺以下諸官百餘人公服以行禮事屬城化之有遺子弟受業者其不鄙裔夷推誠敷教如此平居

不事生產惡衣菲食無難色卒年六十二

元文類

劉先生繩武

附子堯蘭

劉繩武泰和人宋亡隱居講學學者稱琴軒先生長子楚蘭字芳叟至元初舉茂材授建昌文學陞吉水教諭以親老辭祿歸養益肆力于學尤深于易壘土結茅名玩易齋其後攝鄉校凡親承議論者悉有宏益世稱深林先生

海桑集

湯碧山先生彌昌

父暉老

湯彌昌字師言

梓材案先生號碧山虞熊云

其先自瀏陽徙居于蘇

宋元學案補遺 別附卷三

十五 四明叢書

約園刊本

父暉老咸淳進士父子授受皆以周禮發鄉解先生及元舉教官由長洲崑山儒學教諭郟江清獻兩書院山長建康路學教授轉從政郎瑞安州判官致仕生平篤志義理之學以文名于時著有周禮解義碧山類彙湘江權歌若干卷

姑蘇志

劉先生蒙正

附子文廷

劉蒙正字聖功長沙人八歲能文號曰奇童元初廢科舉制先生以負才卓犖用不適時游衡湘間愜愜不樂既而發百家六籍旁及盤孟隱奧虞初稗史靡不搜挾

乃大肆力于文四方學者爭造其門爲文渾厚條達不
事奇澀下筆輒數千言多裨益世教切中治體晚年科
舉詔下歎曰吾已老而復見場屋豈非天乎卒年五十
有三子文廷登第調臨江錄事有惠政遷國子助教事
稱其稟以善教名

歐陽圭齋集

楊先生如山

楊如山字少游蜀嘉定州人宋末游江南四請漕舉宋
亡不仕大德間起爲淮海書院山長因家京口著春秋
旨要十卷

鎮江府志

宋元學案補遺 別附卷三

十六 四明叢書

約園刊本

季先生復初

附孫德基

季復初號月泉祖儼登宋淳熙進士任龍游令因家焉
四傳至月泉以道學鳴世避元兵擾攘遷溫之瑞安鳴
珂里置別墅于篋管山中以自晦其地多種竹故名著
有月泉詩派孫德基有篋管書舍記德基字武抑能詩
文明初以善書薦母老乞歸所著有竹所集

温州舊志

王先生振

附子元父

王振弘州人閒關轉徙占籍真定力學底行起家至江
南溯西道提刑按察司經歷子三人仲宗口字元父幼

自知問學侍經歷居浚都爲士子經師尤長于詩歌試
浚都文學掾辟江東道直憲司令史進將仕郎宣城縣
簿建孔子廟築壇崇社飭其牲器以與邑人行事未幾
擢江浙行中書省掾曹無留事歷監黃池務祝卒年六
十七其所著有政要書十二篇陶詩注三卷詩一卷

馬石

田集

通議先生脫烈海牙

父徹爾克齊

脫烈海牙輝和爾氏世居巴什伯里自其祖始徙真定
父徹理克齊性純正知讀書先生幼嗜學警敏絕人性

宋元學案補遺

別附卷三

十七國明叢書

約開前本

整暇雖居忽卒未嘗見其急遽喜從文士游犬馬聲色
之娛一無所好由中書宣使出爲寧晉主簿累陞右司
郎中贊劃之力居多仁宗在東宮知其嗜學出祕府經
籍及聖賢圖像以賜時人榮之歷遷淮東宣慰使以疾
卒于廣陵贈通議大夫追封恆山郡公

元史

鄉薦蘇先生大初

附師李玉溪

蘇大初卽蘇嵩翔樂昌人宋末兵亂日則躬耕夜則讀
古聖書赴江西鄉試不第留撫州受業李玉溪之門入
元更名大初領鄉薦能以義卹宗族

樂昌志

黃先生巖孫

黃巖孫□□人

儒林宗派

參政巖先生秉彝

附師瞿丙

曩秉彙蒙古人一名加台寓居澧州受學于瞿丙舉進

士官至河南省參政

姓譜

俞先生希魯

附師陳膺

俞希魯字用中其先平陽人大父始遷鎮江季父西發
米太學生有學行先生師之復受學于陳膺志超氣明
剛會濬發以茂才舉授處之獨峯書院山長移饒之長

宋元學案補遺

別附卷三

十八四明叢書

約園刊本

蘇書院除慶元路儒學教授教育方士人服之擢歸安
縣丞陞江山縣尹改永康先生學行尊雖仕下位公卿
貴人皆敬禮之行省每大比輒延先生進退士主其事
者三同考者四以松江府判官致仕先生于學靡不通
爲文宏厚凝樸豐衍不矜人多傳而貴之而退然未嘗
有驕汰之色將卒以所著聽雨軒集三十卷授子文圭
校遺脫年九十

宋文憲集

師先生天麟

祖巖起

師天麟字勝瑞寧州人州西南二百里脩水出焉師氏

世居其上宋嘉熙中祖巖起嘗築進齋以讀書司刑使者察其勤爲著之記後四十年齋燬于兵又三十年先生始因故基作新閣而名之曰尊經承先志也

道園學古錄

潘先生迪

潘迪元城人博學能文歷官國子司業集賢學士所著易春秋庸學述解及格物類編六經發蒙行于世

叢輔通志

董靈山先生珪

董珪字君實靈壽人以江都嘗著玉杯繁露發春秋微曰吾家學也遂專經春秋當授室鄉先生宗訥奇其願

宋元學案補遺

別附卷三

十九四明叢書

約園刊本

立女焉事父母有純孝譽味道自腴恬忽勢利生三子延師私塾務知修己治人之要以篤其成才不事記覽

爲詞章誇逐時好晚愛靈山故人號之靈山先生

姚牧庵集

陳先生德瑜

附子棣孫孫廷臣

陳德瑜閩縣人長樂儒學教諭有文行學者號爲端質

先生子棣孫孫廷臣皆儒學

宋文憲集

張先生克讓

附師趙省齋

張克讓字允恭清苑人受業趙省齋之門博極羣書不事章句由體認而得者居多生平敦義行有德惠於族

里及將卒謂家人曰人之爲學苦節唯在死生之際死而不亂學之力也言訖而逝

畿輔通志

許先生嗣

許嗣字繼可天台人自曾大父時以子孫眾盛俾人專一經故許氏明經者代不乏人先生少受尙書而于經無不通朝益暮習皆爲己之學父喪哀毀骨立諸弟尙幼撫育訓誨至于成人其教子尤篤寢疾病之三月預爲詩示長子廣大詩僅百四十言而處已接物之道靡所不該卒年四十五贈文林郎有詩若干卷因其自號

宋元學案補遺 別附卷三

二十四明叢書 約園刊本

名之曰得靜齋

黃文獻集

粹材謹案台州府志
載先生號得靜山人

示廣大詩

吾家詩書胄天運遭中歇雖乏兼濟功尙守清白節汝今志學餘經史未明徹歲月不汝延努力無暫輟斯文苟未喪終當繼先烈世道多嶮崎舍光養孤潔非財不可取勤儉用無竭非言不可道處默無禍孽臨下必簡嚴事上必柔悅守心思敬謹遇事毋滅裂金馬誇豪貴吾謂非世傑誰能節古道方與禽獸別國章有常典聖

言亦諄切書此爲庭訓汝宜踵前哲

楊先生翼

楊翼□□人知武岡軍申明孝弟勸學興禮提刑王亞

夫表其事

湖南通志

劉先生聲之

附門人瞿士弘

劉聲之□□人以經學教授于錢塘其門人瞿士弘集

其遺文劉師魯序之

黃文獻集

許氏家學

許先生廣大

宋元學案補遺

別附卷三

子一四明叢書
約園刊本

許廣大字具瞻天台人性至孝年十七父卒未葬值鄰
火呼天號慟抱棺欲與俱焚天爲反風登元統進士授
慶元路昌國判官其地接海人乏禮讓爲興學校作岱
山書院毀淫祠以取材賦圭田以餼公一時尙風慕學
者甚眾陞武義尹值水患漂民居躬率吏民築堤以捍
之號許公堤廉能著聞調知鄞縣鋤豪猾平差役丈程
隄有訴訟必親辨析吏莫能售其奸

台州府志

許先生魯瞻

許魯瞻天台人嗣從子母徐守志撫之成立適寇逼城

徐年八十有四臨病不能起諭之行子伯通亦請肩輿
避難先生曰垂白高堂豈能勝匍匐之勞乎汝盡子情
我亦自盡子道勿多言侍母不去竟死元旌其門 同上

陳氏門人

嚴先生啟

嚴啟章貢人篤志嗜經博覽深採于書有說略述梗槩
如金屑花片雖未底渾全然嘗鼎一臠已可知矣 吳草廬說

文穆張先生起巖

張起巖字夢臣章邱人延祐中進士第一累官御史中

宋元學案補遺 別附卷三

三十四明嚴書 約圖刊本

丞翰林學士承旨卒諡文穆 姓譜

推官楊先生載

楊載字仲宏其先建之浦城人後家于杭少孤博涉羣
書年四十薦爲國史院編修官延祐中舉進士歷寧國
路推官先生爲詩文以氣爲主嘗語學者曰詩當取材
于漢魏而音節則以唐爲宗與虞伯生揭曼石范德機
齊名世稱虞楊范揭云 姓譜

楊氏學侶

應先生本

應本錢唐人初揭仲宏未弱冠先生父普德施識其爲
佳士俾與共學 黃文獻集

推官王先生景賢

王景賢字希賢別號愚如海康人延祐閒登鄉舉爲崑
州路教授陞天河縣令尋□□路推官致仕學富行修
著作超逸皆抒自胸臆 廣東戴志

文忠許先生有壬

父恩戴

許有壬字可用湯陰人父熙載博古通今爲會福院照
磨嘗開義學以教鄉人先生幼穎悟一目讀書五行延

永元學案補遺

別附卷三

三五四頁 讀書

約圖刊本

祐中進士累官中書左丞歷事七朝垂五十年遇國家
大事無不盡言所著有至正集卒諡文忠 姓譜

梓材謹案湖南通志載先生父熙載仕長沙日設
義學訓諸生既及而諸生思之爲立東岡書院朝
廷賜額設官以
爲育材之地云

附錄

至元元年徹爾特穆爾拜中書平章政事首議罷科舉
又欲損太廟四祭爲一祭監察御史呂思誠等列其罪
狀劾之帝不允詔徹爾特穆爾仍出著事時罷科舉詔
已書而未用璽先生入爭之太師伯顏怒曰汝風臺臣

言徵爾特穆爾耶先生曰太師以徵爾特穆爾宣方之
故擢實中書御史三十人不畏太師而聽有王豈有王
權重于太師耶伯顏意解先生乃曰科舉若罷天下人
才欲望伯顏曰舉子多以贓敗又有假蒙古色目名者
先生曰科舉未行之先臺中贓罰無算豈盡出于舉子
舉子不可謂無過授之于彼則少矣伯顏因曰舉子中
可任用者惟參政耳先生曰若張夢臣馬伯庸丁文苑
輩皆可任大事又如歐陽原功之文章豈易及耶伯顏
曰科舉雖罷士之欲求美衣食者皆能自向學豈有
不至大官者耶先生曰所謂士者初不以衣食爲事其
事在治國平天下耳伯顏又曰今科舉取人實妨選法
先生曰古人有言立賢無方科舉取士豈不愈于通事
知印等出身者今通事等天下凡三千三百二十五名
歲餘四百五十六人謬德齊太醫控鶴皆入流品又路
吏及任子其途非一今歲自四月至九月白身補官受
宣者七十三人而科舉一歲僅三十餘人太師試思之
科舉于選法果相妨耶伯顏心然其言然其議已定不
可中輟乃爲溫言慰解之且謂先生爲能言先生聞之

曰能言何益于事徹爾特穆爾時在座曰參政坐無多言也先生曰太師謂我風人劾平章可共坐耶徹爾特穆爾笑曰吾固未嘗信此語也先生曰宜平章之不信也設有壬果風人言平章則言之必中矣豈止如此而已眾皆笑而罷

許氏講友

馬先生熙

馬熙字初明安仁人歷官右衛率府教授嘗游相城與安陽許有壬有孚及有壬子楨閒居倡和著圭塘欵乃

宋軍案補遺 別附卷三

三五四明叢書 約園刊本

集 湖南通志

高先生芝

高芝濟南人大德中知新州愛民禮士修整學校嘗于驛路栽松以便行人風流善政久而猶存 一統志

隱君何滋川先生體仁 附師宋梅洞

何體仁字德元毋極人幼穎悟隨父官新淦師名儒宋梅洞博通經史尤精於易延祐間舉茂才授本縣教諭教人去浮華敦本實學徒感化及滿隱居不仕修空谷齋終日端坐其中自號滋川佚逸 嚴輔通志

馮先生翼翁 父魯山

馮先生獎翁 合傳

馮翼翁字子羽永新人與弟獎翁幼受學于父魯山先生兄弟繼領延祐鄉貢表所居坊爲雙桂先生授漢陽縣丞歷官撫州守于經有春秋集解大義士禮考正性理羣書十七卷子史有通鑑小錄考索類要正統五德類要三十四卷子傳有古書正偽讀書纂要法家源流異政錄十一卷子文章則合左國史漢韓柳歐蘇八家爲文章旨要八卷自撰集又二十卷獎翁字子將未

宋元學案補遺 別附卷三

三六四明叢書

約園刊本

第而終亦以學問與兄齊名廬陵劉岳申志其墓謂永新以三馮瑞其鄉云 永新人物志

張先生士元 附師黃口

張士元字宏道山陰人生宦家而自其少時不習貴游子弟嬉戲事稍長從鄉先生黃君受毛氏詩以延祐二年歷鄞縣丞貴池縣尹太平路總管府經歷用致仕授承直郎同知益山州事命下而先生已卒所學務平實其居官以樂易稱 黃文獻集

黎先生顏叔

黎顏叔醴陵人延祐進士調大冶縣尹博學多聞尤邃于春秋學者多出其門

醴陵縣志

易先生炎正

易炎正湘鄉人延祐中進士調寧鄉丞善政著聞尤邃于學四方受經于門者甚眾

湘鄉縣志

何先生元同

梁先生印孫

合傳

何元同瀏陽人以易學領延祐丁巳鄉薦同邑梁印孫以書學領鄉薦與武昌邱堂同列文苑

楚紀

宋元學案補遺 別附卷三

三十四明藏書

約園刊本

參政韓先生鏞

韓鏞字伯高濟南人延祐五年中進士第授將仕郎翰林國史院編修官歷拜侍御史以剛介爲時所忌罷去復起參議中書省事授饒州路總管凡境內淫祠有不合祀典者皆毀之人初大駭已而皆嘆服先生知民可教俾俊秀入學宮求宿儒學行俱尊者列爲五經師且望必幅巾深衣以謁先聖月必考訂課試以示勸勵每治政之暇必延見其師生與之講詩經義由是人人自力于學而饒之以科第進者視他郡爲多拜中書參知

政事出爲甘肅行省參知政事遷西行臺中丞歿于官
台州府志

尙書先生布哈

布哈河西寧夏人楊朶兒只子幼有才氣能以禮自持
好讀書善書初仁宗聞而召之應對稱旨欲以爲翰林
直學士力辭後遭家難益自勵節爲學以蔭補武備司
提點轉僉河東廉訪司事天曆初文宗入繼大統除通
政院判將行值陝西諸軍拒詔見殺至順二年贈禮部
尙書以褒其忠 元史

宋元學案補遺

別附卷三

天四明叢書

約園刊本

王覺軒先生瑛

附子子敬仲德子明

王瑛字子英義興人襄愍五世孫號覺軒先生宋亡後
以文儒起家官至蘭溪州判官當盛年卽委政歸子子
敬與其昆季仲德子明皆克力學以世其家 正思齋文集

區登洲先生適子

區適子字正叔南海人幼爽邁通經史能文辭及長重
厚寡言笑以博學多聞稱里人慕之多造門求講從游
者數百人號登洲鄉里稱爲登洲先生世食宋祿先生
以宦家子抱道不仕優游里閭嘉遯終身有詩文若干

卷京口劉與學序之曰翁德人也予始以文士目之不亦淺乎又曰扶胥之南越臺之下豈復有斯人哉

廣州黃志

季先生立道

季立道字成甫世居處之龍泉先生爲湖州歸安尉推恩擇山水勝地便祿養祖妣授臨汝書院山長未赴而卒嘗手鈔春秋左氏傳考摭史記國語諸國名諡同異及論著事變顛末名曰春秋貫串

鄧巴西文集

吳先生方

吳方

宋元學案補遺

別附卷三

二五西明叢書

約關刊本

鄧先生桂賢

鄧桂賢字國望零陵人少聰敏好學大德間任本路儒學正調潭州路不赴講學授徒總管以下皆師事之延祐間編輯郡志置祭器于學宮

零陵縣志

舒先生天民

附子慕趙宜中

舒天民字叔風鄞縣人著有六藝綱目二卷取周禮保民六藝之文因鄭玄之注標爲條目各以四字韻語括之其子慕爲之注同郡趙宜中爲之附注俱能考證精核于小學頗有發明慕字自謙號說齋宜中字彥夫

四庫

書目
提要

陳先生廷言

陳廷言字君從寧海人舉鄉試授上蔡書院山長舉進士除慶元路教授累官國子司業及提舉福建學校事士多造就預修三史除集賢侍講以疾還道錢塘時方國珍據有三郡遂止寓宗陽宮號蓮屋道人著書自晦尋以漁陽營田復召入議出知順昌謝病歸寧海

台州府志

王先生介

王介字萬石上虞人學博行修司教臨海天台並著教

宋元學案補遺 別附卷三

三十四明叢書

約園刊本

續上虞縣志

程先生一飛

程一飛字紳甫歙縣人精于詩教授天台郡守林洽延致郡齋卽問政體隨事據理以對早孤事祖母孝晚得病竭力朝夕侍滌濯必身親之自辛酉下第後絕筆詩文專以經學訓誨鄉間子弟負笈來自遠方所居至不能容一經指劃皆爲名士

歙縣志

劉先生光

劉光字元輝歙人幼孤力學工詩賦性恬澹不與物競

閉門授徒五十餘年郡守許楫深敬之暇日輒訪語終日家故貧勉主鄉邑文學行省差充寧國路學正不赴有曉窗吟稿 歙縣志

粹材謹案方桐江集有跋劉光詩

歐陽先生起鳴

歐陽起鳴元進士著有論範二卷其書雜取經史諸子之語爲題名繫以論而史事爲多共六十篇 四庫書目提要

歐陽氏說

聖經未作吾道一天地也斯時也六經之道藏于人心

宋元學案補遺 別附卷三

三四明藏書 約園刊本

聖經既作吾道一日月也斯時也人心之道藏于六經秦人累詩書而畀炎火孔子周室之藏始灰吾道一晦蝕也然而六經之藏未始灰漢人噓聖經之燼而復然孔氏屋壁之藏始出吾道一吐氣也然而六經之藏未始出六經之道先太極而始後太極而終無古無今無顯無晦道無不在也

曹先生毅

曹毅字士弘廬陵人讀書目過卽成誦理財養兵禮樂刑政之損益折衷于古經而以通今所宜行者爲之準

訓諸生專席廣說耳領心會爭踵門受業初爲郡史燕
公楠爲大司農辟以自近歷婺州純孝慶元文亭廣德
陳楊村杭村巡檢至大三年卒年五十二所爲文若干
卷纂言行編曰鉤元五十六卷其見于用也不卑于簿
領而志足以展用王尙書厚齋爲文餞之曰闕里高第
冉有用矛樊遲爲右士弘爲此官文武通方之道也

清容

居士集

純德郭梅西先生陞

父正子

郭陞字德基長樂人父正子嘗著春秋傳論先生幼孤

宋元學案補遺 別附卷三

三四明叢書 約園刊本

力學至元中舉遺逸授泉山書院山長遷興化路教授
改吳江州再遷興化未任卒爲人易直修潔學者謚曰

純德先生著有梅西集

閩書

梓材謹案程雪樓爲先生墓碣云父正子第進士
教授廉州是爲存齋先生又言先生改吳江州教
授代還邑長貳執弟子禮相從問學又爲先生阡
表云于經又粹易與四書皆有述其雜著曰梅西
先生集又案長樂縣志載先生宋紹定進士有春
秋傳論十卷誤以其父之科名著作爲先生事矣

王先生幼學

王幼學字行卿望江人生于宋季幼罹兵禍俘掠至河
南陳氏養以爲子乃命之學勤苦博覽業遂大進元至

元間節望江耕慈湖之坂講道不輟所著有通鑑綱目
集覽始于大德己亥迄于延祐戊午積二十年七易稿
而編始成卒年九十三

安徽通志

學正馮東陸先生復

馮復字振文信都人少穎敏該貫經史世祖時舉茂才
異等授廣平學正以母老病辭嘗條上時政十事不報
退居鄉里以奉親講學爲事所居東陸學者稱東陸先
生

畿輔通志

張先生淳

宋元學案補遺 別附卷三

匡廬明徵書

約園刊本

張淳字子素南樂人志趣高遠學識宏博以著述爲業
至元中徵辟不就有四書拾遺及文集行世

同上

陳先生潤

附子權孫焯

陳潤字澤民號勉齋臨海人至元間以德行闔于時集
賢院錫褱高明處士善吟詠其臥病述懷三章爲時傳
誦子權字師聖號納齋通經史敬行孝悌教諸子以義
方同門士多登顯要勸之仕終不應至正庚寅方氏兵
起遼參政兼善受命治師聘納齋居賓容咨劃多所裨
益達旣死于難納齋顛天慟哭曰吾安得從公地下乎

竟憤懣以歿士大夫高其義納齋子煒亦飽學不仕創館授徒尤工于詩

台州府志

程先生翔

程翔字鵬舉廣平人以孝友聞于州里二季以雍樂表著皆先生之教先生浮家治生服其勤勞俾弟悉意向學聚書延師靡密蒙雜一不使亂意弟則曰匪我之能維吾兄之成其事父承接意指日侍食候可否或卻食卽不敢食懷甘割鮮斥幼者避席以立佐治湯液時其寒煥卒能以上壽終旣除喪謹上冢禮脩誠厲行分寸

宋元學案補遺

別附卷三

三四四明藏書

約園刊本

不使越繩墨鄉國尊之年七十有一卒于元貞二年後以推恩贈奉政大夫磁州知州

清容居士集

李先生孟

李孟字道復上黨人父唐歷仕秦蜀因徙居漢中先生生而敏悟七歲能文博學強記通貫經史善論古今治亂開門授徒遠近爭從之一時名人商挺王博文皆折行輩與交至元十四年隨父入蜀行省辟爲掾不赴後以至京師時武宗仁宗皆未出閣徽化裕聖皇后皆召儒輔導有薦者曰布衣李孟有宰相才宜令爲太子師

傅仁宗立拜中書平章政事賜爵秦國公皇慶元年授翰林學士承旨知制誥兼修國史仍平章政事延祐二年改封韓國公七年仁宗崩英宗立降授集賢侍講學士嘉議大夫至九年卒贈舊學同德翊戴輔治功臣進封魏國公諡文忠先生三入中書民間利害知無不言遊真門者後皆知名 元史

雲溪謠案先生詩文有秋谷集許中丞有王爲之序

文惠陳先生孚

陳孚字剛中臨海人至元中以布衣上大一統賦署上

宋元學案禮通別附卷三

嚴四明詩約附刊本

蔡書院山長擢禮部郎中尋歷建德衢州兩路治中召爲翰林待制卒追封臨海郡公諡文惠所著有觀光集

交州橐玉堂集 赤城新志

梓材護案先生爲安州鄉學記云初余少卽與翁子游相好也壯而行四方皇然三十載歸始聞翁子之鄉學翁子當是仙居翁森

附錄

幼清峻穎悟讀書過目輒成誦終身不忘

台州路總管府治中大德七年詔遣奉使宣撫循行諸道時台州旱民饑道殣相望江浙行省檄浙東元帥脫

歡察兒發粟賑濟而脫歡察兒怙勢立威不卹民隱驅
脅有司動寘重刑先生曰使吾民日至孳死不救者脫
歡察兒也遂詣宣撫使愬其不法蠹民事一十九條宣
撫使按實宣其罪命有司亟發倉賑饑民賴以全活者
眾而先生亦以此致疾卒于家

陳氏同調

待制馮海粟先生子振

馮子振攸州人博洽經史其爲文當酒酣耳熱命侍者
二三人潤筆以俟先生據案疾書隨紙多少頃刻輒盡

宋元學案補遺 別附卷三

三民四朝藏書
新園刊本

仕爲承事郎集賢待制號海粟 姓譜

文忠張先生養浩

張養浩字希孟章邱人以省薦爲東平學正改堂邑令
毀淫祠息盜賊拜監察御史疏時政萬餘言累官禮部
尚書以父老乞歸養召爲吏部尚書不拜父喪未終復
以吏部召不起關中大旱民饑特拜陝西行臺中丞泣
禱華山大雨如注禾黍自生至官四月未嘗家居遂疾
卒贈柱國濱國公諡文忠著三事忠告歸田類稟御史

儀諸書 姓譜

文忠經說

庶子卿大夫士之子也以其眾謂之庶子以其爲父之副貳謂之倅以其受教于國學謂之國子以其未仕謂之游倅周官多以庶子繼士而言庶子未受爵故後士舊以爲卽庶子官未是庶子官何以反在士下耶君臣燕飲以洽情也今日之庶子卽他日之卿大夫士也故凡爲國子而屬于庶子官之職者皆得與以觀禮焉正獻主于行禮行禮則有節旅酬主于和樂和樂則易流立司正以董之則不至于流矣

宋志學案補遺

別附卷三

毛西明藏書

約園刊本

張氏講友

王先生執謙

王執謙字伯益大名人。生數歲入鄉校。旬月中已能習。盡羣兒所授書。問難其師。其師爲絕席引賓坐。側羣兒無敢與並。因勸其父送詣郡學。未數月。又細其同舍生。如鄉校。及長。其父資之游京師。爲符寶典書。徽政殿照磨。調眞定錄事。凌州判官。改將仕院。照磨先生皆漠如也。徒日與彰德田衍師。孟河間李京景。山濟南張養浩。希孟飲酒賦詩爲神交。後十餘年始爲翰林。應舉文字。

承務郎同知制誥兼國史院編修官年四十八先生身長不過數尺不喜騎馬遇好友卽提杖出門竟日去不返顧語妻子以爲常未卒前一夕猶與客飲酒人家暮歸坐閱案上書趣喚其友楊載杜本來而後瞑

道園學古錄

邱先生應辰

邱應辰字詠聖黃巖人博極羣書元貞間舉青田教諭不就作正異端復井田諸論有憂憂集藏于家

台州府志

康里先生脫脫

康里脫脫雲中王阿實克布從子屢拜御史大夫改江

宋元學案補遺

別開卷三

三五

明倫彙編

初學刊本

南行臺御史大夫卒贈太師義同三司上柱國追封和寧王諡忠獻先生嘗卽宣德別墅延師訓子鄉人化之皆向學朝廷賜其精舍額曰景賢書院爲設學官其沒也卽其中祠焉子九人其最顯者鐵木兒塔識達識帖

睦邈

元史

景憲先生齊諾

齊諾約勒伯里巴約特氏莊肅和尙子以御史大夫伊博諾延薦入覲大安閣世祖念其功臣子卽以其父官授之拜武德將軍江南浙西道提刑按察使屢拜榮祿

大夫平章政事商議樞密院事延祐五年乞致仕退居
濮上築先聖宴居祠堂于歷山之下聚書萬卷延名師
教其鄉里子弟出私田百畝以給養之有司以聞賜額
歷山書院家居七年而卒年七十一追封衛國公謚景
憲

景先生厚

景厚字□□濮陽人領鄉薦至京師中書丞丞許有壬

師事焉

姓譜

俞先生漢

宋元學案補遺 別附卷三

三五四明後書

符舊刊本

俞漢字仲雲諸暨人撰春秋三十卷進呈書付禮部刊
行辟爲儒學官不就卒友人私謚曰文惠

紹興府志

王先生之才

王之才官編修治春秋而專門左氏者也嘗有取于獲
麟之義名其所居之室曰麟齋而請劉靜修記之

劉靜修集

鮑先生完澤

附師蕭口門人寇口

鮑完澤字信卿杭人涉獵經史過目輒不忘元貞初以
蒙古言語文字天下或不能盡習詔所在州郡並建學
立師貴游子弟及民間俊秀皆令肄業先生受業其師

蕭氏悉究其精奧乃攬摭史傳中故事及時務切要者二百五十餘條譯以爲書曰朶目反覆應對曲折論難最爲詳密又記其師所授之言爲書曰貫通集又採粹精微妙之言門分類別爲書曰聯珠集又取蒙古及偉兀詞語音比譬之言爲書曰選玉集凡其音韻之所自出之書之所由通豪釐之間具有分別南北人爲蒙古學亦有出其右者隱居教授至順初翰林寇學士早從先生學薦其學行于朝力勉之出先生以養母辭

王忠文集

王先生廷

宋元學案補遺

別附卷三

四十四明藏書

約副刊本

王廷字美宗南陵人元貞二年除益州教授創置學宮廟廡及祭器士民悅服先生性寬和友愛葬祭一遵古禮稱貸不能償者舉券焚之有古君子風邑人尊之曰南澗先生

寧國府志

白先生景亮

白景亮字明甫南陽人明法律善書算由征東行省譯史有勞超遷南恩知州陞沔陽府尹奏最于朝特授衛州路總管郡學之政久弛從祀諸賢無塑像諸生無廩膳祭服樂器有缺先生皆爲備之儒風大振先生性廉

介勤苦自奉甚薄妻尤儉約惟以脫粟對飯而已改授
臺州路總管卒于官 元史

鍾先生過

鍾過字改之永豐人其學源本六經動循古昔爲文精
深渾灑著述甚富性理大全多采其言吳草廬跋其詩
云未冠時聞改之先生爲道名儒今見先生所著書深
歎斯人之不可復見也 永豐縣志

于先生欽

附師吳特

于欽字思容其先自東海徙文登父又僑家吳中先生

宋元學案補遺

別附卷三

四十四明叢書

約園刊本

少學于吳特其苦力自進弗懈宿儒先生皆折節與交
自國子助教至兵部侍郎卒 柳待制集

汪先生文龍

汪文龍字濟卿太平縣人弱冠舉茂才任旌德銅陵文
學掾歷當湖鉛山等教諭循循善誘與人言若不出口
而踐履多弗能及同時歐陽虞揭輩皆贈詩推重汪文
節澤民比之漢伏生云所著有韻書撮要 寧國府志

周先生尙之

周尙之字東揚豐城人至治元年擢丙科授將仕郎零

陵縣丞調上猶縣升年六十一卒其學根柢六經旁出入諸史百家需次里居來學者常數十人著有禮記集義過言唇言設音等書

柳待制集

薛先生勉

薛勉字□□貴溪人故儒家先生益以儒自勵居鄉黨教授名不斬彰築室宜陽爲堂曰寶善以示子孫泰定三年卒族黨惻戚私諡曰文清

清春居士集

倉先生振

倉振真定人延祐中知新州時徭賦蠶起先生諭以威

宋元學案補遺 別附卷三

聖二四明叢書

約園刊本

福羣猶帖然暇日召諸生講解經義又于驛路夾植松榕先是高芝守新州有善政及先生繼之故州人歌曰

高松倉榕一道清風

統志

教授薛處靜先生觀

薛觀字景荀一字處靜鄞人在宋時聚族干指同居合食者五世號義門薛氏先生于至治癸亥以書經登賢書分教平江之常熟後遷杭州教授攝沅江縣事旣而

引年致仕

寧波府志

謝先生源父

附子應辰

謝源父定海人閉門讀易能古文詞而尤邃于理學晚年好游山水興至則吟詩以自遣子應辰字濟明受父易得其指要薦爲太子說書改無爲州學錄至正初解官歸隱于山而老焉

寧波府志

戴先生石玉

戴石玉廬陵人所著三禮亦謂之治親書虞道園序之曰其意以爲記禮者有曰聖人南面而聽天下所宜先者五一曰治親故雜取爾雅儀禮戴氏記及先儒之言而成之凡三篇一曰釋親二曰宗法三曰服制而親親

宋元學案補遺

別附卷三

四三 四明叢書

約園刊本

之道備矣品節之禮辨矣

道園學古錄

張定軒先生疾遷

張疾遷字子敏安鄉人號定軒先生幼聰悟能卓立生十三年元兵下江南先生蒙犯艱嶮奉親避兵天門山會父喪山中展轉護柩歸窆故里喪葬如禮制廬舍燬蕩屢勉葺理還定安集式慰母心遂力田以厚生讀書以養德事親教子浮湛里社若將終身者或勸之仕曰名教中自有樂地竟不出

燕石集

夏先生鎮

方先生回孫 台傳

夏鎮袁州人方回孫鉛山人皆名進士長于春秋李稷兼得其傳 元史

王氏門人

鄉薦陳義江先生杞

陳杞字楚材號蘭畹海康人學于舅氏王景賢淹貫經史領鄉薦不仕讀書山中究性命之學遠近學者咸受業焉所居里曰義江元末盜起過其鄉相戒勿犯曰此陳先生居也 一統志

宋元學案補遺 別附卷三

四書四明叢書

約園刊本

達魯花赤札忽進義先生

札忽進義香山縣達魯花赤恤民勸農察民貧者給以牛種且減其租刻大學孝經以教民子弟皇慶二年陞南恩州既去民思之不置 廣東黃志

況先生達

況達字口口廬江人泰定末爲光澤令下車日邑中富豪素爲長吏信從者悉不聽入謁獨延見諸生與講學建雲巖書院有兄弟爭田者授以伐木之詩親爲諷詠解說皆感泣去後爲高安令平反冤獄 姓譜

廉訪賈先生煥

賈煥字世南大梁人天曆初爲海南海北廉訪使愛民厚俗嘗著勉學說以示士子

廣東黃志

周先生鏜

周鏜字以聲瀏陽人篤學通春秋登泰定四年進士第授衡陽縣丞再調大冶縣尹治行爲諸縣最累遷國子助教會修功臣列傳擢翰林國史編修官乃出爲四川行省儒學提舉便道還家無何盜起賊至欲推以爲主先生惟瞠目厲聲大罵賊知其不可屈乃殺之

元史

宋元學案補遺 別附卷三

聖五四明叢書

續園刊本

隱君趙先生慶祚

趙慶祚永年人博學多識邃於名理隱居不仕教授于潭湘之間學者多宗之

畿輔通志

羅先生履泰

附子文節

羅履泰字以通廬陽人著書滿家春秋禮記周禮三經皆爲之集解復衍河洛圖書之義列圖三十多前脩所未發出其餘力補正戰國策舛誤數百條且爲年表以次其先後行丞相府聞其名署東湖書院山長世號道齋先生子文節字仲正從宦東湖賢士大夫咸折輩行

爲忘年交問學日進用國子助教姚登孫薦署昆明州
學正秩滿陞授孟傑府列蠻夷子弟曉之以君臣父子
之懿辭氣激烈聞者聳然後以同知重慶府瀘州事致
仕宋景濂以爲剛正之士

宋文憲集

黃先生元實

黃元實字廷美泰寧人嗜學凝重循矩度終日危坐不
少傾倚天歷問試浙闈乙榜授郡文學以歸至正癸
巳邑妖民亂令延議討賊賊奄至遂遇害女貞奔哭罵
賊賊殺之

道南源委

宋元學案補遺

別附卷三

聖去四明叢書

約園刊本

林先生泉生

林泉生字清源居永福章山治春秋獨得微旨天歷庚
午登進士第授承事郎同知福清州事累擢翰林待制
退居召入爲翰林直學士卒謚文敏先生文辭居海內
選于春秋爲四方學者所宗其著述有春秋論斷

聞過齋集

梓材謹案虞道園爲先生記書隱堂云既登至
順庚午進士第蓋天歷末年卽至順元年也

郭先生翼

附師衛培

郭翼字義仲崑山人少從衛培學遂于易爲文詞必欲
追古作者先生素有大志嘗出策于時貴不能用遂歸

耕耒上老得訓導官竟與時逆偃蹇以終自號東郭先生又自稱野翁所著有林外野言姑蘇志

劉先生畊孫

附子碩

劉畊孫字存吾茶陵人至順元年進士授承仕郎臨武縣尹臨武近蠻獠先生至召父老告之曰吾儒士也今爲汝邑尹爾父老當體吾教訓其子弟孝弟力田暇則事詩書無自棄以干吾政乃爲建學校求民間俊秀教之設俎豆習禮讓三年文化大興曆建德徽州瑞州三路推官所至詳讞疑獄其政績卓然者甚眾轉寧國路推官會長槍瑣南班等攻寧國城陷先生力戰遇害子頌爲武昌江夏縣魯湖大使起義兵援茶陵死之元史

陳先生士元

陳士元字元仲東陽人性冲淡嗜學善文尤長于詩歌隱居不仕開門授徒學者甚眾更其所居之山曰峨眉作亭于麓名曰玉雪皆自爲記別號玉雪著有玉雪亭

稿行于世

隆慶東陽志

劉氏講友

陳先生嗣道

宋元學案補遺

別附卷三

四十四册藏書

約園刊本

陳嗣道字可儀臨武人廉謹苦學縣尹劉耕孫以耆儒特奏名授本縣教諭令其弟熹孫受學焉

臨武縣志

潘先生頤養

潘頤養字正卿永嘉人自束髮卽好讀書經史百家語無不得其要領嘗曰科舉法行理學不明將何以深思實踐而盡修齊治平之道哉識者以爲格言隱居求志視聲利淡如遠近咸敬慕之詩文典實詳贍有集若干卷

溫州舊志

吳先生子美

宋元學案補遺 別附卷三

吳大 四明叢書

約園刊本

吳子美字世英泰順庫村人博通古今授徒講談理學尤喜吟詠所著有怡情集多出於性情之正其詠詩諸作卓有監戒莆田林建邦爲之贊曰志不慕顯而爲塾師學不令人古人是師詩不苟吟監戒所資身不徒韞鴻羽之儀

溫州舊志

康里家學

文忠先生鐵木兒塔識

鐵木兒塔識字九齡國王脫脫子資稟宏偉補國子學諸生讀書穎悟絕人事明宗於潛邸文宗初由同知都

護府事累遷禮部尚書平章政事卒年四十六追封翼寧王諡文忠先生天性忠高學術正大伊洛諸儒之書深所研究帝嘗問爲治何先對曰法祖宗帝時修遼金宋三史先生實爲總裁官多所協贊云 元史

司農先生達識脫睦邇

達識特穆爾字九成幼與其兄鐵木兒塔識俱入國學爲諸生讀經史悉能通大義尤好學書初以世胄補官爲太府監提點再爲大司農張士誠自立爲吳王先生飲藥而死 同上

宋元學案補遺 別附卷三

聖九四明叢書
約圖刊本

樊先生執經

樊執經字時中郟城人性警敏好學由國子生擢授經郎嘗見帝師不拜或諗之曰帝師天子素崇重王公大臣見必俯伏作禮公獨不拜何也先生曰吾孔氏之徒知尊孔氏而已何拜異教爲歷官至侍御史至正十年授浙江行省參知政事十二年死事聞贈翰林學士承旨追封魯國公諡□□ 台州府志

項先生可立

項可立臨海人少穎悟好學通羣經大義晦迹不仕一

時名公碩士若金華王文獻輩多與之遊

台州府志

薛氏門人

提舉劉木石先生希賢

劉希賢字仲愚鄞人少嗜學長從鄉先生薛景荀學春秋博習強記爲文敏捷至順進士歷太平路天門書院山長信州白石書院山長郡牧邑長咸就講焉後改會稽教諭陞江浙儒學提舉致仕所著有春秋比事瓶窩類稿自號木石子人稱木石先生

成化四明志

周先生之翰

宋元學案補遺 別附卷三

五十四明叢書

約園刊本

周之翰華亭人博究羣書通象數之學其著述有乾坤闔闢天地生成陰陽變化山川流峙四圖并贊以發明其蘊與講授于鄉以壽終

姓譜

張先生延

張延字世昌號節齋先生家蕪城以薦除真定路教授著周易備忘十卷

蘇滋溪集

林先生廣發

林廣發字明卿龍溪人嘗謂陳淳號北溪高登號東溪蔡汝作號南溪自號三溪將兼而匹焉生平孝友以詩

禮訓家庭規言矩行通貫六籍融會百氏爲後學矜式
郡學三聘爲師以部使薦授安溪學職邑僚師事之著
有三溪集 道南源委

文穆曹先生鑑

曹鑑字克明宛平人通五經大義用郝彬薦爲鎮江淮
海書院山長元統初同僉太平禮儀院先生習典故達
古今議事援據禮經君子多之仕至禮部尚書卒諡文
穆 畿輔通志

夏氏門人

宋元學案補遺 別附卷三

卷二十四 明叢書
約園刊本

李先生稷

李稷字孟幽滕州人幼穎敏八歲能記誦經史從其父
官袁州師夏鎮又從官鉛山師方回孫泰定四年中進
士第授淇州判官淇當要衝先生至能理其劇歷命爲
大都路總管兼大興府尹除副詹事出爲陝西行臺中
丞未行改山東廉訪使得疾上章致仕還京師卒年六
十一追封齊國公諡文穆先生爲人孝友恭儉廉慎忠
勤處家嚴而有則與人交一以誠恪尤篤于鄉鄰朋友
之誼中丞任擇善陳思謙旣沒皆撫其遺孤人以是多

之元史

成先生遵

成遵字誼叔穰縣人也幼敏悟讀書日記數千百言年十五喪父家貧勤苦不廢學問二十能文章至順辛未至京師受春秋業于夏鎮遂入成均爲國子生時陳眾仲旅爲助教喜其文數以語于虞道園道園方有目疾見其來追而視之曰適觀生文今見生貌公輔器也吾老矣恐不及生當自愛重也元統改元中進士第授將仕郎翰林國史院編修官歷陞中書左丞分省彰德用事者嗾寶坻縣尹誣先生與參政趙中參議蕭庸等六人皆受賊鍛鍊成獄竟皆杖死中外冤之

元史

陳氏門人

劉先生燾孫

劉燾孫茶陵人畊孫弟以國學生下第授常寧州儒學正湖南陷常寧長吏棄城走民奉印請先生爲城守城賴以完者一年外援俱絕死之

元史

翁先生德修

宋元學案補遺

別附卷三

五十四明叢書

約園刊本

翁德修字本敬黃巖人以五經教授于家游其門者甚眾其教恆以實行為先文藝爲後講經至要處嘗諄諄爲諸生言之及門如趙由欽郭公葵輩皆以文行著名有忍齋集 台州府志

衛先生謙

衛謙字山甫華亭人嘗建義塾以教學者

姓謙

林材謹案先生著有讀易管窺三十卷經義考云佚又引黃虞稷曰元進士號石山

徐先生應虎 附子季泰

徐應虎金華人稱爲文蔚先生通諸經尤長于詩善

宋元學案補遺 別附卷三

五三 四明雜書

約園刊本

書碑碣授徒以終子季泰善讀父書以文學稱

宋文憲集

黃先生植 附兄樟彬

黃植字國輔臨海人其先虞姓後避難而以黃易虞兄樟彬以文學名皆爲郡教授先生刻意爲學名聞參出二兄間甫十一補上蔡書院直學旣而郡守欲辟爲掾力辭之後調青田縣儒學教諭迄不就年五十二無疾而卒其學以六經爲本以躬行爲務以文藝爲末始以此自爲亦以此淑諸人學者稱之爲鄉先生六子皆士

行 宋文憲集

李先生守成

李守成東安人承旨士瞻子官至翰林檢討有德望河朔學者多師之有一山文集

姓譜

王先生吉才

王吉才字口口龍溪人篤志古學尤明典禮郡守延爲弟子師後爲泉州學正親終皆及期頤先生年老哀慕痛毀有如早喪雖在家庭亦冠衣斂容未嘗見其遽言怒色學者稱益齋先生

道南源委

呂先生枋

宋元學案補遺 別附卷三

五西四明叢書 繪圖刊本

呂枋字汝芳旌德人工詞賦至元閒避地新安辟紫陽書院山長又辟攝錄事並辭不就後以文行舉采石書院山長設教詳明士皆悅服著有桂芳家集采江吟稿寧國府志

鮑先生德賢

附師陳孚仲

鮑德賢字性善黃巖人少從鄉先生陳孚仲學舉子文後乃隱居學詩宗杜少陵又好作行書得聖教序遺意揭其居曰有鄰室所著有有鄰稿

台州府志

舒先生卓

舒卓字可立寧海人有德操善談論事母以孝稱博極羣書潛心理學至正間登鄉榜任象山縣包山書院長時方國珍僭據遂隱居教授邑人多所矜式

台州府志

尹先生起莘

尹起莘鄞縣人性樂閒適不慕榮利以讀書談道自足至元間以孝行聞時宰舉領縣學事舊學在治西先生徙于治東

湖南通志

梓材謹案宋有著資治通鑑綱目發明者與先生同姓名見晦翁學案補遺下卷

王先生宗岳

宋元學案補遺 別附卷三

至五 四明叢書

約園刊本

王宗岳字良佐臨淮人性厭俗學講求性道人勸之仕輒不應學者稱爲養高先生

江南通志

雷先生德潤

雷德潤字志澤一名逢辰建安人學粹于易旁通諸子及律曆行數舉明經除福州路教授積學庾之餘買田三百餘畝以給貧士昏喪老疾者號義士莊里人爲建

祠學宮調長樂簿卒

閩書

王先生以道

附門人劉承直

王以道字則臣太和人殿中侍御史贄之後也自幼學

詞賦已而棄去曰此非所以爲學也欲求聖賢之道其在遺經乎于是潛心窮研晝夜弗之倦從祖父遂初自國學還所交多宋季名士日集其門相與談前朝文獻先生聽之心領神會學遂大進自號三槐隱士浙江部使者劉承直嘗受經于先生先生卒爲之請銘于潛溪宋文憲集

葛先生涵

葛涵字敏問滁州人刻志典墳善文辭至正間有司舉爲清流訓導克以師道自任學者尊之

姓譜

宋元學案補遺

別附卷三

五十四明叢書

約園刊本

張先生紹祖

張紹祖字子讓潁州人讀書力學以孝聞授河南路儒學教授至正中奉父避兵遇賊執其父將殺之先生泣請代且曰若等非父母所生乎何忍害人父也賊怒以戈擊之戈應手挫鈍因感而相謂曰此真孝子不可害乃釋之

元史

王先生經

附師余貞

王經字孟遠金溪人習業甚勤松滋陳氏建義塾曰墨濤聘余太史貞爲五經師先生徒步往從悉傳其二戴

禮之學至正取江右鄉貢文解值亂不得上南宮退隱
漆溪及禮記疏爲纂要若干卷其于名物制度多有折
衷入明徵起擢爲刑部司門員外卒著有金溪縣志唐
詩評雜詩文其一卽纂要也

宋文憲集

錢先生義方

錢義方字子宜湖州人嘗舉進士周易圖說二卷成于
至正六年其說謂河圖爲作易之本大傳云河出圖洛
出書聖人則之乃聖人卽理推數二者可以相通故並
言之非謂作易兼取洛書又引朱子之說謂圓圖有造

宋元學案補遺

別附卷三

五十四明叢書

約圖刊本

作且欲擊出方圖在圓圖之外又謂朱子易本義于先
天後天卦位必歸其說于邵子似歉然有所未足是以
不揆其陋而有所述云云其說較他家爲近理

四庫書目提要

夏先生璿

夏璿湘陰人博學篤行以氣節自負領鄉薦歷湖南行
省都司布素如寒士至正間棄官入迫爲亂賊所斬不
屈自經死孫元吉爲明少保贈如其官

湘陰縣志

劉先生朝端

劉朝端茶陵人至正間拜翰林學士方正嗜學多所建

白也先帖木兒贊其像曰選居分署觀國之光鞠躬盡瘁羽翼朝綱

茶陵州志

楊先生勳

楊勳字梓夫慈利人居彌勒山通經史工詩登進士任茶陵州同知總管阿思蘭海牙最尊禮之歷翰林待制明初隱居建聚奎書院講學其中

一統志

李先生文仲

從父世英

李文仲長州人著有字鑑五卷自署吳郡學生從父世英以六書惟假借難名因輯類韻二十卷以字爲本音

宋元學案補遺

別附卷三

五十四明嚴書

約園刊本

爲幹義訓爲枝葉自一而二井然不紊凡十年始成而韻內字畫尙有未正者先生因續爲是書依二百六部之韻編次之辨正點畫刊除俗謬于諸家皆有所駁正之大旨悉本說文以訂後來沿襲之謬于小學深爲有

碑 四庫書目提要

李先生師道

李師道高郵人學者稱月河李氏嘗爲通州教授

姓譜

梓材謹案先生著有大學明解一卷經義考云佚

汪先生泰初

汪泰初字希賢黟縣人

儒林宗派

周先生震

附師劉雲章艾元暉

周震字宗振吉水人時名儒若書隱謙二李先生同里聞朝夕俾從學安成劉先生雲章河南艾先生元暉資遣之卒業學遂有成

解春兩集

盛庶齋先生如梓

盛如梓雒州人庶齋其自號也嘗官崇明縣判官著有庶齋老學叢談三卷其書多辨論經史評隲詩文之語而朝野逸事亦間及之

四庫書目提要

宋元學案補遺

別附卷三

五九

四明叢書

約園刊本

庶齋老學叢談

前輩云學貴知要不在貪多用貴適時不專泥古

先儒謂貞志苦心之士如饑不忘食渴不忘飲病不忘醫流落不忘故鄉求一日之安而不可得豈肯悠悠歲月耶又曰日用應酬無非是學但有主則明無主則昏

又曰下學而上達其事則下學之事其理則上達之理先儒云詳于法者有法外之遺姦工于術者有術中之

隱禍

趙先生良震

趙良震字伯起別號東谷于宋宗室勤孝王宗惠爲
八世孫家平陽著有易書二經通旨陳高爲之總序而

薛伯衡銘其墓

經義考

鄭先生元秉 附門人盧彥文

鄭元秉餘姚人賣藥以養老母且聚子姪輩教之通經
學古是務里中子弟知學問者亦皆受業于其門其一
人氣貌嚴重所辨質落落皆經史大義則太守魏郡盧
公季子彥文者也 宋庸庵集

陳寧極先生深

宋元學案補遺 別附卷三

六十四明叢書 約園刊本

陳深字微靜吳人號寧極先生沈潛學問淹貫羣經年
已髦會諸先輩著書立言咸造底蘊 正思齋集

附錄

宋體仁代諸生祭陳寧極先生文曰嗚呼先生粹德之
精吳邦之英學究邃古心傳至誠講貫之切字畫之精
左圖右書至老益劬念昔髫鬣橫經座隅共盥正席禮
學之初灑埽振衿先生之居朝夕獲誨言論孔敷勉勉
循循作我範軌義爲師生情若父子先生既往我徒孰
倚尊簋在前有淚如洗臨風三奠先生以起

王先生文澤

王文澤字伯雨別號梅泉家風涇遷上海鹹魚港累舉不第爲府訓導卒葬橫雲山秦裕伯銘其墓

松江府志

梓材謹案先生著有尙書制度圖纂三卷經義考云佚

朱先生雪

附師何執中

朱雪字元白天台人幼能屬文六經子史靡不通貫往處州何執中受尙書年十九登座開講徐伯顏薦授國子助教固辭不赴閉戶讀書著有雲齋集三十卷人號清脩先生且性至孝執母喪甚哀侍父往東莊父指石失

宋元學案補遺

別附卷三

本一四明叢書

約園刊本

足後過其處必長號人因名曰孝思巖

台州府志

宜先生桂可

宜桂可字可山湘潭人博通經史及門受學者以百計

湘潭縣志

羅先生懋

羅懋字敬德茶陵人讀書好古多醇德有盜數犯其家一夕捕得先生諭之曰此非可治生也乃厚遺之其人愧受而去先生終身不言其姓名

茶陵縣志

曾先生圭

附子堯臣

曾圭衡山人世業儒爲零陵縣尉慕唐顏真卿元結風節文采命其子堯臣捐家資建浯溪書院祀之又割私田三百餘畝以廩學者 一統志

張先生希文

張希文字質夫瑞之新昌人初爲吏以薦授百丈尹不赴所居積書園四壁若巢然人因號書巢先生著有十三卦考一卷傳若金爲之狀 經義考

周先生馳

周馳號景遠先生名能文爲南臺御史時分治過浙省

宋元學案補遺 別附卷三

空三四明叢書

約園刊本

每日與朋友往復其書吏不樂似有舉刺之意大書壁上曰御史某日訪某人某日某人來訪御史忽呼吏謂曰我嘗又訪某人汝乃失記何也第補書之因復謂曰人之所以讀書爲士君子者正欲爲五常主張也使我今日謝絕故舊是爲御史而無一常寧不爲御史不可絕人理吏赧然而退 穀耕錄

胡存齋先生口

胡口號存齋江右人官參政能折節下士賓客至如家焉故南北士大夫有經過其地無不願見者不虞闕人

不爲通刺苟不出日卽于門首挂一牌云胡存齋在家
上同

副使劉浮雲先生騫

劉鶚字楚奇永豐人皇慶間以薦授揚州學錄官累陞
廣東副使守韶六年屢卻強寇民賴以安後分兵討洞
獠頤寇數萬猝至戰守力盡城陷被執不屈還贛之慈
雲寺自分必死乃書曰生爲元朝臣死爲元朝鬼忠節
旣無慚清風自千古不食而終嘗建浮雲道院以教鄉
族子弟學者稱爲浮雲先生 蘆陵縣志

宋元學案補遺 別附卷三

李三 四明叢書

約園刊本

俞先生長孺

附門人顧德玉

俞長孺字觀光越之新昌人寧國路儒學教授構李顧
德玉字潤之自幼從之學先生無子嘗與人曰吾昔寢
疾于杭潤之侍湯藥性至切若父子醫爲之感動不忍
受金今我行且老必託之以死旣而訪醫吳中疾且革
趣舟歸潤之進次尹山下卒時後至元閏三月戊子也
明日乃至構李潤之奉其尸斂于家衰經就位邦人士
爲潤之來弔者潤之拜之越明年葬于海鹽近顧氏之
先塋歲時祭享惟謹或曰斂之于家禮歟曰吾聞之師

哭諸寢又云生于我乎館死于我乎殯非家斂之則將
師尸委諸草莽生服其訓死而委諸草莽有人心者弗
爲也曰師無服而衰經固近于掠美者矣曰疑衰加麻
之經帶禮也故曰二三子經而出至葬除之心喪戚容
終三年夫民生于三師居其一父子也何異今吾則加
一等以行蓋出于人心天理之本然若之何其惑也問
者歎服 綴耕錄

應先生恂

應恂字子孚永康人純朴好古博涉詩史治家勤儉一

宋元學案補遺 別附卷三

李國朝明叢書 約園刊本

介不苟取于人訓誨子孫教授門徒必依于禮義忠信
嘗自贊曰不能執中寧過于厚不能有爲寧過于守所
著有純朴口稿藏于家 金華府志

翁氏門人

趙先生由欽

趙由欽

郭先生公葵

郭公葵字秉心黃巖人元末翰林編修夙負才氣博覽
載籍工詩文張承旨蛻閣嘗評其文整密高古詩雅趣

絕俗所著有諤軒集朱長史右爲序

台州府志

陳氏家學

陳慎獨先生植

陳植字叔方寧極先生子能以文行學術結知士林尤篤孝力學其爲文以經爲準貫穿諸史百氏裒其菁華以立言其爲詩尤刻苦精練自號慎獨叟朋舊私謚曰慎獨處士

正思齋集

劉先生祖衍

劉祖衍平陽人至正間建交川義塾于縣治北之半塘

宋元學案補遺

別附卷三

宋元四明叢書

約園刊本

捐己田三頃山二頃延師以訓鄉之子弟御史孔訥薦之朝授溫州路儒學教授

溫州舊志

惠先生希孟

惠希孟江陰人居如對大賓趨蹌進退動合矩度兄希顏弟希葳皆無嗣先生奉兄如父撫弟如兄著雜禮纂

要家範五卷

毘陵人物記

梓材謹案先生又著易象鉤玄經義考云佚又引黃虞稷云號秋崖

顧先生澗

祖應春父叔川

顧澗字德輝鄞縣人祖應春鄉進士父叔川號學海皆

名士先生幼承家學六歲卽習屬文旣長肆力經傳閉門卻掃默索精思晝夜孜孜垂三十年著書數百卷宋

張先生夢臣

張夢臣陳留人居華亭之城東門日與子弟數十人講春秋經或勸之仕不應自號林泉民具清江集

朱先生垚

朱垚字子厚壽春人孳孳嗜學求名講師而事之知解旣至不欲墮于一曲晚而學易終日默坐人以爲迂則

宋元學案補遺

別附卷三

空六圓明叢書

約園刊本

笑曰主靜乃吾學也舉署安豐路儒學正辭不赴鄉子弟擔簦從之游日談道德仁義刮摩其故習以子貴贈蔡陽縣男宋文憲集

杜先生瓊

附師陳繼

杜瓊字用嘉吳人生一月而孤母顧育而教之長從陳繼先生學博綜古今爲文和平醇實而必本于理性至孝所居在城西有隱居之趣其東有原學者稱東原先生年七十九私諡淵孝先生姑蘇志

吳先生浩

吳浩字義夫休寧人隱居不仕專務性理之學所著有直軒集大學口義諸書明永樂閒纂輯大全多採錄焉徽州府志

提學洪先生欽

洪欽字元成溫州人博學能文詞平居議論必依名節至正中爲長洲縣學教諭會張士誠陷平江欲用之先生抗節不屈居數日乘機脫走見丞相達識貼睦言其狀丞相重歎以爲臨難不撓真師儒也用承制授將仕郎江浙儒學副提舉雖當亂世化導不衰元亡歸卒

宋元學案補遺 別附卷三

空四明叢書

約園刊本

于家

兩浙名賢錄

同知邱先生世良

邱世良字子正其父由台州徙錢塘先生幼穎悟讀書過目輒解父喪奉母以居日益貧教授市中經傳子史百家之言靡不蒐究用薦爲海鹽州教授復學田千餘畝秩滿除杭州路教授既代授慶元路總管府知事先生所定文牘吏不敢舞文法爲奸仕終松江府同知所著有梯雲集六卷隨筆三卷

同上

曾先生貫

曾貫字傳道泰和人以易經爲學者所宗所著書有易變通四書類辨庸學標旨爲紹興路照磨後家居遇亂鄉郡拒舉率義兵禦寇兵敗守節死

楊士奇說

梓材謹案四庫書目著錄易學變通六卷提要謂是書純以義理說易剖析微細往往能作前儒剖解之外間有互體立說兼存古義尤善持平且其成仁取義無愧完人而元史忠義傳失于記載殊

傷漏略云

李先生恕

李恕號省中先生廬陵人與龍麟洲劉水窗同輩行著有五經旁注六卷五經者易書詩論孟旁注簡明切當

宋元學案補遺 別附卷二

朱四明叢書

約園刊本

便于學者 楊東里說

雷先生杭

雷杭字彥舟建安人授儒學提舉遷潮陽縣尹以死事贈奉化府知州嘗著周易注解行世時稱雷氏易

凌先生茂翁

凌茂翁字□□吉安人安鄉縣尹講明理學有五經注

解 湖南通志

張先生適

張適字子宜長洲人幼穎悟十歲能賦詩彈琴時稱奇

童元季隱居不仕洪武中官水部郎中病免後復以明
薦爲滇池宣課司大使卒先生博學攻詩文與高啓
楊基齊名 姑蘇志

陳先生思禮

父德祥附師鍾士懋

陳思禮字用和四明人世爲士族生七歲父名儒德祥
歿母石氏夙夜勵以學遇之極嚴雖大雪沒脛必使挾
冊以往母病卒先生操刃欲自剄家人奪之環守至旦
共譬解之乃收涕謝之入郡庠從名師學明經母未死
時爲擇配石氏至是欲成昏請緩之其師鍾士懋持之
急不得已從之洪武六年入成均升上舍生 宋文憲集

宋元學案補遺

別附卷三

李元四明叢書

約園刊本

張先生以仁

張以仁政和人元季隱於蓮花峯下與魏伯堅謝坤孫
蘊永應相友善旦夜講論經史至忘饑渴後俱以文行
知名而先生與伯堅終隱不仕 政和縣志

曾先生勛

曾勛

梓材案原本作
旭此從文憲集

字旦初臨川人元末三舉解元以

薦歷五經博士召見問郊祀之禮條對無不稱善由是
數承顧問除禮部主事卒有文集宋潛溪序之 撫州府志

田先生子仁

田子仁寧遠人元末隱居耕讀與劉三吾友善三吾徵赴行在首薦先生徵授本縣儒學教諭敦尙教化儒風

大振

明一統志

陳先生士桂

陳士桂號西郭生崇德人元季奉其父螺室先生辟地于外者十年既定而歸謝客讀書受業者恆數十人

貝清

江集

胡先生存道

宋元學案補遺

別附卷三

十四明叢書

約園刊本

胡存道字師善會稽人嘗以春秋經試于有司官松江訓導張士誠之入吳也江浙行省以參政揚完者禦之入分兵擊叛將王可權于松江兵遂大掠至夫子廟執先生責其金先生叱曰若不討賊而反爲賊耶眾怒刃之尋卒初先生分教裁兩月而可權至內外舉火烈燄亘天先生亟命闔閉門防寇徒薪辟火火且逼西北垣乃率諸生李復賈兼善吳克敏宋起潛尙德卿升德大呼注水沃之又令民撤草坊而火乃反風

同上

周先生天祐

附師字文子貞

周天祐字思順杭州人好學讀書日記數千言後受易于吳興宇文子貞居家以孝聞薦授崇德州州倅不赴築室漁溪之上耕釣自適洪武四年卒與之遊者私爲之謚曰貞孝處士

同上

羅先生蒙正

羅蒙正字希呂新會人縣尹沈壽創古岡書院禮先生于師席一時學者聞風雲集未幾領湖廣省檄爲高州文學秩滿歸仍授徒于書院遭元季亂避地郡城館于憲史趙式家式薦于有司授南恩州教授未幾卒有詩

宋元聖案補遺 別附卷三

圭 四明叢書

約園刊本

集數卷傳于鄉

廣州戴志

附錄

資稟秀拔勤學強記諸史百家無不成誦甫弱冠聞肇慶羅斗明工詩往拜之斗明嘉其誠悉以詩法授之一載而歸大有詩名

吳先生海

吳海字朝宗閩縣人元季以學行稱值四方盜起絕意仕進洪武初守臣欲薦諸朝力辭免旣而徵諸史局復力辭嘗言楊墨釋老聖道之賊管商申韓治道之賊稗

官野乘正史之賊支詞豔說文章之賊上之人宜敕通
經大臣會諸儒定其品目頒之天下民間非此不得輒
藏坊市不得輒粥如是數年學者生長不涉異聞其于
養德育才豈曰小補著書一編曰書禍以發明之與永
福王翰善翰嘗仕元先生數勸之死翰果自裁先生教
其子偁卒底成立平居虛懷樂善有規過者欣然立改
因顏其齋曰聞過爲文嚴整典雅一歸諸理後學咸宗
仰之有聞過齋集行世 福建續志

梓材謹案先生論書之失其語甚
詳漳浦蔡文勤公載之古文雅正

宋元學案續編 別附卷三

七十一 四明叢書
約園刊本

湯先生志真

附門人錢用壬

湯志真廣德人隱居求志行式鄉閭明錢用壬出其門
其學皆志真所造就 廣德州志

殷先生奎

附師楊淮

殷奎字孝章崑山人少從楊淮校授春秋洪武初以薦
授陝西咸陽教諭念母不置鬱鬱而死門人私謚文懿
先生先生文學精審有法力深于性理勤于纂述所著
有道學統緒等書 姓譜

附錄

父君敘視窳金不如一經乃買書築室於婁江之上命之日與師友講學食息寢處于其間

鄔先生信

鄔信字中孚寧海人少儻善學應科舉不利輒棄去四明好義者制田創義塾延先生爲師元亂南北道梗士夫多挈家海上貧不能存先生輒張之築室紫溪山中徜徉其閒洪武初徵遺逸詣天官辭歸卒

台州府志

謝先生應芳

謝應芳字子蘭甬毘陵人蚤有俊譽嘗爲李晉仲俞用

宋末學案補遺

別附卷三

卷三 四明叢書

初園刊本

中諸公所知生平重然諾勇于爲義紬繹經史作爲文章咸有根柢與人論辨齷齪不少休在鄉里時請復鄒忠公墓寓吳中又請作顧元公廟世咸感于異端邪說先生因取經傳之言作辨惑編以警之自號龜巢老人

故名其集爲龜巢叢云

盧清溪集

作竹謙案先生龜巢稿朱逸齋先生輓詞云前朝上習離蟲巧先生詞章風格老功名到手陵谷變雲霖竟作高山皓駢花纓葉墜秋風獨抱遺經自探詩鳴呼一歌兮懷我師平生澗香今爲誰其三云憶年十五受經學先生眷之雙眼青每隨杖履訪朋舊耳聞目擊皆儀刑是逸齋其師也其祭唐仲傑文云公之子吾之門弟子也

尚書余先生瘋

附師陳潛夫

余瘋字茂本崑山人少有俊才從陳潛夫學得春秋之傳洪武初歷通政司參議拜吏部尚書

姓譜

楊先生學可

楊學可世居蜀之新都相傳爲關西夫子之後父某有隱德弗仕惟讀書課子鄉里稱爲善士先生自牛角好語孟既長從鄉先生某受詩書春秋三經丁元季世遷入雲南之昆明士君子爭設臬比席以延之尋歸西蜀適遇明氏強盛以國子助教逼之先生辭不就職逮明

宋元學案補遺

別附卷三

十四四明叢書

約閣刊本

與故官宿儒計偕赴京師訴老疾辭歸蜀蜀士知先生道學之明執經座下無虛日未幾蜀郎就召先生爲國中士子矜式賜田宅于國之大安門外駟馬橋特書流水畫橋題柱咨清風精舍讀書人十四字于先生之門從學者皆稱爲清風先生云

全蜀藝文志

孔先生克堅

孔克堅平陽人至聖五十五代孫登元至正戊子進士洪武癸丑舉爲翰林修撰博學篤行尤精于史上命釋四書五經賜名羣經要領宋濂歎賞比之孔穎達云

平陽

王先生俊華

王俊華字伯寧海人元末教授于鄉執經者履滿戶外
洪武甲寅薦任衡州府學教授改紹興府學適以星變
求言先生被召疏對詳明上悅時稱江南書布袋尋陞
右春坊右贊善以撰寫洪武故事忤旨見黜性至孝在
衡有嗜雲集親歿哀毀過制負土爲墳鄉人以孝子稱
台州府志

張先生由益

宋元學案補遺 別野卷三

七十四明藏書

約園刊本

張由益名進以字行號淑西黃巖人篤學好古尤長于
詩常曰文以五經先秦爲準詩以唐人爲準性理之學
以宋儒爲準庶罔謬整識者以爲名言所著有淑西集
同上

訓導陳先生與延

陳與延名延以字行鄞人也記覽該博而尤熟于春秋
當元季盜起人不聊生悉散資產以贍諸親舊之貧者
僅存周廬田數十畝朝耕暮讀雖際屢空裕如也洪武
二十七年邑大夫多其賢薦授本邑訓導開諄諄先

義後利一言一行唯恐或後古人故當時從游之士接其模範者率知敦尚古道云

兩浙名賢錄

隱君張先生景仁

張景仁寧鄉人世業儒性敏好學日記萬言經史百家無不閱覽元時隱居不仕郡守以文教廢弛士不知學特聘爲諸生師三十餘年多所造就郡使者檄進之固辭不赴嘗行市上見遺鈔一囊守之不去失鈔者至詢其實還之竟不受謝其廉介如此

廣東郝志

舒氏門人

宋元學案補遺 別卷三

主六四 湖廣書

約園刊本

鄭先生本忠

鄭本忠鄞縣人少篤學從舒卓受書元季方氏據浙東杜門絕仕進意益務記覽爲文章洪武六年舉明經以親老不起郡學教授趙思盛薦授昌國訓導未幾縣革會稽郡延爲訓導秩滿陞秦府保安王教授講論純正卒于官王甚傷悼遣使致祭贈賻優渥

成化四明志

張氏門人

莫先生轅

附師易傳

莫轅字翼仲吳江人少從張適易恆學洪武初父繫詔

獄將刑先生年十一願代父死理官試加脅誘語無異
詞遂奏釋其父而繫之其父更爲稱冤致死先生獲赦
後家被火火逼母寢先生躍入火中抱持以出鬚眉盡
焚卒年七十七私諡貞孝先生

姑蘇志

曾氏門人

危先生安

危安字子定臨川人清敏好修嘗從郡諸生肄業成均
其師曾先生旦初爲之字而宋潛溪補爲之辭

宋文
憲集

羅氏門人

宋元學案補遺

別附卷三

十七
別期嚴書

約圖刊本

張象山先生塢

張塢字彥謙新會人羅蒙正弟子也幼嗜學性敏強記
年十八賦厓門懷古詩蒙正器之洪武初以足疾不能
行益留心經籍知縣謝景暘爲構書堂于象山之麓俾
邑人往從受業扁其軒曰養拙晚年自號病叟人咸以
象山先生稱之其學以明理爲要詩文以典雅爲本不
事巧琢其弟子不拘學之淺深皆能識其大要不問可
知其爲先生之徒也

廣州戴志

吳氏門人

王先生侑

王侑字孟揚永福人洪武中爲國子生永樂初授翰林
檢討進講經筵修大典爲總裁官爲人氣節高勁議論
英發詩有唐人風文章雄偉宏博深爲解學士所知所
著有虛舟集

詩譜

王氏講友

鄭先生旭

鄭旭字景初閩縣人居家孝友有信義貫通五經百家
諸史與王侑林鴻友善以學行辟爲國子掌儀後謫戍

宋元學案補遺 別附卷三

七六 鳳明叢書

約園刊本

雲南起爲高安訓導所著有詩經總旨初學提綱咏竹
稿

福建續志

武先生口

武口官博士元遺山銘其墓曰博士三年誨誘循循子
弟秀民自我作新授之萬金良劑以滌浣滌滌易形而
鍊神朱墨進爲文儒鈎距化而眞純庚桑無羽山之年
鄒律發寒鄉之春是之謂神而明之存乎其人

元遺山集

宋元學案補遺別附卷三

先外曾祖王曠軒先生道行學術官階著述俱詳陳曼
生先生勸撰狀先生初與慈谿馮孝廉雲濠補訂宋元
學案於醉經閣同時別成補遺四十二卷旋增補而成百
卷稿未殺青出宰廣東樂會縣數月卒於官生平著作
有爲行狀不及記者卽藏於家者或已散失無從檢考
先祖繼烈公官廣東糧道兼攝臬篆假歸省墓爰理先
世及先生遺著而先生稿本多蠅頭細字鈎勒割裂鈔
校非易事未著手遽歸道山遺言以整理遺著創辦義
莊二事勸祖母暨先伯宗增公先君宗基公嗣遭家多

宋元學案補遺

一四明叢書
約圖刊本

故義莊甫成伯考卽世先君獨承其肩先從事先生所
彙錄全校水經注及先生所著水道表臆寫甫畢出宰
閩垣事又中斷吾師王曠孫表叔爲先生嫡孫晚年於
先生誕期招用錫與祭卽以先生遺著授用錫曰恩培

屢試不就經商遊幕兩不得志生齒浩繁子姪皆爲衣
食棄儒此中所藏經爾祖若父兩次整理未得行世今
已多霉爛蟲蝕如世本集覽被鼠嚙尤夥刊布固難保
藏亦非易不如付吾子與原藏彙錄全校水經注儲藏
婆羅館可矣刊布固所望也保藏亦舍子莫屬毋以王

氏遺著返諸王氏爲念言畢顏色沮喪若不勝慨者開

檢所授凡五種曰宋元學案補遺百卷附宋元學案鄭

刻本一

是書黃百家編全祖望續修鄭大節毛德基校刊於醉經閣之前世不多見茲僅存宋儒學案

全述序錄一卷又卷十七橫渠學案一卷台訂一冊至醉經閣刻本亦已久燬曰世本集覽六

巨冊都四十八卷

射書兩冊鼠嚙什一

惟原起提綱條例目錄通

論則爲清本曰王氏世族源流考

是書爲詹清本一時失檢或爲親友假觀

未歸負罪良深陳狀謂王氏宗譜備考或卽是書也

曰儒林宗派十六卷爲萬季

野斯同原著經先生釐正增注者也曰雜纂無卷帙未

裝訂

用錫

謹受命不敢辭顧

用錫

碌碌寡學久以有辱

宋元學案補遺

識

二四明叢書
約圖刊本

師命爲懼及年五十腦疾頗劇長男潤規年壯而殤感

念身世不寒而慄尤以先人遺志所在表揚先世及先

生遺著報命無日憂患不寐長媳張月梅爲約園主人

四女課子之餘更以寫經及謄錄宗譜闕行錄之賢淑

貞烈節孝諸篇自勵曩以搜輯六經堂遺事交鈔竣事

復授宋元學案補遺稿本以期陸續謄寫隨時延聘學

者校之乃稿本密行閒多鈎注持之頗有難色求教乃

父越數日約園主人造吾廬曰吾旣從事四明叢書君

家藏王履軒先生遺著盍悉畀余當先爲其易

用錫備

述先生遺著經歷及受命後之憂患約園慨然曰君負此重任吾必助君有成速廣延繕校以清宋元學案補遺稿本使早日流傳約資兩千金吾任之復相偕邀慈谿陳岷懷訓正同縣夏同甫啓諭忻紹如江明勵建侯

延豫張申之傳保

呈請省政府撥資刊行遲未得請會

是書繕校竣事而約園所刊四明叢書已出第三集約園先將增註之儒林宗派刊行並將世本集覽原起諸卷清本刊入四集且以收回一部分刊印之費移刊是書去冬約園並告宋元學案補遺刻校完竣列爲叢書

宋元學案補遺

三四明叢書
約園刊本

第五集水道表正付刻世本集覽亦著手整理以期三

年有成云

世本集覽於民國二十一年冬交商務印書館放大底板分存各圖書館以免湮沒議定

如一次交稿三月可成月交一冊六月可成且爲射書兩冊鼠食如何補救之躊躇未訂約越四十日一二八

事起商務印書館全館俱燬是稿幸未遭厄險矣於是昔之憂患不寐者至此

狂喜不寐矣約園之盡力鄉邦文獻其志也至其堅忍

果毅尤可佩也小子何幸得此既藉以承先志而受命

於吾師幾至湮沒不彰者至此亦可稍輕其責感豈有

極哉文字因緣莫非前定流傳遲速或有其時今是書既出敢以校刊經歷附於書後以記出世之艱難云爾

民國二十六年四月屠用錫康侯甫識於滬上容膝廬

宋元學案補遺

卷

四

四明叢書
約園刊本

考餘姚藝文志葉其遠曰黎洲既成明儒學案又溯宋

元諸儒併輯學案未成而卒季子主一繼之四明全謝

山又繼之迄未成編最後四明王孝廉梓材

案稱孝廉誤王先生

由優貢充教習依全氏百卷序錄一再校補始成完書初校本

刻於慈谿馮孝廉雲濠重校本刻於道州何太史紹基

何刻最爲精緻雖字盈百萬無訛俗體惜未幾板燬於

火翻刻及別刻殊少善本矣王氏又有宋元學案補遺

百卷尙未刊行姚志所述如此簡且確矣今所刊行卽

姚志所謂未刊者也因歎先哲著書之難與刻書之不

宋元學案補遺

一四明叢書

約園刊本

易就宋元明儒學案而言其經歷歲月與編者刊者之

姓氏及其大旨宜有所考焉初黃黎洲作明儒學案康

熙丙辰成書許酉山刻數卷而止萬貞一又刻而未畢

壬申七月仇滄柱自都中寓書言北地賈若水見學案

而歎曰此明室數百歲之書也可聽之埋沒乎無何賈

君亡其子醇菴承遺命刻之

見黃黎洲明儒學案序

卽今所傳德

輝堂刻本是也自成書至癸酉歷十八年賈氏之刻本

始出繼賈氏者爲鄭南谿性時在乾隆己未續萬管村

而刻之距賈刻又四十六年矣謝山爲五嶽遊人穿柱

文稱其於黃氏之學表章不遺餘力賈氏顛倒明儒學案之次第正其謬重刻之壽鏞藏有賈氏本與鄭氏本勘比之賈刻首薛河東鄭刻首吳康齋平心而論首河東是也謂之顛倒賈氏不服矣賈氏刻明儒學案總評末條云閻先生別有宋元學案已脫棄藏越城姜定菴家若得此書再刊更爲斯文盛事案黎洲之歿歲在乙亥若水之序則在辛未是成明儒學案之時固卽起草宋元學案之日也藏姜氏之藁若干卷不可考以王艘軒僅舉大要至其子主一耒史始編緝之之說推之則

宋元學案續編

四明藏書
約圖刊本

姜氏所藏固爲黎洲原本也然全謝山作黎洲神道碑於明儒學案曰六十二卷於宋元儒學案則未著卷數而艘軒親見黃氏補本有爲主一手鈔而謝山修補之迹宛然可據者數本陸門諸子小傳謝山筆迹稍異蓋與臨川李氏論陸氏學案時所葺也然則歸諸南谿鄭氏已爲黃氏補本可知矣由鄭氏復歸淮陰楊氏得之者黎洲之孫證孫也謝山見證孫所得楊氏本續修之於是爲八十六卷主一者名百家黎洲季子號耒史凡諸案語能發前人所未發惜姚志不爲主一立傳而僅

附於黎洲傳言行略而不詳耳今讀宋元學案主一所
案多從大處落墨謝山所案則考證其淵源艘軒五橋
所案則分別其異同此據重刻本言之也而始刻實由
於二老閣鄭氏據艘軒所見宋儒學案卷十七標云男
黃百家編門人楊開沅顧諱分緝知當時分任者不一
人而爲之編輯者主一也今屠氏所藏則題黃百家編
全祖望續修鄭大節毛德基校而未著分緝之人然止
序錄一卷與第十七卷橫渠學案上卷則與艘軒所誌
同也艘軒又云月船所藏底藁亦有序錄其文多異又

宋元學案續編

一二四明叢書

約閣刊本

少序錄者九蓋其未定藁也然則鄭氏所刻雖僅及黃
氏補本且僅刻橫渠學案及第十八卷數版因謝山之
卒輟事而謝山序錄鄭氏固刻之矣鄭氏自秦川先生
諱溱與黎洲友善隱居相與論學子梁字寒村受學於
黎洲孫卽南谿嘗合祀秦川先生黎洲先生故名其藏
書之室曰二老閣南谿有子二長大節次中節慈谿志
稱其守家法刻宋元學案者大節也中節亦與謝山爲
友且與天台齊召南仁和杭世駿相往還慈志有傳董
小鈍作謝山年譜雖未足概謝山生平然於修補學案

凡五見四十二歲自荅上至吳門萬陸氏水木明瑟園
有詩曰吳船集舟中取南雷黃氏宋儒學案未成之本
編次序日重爲增定是爲第一見過維揚再館馬氏畚
經堂編纂學案是爲第二見四十三歲重過水木明瑟
園謀刻宋儒學案是爲第三見返武林修宋儒學案是
爲第四見五十歲仍居揚州畚經堂治水經兼補學案
是爲第五見蓋自乾隆十一年丙寅至十九年甲戌八
年之中固無時不在補修中可謂勤矣越年乙亥而先
生歿蓋適後黎洲之卒六十年也謝山在日嘗與諸生

宋孝學案

四一 朔明 歲時

約五 川本

講說學統之流派其弟子中於學統分合窮年兀兀者
以范冬齋鵬爲最有存梅集已刊
人四明叢書冬齋先謝山卒故謝

山爲文哀之董小鈍秉純張望槎炳全□□藻蔣榜菴
學鋪雖盡力於謝山文集而學案之參酌似尙未預卽
盧月船鎬其欲補完宋元學案亦在謝山旣歿而後考
諸牘軒案語謝山卒其書多歸同邑抱經樓盧氏學案
之彙亦雜入其中月船特取學案於抱經宗人而彙已
不全因手錄之臆寫者半未及臆寫者半而月船遽卒
是月船雖與黎洲玄孫稚圭號大俞相往還其以成學

案是任且見諸吟詠

月船詩彙已刊入四明叢書有利姚江黃雅圭見贈原韻詩自注云

君力任與余共成學案謀卽入梓云云

固謀入梓而未及待也月船外孫

黃支山桐孫嘗以是本攜至安徽康中丞節署徧訪皖北諸子謀完是書未果康移節於粵支山又訪粵海諸子又未獲克任校釐者既攜彙歸過西江十八灘行篋盡墜水中惟藏是書之篋獨浮水面於是月船之孫杰愈寶藏之不輕示人已而其家被竊箱籠俱空而學案一笥棄置屋外是學案原彙之存冥冥中固有呵護之者矣臞軒先生淵源家學自其高祖諱炳學於王忝堂

宋末學案彙

五

約園刊本

先生之坪其祖諱鏐又嘗從蔣樗菴游一則爲黎洲三傳弟子一則謝山再傳弟子又復得其師陳石士先生之傳石士少事魯山木長事姚姬傳言宋儒學其祖擬齋先生研究儒先之書獨喜象山陽明之學故臞軒先生受其傳而兢兢於師說補遺之作獨附陳石士宋學說者亦猶黎洲作明儒學案首載山師說也自壬辰訪宋元學案彙以迄戊戌凡七年而宋元學案以成始刻者馮五橋雲濠也而是板燬於壬寅春又自壬寅之秋以迄甲辰之冬更取諸補遺以入正編於是至丙午重

刻宋元學案又成重刻者何子貞紹基也今重刻時原
槧收藏於馮氏伏跗室可案也若補遺之作自丁酉春
以迄戊戌正月先得四十二卷自己亥春以迄庚子冬
續成百卷至辛丑八月而書成蓋距今九十有七年矣
然越歲壬寅因重刻宋元學案轉盡其力於正編而所
謂補遺之編可出問世者又因補遺之槧多有已入正
編者非重加釐訂不可壽鑄既得諸屠氏自癸酉春迄
丙子冬又四歷寒暑抱殘訂墜求助友朋隨校隨刊幸
得戴事讀光緒己卯龍氏重刻宋元學案跋云鄞王氏

補遺百卷未及刊行何氏求得之與所刊版俱燼龍氏
所謂燼者四十二卷槧也若百卷原槧藏諸古裝羅館
者固無恙也今從事而卒業焉豈惟可以慰屠君康侯
亦可以慰先生與宋元諸君子矣因縷述著書之難與
刻書之不易溯厥始末俾讀者參證焉丁丑夏張壽鏞
跋

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本